

沈雲龍教授主編

近代中國史料叢刊

第九十九輯

文海出版社有限公司印行

近代中國史料叢刊

沈雲龍教授主編

近代中國史料種類之繁，卷帙之多，遠過其他時代。就內容而論，可別爲原始資料（Primary sources of materials）與次要資料（Secondary sources of materials）兩類。前者如歷朝實錄、東華錄、政治官報、大臣奏疏、外交檔案、名臣專集、函牘手扎、日記、自訂年譜、回憶錄等；後者如官書傳記、行狀、碑誌、新聞記載、雜誌論文、私人筆記、以及參用史料，專題研究所得而成之史籍，與夫總合敘述史蹟之真相，而使讀者明瞭一事，或一時代之政治外交社會經濟情況之人民生活之專著等，均其明例。

本社向以搜集史料影印流傳爲職志。其卷帙較多之大清實錄、東華錄、十朝聖訓、清季外交史料，政治官報等鉅製，均已先後出版，甚獲好評。茲再商得近代史學家沈雲龍教授之同意，就上述範圍，代爲搜羅選輯卷帙較少而有價值之史料，陸續影印，並承惠允將其所藏罕見之孤本若干種先行借出攝印，以供海內外學人治近代中國史者之參考。

文海出版社謹識

中華民國五十五年十月

傳續 樂院

刊	書	編	江
校	局	譯	楚

近代中國史料叢刊 第九十九輯

目錄

續碑傳集	卷一至卷七 宰輔	繆荃孫纂錄
續碑傳集	卷八至卷十五 部院大臣	繆荃孫纂錄
續碑傳集	卷十六至卷二十三 內閣九卿·翰詹·科道·曹屬·督撫	繆荃孫纂錄
續碑傳集	卷二十四至卷三十一 督撫	繆荃孫纂錄
續碑傳集	卷三十二至卷四十 督撫·河臣·監司	繆荃孫纂錄
續碑傳集	卷四十一至卷五十二 監司·守令	繆荃孫纂錄
續碑傳集	卷五十三至卷五十九 守令·校官·佐貳雜職·武臣	繆荃孫纂錄
續碑傳集	卷六十至卷六十七 武臣·忠節	繆荃孫纂錄
續碑傳集	卷六十八至七十六 藩臣·客將	繆荃孫纂錄
續碑傳集	卷七十七至卷八十六 儒學·文學·孝友·義行·藝術·列女	繆荃孫纂錄

昔宋杜大珪撰名臣碑傳集一百七卷收宋代名臣碑志遺事編次入書以核其人之事功以備國史之采擇意至遠也明徐紘撰明名臣琬珍前後錄五十四卷王元撰續錄八卷國朝錢衍石給諫亦成碑傳集百六十卷一本大珪之例錢書成於道光閒至嘉慶朝爲止迄今又九十年中興偉績賢才薈萃長篇短牘記載較多荃孫不揣禱昧起而續之起自光緒辛巳迄今三十年僅成書八十六卷可謂陋矣搜訪固未廣及然有向其子孫求其先人碑志竟以吾鄉不宜立碑回復者有允而不寄者則亦無可如何荃孫初自刻之卷表稍重經費較多刻至三十餘卷幾欲中輟陶齋制府歸入書局刊行兩年方始成編而書局亦撤矣此書體例一准前編分卷除瀋陽功臣開國宰輔國初功臣明臣宰輔外如宰輔部院大臣內閣九卿翰詹科道曹屬督撫監司守令教官雜職武臣忠節外藩文苑列女各目今悉仍之此所同也今外藩後添客將一目列女中又添辨通一目分經學理學而二仍是道學儒林之習今悉改爲儒學列女所收較嚴又用明琬珍集言行錄例收集句文前編悉收他人之作是編荃孫所撰閒亦闕入重其人不致避嫌而不登載此所異也要皆借名人之文字卽以存名人之事蹟亦或刪

節而無改易事有誤者閒作夾注而已昔曾文正公序李次青先正事
略頗爲推重然事略不注所出又加以圈點至耆獻類徵鈔撮不全
國史所見文集挂漏尤多茲不具論至此編疵類略舉數端跳格空行
體例不一一也劉松巖李菊圃以護院列之督撫吳竹莊署撫而仍列
之監司二也周自龢師應入九卿列之文學原本先師之意朱伯韓孔
宥函應入忠節亦列之文學湯貞愍應入文學而列之忠節雖從其所
重亦不免自亂其例三也前編有附存八篇均歿於道光朝要錄則全
錄要去則全去今只錄盧鄧而遺六人未免進退失據緣自京師攜至
武昌又還金陵遷徙道途不免遺失別無友人襄助付刊時未能覆閱
不敢自諱其過惟後之閱者諒焉又補乾嘉諸名人十四卷現書局已
撤未便再請或俟將來補刊至其有益於學人則曾文正公序先正事
略已言之亦與明焦氏獻徵錄明徐氏皇明碑傳一例茲不贅宣統庚
戌四月四品卿銜翰林院編修江陰繆荃孫序

續碑傳集卷首上

序例

目錄

撰人小傳

卷一

道光朝宰輔

松筠

事略 逸事

沈葆楨 梁章鉅

吉林通志

卷二

道光朝宰輔

戴均元

墓碑 又

包世臣 梅曾亮

英和

逸事 姚瑩

孫玉庭

家傳 又

劉鴻翔 彭昱堯

富俊

吉林通志

章煦

墓志 又

龍汝言

蔣攸銛

事略 李元度

畿輔通志

曹振鏞

安徽通志 逸事

張星鑑

寶興

吉林通志

卷三

道光朝宰輔

長齡

事略

李元度

汪廷珍

事略 李元度

淮安府志

李鴻賓 江西通志

穆彰阿 遜事 吳昆田

潘世恩 墓志 馮桂芬

阮元 傳 劉統崧 事略 李元 弟 子 記 張 魯 一 同

王鼎 墓志 馮桂芬 遺事 湯紀尙

湯金釗 神道碑 魯一 同

卷四

咸豐朝宰輔

杜受田 事略 李元度

文慶 書事 薛福成

卓秉恬 神道碑 馮桂芬

祁寯藻 神道碑 秦細業

翁心存 神道碑 陳 禮 墓志 孫衣言

又 楊彝珍

葉名琛 家傳 胡鳳丹

彭蘊章 傳 董 沛

卷五

同治朝宰輔

周祖培 神道碑 李慈銘

駱秉章 神道碑 蘇廷魁 別傳 李元度

曾國藩 神道碑 李鴻章 墓志 郭嵩燾 別傳 朱孔彭

倭仁 別傳 匡輔之

卷六

光緒朝宰輔

沈桂芬 順天府志

左宗棠 神道碑 吳汝綸別傳 朱孔彰

卷七

光緒朝宰輔

文祥 別傳 匡輔之

寶鋈 別傳 匡輔之

李鴻章 墓志 吳汝綸別傳 朱孔彰

神道碑 吳汝綸

卷八

道光朝部院大臣

黃鉞 安徽通志

劉鑲之 傳 汪封渭

秦瀛 墓志 陳用光

周系英 神道碑 魏源又包世臣

吳其彥 墓志 蔣湘南

吳芳培 安徽通志

王以銜 墓志 姚文田

陳希曾 墓志 陳用光

姚文田 墓志 劉鴻翱

顧皋 墓志 陳用光

戴敦元 別傳 潘詒陳奐

陳若霖 墓志 陳壽祺

卷九

道光朝部院大臣

鄂木順額 遺事述 沈廷

史致儼 神道碑 徐薰

卷十

額勒布

別傳 包世臣

戴聯奎

墓志 姚瑩

鐵保

墓志 汪廷珍

博啟圖

吉林通志

汪守和

江西通志 吳昆田

那彥成

傳 徐士芬

何凌漢

神道碑 阮元

李宗瀚

墓志 陳用光 行狀 鄧顯鶴

道光朝部院大臣

王宗誠

墓志 梅曾亮

姚祖同

神道碑 張履

王引之

墓志 湯金釗 又 奠自珍

白鎔

安徽通志

程恩澤

墓志 阮元

朱士彥

神道碑 季芝昌

李宗昉

墓志 徐士芬

沈維鏞

墓志 陳慶鏞

羅文俊

神道碑 湯紀尙

韓鼎晉

神道碑 鄧顯鶴

黃爵滋

行狀 孫衣言

魏元烺

畿輔通志

李振祐

墓志 黃雲鵠

卷十一

咸豐朝部院大臣

何汝霖

江甯府志

王茂蔭

神道碑 方宗誠

卷十二

袁希祖 家傳 黃雲鶴

潘會瑩 神道碑 墓志 俞 吳汝綸

李 菡 順天府志

魁 麟 遺事 譚宗浚

同治朝部院大臣

李棠階 行實 王 韓

吳廷棟 神道碑 志銘 方宗誠

曹毓英 神道碑 繆荃孫

胡肇智 家傳 方濬頤

石贊清 誌事 方宗誠

吳存義 行狀 譚廷獻

王發桂 畿輔通志

宋 晉 志銘 方濬頤

鄭敦謹 墓志 鄭日敬

卷十三

光緒朝部院大臣

毛昶熙 神道碑 周壽昌

龐鍾璐 墓志 翁同龢

薛 煥 墓志 郭嵩燾 行狀 錢保塘

卓 保 吉林通志

邵亨豫 墓志 俞 樾

顏札景廉 神道碑 李慈銘

桑春榮 順天府志

袁保恆 神道碑 吳汝綸

孫詒經 墓志 譚廷獻

卷十四

光緒朝部院大臣

彭玉麟 神道碑 俞 懋 行狀 王闓運

卷十五

光緒朝部院大臣

童華 墓志銘 翁同龢

郭嵩燾 神道碑 王先謙 畫象序贊 前人 書事 繆荃孫

夏同善 志銘 譚廷獻

許庚身 志銘 馮 煦

楊頤 志銘 王先謙

卷十六

內閣九卿

康紹鏞 神道碑 程恩澤 行狀 李兆洛

盧浙 家傳 尙 銛

卞斌 墓志 陳慶鏞

龔鏜 墓志 潘 劉鴻翱

賀壽慈 神道碑 王定安

祁世長 神道碑 王先謙

徐用儀 志銘 俞 樾

會紀澤 志銘 俞 樾

喬遠瑛 墓志 辛從益

顧純 墓志 程恩澤 又 張 履

陳鴻 傳 潘 諮

許邦光 神道碑 陳慶鏞

金應麟 墓記 宗稷辰

程邦憲 墓表 張履

徐法績 傳 吳敏樹

吳孝銘 武陽志

卷十七

內閣九卿

唐鑑 墓志 曾國藩

吳式芬 墓志 彭蘊章

徐繼畲 山西通志

周玉麒 神道碑 楊峴

朱夢元 墓碑 張裕釗

沈祖懋 行狀 譚廷獻

湯修 墓志 馮桂芬 逸事 吳昆田

李聯琇 墓志 汪士鐸

郭崑燾 神道碑 王先謙 家傳 郭嵩燾

丁紹周 墓志 孫衣言

朱學勤 神道碑 張鳳綸

周家楣 神道碑 繆荃孫

袁昶 墓碑 譚廷獻

盛昱 事略 楊鍾羲

卷十八

翰詹

秦承業 傳 陳作霖

鮑桂星 墓志 陳用光

朱珩 傳 李元度

池生春 墓志 呂錫璜 廟碑 王錫振

徐寶善 墓志 彭邦疇

戚人鏡 墓志 唐鑑

丁善慶 墓志 曾國藩

何紹基 小傳 林昌彝

孫鼎臣 墓表 吳敏樹

劉熙載 墓碑 俞樾

何慶元 行狀 何俊

馮桂芬 家傳 左宗棠

何若瑤 番禺志

孫樹 傳 方宗誠

林天齡 墓表 俞樾

丁立幹 神道碑 俞樾

卷十九

科道

汪桂 墓志 黃桂敷

姚塋 傳 張澍

楊煊 傳 陳作霖

黎光曙 墓志 左宗棠

陳慶鏞 墓志 陳榮仁

梁紹獻 傳 陳澧

黃廷珍 墓表 吳汝綸

何其盛 傳 陳作霖

蔣彬蔚 墓志 錫綬

潘敦儼 傳 顧雲

朱一新 家傳 金武祥

屠仁守 別傳 繆荃孫

卷二十

曹屬

閻學海 志銘 宗稷辰

陳運鎮 傳 潘澂

湯

鵬

行狀 哀銘

王邵 蔭辰 敬

傳 焮 瑩

汪遠孫

志銘

胡敬

周孝燠

志銘

朱綬

韋坦

墓表 家傳

魯一 馮桂芬

吳養原

志銘

許宗衡

劉啟元

行狀 志銘

彭昱堯 王宗誠

王協夢

別傳

王翼鳳

石廣均

家傳 志銘

方宗誠

何秋濤

墓表

黃彭年

余光倬

志銘 武陽志

薛福成 亢樹滋

蔣大鏞

家傳

薛福成

吳嘉淦

傳 志銘

亢樹滋

端木琛

傳

陳作霖

卷二十一

道光朝督撫一

李堯棟

神道碑

陳用光

吳熊光

墓碑

包世臣

顏檢

畿輔通志

楊護

申啟賢

畿輔通志

葉世倬

神道碑

朱彬

戴三錫

神道碑

程恩澤

楊健

傳

李元度

唐仲冕

神道碑

戴和

程國仁

墓志銘

陳用光

伍長華

江甯府志

盧坤

事略

李元度

曾燠

別傳

包世臣

卷二十二

道光朝督撫二

趙慎畛

傳 楊彝珍 瑩 姚 李 惺

何煊

墓志銘 劉鴻翔 王 贈 芳 峴

楊遇春

神道碑 墓志銘 何日愈

朱為弼

墓表 楊 峴

卷二十三

道光朝督撫三

陶澍

神道碑 陳 魏 源 行狀 陳 魏 源 神道碑 方宗誠

朱桂楨

墓志銘 潘 宗 稷 辰 張 星 鑑 逸事 宗 稷 辰 鄧 顯 鶴

陳鏜

神道碑 方宗誠

裕泰

家傳 宗 稷 辰 鄧 顯 鶴 紀功碑 安徽通志

劉韻珂

記事 邵 懿 辰 墓表 宗 稷 辰

程霖采

志銘 梅 曾 亮 書事 前人

托渾布

墓表 宗 稷 辰

鄧廷楨

志銘 梅 曾 亮 書事 前人

卷二十四

道光朝督撫四

祁 墳

墓志銘 張 穆 金安清 別傳

賀長齡

墓志銘 唐 鑑 李元度 逸事 曾 寅 光

林則徐

傳 金安清 別傳

管適羣

武陽合志

費開綬

武陽合志

李星沅

別傳 李 元 度 書後 朱 琦

卷二十五

咸豐朝督撫五

王植 畿輔通志 安徽通志

程喬采 江西通志

周天爵 安徽通志 陳繼聰

陸建瀛 傳 王闓運 周壽昌

季芝昌 墓志銘 曾國藩

羅繞典 別傳 李元度

李嘉端 順天府志

呂佺孫 武陽合志

胡林翼 別傳 李元度 朱孔彰

卷二十六

同治朝督撫六

惲光宸 畿輔通志

黃贊湯 江西通志

李續宜 神道碑 曾國藩

毛鴻賓 神道碑 陸心源

韓超 畿輔通志

勞崇光 別傳 李元度

張亮基 別傳 李元度 楊象濟

袁甲三 安徽通志

劉源灝 順天府志

馬新貽 神道碑 孫衣言

蔣志章 江西通志

吳棠 事略 吳昆田 黃雲鶴

卷二十七

同治朝督撫七

李福泰 神道碑 万濬頤

惲世臨 墓表 湯紀尙

王凱泰 神道碑 俞 懋

蔣益澧 別傳 朱孔彰 家傳 王先謙

喬松年 墓志銘 方濬頤

劉 蓉 墓志銘 郭嵩燾

沈葆楨 傳 顧 雲 事略 李元度

卷二十八

同治朝督撫八

劉嶽昭 墓志銘 郭嵩燾

楊重雅 江西通志

劉 典 墓志銘 郭嵩燾 別傳 朱孔彰

黎培敬 神道碑 王先謙 又 易佩 神 吳汝綸

張樹森 神道碑 吳汝綸

張 曜 神道碑 譚廷獻

鮑源深 墓志銘 黎庶昌

錢鼎銘 墓志銘 李鴻章

彭祖賢 墓志銘 衛榮光

丁寶楨 墓志銘 趙國華 書事 薛福成

文 彬 墓志銘 錫 祺

卷二十九

光緒朝督撫九

劉長佑 行狀 王定安

陳士杰 行狀 王闓運

卷三十

光緒朝督撫十

曾國荃 別傳 朱孔彰

李用清 神道碑 楊 頤

陳寶箴 墓志銘 范當世

李瀚章 墓志 李鴻章 匡輔之

岑毓英 碑 翁同龢

楊岳斌 神道碑 王先謙

劉郁膏 神道碑 俞 樾

卷三十一

光緒朝督撫十一

劉坤一 別傳 朱孔彰

劉秉璋 別傳 朱孔彰

沈秉成 墓志銘 俞 樾

劉銘傳 神道碑 馬其昶

張兆棟 墓志銘 程先甲

譚鈞培 神道碑 俞 樾

卷三十二

光緒朝督撫十二

吳大澂 墓志銘 俞 樾

劉瑞芬 神道碑 俞 樾

陶 模 墓志銘 陳 豪

廖壽豐 墓志銘 俞 樾

張聯桂 墓志銘 俞 樾

譚祖翼 墓志銘 繆荃孫

李興銳 神道碑 王先謙
曾鈺 事略 左孟起

馬丕瑤 神道碑 李秉衡

卷三十三

河臣

黎世序 江西通志

張井 淮安府志

吳邦慶 畿輔通志

栗毓美 墓志銘 張穆 家傳

麟慶 墓志銘 宗稷辰

潘錫恩 安徽通志

楊以增 神道碑 龍啟瑞

附從姪小西家傳 鄒鳴鶴

卷三十四

道光朝監司一

廖寅 墓志銘 姚文田

熊方受 行狀 包世臣

劉衡 傳 吳嘉賓

潘恭常 書事 錢儀吉

成世瑄 傳 劉淳

吳廷琛 墓志銘 朱珩

王鳳生 墓表 魏源

王家相 家傳 梅曾亮

屠之申 畿輔通志

俞德淵 書事 姚瑩

卷三十五

林培厚 墓表 邵懿辰
李文耕 行狀 王贈芳

查崇華 神道碑 包世臣
趙仁基 神道碑 曾國藩

道光朝監司二

孔慶瑚 墓志銘 宗稷辰

姚瑩 墓志銘 徐子苓 墓表
徐宗亮 傳 吳嘉賓

李象鵬 家傳 李星沅

劉遵海 墓碑 郝植恭

舒化民 傳 方宗誠

馬志燮 家傳 宗稷辰

有慶 事略 吳昆田

王篤 墓志銘 宗稷辰

桂文耀 墓碑 陳澧

汪本銓 神道碑 謝應芝

張印塘 墓表 吳汝綸

倪良曜 墓碑 張裕釗

余炳燾 墓志銘 宗稷辰

裘寶鏞 家傳 施補華

張祥晉 墓碑銘 陳澧

吳其泰 傳 蔣日豫

卷三十六

咸豐朝監司三

沈棣輝 家傳 郭嵩燾
神道碑 陸心源

王鑫 別傳 李元度

馬秀儒 記事 徐宗亮

鄧仁堃 家傳 李元度

蕭啟江

別傳 李元度

崔伺

順天府志

張啟煊

紀功碑 孫衣言

栗耀

山西通志

秦金鑑

神道碑 馮桂芬

張曜孫

墓志銘 莊受祺

王檢心

墓志銘 程任士鐸

史致諤

墓志銘 方濬頤

朱善張

志銘 錢振倫 湯紀尚

蕭浚蘭

神道碑 董沛

卷三十七

同治朝監司四

馮志沂

安徽通志

黃良楷

江西通志

丁彥臣

家傳 趙國華

黃輔辰

墓表 郭嵩燾 劉蓉

袁保慶

墓表 孫衣言

姚錫華

墓表 鄧嘉楫

張集馨

墓志銘 薛福成

尹耕雲

墓表 吳昆田

吳坤修

墓銘 程鴻詔 方濬頤

李鴻裔

墓志銘 黎庶昌

劉于濤

江西通志

任蘭生

神道碑 黎庶昌

劉嶽峻

記事 杜俞

卷三十八

光緒朝監司五

席寶田 神道碑 郭嵩燾

陸增祥 墓志銘 俞樾

王必達 神道碑 端木埙

樊希棣 傳 俞樾

李鶴章 墓碑 馬其昶

杜文瀾 墓志銘 俞樾

吳雲 墓志銘 俞樾

劉連捷 神道碑 郭嵩燾

丁壽昌 墓表 薛福成

李桓 墓表 譚廷獻

吳大廷 墓志銘 吳汝綸

高卿培 墓志銘 俞樾

翁學本 家傳 俞樾

洪汝奎 神道碑 繆荃孫

卷三十九

光緒朝監司六

李元度 神道碑 王先謙

王德榜 墓志銘 王闓運

陳湜 墓志銘 王先謙

劉盛藻 別傳 朱孔彰

桂中行 墓志銘 馮煦

宗源瀚 墓志銘 譚廷獻

施補華 墓志銘 楊峴

唐樹森 墓志銘 俞樾

劉含芳 墓碑 馬其昶

康國器 墓志銘 馮煦

沈鎔經 行狀 譚廷獻

錢志澄 墓志銘 俞樾

卷四十

守令一

張敦仁

江西通志

朱承澧

墓志銘

梅曾亮

蔣因培

墓志銘

黃安壽

紀大奎

江西通志

蓋方泌

墓志銘

又梅曾亮

汪彥口

家傳 盛大士

陳世昌

墓表

唐仲冕

張作楠

書事 張星鑑

武新安

記 徐時棟

申汝慧

行狀 沈欽韓

惲敷

政績記

錢泰吉

盛惇大

墓志銘

李兆洛

劉珊

墓志銘

陸繼翰

趙瑜

墓志銘

宗稷辰

萬承紀

傳 陳文述

劉思敬

墓表 呂璜

葉維庚

行狀

李兆洛

譚光祐

墓志銘

陳用光

張聰賢

傳 方宗誠

卷四十一

守令二

鄭敦允

傳 周樹槐

陸成本

傳 姚瑩

沈欽霖

墓志銘

劉鴻翔

書綸

家傳 何日璩

崔偲

順天府志

鄭雲龍

墓表 梅曾亮

朱鳳森 墓志銘 鄧顯鶴

張翊 墓表 蔣影

陶克讓 家傳 潘德輿

管繩萊 傳 程鴻詔

石家紹 江西通志

秦緝武 家傳 梅曾亮

何長敦 墓表 陳慶鏞

葉德豫 墓志銘 朱桂楨

吳煥彩 傳 呂黃

賈大夏 墓志銘 徐士芬

呂子班 墓志銘 李光洛

錢聚仁 墓表 錢泰吉

呂榮 墓志銘 徐廷華

陳熙 墓志銘 王贈芳

黃克昌 家傳 黃懷孝

卷四十二

守令三

楊兆杏 傳 易變堯 彭毓松

楊兆李 傳 易變堯 家傳 王先

周錫齡 墓志銘 鄒漢勳

戴祀 傳 戴變元

白璟 以下為三賢傳 唐祖价

衛際可 同上

葉攀麟 同上

周振之 墓志 蔣湘南

徐璈 墓志銘 方東樹

張希呂 墓志 王拯

唐汝明 事狀 吳昆田

陳煦 墓志銘 楊國楨

劉詩 墓表 張裕銘 楊兆璜 墓表 王陳慶鏞
姚東之 墓志銘 東樹 方 周際華 周 顯 墓志銘 兩世循吏傳 方宗誠

卷四十三

守令四

曹瑾 墓志銘 李棠階 汪喜荀 墓表 王翼鳳
潘光奉 墓志銘 方宗誠 楊傳榮 墓志 徐廷華
梁口口 墓表 孫衣言 張鎮南 山西通志

喬晉芳 山西通志 黎恂 行狀 鄭珍

夏鴻時 墓志銘 莫友芝 姚榑 墓志銘 顧廣譽

裘寶善 家傳 施補華 畢楚珍 墓志銘 何日愈

孫福謙 墓表 陸心源 洪慶華 別傳 李元度

王世耀 家傳 王耕心 王蔭昌 家傳 王耕心

卷四十四

守令五

李枝青 事狀 戴望 朱啟鴻 傳 方宗誠
張嗣康 傳 吳敏樹 黃秩林 墓表 孫衣言

甘來旬 書事 趙樹吉

樊琨 傳 俞 懋

李傳猷 記事 汪士鐸

黃冕 事略 郭嵩燾

祁兌 墓表 方濬師

鍾鴻逵 墓碑 謝章铤

王繼庭 順天府志

蔣照 傳 汪士鐸

黃宜之 墓志銘 方濬師

范泰亨 墓志銘 趙樹吉

彭洋中 墓表 劉 蓉

俞林 家傳 俞 懋

厲秀芳 家傳 程 曉

林達泉 墓志銘 黎庶昌

卷四十五

守令六

札克丹 荊州駐防志

賀逢吉 墓表 薛福保

蒯德模 墓志銘 馮 煦
神道碑 李鴻章

李金鏞 墓志銘 端木珠

方胙勳 墓志銘 吳昆田

章儀林 墓表 馬其昶

方昌翰 墓志銘 馬其昶

陳介璋 記事 吳昆田

婁詩漢 家傳 杜 俞

劉履芬 墓志銘 高心夔

姚延福 墓志銘 鄧嘉緝

蔣師轍 墓志銘 鄧嘉緝

陳艾 墓志銘 馬其昶

李圭 事狀 李 詳

陳翼舉 墓表 馬其昶

方端蘭 家傳 秦樹聲

卷四十六

校官

趙鍾書 書事 陸繼翰

張鼎 墓志銘 姚椿

程希濂 傳 潘諮

夏鑾 傳 方宗誠

沈寶麟 行狀 錢泰吉

孫葆恬 家傳 吳敏樹

連仲愚 墓志銘 俞樾

曹藍田 墓志銘 徐子苓

戴漢翔 書事 曹藍田

繆兆禧 家傳 王寶仁

李溶 墓表 方宗誠

唐瑩 教思碑 唐廷獻

強汝詢 墓志銘 馬其昶

卷四十七

佐貳雜職

趙學彭 墓志銘 張穆

沈鈺 傳 黃雲鶴

劉光宣 傳 蘇惇元

楊瑀 書事 何慶元

周詒棫 墓志銘 沈道寬

王廷偉 傳 錢寶琛

朱兆奎 墓志銘 宗稷辰

吳榮輔 衡陽縣志

吉彥英 衡陽縣志

陸憲曾 家傳 宗稷辰

陸枚 墓志銘 譚廷獻

陸昉 記事 程 琬

王潤江 同上

孫葆均 同上

卷四十八

武臣一

倭星額 神道碑 劉鴻翱 毛嶽生

孫大剛 家傳 俞 樾

哈郎阿 吉林通志

劉清 家傳 梅曾亮 又 前人

沈烜 傳 董 沛

楊芳 事略 李元度 琦

卷四十九

武臣二

裘安邦 詩傳 劉鴻翱 王效成

觀喜 傳 姚 瑩

阿勒罕保 吉林通志

汪道誠 江西通志

倪起蛟 神道碑 徐時棟

祥康 吉林通志

鍾昌 家傳 潘德輿

史善載 墓碑 錢儀吉

龔鎮海 墓志銘 王贈芳

額勒精額 荊州駐防志

許松年 墓表 邵懿辰

蘇兆熊 傳 吳嘉賓

王得祿 傳 姚 堃

羅思舉 傳 顧復初 堃

祝廷彪 墓志銘 李 惺

桂 涵 記事 嚴學詮

曾 勝 行狀 王 拯

卷五十

武臣三

齊 慎 家傳 張 穆

郭繼昌 墓志銘 馮桂芬

黃廷珠 墓碑 魯一同

巴清德 吉林通志

林廷猷 墓志銘 陳慶鏞

向 榮 傳 陳繼聰

陳階平 行狀 包世臣

何文韜 傳 嚴如煜

劉天保 書事 蔣湘南

張青雲 墓志銘 顧復初

馬濟美 神道碑 朱學勤

塔齊布 行狀 楊彝珍 別傳 李元度

卷五十一

武臣四

楊昌泗 傳 王先謙

固 慶 吉林通志

託雲保 吉林通志

蔣東才 亳州志

富 春 吉林通志

吳 璋 畿輔通志

富明阿 戰略 屠 寄

英翰 行狀 董 沛

程學啟 麻道碑 吳汝綸

許保清 墓志銘 賈 雲

江忠義 別傳 李元度

安勇 畿輔通志

陳國瑞 事略 洪良品

卷五十二

武臣五

鮑超 別傳 朱孔彰

德音 吉林通志

關保 吉林通志

德玉 吉林通志

花哩雅春 吉林通志

馮標 傳 陳繼聰

保恆 行狀 劉達善

宋國永 傳 陳繼聰

魁玉 荆州駐防志

郭松林 家傳 郭嵩燾

金順 吉林通志

穆圖善 吉林通志

朱洪章 書事 黎庶昌

周盛波 別傳 朱孔彰

周盛傳 神道碑 馮 煦
墓志銘 吳大澂

卷五十三

武臣六

黃翼升 神道碑 俞樾

長順 神道碑 顧雲

田興恕 廟版文 繆荃孫

楊鼎勳 別傳 朱孔彰

李成謀 別傳 朱孔彰

李朝斌 別傳 朱孔彰

吳長慶 別傳 朱孔彰

王永章 神道碑 郭嵩燾

周達武 神道弟二碑 繆荃孫

馮子材 別傳 朱孔彰

宋慶 別傳 朱孔彰

楊金龍 事略 王治乾

卷五十四

忠節一

呂賢基 別傳 李元度

孫銘恩 傳 葉裕仁 俞樾

馮培元 傳 陳繼聰

戴熙 祠記 行狀 邵懿辰

張錫庚 權厝志 陸心源

張芾 神道碑 孫衣言

沈炳垣 傳 陳繼聰

帥遠燁 傳 李元度

朱麟祺 傳 方宗誠

徐會庚 別傳 陸心源

孫家泰 傳 方濬師

鍾淮 傳 方宗誠

邵懿辰 墓志銘 曾國藩

馬劍 傳 馮桂芳

趙起 傳 方宗誠

吳可讀 傳 紀略 蔡壽祺 劉枝彥

卷五十五

忠節二

裕 謙事略 魯一同

蔣文慶 神道碑 魯一同

常大淳 別傳 李元度 周壽昌

鄒鳴鶴 行狀 侯楨 又薛福成

江忠源 神道碑 方宗誠 曾國藩

楊象濟 珍記 別傳 李元度

卷五十六

忠節三

吳文鎔 神道碑 李元度 吳昆田

陶恩培 家傳 鄧嘉楨 尹耕雲

吉爾杭阿 傳 陳繼聰

李續賓 神道碑 曾國藩 別傳 方宗誠

卷五十七

忠節四

羅遵殿 神道碑 李元度 莊受祺 傳 方宗誠

徐有壬 行狀 戴俞 望 別傳 陸心源

王有齡 傳 陳繼聰 潘鐸 傳 陳繼聰 陳作霖

鄧爾恆 傳 陳繼聰 祁宿藻 傳 陳繼聰

瑞元 神道碑 宗稷辰 顧壽楨 謝子澄 廟碑 侯楨 械

唐樹義 神道碑 吳敏樹 莫友芝

卷五十八

忠節五

徐豐玉 傳 方宗誠

周玉衡 墓志銘 彭蘊章

江忠濟 傳 陳繼聰

張汝瀛 志銘 宗稷辰

羅澤南 神道碑 曾國藩 李元度

何桂珍 碑記 曾國藩 墓表 李元度 傳 倭

劉騰鴻 與弟騰鶴合傳 李元度 傳

金光飭 墓志銘 馬桂芬 戴鈞衡

卷五十九

忠節六

劉騰鶴 同上

劉存厚 傳 馮桂芬

溫紹原 祠碑 徐肅 傳

孫守信 與丁銳義合傳 李元度 傳 王闡運

曾國華 哀辭 曾國藩 與弟國葆合傳 李元度

曾國葆 同上 繆梓 事狀 趙之謙

卷六十

忠節七

田玉梅

別傳 李元度

傳 陳繼聰

彭斯舉

別傳 李元度

孔昭慈

墓志銘 宗稷辰

趙景賢

別傳 李元度

張運蘭

別傳 李元度

彭毓橋

別傳 李元度

徐曉峰

傳略 孫衣言

黃醇熙

傳 陳繼聰 王閻運

黃潤昌

傳 王先謙

郭沛霖

傳 胡增廓

卷六十一

忠節八

師長治

墓志銘 魏源

王淑元

墓表 王拯

王鼎銘

傳略 謝世元

高源祉

家傳 宗稷辰

明善

傳 徐宗亮

沈行慶

傳 方宗誠

劉同纓

傳 顧壽楨

覺羅豫立

傳 戴燮元

袁祖惠

書事 蔣敦復

金雲門

傳 方宗誠

李源

碑記 張裕釗

陳肖儀

傳 方宗誠

唐盛

書事 薛福成

周憲曾

書事 方宗誠

陳源

書傳

周壽昌

唐治

又傳

戴鈞

臧紆

傳

方宗誠

德克登額

同上

謝繼超

書傳

周壽昌

張積功

書傳

謝應芝

世焜

傳

方宗誠

韓體震

同上

卷六十二

忠節九

陸維澣

墓表

趙樹吉

鹿丕宗

祠碑

王國運

于松

墓碑

徐子苓

李載文

順天府志

陳宗元

行狀

沈日富

金寶樹

墓碑

馮桂芬

湯世詮

墓志

謝應芝

彭汝璋

書傳

楊彝珍

楊承照

書傳

鮑源深

銘岳

書事

吳昆田

林源恩

碑記

曾國藩

傅自銘

墓碑

徐時棟

鄧玲筠

別傳

李元度

何忠駿

別傳

李元度

卷六十三

忠節十

羅萱

別傳

李元度

趙榮祺

下傳

李元度

以

安和同上

吳熊同上

李福培與王恩綬合傳 李元度 書事 張星鑑

王恩綬同上 墓志銘 薛福成 馮桂芬

李右文順天府志

王懷清傳略 蔣日豫

廖宗元別傳 陸心源

瑞春傳 陸心源 以下為二忠傳

鄂爾霍巴同上

許承嶽書事 施補華

繆樹本家傳 譚廷獻

戴鹿芝墓表 俞樾

王仁福傳 尹耕雲

年順行墓表 傅桐

胡澤順傳 方宗誠

儲致躬行狀 劉基定 王闓運

王汝貴傳 方宗誠

全福行狀 黃安濤

周大勳傳 周壽昌

章芳傳 戴楫

戴崧家傳 戴燮元

趙映南傳 吳嘉賓

張寶華二典史傳 戴鈞衡 方宗誠

又

平原同上

鍾晉塘傳 戴鈞衡

毛英勃湘陰圖志 湘軍志

卷六十四

忠節十一

音登額 傳 姚 瑩

關天培 家傳 魯一同

王錫朋 神道碑 陳慶篤 家傳 李元度 翁自亮

葛雲飛 行狀 宗稷辰 墓表 邵誌辰

鄭國鴻 傳 李元度

陳化成 紀略 袁翼 墓象記 彭昱堯 姚

陳聯升 義馬贊 王 拯

烏蘭泰 傳 陳繼聰

長 瑞 雙忠廟神 侯 植

長 壽 同上

祥 厚 傳 陳繼聰

湯貽汾 復傳 顧壽楨 行略 蔣敦 書事 楊象濟

卷六十五

忠節十二

孝 順 書事 鮑源深

童添雲 與彭三元合 傳 李元度

彭三元 同上

全玉貴 書事 黎庶昌

陳智泉 記事 方宗誠

周雲耀 別傳 李元度

蕭捷三 與周清元合 傳 李元度 陳繼聰

周清元 同上

王國才 傳 戴 樹

畢金科 碑記 曾國藩 傳 陳繼聰

周兆熊 傳 戴 樹

鄧紹良 與瞿騰龍合傳 李元度 墓表 陳繼聰

瞿騰龍 同上

虎坤元 傳 陳繼聰

蕭意文 五人合傳 李元度

彭友勝 同上

劉神山 同上

周福高 同上

彭志德 同上

邱聯恩 傳狀 方宗誠 尹耕雲

卷六十六

忠節十三

張國樑 小傳 蔣桂芬 蔣敦復

書事狀 顧雲 又程 晚

樂善 記事 方宗誠

周天受 安徽通志

伊興額 又事略 吳稷 棠

饒廷選 別傳 李元度

瑞昌 傳 陳繼聰

傑純 傳 前人

陳大富 別傳 李元度

石玉龍 三人合傳 李元度

滕家勝 同上 陳作霖

熊天喜 同上

卷六十七

忠節十四

蔡東祥 湘陰圖志

陳明志 三人合傳 李元度

江忠信 同上 方宗誠

蕭翰慶 同上

陳萬勝 三人合傳 李元度

郭鵬程 同上

王紹義 同上

多隆阿 別傳 李元度

明緒

傳

陳繼聰

平瑞

傳

陳繼聰

曹仁美

湘陰圖志

梁洪勝

傳

王先謙

張樹珊

事狀

方宗誠

卷六十八

忠節十五

唐殿魁

墓志銘

方濬頤

高連陞

別傳

李元度

趙德光

神道碑

黎庶昌

劉松山

祠堂碑

周壽昌

別傳

保恆

保惠二公合傳

惠慶

同上

威應洪

別傳

朱孔彰

楊玉科

別傳

朱孔彰

嚴景輝

與史鶴合記

史鵠

同上

李廷揚

書事

彭泰來

伍連魁

傳

吳嘉賓

石紹漢

傳

施補華

馮桂增

臨胸縣志

李世鴻

志銘

詳

楊文軒

傳

方宗誠

錢貴陞

記事

王炳燮

卷六十九

忠節十六

袁樂忠

傳

王拯

祝佩五

傳

前人

何霖 家傳 龍啟瑞

張繼庚 傳 尹耕雲

朱琦 傳 許宗衡

程慶燕 傳 前人

方先甲 傳 方宗誠

方恩露 同上

吳調鼎 傳 方宗誠

方曜 同上

鍾繼昌 傳 方宗誠

吳廷香 傳 張裕釗

馬三俊 傳 方宗誠

張勳 傳 前人

朱鳳鳴 傳 曹藍田

牧倓 傳 戴鈞衡

張開運 傳 方宗誠

葉瑞庭 傳 前人

曹綬卿 傳 方宗誠

尹寶鈺 傳 方宗誠

曹禾 傳 謝應芝

馬善 家傳 馮桂芬

張家珍 傳 孫衣言

馮福基 傳 莫友芝

惠喜桂 傳 左宗棠

惠廣東 同上

惠協吉 同上

傅洪 傳 蘇淳元

卷七十

藩臣

僧格林沁 別傳 朱孔彰

伯錫爾 傳 陶保廉

客將

華爾

小傳 馮桂芬

法爾第福

別傳 朱孔彰

哇樂德克

別傳 前人

戈登

別傳 前人

卷七十一

儒學一

吳士模

與王獻同書

王獻

同上

姚學瑛

魏源 又

湯紀尙

行狀 張履傳 潘

夏鑿

墓志銘 胡培翬

佟景文

墓志銘 宗稷辰

潘德輿

行狀 魯一同

徐堂

墓志銘 董兆熊

張履

湯紀尙

劉傳瑩

墓志銘 曾國藩

劉燦

家傳 黃式三

王汝謙

墓志銘 李宗階

呂緝熙

方宗誠

王約

家傳 黃式三

朱道文

方宗誠

潘諮

傳 湯紀尙

閻淑震

方宗誠

陳壽熊

傳 方宗誠

伊樂堯

傳 方宗誠

蘇源生

墓表 方宗誠 孫衣言

卷七十二

儒學二

莊有可 傳 左 韓

汪龍 傳 胡培翬

徐養原 墓志銘 錢儀吉

劉逢祿 傳 李光洛 履

王念孫 行狀 戴士芬

李黼平 墓志銘 葉廷枏

董祐誠 傳 李兆洛

郝懿行 墓表 胡培翬

薛傳均 墓志銘 劉文洪

周中孚 述 戴望 湯紀向

胡承琪 別傳 胡培翬

嚴可均 逸事 楊 峴

卷七十三

儒學三

李兆洛 傳 包世臣 又 形

方申 傳 劉文洪 蔣

胡培翬 墓志銘 汪士鐸

馬瑞辰 訛事 方宗誠

張鑑 傳 楊 峴

劉寶楠 事狀 戴 望

凌塋 墓志銘 戴 望

莫與儔 墓表 曾國藩

張穆 山西通志 程鴻詔

黃式三 別傳 譚廷獻 施補華

戚壽恭 述 楊 峴

龐大塋 墓表 孫衣言

苗夔 墓志銘 曾國藩

卷七十四

儒學四

江藩 儒林傳彙

凌曙 墓表 包世臣

楊覲

劉文淇 儒林傳彙

陳奐 行狀 戴 望 傳 張星 述

雷學淇 儒林傳彙

丁晏 同上

王筠 同上

柳興恩 同上

陳澧 同上

鄭珍 墓表 黎庶昌

陳立 墓志銘 劉恭冕

劉毓崧 家傳 程 旣

汪士鐸 儒林傳彙

陳喬樞 墓志 謝章铤

鄒漢勳 事略 李元度

卷七十五

儒學五

張文虎 墓志銘 繆荃孫

黃以周 墓志 繆荃孫

桂文燦 儒林傳彙

姚 諶 行狀 戴 望

戴 望 哀辭 張星 監 杖

胡培系 傳 楊 覲

劉壽曾 家傳 劉恭冕 汪士鐸

劉熙載 儒林傳彙 蕭 穆

卷七十六

文學一

俞樾

行狀 穆荃孫

鄭泉

傳 馬其羽

陳玉樹

墓志 李詳

趙聖

傳 陳慶年

彭兆蓀

墓志銘 姚椿

黃乙生

傳 吳育

趙坦

傳 陳墉

周為漢

家傳 姚椿

陳揆

傳 孫原湘

劉開

墓表 方宗誠

張士元

傳 錢儀吉 姚文田

戴清

傳 劉文淇

孫原湘

行狀 趙允懷

管同

墓志 方東樹

張宗泰

家傳 薛壽

沈欽韓

墓志銘 王璽

趙紹祖

墓志銘 陶澍

丁履恒

家傳 吳世臣

李貽德

傳 徐士芬

吳鋌

墓志銘 謝應芝

卷七十七

文學二

陸繼輅

墓志銘 李兆洛

黃汝成

家傳 李兆洛 葛其

吳崑梁

江西通志

周濟

芬傳 魏源 沈銘石 徐士

丁晏

端木國瑚 傳 墓表 湯紀尙 宗稷辰

董士錫 傳 吳德旋 墓志銘 姚椿

顧廣圻 墓志銘 李兆洛 墓志銘 姚椿

吳德旋 墓志銘 姚椿

毛嶽生 墓志銘 姚椿

湯洽名 傳 吳德旋

侯康 二侯傳 陳澧

侯度 同上

齊彥槐 墓表 方濬頤

王塗 傳 張履

梅植之 墓志銘 劉文淇

張澍 墓志銘 錢儀吉

朱振采 傳 陳喬縱

林伯桐 小傳 張維屏

歐陽輅 傳 王先謙

卷七十八

文學三

徐松 畿輔通志

周儀暉 家傳 梅曾亮

沈復粲 墓表 宗稷辰

張際亮 傳 姚瑩

劉淳 傳 王柏心

奚疑 以下四友傳 施補華

周農 同上

王漁 同上

陳長孺 同上

鄭璜 墓志銘 董兆熊

鄧顯鶴 墓表 曾國藩 傳 又墓表 劉基定

卷七十九

文學四

沈豫 傳 宗稷辰

彭昱堯 墓表 王拯

姚椿 行狀 沈日富

杜煦 墓志銘 宗稷辰

俞正禧 傳 程鴻詔

包世臣 書爭 謝應芝

朱琦 傳 方宗誠

戴鈞衡 樵厝志 方宗誠

孔繼錄 傳 吳昆田

張維屏 墓碑銘 陳澧

董兆熊 墓志 楊象濟

顧錫祉 以下懷舊記 張星盤

錢綺 同上

季錫疇 同上

王振聲 同上

李可玖 同上

馬釗 同上

何秋濤 同上 見前

葉名澧 同上

顧瑞清 同上

袁璫 同上

黃穆之 以下五友傳 葛其仁

陳琢 同上

毛嶽生 同上 見前

錢師康 同上

莊爾保 同上

向師棟 哀辭 薛福成

季錫疇

傳 葉前 葉仁

周學汝

墓表 戴望

程慶餘

墓版文 戴望

魯一同

又傳 吳昆田

錢泰吉

墓表 曾國藩

莫友芝

別傳 張裕曾

胡澍

事狀 胡培系

薛壽

家傳 劉壽曾

鄭獻甫

傳 陳澧

許榘

家傳 譚廷獻

陳潮

家傳 楊亮

許翰

傳 楊鐸

卷八十

文學五

徐時棟

墓表 董沛

王柏心

墓志銘 郭嵩燾

吳敏樹

傳 杜貴輝 墓表 郭嵩燾

譚瑩

南海縣志

楊翰

墓志 楊彝珍

王軒

山西通志

蔣春霖

傳 金武祥

高心夔

傳 湯紀尙 事略 朱之榛

周壽昌

行狀 周禮昌

薛時雨

志銘 顧廷獻 行狀 顧廷雲

周星譽

家傳 金武祥

方宗誠

志銘 譚廷獻

方恮

事狀 方恆

范當世

事略 金鈺

卷八十一

文學六

丁丙 家傳 俞 懋

莊士敏 小傳 譚廷獻

吳懷珍 以下亡友傳 譚廷獻

楊象濟 同上

莊棫 同上

王詒壽 同上

沈用熙 傳 馬其昶 張文運

沈景修 志銘 譚廷獻

汪琬 志銘 陳寶箴

卷八十二

孝友

李開禛 書事 宗稷辰

劉希向 書事 董鈞宰

萬孝子 傳 姚 瑩

丁德輔 傳 方宗誠

劉庠 志銘 王耕心 筆記 繆荃孫

徐子苓 傳 馬其昶

龔公襄 同上

楊傳第 同上

魏錫曾 同上

王麟書 同上

陶方琦 家傳 譚廷獻

吳汝綸 志銘 馬其昶

姚燮 墓表 董 沛

董沛 行狀 董楷祺

黃以炳 家傳 潘德輿

鄧顯鵬 傳 鄒漢勳

方其明 傳 方宗誠

鄭立本 記事 前人

李廣揚

以下兩孝子

雷光地

同上

張淮

以下二張孝子

張庭標

同上

項霽

以下項氏兩先生

項傳霖

同上

呂敦孚

李元度

左樹德

以下三孝子

劉桂枝

同上

王靖

同上

趙深彥

方宗誠

方宗建

記事 前人

任騎馬

記事 方宗誠

汪如松

書事 陳立

李文才

周乃大

戴高

墓志 許錫祺

朱孝子

楊炎昌

齊占魁

碑銘 馮煦

卷八十三

義行

王三

孫原湘

張秀才

書事 戴鈞衡

崔萬吉

許宗衡

田裕

書事 宗稷辰

繆季

楊熙之

錢江

書傳 施補華

張叟

葉觀揚

周昌發

贈序 徐子苓

鄭貴

孫衣言

任隨成

記事 方宗誠

卷八十四

藝術

邢清源傳 宗稷辰
宋澤傳 李元度

潘錦芳傳 施補華

劉錫瑜家傳 包世臣

馬太初書事 徐子苓

劉澤墓表 蔣慶第

劉登俊墓表 前人

黃龍祥墓表 薛壽

毛大鵬傳 馮登府

蕭人官傳 許宗衡

江嗣珏傳 徐琰

張崧傳 張履

闕嵐墓志銘 沈道寬

湯鉞家傳 趙國華

張宜尊傳 舒燾

湯蠖傳 周壽昌

胡震小傳 蔣敦復

王禮傳 繆朝荃

孔昭孔墓志銘 李兆洛

卷八十五

列女一

賢明

陳裴之妻汪氏傳 胡敬
陳鴻妻錢氏傳 蔣敦復

楊芳妻龍氏

志銘

程恩

趙

趙

妻歸氏

家傳

趙允懷

趙允懷

趙允懷

孝淑

袁樂疇妻陶氏

傳

王

孫

楊士超

妻

口氏

傳

王流玉

張口

妻盛氏

書事

周壽

劉氏

女

書事

魯一同

韓藻

女

傳

朱彬

潘查

二

孝女

書事

梅曾亮

許兆麟

女

傳

侯楨

王濟源

女

傳

方宗誠

洪坦

女

傳

張星鑑

彭爵

麒

女

書事

蔣慶第

辯通

直辭女童

記事

王閻運

節操

歐陽玉光妻蔡氏

合傳

曾

歐陽

惟本

妻蔡氏

同上

鄔節婦曾氏

傳

鄔

珍

卷八十六

列女二

烈義

陳烈婦陸氏

傳

張履

丁烈婦

孫氏

傳

前人

李春榮女 血書賢 錢儀吉 河殿揚女 傳 湯登治

吉孝烈婦馮氏 狀 繆 梓 狄御史妻王氏 家傳 錢儀吉 梅曾亮

繆烈婦邱氏 墓表 董光熊 錢烈婦汪氏 家傳 梅曾亮

王烈婦張氏 紀事 錢寶珠 劉二烈婦王氏 張氏 傳 何若崧

周先經女 傳 戴鈞衡 曹烈女 傳 方宗誠

符烈婦牛氏 傳 俞 樾 金雲門女 傳 方宗誠

秦烈婦畢氏 傳 方宗誠 曹知縣妻管氏 事略 管嗣復

舒知縣妻徐氏 傳 宗稷辰 孫太史妻常氏 傳 方宗誠

楊傅第母吳氏 傳 方宗誠 費烈婦徐氏 傳 施補華

程濟美女 傳 方濬頤 潘烈婦繆氏 傳 張星鑑

馮桂增妾李氏 二氏合傳 施補華 黃翥先妾彭氏 同上

方恮妻趙氏 音事 薛福成 金廣年妻蓋氏 吉林通志

懷遠五烈婦 傳 戴鈞衡 鳳陽四烈婦 傳 戴鈞衡

貞潔

繆貞女 傳 朱 彬 嚴妾江氏 傳 姚文田

陳國治女 傳 呂 璜 劉貞女 書後 方東樹

熊氏二貞女

志銘 朱色

桐城二貞女

傳 方宗誠

藉貞女

傳 李棠階

韓貞女

傳 李棠階

柯貞婦

記事 方宗誠

馬廷燦女

傳 薛福成

義行

楊氏婢

書事 梅曾亮

張義婢

書事 張星鑑

續碑傳集卷首下

作者紀略以錄文先
後為次

沈 垚 字子惇浙江烏程人道光甲午優貢有落帆樓文集

梁章鉅 字閔中一字芷林福建長樂人嘉慶壬戌進士選庶吉士改

吏部官至江蘇巡撫

包世臣 見本集卷七十九

梅曾亮 字伯言江蘇上元人道光壬午進士即用知縣援例改戶部

郎中有柏硯山房文集

姚 瑩 見本集卷三十五

劉鴻翱 字次白山東濰縣人嘉慶己巳進士內閣中書官至福建巡

撫有綠野齋文集

彭昱堯 見本集卷七十八

龍汝言 字錦珊一字子嘉安徽桐城人嘉慶甲戌一甲進士翰林院

修撰罷復授中書

李元度 見本集卷三十九

張星鑑 字緯餘號南鴻江蘇新陽人諸生有仰蕭樓文集

吳昆田 字稼軒江蘇清河人道光甲午舉人刑部員外郎有漱六山

房文集

馮桂芬 見本集卷十八

劉毓崧 見本集卷七十四

湯紀尙 字伯芍浙江蕭山人諸生直隸候補知府

魯一同 見本集卷七十九

薛福成 字叔耘江蘇無錫人同治丁卯舉人官至都察院左副都御

史有庸庵文編續編外編

秦緝業 字澹如江蘇無錫人道光□□副貢生官至浙江候補道有

虹橋老屋集

陳 澧 見本集卷七十四

楊彝珍 字湘涵一字性農湖南武陵人道光庚戌進士翰林院庶吉

士改兵部主事有移芝室文集

孫衣言 字琴西浙江瑞安人道光庚戌進士翰林院編修官至太僕

寺卿有遜學齋文鈔

胡鳳丹 字月樵浙江永康人湖北候補道有退庵齋集

董沛 見本集卷八十一

李慈銘 字愛伯號菴客浙江會稽人光緒庚辰進士戶部郎中官至

山西道監察御史有越縵堂文集

蘇廷魁 字德輔號廣堂廣東高要人道光乙未進士翰林院編修官

至東河總督

李鴻章 見本集卷七

郭嵩燾 見本集卷十五

朱孔彰 字仲我江蘇長洲人光緒壬午舉人有中興將帥別傳

匡輔之 字伯佐安徽懷遠人諸生有汲修齋文鈔

吳汝綸 見本集卷八十一

譚宗浚 字叔裕廣東南海人同治甲戌一甲進士翰林院編修官至

雲南鹽法道

王輅 字□□河南鹿邑人

方濬頤 字子箴安徽定遠人道光甲辰進士翰林院編修官至四川

按察使有二知軒文存

譚廷獻 字仲修浙江仁和人同治丁卯舉人安徽含山縣知縣有復

堂類彙

鄭曰敬 字德輿號蕉園湖南長沙人光緒乙酉舉人有九溪文集

周壽昌 見本集卷八十

翁同龢 字叔平晚號瓶生江蘇常熟人咸豐丙辰一甲進士翰林院

修撰官至戶部尚書協辦大學士

錢保塘 字鐵江號蘭陂浙江海甯州人咸豐己未舉人四川什邡縣

知縣

俞樾 見本集卷七十五

王闈運 字壬秋湖南湘潭人咸豐補壬子乙卯舉人有湘綺樓詩文

集

徐士芬 字誦清號惺葦浙江平湖人嘉慶己卯進士翰林院編修官

至工部左侍郎有漱芳閣集

阮元 見本集卷三

鄧顯鶴 見本集卷七十八

張履 見本集卷七十一

龔鞏祚 原名自珍字璉人號定庵浙江錢塘人道光己丑進士內閣

中書官至禮部主客司郎中有定庵文集

湯金釗 見本集卷三

季芝昌 見本集卷二十五

陳慶鏞 見本集卷十九

黃雲鶴 字翔雲湖北蘄州人咸豐癸丑進士兵部主事官至四川永甯道

甯道

方宗誠 見本集卷八十

張鑑 字秋水浙江烏程人

汪封渭 字□□湖北黃岡人進士山東諸城縣知縣

陳用光 字碩士一字實思江西新城人嘉慶辛酉進士翰林院編修

官至禮部左侍郎有太乙舟文集

魏源 字默深湖南邵陽人道光乙巳進士江蘇高郵州知州有古

微堂集

蔣湘南 字子瀟河南固始人道光乙未舉人有七經樓文鈔

姚文田 見本集卷八

潘諮 見本集卷七十一

陳壽祺 字恭甫號梅修福建閩縣人嘉慶己未進士翰林院編修有

左海文集

陳 奂 見本集卷七十四

徐 翦 字彝舟號亦才江蘇六合人道光乙巳進士翰林院檢討官

至福建福甯府知府有未灰室文集

汪廷珍 見本集卷三

王定安 字鼎臣湖北東湖縣人同治壬戌 恩科舉人官至安徽鳳

穎道

王先謙 字益吾湖南長沙人同治乙丑進士翰林院編修官至國子

監祭酒有虛受堂文集

馮 庚

程恩澤 見本集卷十

李兆洛 見本集卷七十三

辛從益 字謙益號筠谷江西萬載人乾隆庚戌進士翰林院編修官

至吏部侍郎

尙 鎔 字喬客江西南昌人

吳敏樹 見本集卷八十

曾國藩 見本集卷五

彭蘊章 見本集卷四

楊峴 字見山號庸齋晚號頽翁浙江歸安人咸豐乙卯舉人江蘇

候補知府有遲鴻軒文集

張裕釗 字濂卿湖北武昌人咸豐辛亥 恩科舉人有濂卿文集

汪士鐸 見本集卷七十四

張佩綸 字幼樵直隸豐潤人同治辛未進士翰林院編修官至侍講

學士罷復以四品京堂候補

楊鍾羲 字子姓漢軍□□旗人光緒己丑進士翰林院編修現官江

甯府知府

陳作霖 字伯雨江蘇上元人光緒乙亥舉人候選知縣

呂璜 字禮北別字月滄廣西永福人嘉慶辛未進士即用知縣官

至浙江西塘同知有月滄文集

王拯 字定甫號少鶴廣西馬平人道光辛丑進士以主事用官至

通政使有龍壁山房文集

彭邦疇 字範九號春農江西南昌人嘉慶乙丑進士翰林院編修官
至侍讀學士

唐鑑 見本集卷十六

林昌彝 字惠常福建侯官人道光甲辰進士有小石渠閣文集

何俊 字干人湖南桂陽州人諸生

左宗棠 見本集卷七

黃桂敷

張澍 字介侯甘肅武威人嘉慶己未進士翰林院庶吉士改知縣

江西瀘谿縣知縣 國史文苑有傳有養素堂文集

陳棨仁 字鐵香福建晉江人

錫縝 字厚庵號淶江博爾濟吉特氏滿洲正藍旗人咸豐丙辰進

士戶部主事官至駐藏大臣有退復軒文

顧雲 字子鵬號石公江蘇上元人諸生有益山文錄

金武祥 字桂生江蘇江陰人官至廣東運同

宗稷辰 字迪甫號滌樓浙江山陰人道光辛巳舉人內閣中書官至

山東運河道有躬恥齋文集

邵懿辰 見本集卷五十四

胡敬 字以莊號春農浙江仁和人嘉慶乙丑會元翰林院編修官

至侍讀學士有崇雅堂文鈔

朱綬 字酉生江蘇元和人

許宗衡 字海秋江蘇上元人咸豐壬子進士翰林院庶吉士改內閣

中書官至起居注主事有玉井山館文略

王翼鳳 字句生江蘇儀徵人

黃彭年 字子壽貴州貴筑人道光丁未進士翰林院編修官至湖北

布政使

亢樹滋 字鐵卿江蘇吳縣人有市隱書屋文集

朱彬 字武曹江蘇寶應人

戴楫 字汝舟江蘇丹徒人諸生咸豐辛亥孝廉方正有純甫古文

鈔

英和 見本集卷二

王贈芳 字會貽號霞九江西廬陵人嘉慶辛未進士翰林院編修官

至雲南鹽法道有慎其餘齋文集

李 惺 字伯子號西滙四川墊江人嘉慶丁丑進士翰林院檢討官
至國子監司業

何曰愈 字雲陔廣東香山人四川會理州知州有存誠堂文集

陳 鑾 字芝楣湖北江夏人嘉慶庚辰一甲進士翰林院編修官至

江蘇巡撫

張 穆 見本集卷七十三

金安清 字梅生浙江嘉興人官至記名按察使有六幸翁文橐

曾寅光

朱 琦 見本集卷六十九

陳繼聰 字駿孫浙江鎮海人同治庚午舉人有忠義紀聞錄

陸心源 字剛主號存齋浙江歸安人咸豐己未舉人福建鹽道

楊象濟 見本集卷八十一

黎庶昌 字□□號純齋貴州遵義人諸生上書發往江蘇以知縣用

官至四川東道有拙尊園叢彙

衛榮光 字□□河南新鄉人咸豐壬子進士翰林院編修官至江蘇

巡撫

易佩紳 字笏山湖南龍陽人貢生官至江蘇布政使有函樓文鈔

趙國華 字菁衫直隸豐潤人同治癸亥進士即用知縣山東候補道

有青草堂二集

楊頤 見本集卷十五

范當世 見本集卷八十

馬其昶 字通伯安徽桐城人

程先甲 字鼎臣江蘇江甯人光緒辛卯舉人

陳豪 字藍洲浙江仁和人同治庚午優貢湖北漢川縣知縣

李秉衡 字節堂奉天瀋陽人官至山東巡撫

李祖陶 見本集卷七十八

龍啟瑞 字輯五號翰臣廣西臨桂人道光辛丑一甲進士翰林院修

撰官至江西布政使 國史儒林有傳有經德堂文集

鄒鳴鶴 見本集卷五十五

吳嘉賓 字子序江西南豐人道光戊戌進士翰林院編修緣事戍軍

臺 賞內閣中書同治三年擊賊陣亡 國史儒林有傳有求自得

齋文集

錢儀吉 字定廬號衍石一號心壺浙江嘉興人嘉慶戊辰進士翰林院庶吉士改主事官至戶部給事中 國史文苑有傳有衍石記事

橐

劉 淳 見本集卷七十八

朱 瑋 見本集卷十八

徐子苓 見本集卷八十一

徐宗亮 字晦甫安徽桐城人

李星沅 見本集卷二十四

郝植恭 字□□直隸三河人

謝應芝 字子階江蘇武進人諸生有會稽山房文集

施補華 字均甫浙江烏程人同治庚午舉人山東候補道有澤雅堂

文集

蔣日豫 字侑石江蘇陽湖人直隸候補知縣有問奇室文集

莊受祺 字惠生江蘇武進人道光庚子 恩科進士翰林院編修官

至湖北布政使

程 畹 字蘭畦江蘇儀徵人諸生

錢振倫 字崙仙浙江歸安人道光戊戌進士翰林院編修官至國子監司業有示樸齋文集

劉蓉 見本集卷二十七

鄧嘉緝 字熙之江蘇江甯人同治癸酉優貢有扁善齋文存

程鴻詔 字伯敷順天大興人原籍安徽黟縣道光己酉舉人江蘇候補知府有行有恆齋文集

杜俞 字雲秋湖南湘鄉人有元穆文鈔

端木埰 見本集卷二十

馮煦 字夢華江蘇金壇人光緒丙戌一甲進士翰林院編修官至安徽巡撫有蒿盦類稿

盛大士 字子履江蘇鎮洋人嘉慶庚申舉人有蘊愫閣文集

唐仲冕 字六枳號陶山湖南善化人乾隆癸丑進士官至陝西布政使有陶山文集

徐時棟 見本集卷八十

沈欽韓 見本集卷七十六

錢泰吉 見本集卷七十九

陸繼輅 見本集卷七十七

陳文述 字退庵號雲伯浙江錢塘人嘉慶庚申舉人江蘇江都縣知

縣 國史文苑有傳有頤道堂集

周樹槐 字星叔湖南長沙人嘉慶己巳進士江西吉水縣知縣

蔣彤 字丹棱江蘇陽湖人諸生有丹棱文鈔

潘德輿 見本集卷七十一

朱桂楨 字幹臣江蘇上元人嘉慶己未進士官至廣東巡撫諡莊恪

黃安濤 字霽青浙江嘉善人嘉慶己巳進士翰林院編修廣東潮州

府知府

徐廷華 字子楞江蘇陽湖人有一規八棱硯齋文鈔

易燮堯

彭崧毓 字于蕃號穉宣又號錢孫湖北江夏人道光乙未進士翰林

院庶吉士改知縣官至雲南迤東道有求是齋文存

陳志實

鄒漢勳 見本集卷七十四

戴燮元 字和甫一字少梅號八愚湖南□□人咸豐己未舉人官戶

部郎中有愚齋文鈔

唐祖价

方東樹 字植之安徽桐城人諸生有儀衛堂文集

楊國楨 字海梁四川崇慶州人嘉慶甲子舉人官至閩浙總督

李棠階 見本集卷十二

劉文淇 見本集卷七十四

鄭珍 見本集卷七十四

莫友芝 見本集卷七十九

顧廣譽 字惟康號訪溪浙江平湖人咸豐壬子優貢有悔過生未定

稟

戴望 見本集卷七十五

金鉞 字蘅蘇泰興人光緒乙未進士翰林院編修

趙樹吉 字沅清四川宜賓人道光庚戌進士翰林院編修官至雲南

迤西道有郝鄆山房文略

方濬師 字子嚴安徽定遠人咸豐乙卯舉人內閣中書官至直隸永

定河道有退一步齋文集

謝章鉉

字枚如福建長樂人光緒丁丑進士內閣中書有賭棋山莊

文集

王耕心

字道農直隸正定人南河候補同知

薛福保

字季懷江蘇無錫人同治丁卯副貢候選知府有青萍軒文

鈔

高心夔

見本集卷八十

倭仁

見本集卷五

李詳

字審言江蘇興化人廩貢生

曹藍田

見本集卷四十六

王寶仁

字研雲江蘇太倉州人有舊香居文彙

蘇惇元

字囡囡安徽桐城人

沈道寬

字栗仲順天宛平人嘉慶庚辰進士湖南桃源縣知縣有話

山草堂文鈔

錢寶琛

字伯瑜江蘇太倉州人嘉慶己卯進士翰林院編修官至江

西巡撫有存素堂文集

毛嶽生

見本集卷七十七

張琦 字翰風江蘇陽湖人嘉慶癸酉舉人官至山東館陶縣知縣
有宛鄰文集

王效成 字約甫安徽盱眙人歲貢生有伊蒿室文集

嚴學淦 字麗生江蘇丹徒人嘉慶甲子舉人湖南澁浦縣知縣有海
雲堂文集

顧復初 字子遠號幼耕江蘇元和人諸生有樂靜廉餘齋文集

嚴如煜 號樂園湖南澁浦人嘉慶丙辰孝廉方正授知縣官至陝西
按察使

陳埔 字作甫浙江錢塘人有卓廬文鈔

孫原湘 見本集卷七十六

趙允懷 字孝存江蘇常熟人舉人有小松石齋文集

王塗 見本集卷七十七

陶澍 見本集卷二十三

吳德旋 見本集卷七十七

丁晏 見本集卷七十四

沈銘石

姚椿 見本集卷七十八

陳喬樞 見本集卷七十四

朱學勤 見本集卷十七

屠寄 字靜三江蘇陽湖人光緒壬辰進士翰林院庶吉士浙江淳

安縣知縣

洪良品 字右丞湖北黃岡人同治戊辰進士翰林院編修官至戶科

給事中

劉達善 字子迎江蘇武進人道光甲辰舉人官至山東登萊青道

吳大澂 見本集卷三十二

王治乾 字虎臣江蘇上元人諸生

胡培翬 見本集卷七十三

董兆熊 見本集卷七十九

黃式三 見本集卷七十三

左輔 字仲甫號杏莊江蘇陽湖人乾隆癸丑進士安徽卽用知縣

官至湖南巡撫有念宛齋文集補

梁廷枏 子章再順德人官中書著有藤花亭叢刻

劉恭冕 字公俛江蘇寶應人光緒己卯舉人有廣經室文鈔

蕭穆 字傲夫安徽桐城人諸生有敬敷類稿

吳育 字山子江蘇吳江人諸生

陳慶年 字善餘江蘇丹徒人光緒戊子優貢有橫山鄉人類稿

鮑源深 字華潭安徽和州人道光丁未進士翰林院編修官至山西

巡撫有補竹軒文集

吳棠 見本集卷二十六

彭泰來 字子大號春洲廣東高要人嘉慶癸酉拔貢有昨夢軒文集

王炳燮 字桐齋號樸臣江蘇元和人光緒丙子進士直隸即用知縣

有毋自欺室文集

陶保廉 字拙存浙江秀水人蔭生陸軍部郎中

葉裕仁 字復三江蘇鎮洋人舉孝廉方正有歸盒文集

侯楨 字子勤江蘇無錫人道光丙午舉人有古杼秋館遺稿

顧壽楨 字祖香浙江山陰人咸豐己未 恩科舉人有孟晉齋文集

莊棫 字中白江蘇丹徒人有蒿庵文集

戴鈞衡 見本集卷七十九

趙之謙

字益甫號悲庵浙江會稽人咸豐己未 恩科舉人江西知

縣

胡增廓

蔣敦復

原名爾鐸字克父一字劍人江蘇寶山人諸生有獻古堂集

王柏心

見本集卷八十

葛其仁

字元肫一字鐵生嘉慶己卯舉人歙縣教諭

劉定基

字口口

沈曰富

字囡囡江蘇吳江人有受恆受漸齋文集

尹耕雲

見本集卷三十七

劉壽曾

見本集卷七十五

楊亮

字季子江蘇甘泉人

楊鐸

字石卿河南商城人官江蘇知縣

杜貴墀

字仲丹湖南平江人

朱之榛

字口口號竹石浙江平湖人江蘇淮揚道

周禮昌

字口口湖南善化人官樊城知縣

方恆

字子永江蘇陽湖人光緒癸巳 恩科舉人

張文運 字□□安徽合肥人

董縉祺 字□□浙江鄞縣人

黃鈞宰

吳慈鶴 字韻皋號巢松江蘇吳縣人嘉慶己巳進士翰林院編修官

至侍讀學士

許錫祺 字莘甫江蘇青浦人諸生有松濱先生文集

楊炎昌 字少農江蘇上元人光緒丁酉解元

楊熙之 無錫人曾修邑志

葉觀揚 字敏修江蘇江甯人道光己亥舉人高郵州學正

蔣慶第 字著生直隸玉田人咸豐癸丑進士山東章邱縣知縣有友

竹草堂文集

薛壽 字介伯江蘇江都人諸生有學詒齋文集

馮登府 字雲伯號柳東浙江嘉興人嘉慶庚辰進士翰林院庶吉士

改知縣官甯波府教授有石經閣文集

徐璈 字六驥安徽桐城人道光甲戌進士授戶部主事官至浙江

壽昌縣有橋亭文鈔

舒燾 字伯魯湖南澧浦人

繆朝荃 字蘅甫江蘇太倉州人同治丁卯庚午優貢

繆梓 見本集卷五十九

何若瑤 字石卿廣東番禺人道光辛丑進士翰林院編修官至詹事

府左贊善有海陀華館文集

管嗣復 字小異江蘇上元人諸生

朱色

引用各志

吉林通志

畿輔通志

江西通志

安徽通志

淮安府志

順天府志

江甯府志

武陽合志

山西通志

荊州駐防志

衡陽縣志

湘陰圖志

番禺縣志

臨朐縣志

南海縣志

清河縣志

續碑傳集首下

續碑傳集首下

續碑傳集卷一

江陰繆荃孫纂錄

道光朝宰輔

都統銜工部右侍郎前太子太保武英殿大學士諡文清松筠公事略

沈垚

公名松筠字湘浦姓瑪拉特氏先世喀爾沁部人喀爾沁爲元時大臣濟勒瑪之後始遷祖達爾彌岱從

太宗文皇帝平察哈爾布拉尼汗遂爲正藍旗蒙古人曾祖五十九祖舒勒赫父班達爾什皆

誥贈光祿大夫曾祖母蒙古勒氏祖母蒙古勒氏母布勒噶齊氏皆

誥贈一品夫人贈公素好義家惟有香河縣田三百二十畝有友以其父負官項繫刑部獄告贈公贈公取田契盡與之時公生七歲贈公指

公謂夫人曰此子若不賢田終質於他人種田不如種德也公由繙譯生員筆帖式補軍機章京歷戶部銀庫員外郎蒙古司員任銀庫自公

始時

高宗純皇帝乾隆四十五年也四十八年升內閣學士并

賞戴花翎補鑲黃旗蒙古副都統明年改正紅旗滿洲副都統以事奉
命往吉林五十年春復

命卽日又奉

命赴庫倫辦俄羅斯市易事務時俄羅斯界上人掠取庫倫商人貨物
庫倫辦事大臣勒保檄俄羅斯捕送恰克圖聽治遷延不受命

上飭停市易使公治其事明年擢戶部右侍郎會庫倫巡兵出巡被殺
公檄俄羅斯縛送殺兵者斬於界上以徇

上以公不先奏落職以四品頂戴留庫倫辦事初
孝賢純皇后從

高宗純皇帝南巡崩於濟南行宮及
梓宮回京

上悲甚

皇四子謁見以

上前不敢喪服

上望見大怒以爲不孝切責之
皇四子旋薨未有子四十五年

上復南巡回鑾至涿州有僧攜男子投訴

上前言是

皇四子遺體以服中生不敢留展轉寄僧舍生十四年矣男子狀貌奇偉顧盼非常見軍機大臣福康安和珅皆直斥其名

上見之心動遣中官問

皇四子福晉福晉問管事臣金三合可質言否三合懼及已對曰

上意未可測若直言是遺體自承罪也福晉懼遂不敢質言大臣亦無能辨真偽者公後至奮然曰此偽也

皇孫尊貴必不戀惜小物今乃屢顧所佩扇囊決非是乃

命大臣訊之遂以民劉六之甥郭二格詐稱

皇孫定案

上命誅僧戍郭二格於伊犁郭二格之遣戍也沿途官吏皆謂為真

皇孫莫測

上旨供張甚厚郭二格指揮徵索所為多不法至是郡王福康安由

什噶爾至京奏言郭二格在戍所稱

皇孫煽惑厄額特恐生他變

上命改戍黑龍江五十二年春郭二格行至庫倫入見公索器物甚廣
公先以沿途不法事具奏矣姑就其欲翌日又見公公曰汝今無前往
郭二格曰

汗瑪法遣我往敢不前行公曰汝今猶稱

皇上為汗瑪法乎皇孫帝子無如汝不法事

皇上以汝小民無知為妖僧所煽誘故貸汝生命遣戍遐方汝不思生
全之

恩加意斂束反多肆徵求長惡不改我密奉

諭旨治汝詐稱之罪即縛出絞殺之事聞舉朝大駭

上益以明決重公五十六年復擢工部右侍郎正白旗滿洲副都統俄
羅斯謝罪

上復許其互市明年公往恰克圖與俄羅斯立約聽命改戶部右侍郎
轉左侍郎留庫倫凡八年歸授

御前侍衛內務府大臣軍機大臣五十九年以事奉

命往荆州過衛輝大水環城公即貸銀買米以振

上嘉之旋授工部尚書駐藏大臣鑲白旗漢軍都統由荆州馳驛往既

至藏悉奏罷無名賦稅之擾民者并請撫卹唐古忒百姓

上皆從之時貴幸大臣和珅用事公不爲屈故久在邊地留藏凡五年

嘉慶四年

仁宗睿皇帝親政

特旨召公爲戶部尙書旋授陝甘總督加太子少保時陝西甘肅湖北

四川教匪方熾

上以公立身公正得古大臣體故授斯任公於途中奏言四川廓爾喀

軍需分扣各官養廉州縣無養贍之資必多索於軍民軍務紛繁撫靖

安輯事極緊要若辦公無資何以駕馭百姓臣不敢稍分畛域知而不

言

上嘉公忠誠

賜詔褒美是時經略勒保參贊額勒登保剿川賊參贊明亮剿陝賊張

漢潮將軍恆瑞剿甘肅藍白等號賊提督王文雄總兵慶溥往來擊剿

平利西鄉賊公則司餉運居中撫馭給明亮諸軍於是年四月至任請

卹戰死鄉兵安撫被劫良民團練近賊州縣土著使人自爲戰各保鄉

里皆

允行五月白號賊由禮縣西和奔竄藍號賊奔陽平關欲南入川扼官
兵不得入張漢潮奔商洛公曰漢潮東奔扼於河南官兵必仍西竄與
白號賊合若西竄則鎮安及洋縣之華陽集城固之小河口於三處屯
兵嚴守以逸待勞遣兵東西追擊必可得志於是將由略陽至漢中而
白號賊已從徽縣嘉陵江趾淺渡直東趨棧道署陝西巡撫永保由褒
城入棧賊卽南奔公遣兵迎擊於略陽之何家崖賊乃由東南山路晝
夜狂奔直趨南江公遣遊擊楊國泰等迎擊而身由略陽赴漢中時
詔問平賊方略公上疏曰

皇上賞罰嚴明將士用命

恩旨所頒人人感動正氣旣充邪氣自退民心旣歸天心自格以天時
人事推之川陝軍務自當速蕺臣所愚慮不在賊之未平轉在將平之
時與旣平之後耳何則今之反者不盡教匪也鹽梟私鑄私硝私磺私
鉛之徒乘機起事故日聚而日多此輩卽予以良田亦不能安分躬耕
自食其力首惡就擒餘黨星散勢必潛匿林箐竄伏深山大兵一撤將
出而滋事誅之不可勝誅防之不可勝防此可慮在將平之時也從征
之川楚鄉勇大抵陽藉官糧以餬口隱攫民財以營私軍務告竣鹽糧

亦停此輩放縱已久習於殘忍計無所歸將來必釀隱憂此可憂在既平之後也臣愚以爲皆宜預爲籌畫以期久安長治臣伏讀

聖訓自古惟聞用兵於敵國不聞用兵於吾民自相攻擊屠戮生靈朕日夜哀憐幾至寢食俱廢百姓極困思安久勞思逸諒必一見

恩旨翕然來歸臣捧讀回環謂卽此數語已足感天地之和而消邪沴之氣聞賊中遇見騰黃竟有沈吟嗟歎言可惜我已成騎虎之勢可見賊亦具有天良非無悔志祇以身降之後無業可歸謀生無計是以未能自決伏思

國家所以嚴禁私鹽私鑄私硝私磺私鉛者爲其有關於鹽法錢法及軍需也然例禁愈嚴偷漏愈廣地方官吏趨避愈巧具文承應上下相蒙徒以飽關津之需索遂胥吏之嚇詐於民生有損於國計無益且其勢有必不可得而禁者天地自然之利斯民共欲之情非威力所得遏也卽以鹽法而論官鹽之價十倍於私鹽又多雜以泥沙不如私鹽之潔白完好今使小民舍賤價適用之鹽而買貴價攙雜之鹽此豈人情所願至於硝磺銅鉛多產川楚地方取攜甚便今使無衣無食之小民忍飢忍寒見利不取以士君子之所庶幾者責之趨利如鶩之小民無

怪其抗違而不遵也故巡邏愈密私販者愈接踵向聞達州一帶皆鹽梟出沒之區自夔州以至宜昌大編連舸乘夏秋水漲放炮開船順流直下關吏不能訶止石砭以東達於黔楚到處有銅有柴就山鑄錢窮民以此爲生者不可勝數駐藏大臣和甯曾向臣言石砭廳所鑄私錢分兩輕重竟與省局官錢無異福康安查辦私鑄曾將所鑄私錢隨摺呈

覽亦與京局官錢無異如是者皆可化私爲官不過禁鑄小錢而已無事矣自乾隆五十九年查拏驅逐失業之徒無所聊賴竄入苗峒鉤結煽惑苗疆由是不靖教匪相因而起至今爲梗究之錢法何嘗得清是禁之無益而有損也明矣其私販硝磺鉛汞拒捕殺人釀爲重案者又比比也臣以爲與其禁之而有名無實曷若弛之而化私爲公仰懇皇上因勢權宜明降

恩旨一切有名無實之禁悉與蠲除俟軍務告竣之後再定久遠章程先請將出鹽之所及鹽所經過之關口如夔關鄖陽沙市等處官爲收稅以代鹽課一課之後不問其所之聽民自便則私鹽皆官鹽也有銅有柴之處聽民自行採鑄止令報官查驗每千文納稅幾文則私鑄皆

官鑄也硝磺鉛汞窮民於所出之地隨便採取地方官酌量抽分以充營汛之用其餘皆聽售賣則皆官硝官磺官鉛也如此因民所利既無作姦犯科之名而無業之徒藉此以爲餬口贍家之計其狡悍無賴者身有所營則不暇他顧心有所戀則不忍棄捐可潛消其桀驁不馴之氣川楚鄉勇解散之後不患無以營生從賊匪黨一聞此

旨必紛紛來投生路既多必無他慮如謂鹽法錢法皆經國大計不宜輕易更張硝磺爲行兵利器大不宜公之於民致滋後患臣請得再伸其說火器之制始於元而盛於明當時議者謂東南諸國有磺而無硝西北諸部有硝而無磺惟中國兼之以制服四夷故邊關之禁甚嚴然西洋所製鎗炮皆極精巧佛郎機之製卽由彼處所進使其無藥何需是器西洋與海南諸國皆通貿易是東南諸國未嘗無硝臣駐庫倫時見俄羅斯均有硝磺且配置甚佳及哈薩克之藥云皆購於俄羅斯是西北諸部未嘗無磺至金川臺灣苗疆皆有火器使禁而可止彼何從來若禁而不止又何必禁自明以邊塞無糧行中鹽之法令富商大賈納粟於邊以引償之於是有分地行銷之制其後法壞而此制未改是弊政也今河南山西陝西鹽課歸於地丁已知其弊而更之矣然販鹽

者什倍取利而令力田務本之農代之輸課稅課之不均莫此爲甚川
楚地方民力尤形凋弊若令民間自爲流通官取其稅以補鹽課之不
足毋庸歸入地丁是在官仍無賠墊之虞在民亦無加派之累民力裕
而國課充案牘清而刑罰省矣歷代鑄錢各有定式其立法之善者意
在便民非以利國今官取其稅又無工本之費卽以國計而論亦屬無
損如蒙

聖主格外施恩一切販私牟利之徒俱不至干犯例禁藏匿深山密箐
之中匪徒及隨時散遣之鄉勇均可有路謀生軍務未平之日易於解
散既平之後亦不至自外於良民於剿撫事宜深有裨益

國家承平日久生齒日繁秀頌雜出正當疏節關日治其大綱使之有
所容而不爲害所謂網漏吞舟之魚而治烝烝日進於古者此也疏入
上以所論迂闊而素知公忠直委任如故六月白號賊由通江竄廣元
藍號賊自階州東北奔渡嘉陵江焚掠略陽沔縣境將軍恆瑞由徽縣
兩當入棧扼賊東北按察司廣厚總兵吉蘭泰屯徽縣扼賊西北公以
藍號賊將南與白號合檄遊擊楊國林駐廣元甯羌界上遏賊衝賊乃
東南由甯羌之故家壩踰山竄南江於是藍號白號俱南入川公移書

經略勒保督川北兵進剿恆瑞遣總兵觀祥率兵屯大安驛助楊國林制賊北竄是時張漢潮由商洛西奔洋縣又西竄鳳縣葦子坪逼棧道而漢水南自平利至西鄉東西七百里處處皆賊公曰西鄉邊界延長歧路紛雜鍾家溝堰口峽口貫子山楊柳山諸處皆要隘而王文雄兵少平利境東西長五百八十里雖不能處處屯兵而要地不可不嚴守乃分楊國林兵遣遊擊阿克東阿自甯羌馳至西鄉助文雄守隘而飛檄慶溥及溫成惠扼賊北竄於是慶溥駐營師子壩當平利中道溫成惠由安康馳至平利分遣鄉兵東守朝天坡西扼白沙河秋慶溥率參將李逢春敗賊於金家山王文雄敗賊於皮貨鋪總兵柯藩敗賊於滾子嶺慶溥溫成惠追敗竹山賊於銅錢關竹山平利西鄉諸賊不得北渡漢水時官兵剿賊久未奏功

詔問公諸將優劣公奏曰參贊明亮久歷戎行素稱知兵近剿張逆布置似合機宜所以罔有成效者蓋由年近七旬精力頹敗所致將軍恆瑞前在湖北戰功爲最迨剿藍白兩號賊肅清甘境頗著勞績乃亦年近六旬精力似不如前將軍慶成中無主見聽人行止署巡撫永保無謀無勇惟知利己過則歸人不但弗克領兵亦不能休養百姓若川省

之額勒登保不獨轉戰殺賊英勇超眾且於應支餉銀賞項之外毫無私取其次德楞泰臨陣殺賊亦稱奮勇俱在

聖明洞鑒之中

上曰所論甚公不虛延訪時張漢潮自陝西東竄明亮約永保分道夾擊明亮約由鄖陽迎賊西上永保遷延鎮安商州之閒日行二三十里賊遂由五郎西竄廢邱關趨甘肅境矣

上革永保職遣尙書那彥成同公鞫訊永保奏明亮所上戰功不實上亦革明亮職

命公治罪會明亮已擊殺張漢潮

上命那彥成代明亮督兵搜捕餘黨額勒登保自川北移公書曰賊被官兵追剿窮蹙勢將望北分竄漢中諸隘口不可忽也公遣將撥鄉兵分防諸隘而前所調之遊擊阿克東阿自甯羌馳赴西鄉爲賊所殺上以公調遣失宜冬革太子少保

御前侍衛職拔去花翎時議以終南山空地給新撫之民墾種建立縣治安設營汛

詔下公議公奏言終南山可耕之地俱已開墾所餘老林非地土磽确

卽厓勢險峻人力難施川楚及河南江西安徽等處貧民自乾隆初來
種山地結草爲棚所種惟包穀其人轉移無定來去不常故地日闢而
不能升科民日增而不能編籍然地界遼闊五方雜處游手無賴之徒
多溷迹其中欲爲經久之謨誠不可不爲建官設兵之計至漢水之南
平利安康紫陽西鄉各縣及南鄭洋縣褒城所屬地與湖廣四川連界
山勢險惡地更遼闊亦當一體籌畫陝西巡撫台布請設總兵於五郎
軍機大臣請改漢中副將爲總兵與漢興道同移駐西鄉
詔亦下公議公奏曰西鄉爲漢中屏障守西鄉卽以守漢中但建立重
鎮必擇居中扼要之地使隨處有警皆可策應方能有益漢中北通褒
鳳西達略陽西南甯羌爲蜀棧咽喉東南洋縣爲駱谷要口古來皆爲
重鎮今總兵與漢興道俱駐西鄉滯於偏隅他處有事將有鞭長莫及
之勢矣陝西外患豈必專在四川卽以通川要路言之數年來川省教
匪有自甯羌入者有自南鄭入者有自褒城入者近又自城固入矣是
守西鄉亦未能屏蔽漢中也五郎爲終南山內適中之地然山徑崎嶇
土地寒瘠若設立重鎮兵糧必取外縣輸挽不易臣採訪眾謀揆度全
陝形勢竊謂漢中通甘肅四川爲西南門戶商州通河南湖北爲東南

門戶兩處皆屬要區舊制漢中有協商州有營而總兵駐興安今請於漢中商州各設總兵而西鄉甯羌各設副將爲漢中鎮之翼興安改設副將與潼關協爲商州鎮之翼互爲聲援於計爲便旣而額勒登保痛剿川北賊賊犯西鄉石泉等縣又爲官兵所扼不得北渡漢水乃遁入川陝界上之老林復自老林伐木開道出犯南鄭王文雄率兵自西鄉西上扼漢濱要地遏賊入褒城棧道賊乃分爲二一綴文雄一直西趨沔縣竄略陽公慮賊繞至嘉陵江跣淺渡乃檄總兵吉蘭泰由鳳縣間道趨徽縣扼漁關臨水拒險與安肅道瑞亨聯絡聲勢檄總兵索費英阿由褒城大道趨擊時漢水淺涸可涉陝西各路兵皆隨那彥成搜剿張漢潮餘黨漢中等處兵備單弱公遣漢興道文需率鄉兵駐長寨以顧南鄭扼賊渡漢而身率副將韓加業等馳赴略陽行至沔縣遇別賊沿途焚掠逼官莊距沔城三十餘里公素謂賊本平民可諭使降至是被賊逼欲單騎赴賊諭之屬下皆諫不聽部將韓加業曰公銳欲諭賊賊不從而喪總督大損國威取笑天下與其喪一總督不若僅喪一副將乃請先公行諭賊賊殺加業遂西竄沮水鋪走略陽趨徽縣兩當五年春正月額勒登保率兵六千自川入陝

上復命那彥成馳赴徽縣徽縣賊乃三路分竄

上命長麟代公爲陝西總督而以公爲伊犁將軍又

命公暫署湖廣總督夏五月入覲又請弛私鑄私鹽之禁不稱

旨以副都統改伊犁領隊大臣七年春始授伊犁將軍伊犁地肥美饒

水泉滿洲駐防八旗兵生齒日繁所得口糧漸不足以贍公謂當廣開

屯田通計惠遠城官兵需地八萬畝惠甯城官兵需地四萬畝而伊犁

可耕之田甚多乃度地勢於惠遠城東伊犁河北岸引水開渠透池數

十里又於城西北導泉水爲渠分灌田畝凡兩城有水之地皆開渠溉

田分授旗人爲世業又給穀種田器馬牛惠遠城八旗旗牛八十頭惠

甯城八旗旗牛四十頭然旗人素驕逸坐食授田令下恚曰奈何使我

爲傭奴事則食所給牛鬻田器棄不耕公反復曉諭繼以涕泣始稍聽

命比公之去凡墾田六萬四千畝伊犁南北山林木茂密舊時民人入

山伐木官不問公慮爲逃亡藪乃擇老成者立爲商頭使管束其人書

其名於冊冊無名及形迹可疑者不許入山凡伐木百枚官稅七枚備

歲修之用故時伊犁河北距惠遠城二三里後水屢衝隄去城僅半里

公乃創築挑水壩長六十餘丈下寬七丈上寬四丈由是夏秋閒水發

不壞隄矣初新疆進玉頗擾民

上令運送之玉於所在棄置及王慶爲喀喇沙爾辦事大臣乃擇其二小者運之然一重七千五百餘斤一重三千七百餘斤公奏請毋運送而

上亦下

詔切責王慶運玉之役遂罷公遇事敢爲不拘拘於曲節先是甯陝鄉兵蒲大芳以叛亂遣戍塔爾巴哈臺其黨王文龍周奉等分戍南路喀什噶爾諸城十三年冬蒲大芳復謀逆公以叛兵宜殺前但遣戍已輕縱乃檄參贊悉捕斬大芳等五十餘人十四年又檄南路參贊調取文龍等赴伊犁種地而遣伊犁領隊大臣色爾觀悉斬文龍等於沐嶺公恐事不密不先奏也事聞

上命革職付刑部治罪公奏上

上乃以公爲喀什噶爾參贊大臣旋以二品頂戴補陝甘總督行至甘州有兵士訴管兵大員剋扣軍餉公以聞

上卽

命公按治於是布政司蔡廷衡甘州提督百祥皆革職遣戍改兩江總

督公素以能任事契於

上是時河水倒灌洪澤湖運道梗廷臣皆言漕艘不能如期渡河公入見獨言臣前往能令無誤明年春馳赴任過邳州視微山湖水勢步高郵邵伯隄測水深淺督運清江晝曝烈日夜席地枕一瓜臥神祠旁見水落滯運或風不順輒禱於神卽水漲風轉觀者歎異於是全漕皆渡河早於定限數日

上賜詔褒美公以河督吳璈副河督徐端二人辦工游移奏請自往海口相視

上不許公奏言河之受病由治河者將彎取直河本無病而人爲之病蓋河之所行曲則逢彎逼溜水行有力直則水行無力濁流易淤此時祇須順其自然以期逼溜刷沙

上乃遣尙書馬慧裕馳往相視十六年

命改兩廣總督又

命協辦大學士旋召爲內大臣吏部尙書加太子少保至京授鑲紅旗滿洲都統明年充

國史館正總裁專看蒙古表傳在軍機大臣上行走十八年授

御前大臣領侍衛內大臣復出爲伊犁將軍授

東閣大學士又以平定滑縣賊加太子太保喀什噶爾阿奇木伯克玉
努斯聽其妻色奇納之言所爲多不法私與霍罕交通霍罕者安集延
西一部落去喀什噶爾二千里玉努斯自年班入覲歸遣人齎緞匹茶
葉賂霍罕伯克愛瑪爾與通好愛瑪爾遂欲玉努斯尊之爲汗遣人至
喀什噶爾城請於參贊大臣恩長欲自設哈子伯克用霍罕抽稅之例
典安集延貿易事務情詞黠傲公奉

命巡視回疆十九年誅色奇納械送玉努斯於京師霍罕使謝去新疆
經費歲支內地銀一百八十餘萬兩然平定已五十餘年巴里坤烏魯
木齊早列爲郡縣南路各城回民歲輸貢賦與內地齊民無異伊犁塔
爾巴哈臺亦分列屯田地利人力今異於昔仍歲資內地轉輸非經久
之道

上命公及參贊大臣長齡通計南北諸城收納大數量減內地饋運公
計北路塔爾巴哈臺歲需內地銀四萬數千兩南路回疆入城歲需內
地銀五萬數千兩地方貢賦皆入經費之內無庸議減伊犁地處極邊
鄰接外夷歲需內地經費銀六十萬兩可撙節者亦屬無幾惟烏魯木

齊爲新疆腹地歲歲需經費銀一百一十餘萬爲數最多宜加裁減乃請增復屯田廣墾蘆灘荒地開採銅鉛各礦抽收迪化州土魯番木稅以省內地經費又議綠營糧餉舊皆以銀折米今請倉儲充裕之處改給米銀各半入粟爲監生本古納粟實邊之意請復乾隆四十六年以前之例使邊地之人卽於邊地納粟則內地之轉輸可漸減而或行或不行於內地歲輸卒無大減省也

上轉公爲

武英殿大學士

命班次在董誥之前明年秋喀什噶爾回人仔牙敦作亂公卽南由木素爾嶺馳赴回疆仔牙敦旋就獲冬公至喀什噶爾廉得布魯特比圖爾第邁莫特助亂乃奏請照謀叛律斬決梟示後訊仔牙敦知比圖爾第邁莫特實謀乃將二人皆凌遲處死

上以公不待報革太子太保下部議議革任

上改爲革職留任二十一年夏

上召公歸公之在伊犁也築四堡於伊犁河北議置八旗閒散壯丁未築室而公去及再至伊犁乃築室於前所爲堡中堡置百戶戶蓋屋三

楹院牆周四十丈每戶壯丁授田三四十畝菽穀麥蔬果畜雞豚使可供祭祀喪紀昏嫁之用三時務農冬時習弓箭鳥鎗計頗深遠然新疆之耗中國在歲資內地饋輸公本意惟在加惠入旗非能統計耕墾所獲漸減內地之饋也習既難易又無輔志佐治之人公亦素非吏才故卒功不克成長齡代爲將軍公屬耕墾事長齡曰此事由乃意何與吾事於是公去而田遂荒矣秋公自伊犁馳赴熱河八月朝於

行在復太子太保冬兩江總督百齡疾病

命公馳赴江南署其任是時徐海淮揚大水新任總督孫玉庭巡撫胡克家請給沛縣一月口糧十二月公北旋行至邳州百姓遮道哀號公以聞於是總督續以邳州銅山宿遷蕭豐等州縣災傷入告

詔一體撫卹二十三年春至京公素以忠直見重於上及在朝凡燕游誓御之事乘閒直言略無所避會上將以明年東巡

盛京謁

三陵而是夏久不雨六月公奏請停止謁

陵有

旨軍機大臣會同吏部議罪議上革職

上乃革大學士

御前大臣領侍衛內大臣等職以二品頂戴補察哈爾八旗都統仍帶革職留任明年冬

上以公長子熙昌病歿召公補正白旗漢軍都統

賞還頭品頂戴旋授禮部尙書二十四年轉兵部尙書復爲

御前大臣鑲黃旗領侍衛內大臣旋出爲

盛京將軍時公屢忤

旨明年夏五月以兵部遺失

行在印降山海關副都統又革副都統以公中佐領用六月又降驍騎

校秋七月

今上登極冬

特授公都察院左副都御史旋升左都御史十一月又出爲熱河都統道光元年夏召補兵部尙書在軍機大臣上行走以事奉

命往杭州明年春署直隸總督畿輔州縣遇

屬車行幸凡徵發供億例不準給帑者皆分年扣各官養廉自乾隆四

十五年至六十年嘉慶八年至二十三年

行幸供億當分扣養廉銀者共二百四十一萬三千九百兩州縣所得養廉不足償分年之扣公乃奏未及分扣之銀請加恩免扣夏管理戶部三庫事務公在邊地久熟悉外藩情勢六月理藩院將奏事公閱其稿謂不合尙書禧恩遂屬公刪改或謂禧恩曰公定稿而彼乃擅易是目無公也禧恩怒言之

上有

旨大學士等議罪議上革職發新疆效力贖罪

上命以六部員外郎候補冬補光祿寺少卿十二月

命以二品頂戴補左都御史三年夏以事奉

命往熱河秋

賞還頭品頂戴署正紅旗蒙古都統

上錫宴十五老臣於萬壽山玉瀾堂

詔公與宴出補吉林將軍明年復入爲左都御史正黃旗漢軍都統內大臣五年春以事奉

命往熱河明年夏授禮部尙書以事奉

命往山西八年春署熱河都統秋又署熱河都統明年春以事奉

命往保定夏署直隸總督旋以科布多參贊大臣額勒錦擾累外藩奉
命往科布多按治秋轉兵部尙書烏刺特札薩克公車楞旺楚克多爾
濟欵取所屬銀言年班入京時以銀分遺大臣禧恩耆英長齡及三額
駙今當徵取屬下以償諸所爲多不法十年秋

上命公馳往鞫訊公以分遺大臣事不實奏

革職
詔削車楞旺楚克多爾濟公爵明年以前署直隸總督時事違制部議

上命以三品頂戴休致十二年

復命以頭品頂戴署正黃旗漢軍副都統會右翼喀爾喀茂明安土默
特三旗爭界地

上命公馳往履勘山西巡撫徐忻納輿人女爲妾妾與忻所幸小童姦
輿人見而宮之童家言之官忻諷陽曲縣知縣以童自宮驗報知縣不
從布政使葉紹本強之事爲御史葛天柱所劾

上命公馳往按治公亦以事不實奏明年授工部侍郎霍罕伯克請於
哈薩克稅馬伊犁將軍以聞

上召大學士與公同人對公曰哈薩克游牧在伊犁邊外歲令輸馬爲租霍罕本安集延一小部長哈薩克非其所屬豈可令霍罕恃強稅天朝屬藩之馬故時疆外事將軍不聽治今霍罕既陳請當令將軍以己意檄諭霍罕言爾與哈薩克俱

大皇帝臣僕宜修好卽安集延貿易之人或入居哈薩克地欲招其來亦當婉言相請不得恃強滋事庶足懾服其心免生邊患

上納公言十四年春以疾請假

上命以都統銜致仕十五年夏公疾篤時久旱

上步禱黑龍潭得雨公喜甚令左右扶至庭中觀雨入室坐兩足忽麻木越三日卒五月二十二日也年八十四贈太子太保

賜諡文清公忠誠亮直名滿海內然頗行小惠乞人貧兒不惜傾財以與而前署直隸總督時有人告其知縣公卽給告者錢令自往捕知縣人皆譏其失大體屢起屢蹟數出按事晚年持正不克如前聞望大損然實心爲

國不憚碎首殞身冀有裨於

君上則公之心固不可於晚近求之也夫人察哈爾氏長子熙昌官至

吏部侍郎皆先公卒次子熙慶

按左翼喀爾喀貝勒沙克都爾札布爲其叔父刺麻濟蘭所殺公奉命馳至朝陽鞠訊擇其族子昌彥巴圖爾爲嗣此事未知究在何年故未敘入姑記於此俟攷

松筠傳

吉林通志

松筠姓瑪拉特氏隸蒙古正藍旗乾隆三十七年用繙譯生員考補理藩院筆帖式四十九年累遷正紅旗滿洲副都統

命赴吉林查辦參務明年赴庫倫查辦俄羅斯事務有馬逸入俄羅斯卡座其人獲而獻還因傳示各卡嗣後有俄羅斯馬誤入官卡者亦如之事

聞

嘉其得體數擢至戶部尙書出爲陝甘總督時三省教匪未靖

命密具統兵諸將優劣以

聞疏稱額勒登保英勇出羣其次德楞泰後卒成功此二人力也嘉慶五年調伊犁將軍先是乾隆二十九年

詔伊犁田土肥潤將軍明瑞等查明地畝分給滿洲官兵資養贍尋查

明可耕之地甚多請俟滿兵到齊辦理其後數

詔籌辦任將軍者類以灌溉之水爲詞八年疏言臣自接任後探明近水可耕之田由惠遠惠甯兩城酌派閒散試種通計所獲十分有餘本年秋麥又種千餘石亟宜廣行汲引因於惠遠城東伊犁河北岸新開大渠迤邐數十里又於城西北草湖中覓得泉源設法開渠修築隄岸疏引支流其地卽分給惠遠城八旗耕種至惠甯城八旗所耕本係裁撤綠營屯地原有渠泉足資灌溉惟種地必資牛力請於官廠內借給惠遠城每旗牛八十隻惠甯城每旗四十隻庶邊地駐防兵農並習得旨嘉允又疏伊犁塔爾奇地方嚮設水磨派兵碾運麥麩以給兵食而官兵皆願領麥易麩請撤其兵分屯耕種

從之冬疏陳伊犁屯種有效惠遠城得地八萬畝惠甯城得地四萬畝請照伊犁錫伯營八旗屯種之例按名給地各令自耕自食永爲世業軍機大臣議此項田畝只可令閒散餘丁代爲耕種官兵不當親身力作有妨操練

仁宗命妥與經理務使兵農不致偏廢十三年疏言惠甯城東時有水泉蕩漾房屋多圯請展築城垣移建教場並於城東挑一大渠引灌田

畝又塔爾巴哈臺東北夏間應設卡倫查濟默爾色克卡倫地處山陰不生柴草請移設於博洛呼濟爾又板廠溝安設塔布圖小卡於稽查哈薩克出入最爲有益又疏請塔爾巴哈臺地方撥兵加屯撥提督所屬中左右三營兵二百前往農隙操演守備千總外委各一員管轄又請禁達木達爾圖金廠於通山路徑安設卡倫派兵防守令塔爾巴哈臺庫爾喀喇烏蘇兩處領隊大臣每年按季巡查均

從之而阿奇木霍什納扎特以惠遠城旗屯公田與闡里沁回田均藉東山闡里沁泉水灌溉請開渠引霍什河水澆灌闡里沁回田以闡里沁泉水專灌惠城旗屯公田覈如所請旣而得水豐餘兩有裨益焉尋復授陝甘總督調兩江兼署江南河道總督旋調兩廣授協辦大學士仍留兩廣俄

命來京授吏部尙書初

仁宗以八旗生齒日繁不敷養贍數

詔吉林將軍等於吉林等處籌度閒散地畝酌量移居十七年

命往盛京敬謹會勘

永陵工程並籌辦移駐宗室房地各事宜明年授東閣大學士中間數

蹟數起道光三年授吉林將軍明年疏陳參務疲累情形請復舊規辦理並請屯田小綏芬等處以供創夫糧食
詔以繁費且恐別滋事端寢之調署烏里雅蘇臺將軍冬伊犁將軍慶祥疏稱俄羅斯在哈薩克游牧地方蓋屋種地請

敕下理藩院檄詢

宣宗詢之松筠疏言哈薩克素稱强悍或曾侵占俄羅斯地今從索還不能不予而以無據之詞懇將軍奏請亦未可知若理藩院行文查問俄羅斯直以索還侵占爲言轉難辦理從前哈薩克襲封汗爵俄羅斯卽有哈薩克早經投順彼國之語又乾隆三十五年土爾扈特明背俄羅斯前來投順後俄羅斯行文索討

高宗純皇帝諭旨斥駁今以無關緊要之事行文令其遵奉儻彼以土爾扈特爲言或以哈薩克投順彼國爲詞徒生枝節有失體制况哈薩克非

國家用兵平定者緣乾隆二十二年平定伊犁之後哈薩克貢馬入覲因封汗爵藉以羈縻其或向俄羅斯投順亦應置之不問且哈薩克游牧地方與俄羅斯毗連之處理藩院並無圖志今當曉諭哈薩克以

天朝定例外藩之地無圖志者例不辦理

宣宗詔慶祥如指而

嘉松筠熟悉邊情所纂新疆識略十二卷

賜序刊行故於西事備著之後又數躡起十四年

命以都統銜致仕明年卒年八十有二贈太子太保銜

賜祭葬諡曰文清入祀伊犁名宦祠

松文清逸事

梁章鉅

嘉慶二十五年八月

睿廟梓宮自熱河回京初

奉安於

乾清宮繼乃擇日

奉移於

觀德殿是日出東華門進景山東門

上哭泣步送京中自王公大臣官員以下皆得俯伏甬道之左哭送白

袍列跪者不下千萬人余亦在班中遙見

上步行甬半忽趨至甬道邊扶一跪伏者之手大哭失聲跪地者亦搶

地大哭眾遠察之則松公也時公僅賞一驍騎校不過兵丁拔補之階而

至尊當哀痛迫切之際竟能於千萬人中物色見之非平日魚水之契有異尋常何克臻此翌日卽有副都御史之

命而公仍得左右贊善矣公出爲伊犁將軍時未嘗挈眷一日遣役至京付銀五十兩以爲迎取夫人路費適役夫未行而銀已他用因卽不寄路費公家故儉長公子少宰熙昌竭力摒擋始得送母夫人就道夫人至公不擇日卽命入署僚佐皆不知將軍夫人之已至也舊有別院乃置夫人其中而日扃其門供饌之外每月與錢十千婢媪傭值俱取給焉院內正屋三楹中爲堂夫人居堂東西爲佛堂公每日五更入佛堂頂禮畢坐堂中與夫人啜茗閒語半時而出仍扃其門而夫人每日當四更必起櫛沐以待之公之禮佛不聞寒暑夫人之夜起亦不聞寒暑公由伊犁將軍除吏部尙書入京行抵涿州八喇嘛遣人迎之公乘一馬喇嘛之使人乘一騾易騎而行自涿州連宵至圓明園其家人戚友迎於長新店者俱不知也到園已四更叩軍機章京直廬之門司閽者呼葉老爺起公屬爲具摺葉老爺者戶部郎中葉雲素繼雯也是日

葉公非入直期重公之爲人不敢辭而公亦不問其名字卽以葉老翁稱之而已次日入

見卽呈講大學首章以爲治國平天下當自正心誠意始出借勒相國肩輿候客家人始聞公之已到都也晚仍宿園中又次日入城先赴吏部之任日晡方歸家其妾迎於中門公顧問曰此誰家戚誼也長公子曰此某姨娘耳公乃恍然曰汝今亦老矣公身材僅中人而體氣壯實有莊敬日強之功惟自邊城內擢後頭每涔涔動鎮日不已卽入

對亦然余時以軍機章京詣公宅畫臺值酷暑公以燒酒及西瓜餉余時余方編輯軍機題名並從公詢樞垣故實語頗叨絮公令解衣縱談因乘間問公頭動之故公慨然曰此非病也我在西域時手刃叛回至數百人未免殺戮過重至今耿耿於中不覺震動於外耳然不如此恐回疆未必安戢至今也公面如羅漢心極慈祥節鉞所莅無人不被其澤而飲其和叛回之戮辟以止辟正公鎮邊作用不知者或以殺降爲公咎豈知公者哉公奉差往江南查辦事件得

旨引對後卽欲挈值宿行李出城不回私宅因隨帶之司員部署不及顛公稍緩公許以晡時出城時方已刻乃枉途至韓桂舫先生對家小

坐先生尙在刑部署未出公自索酒肴獨酌並令韓家人等磨墨供寫大字畢遂出城住長新店再踰日而隨帶之司員始到同行焉

續碑傳集卷二

江陰繆荃孫纂錄

道光朝宰輔

清故予告太子太保文淵閣大學士食全俸晉太子太師在籍除名大

庾戴公墓碑

包世臣

公諱均元字修原號可亭姓戴氏江西大庾縣人公曾祖諱洪度自休甯遷甘泉祖諱時懋攜二子旅食大庾考諱珮始著籍爲貢生三世俱贈光祿大夫曾祖妣湯祖妣傅周梁嫡妣溫妣江俱一品夫人

國家求舊多世德常熟蔣氏桐城張氏漳浦蔡氏陽湖諸城兩劉氏無錫嵇氏大庾戴氏皆繼世入相常熟桐城漳浦諸城無錫以父子陽湖大庾則叔姪然自

憲廟設立軍機處爲政府內閣唯受已成事是故班首百僚而不入軍機與值軍機而官在尙書以下者猶皆不得爲眞相常熟兩相在未設軍機處以前桐城後再世閣臣值軍機者唯大庾而已

睿廟時輔政之久莫如文端公而公爲其季父文端之父第元官太僕寺少卿者實公伯兄文端之兄心亨與公同以乾隆乙未成進士散館

皆授編修戊戌文端繼之以首選除修撰父子兄弟並在詞垣而主試
督學之差星軺交馳絡繹道路故其時階雖未崇天下翕然稱西江四
戴已無與比隆盛者公年十二少僕官翰林矣未幾主江南試事而公
力學勤苦如寒素赴課應試率徒步篝燈山寺誦讀常徹夜泊通籍以
汔當軸起居服食唯具性坦白無僎町履封圻居政府一切導人使盡
言擇其善必推功焉舛誤則以身任任務欲遮蔽人過失使得竭力比壽
登耄耄以相國

子告天下達尊一身俱備地方大吏又率門下士及再傳弟子而公恂
恂怡怡與故鄉父老話桑麻尋釣弋舊蹟誘掖後進若不及接禮賓客
雖甚卑幼皆敵體羣從百數居鄉黨無子弟之過莫知爲相國孫曾者
漢之石氏唐之柳氏不能過也嘉慶丁巳文端超授軍機大臣戊午冬
公以學差還都故事內外大臣親屬任科道者對品迴避公官掌京畿
道例改六部員外郎

純廟命以科道應升之鴻臚少卿候補時當

訓政燕翼謀至深遠見公才器堪大受將試以事不欲使更滯郎署也
次年

睿廟親政善繼善述既補實旋改光祿寺少卿庚辰春擢大理寺少卿
不半年累擢詹事府詹事內閣學士兼禮部侍郎嗣是四五年閒文端
柄政公亦洊歷卿貳及總理內務府工程處監修督堵馳驅無虛日乙
丑冬南河事亟黃溜奪運達瓜洲江口西風掣高堰石工瞬息數百丈
有藕粉運河碎磁高堰之謠公馳往籌度空重糧艘以俱達丙寅秋初
將北轅忽授南河正督公偕副督徐端晝走風沙夜核文簿堵合黃河
末之周家堡郭家房王營減壩陳家浦運河之二堡壯原墩高堰之義
字壩拆修惠濟正越閘大工次第舉矣拜太子少保及花翎之
賞而工當修治者尙多積勞邁疾不可支戊辰正月得假歸里門四月
兩江總督鐵保請帑六百萬幫培汰黃隄分別銷攤歸款

睿廟以斯事體大

命文端偕覺羅長文敏公赴工審度並

諭文端曰清江距江西才二千里使事畢卿可一歸省卿叔父故文端

紀

恩詩有此去竹林勤問訊親傳

天語到柴門之句以須臾不可離之重臣

恩予往返四千里以省視公則自漢氏以來史冊紀載所未聞見蓋
睿廟寄重之意已於是乎定矣是年公起病左遷都察院左副都御史
己巳春視順天學不數月以花戶積蠹案須核辦擢倉場侍郎辛未文
端薨逝給公假一月爲治喪癸酉秋杪南漕旣歸倉而東河睢州漫口
改東河總督時逆匪竄聚不常曹兗濟當運道處伏莽尤多又微山湖
蓄水短絀不敷浮送公飛飭各糧道以軍法部勒丁柁水手戒嚴償行
督河員徧導坡水集湖以濟運空艘得盡數南下甲戌春以吏部左侍
郎召途次擢都察院左都御史抵都晉禮部尙書丙子調吏部丁丑以原
官協辦大學士戊寅春入直軍機處冬授
上書房總師傅庚辰春拜
文淵閣大學士晉太子太保管理刑部七月公偕滿相托文恪公扈灤
陽圍甫駐蹕
聖躬驟有疾不豫變出倉猝從官多皇遽失措公與文恪督內臣檢
御篋十數事最後近侍於身閒出小金盒鎖固無鑰文恪攜金鎖發盒
得

寶書公卽偕文恪奉

今上卽大位率文武隨瑞邸成禮乃發喪中外宴然公歿歷數十年凡有興作率依據成式去已甚不事搔爬爲激矯驚眾之行故事辦而無赫赫名至是乃大服及梓宮還都都下有謂

遺詔中措語微誤者事

聞文恪及公並退出軍機處

上以公

先帝老臣派充

實錄館正總裁旋奉

命相度

萬年吉地偕故相國英和督興工作甲申公年七十有九諄乞骸骨上賜詩寵行准馳內河水驛所在官護送在籍食全俸乙酉公八十頒聯匾珍異有加丁亥就加太子太師戊子重赴鹿鳴旣奉

賜三朝耆舊之額適

寶華峪地宮滲水被

嚴旨與英相國同逮籍家產合計田房衣飾才值萬餘緡

上意漸解除名放還又十三年庚子九月初七日薨逝年九十有五哲嗣詩亨卜以是年十二月十八日葬某所之原與夫人合祔禮也夫人崔氏同邑人長於公二歲前公卒十三年長子卽詩亨由縣學生蔭戶部員外郎晉郎中侍養在籍以公故褫職旋

賞給七品頂戴齒幾曰耄依依膝下如嬰兒人呼爲小萊子次誠亨晉亨字亨俱前卒公以晉亨爲叔父馳贈光祿大夫璠之後孫曾孫某某四世孫某某公衡文差任主試者五庚子江南戊申湖北俱以編修甲寅浙江以侍御甲子江南以侍郎辛巳順天以相國任學政者四己酉四川以編修乙卯安徽以侍御庚申山東接任以理少己巳順天以副憲任會試總裁者三壬戌以閣學丁丑以參知己卯以軍機大臣一讀乙丑

殿試卷一讀甲戌拔貢

朝考卷教習庶吉士二水利差督辦東河衡家樓大工查南河工程查勘直隸永定河應否改道查看山東張秋運道通阻及河南馬工堵築機宜者各一查勘漳河馮宿口及紅花隄廣否堵築者二馬工之役時當近寒其行也

上手賜酒一卮侑以黑狐馬褂爲自來遣使所未有內官則充日講起居注官直

文淵閣事

經筵講官管理戶部三庫歷翰林御史鴻臚光祿大理詹事吏戶刑工四部左右侍郎兼戶工兩部錢法堂都察院正副堂官禮吏兩部尚書上書房總師傅軍機大臣大學士管理刑部太子少保太子太保太子太師外官則南河倉場東河各總督五十年經手事宜鉅細畢舉唯膺睿廟特簡欲以公之清慎誠慤變內務府積習使爲總理而三督工程皆以獲咎嘉慶中監修

吉地失察工弊奪一官褫宮銜花翎不旋踵而俱復者

聖明曲體其不逆不億也

裕陵隆恩殿專金四柱俱丈二圍大木而十五六年之頃遽致蠹朽寶華峪泉涌地宮則皆人意料所不能及然後知舊例內務府事務不使漢大臣參預良有深意矣公門牆至盛登黃閣柄樞廷有與公相後先者躋卿寺持節鉞陟內外臺省至百數多有可稱述而陽湖李兆洛荆溪周濟秀水王良士雖不達並以博學雄文知名當代唯世臣應童

試時公於本署觀風集生童至千四百而榜高第止世臣一人世臣故荒落無足道謬以名氏爲宇內通儒所齒然風檐中真賞僅一遇公世臣初隸弟子籍卽承召追陪杖履袁浦節署尤爲朝夕馬蘭鎮行館侍談達旦習公最久公之葬也世臣與在執紼謹次公行治以詩於麗牲之石其辭曰

有福百世忠恭之慶自徽徂揚爲光庾嶺濟端揆席實行相事導公先路公有猶子公齒初壯已賦鞅掌八十懸車永式耆長日期頤神邱壑稱道不倦允矣

舊學公之經德持寶貴讓言各有蔽埋憂泉壤

原任子告大學士戴公墓碑 梅曾亮

嘉慶二十五年大庾戴公以吏部尙書直軍機拜文淵閣大學士國家設軍機大臣凡宰相非兼是官兼是官而位尙書以下皆不爲真相惟公與兄子文端公相繼皆以是入相天下以爲榮公諱均元字可亭先世自休甯遷甘泉再遷大庾考諱珊爲大庾貢生娶溫氏生第元策元銓元娶側室江氏生淑元及公自考以上曾祖諱洪度祖諱時懋皆贈光祿大夫自江太夫人以上曾祖妣湯氏祖妣傅氏周氏皆贈一

品夫人公以乾隆四十年成進士歷編修御史九卿以刑部侍郎出視河南衡工官吏畏其清斂手葺事工以速成

仁宗以爲賢遷戶部吏部侍郎嘉慶十年黃河奪運河入江西風敗高家堰數百丈

命馳往赴工卽授南河河道總督凡三年改定木石工價及開塞修廢所宜次第畢舉

賞太子少保花翎以事左轉副都御史改倉場侍郎再出爲東河河道總督復入爲吏部侍郎左都御史禮部尙書

賜紫禁城騎馬是時公年六十九矣遂以吏部尙書協辦大學士入直軍機處兼

上書房總師傅拜

文淵閣大學士太子太保

今上卽位以錄

遺詔語有誤出軍機旋

命相度

萬年吉地工道光四年公陳情乞休得

續編傳卷二
五
俞旨製詩寵行在籍食全俸先是

仁宗賜公七十壽衣服珍器宴會二日至

今上復賜公八十壽珍器聯扁就加太子太師戊子重赴鹿鳴

上親賜書三朝耆舊蓋

朝廷恩禮於公先後優異如此適

寶華峪地宮水滲

嚴旨逮入都

上以公引咎陳詞得大臣體除名放還後子詩亨孫嘉德皆

賞還官及舉人道光二十年九月七日薨於南昌里第年九十五公情

歛志約聰明外周其形神清和舒平動若有餘吐詞流音朗潤暢遠識

者皆知爲承平公輔氣象始以侍從發身嘗任湖北及江南正副考官

四川安徽山東學政與伯兄太僕公兄子文端公若士編修使車往還

結轍於道又視學順天主辛巳順天鄉試典壬戌丁丑己卯會試總裁

及閱卷教習門生幾數千人而

仁宗知公深不與他文臣比四方有大疑獄災患及

萬年吉地工程戶部三庫事務非親臣不輕領是事皆一以委公蓋

仁宗在位久以天地覆燾之德挈持綱維含宏羣生而公以耆年長德不急近名合道於仁厚清靜相孚之德固如是也公配崔夫人先公卒子詩亨誠亨晉亨孚亨女適陳適黃適温四女未嫁卒孫□人曾孫□人四世孫□人詩亨以是年十二月某日葬公於某鄉某原崔夫人合祔告曾亮曰必以銘曾亮故公辛巳科門下士也道光二年正月嘗召至第曰吾定拜疏乞休試草其文時逡巡辭謝後語座主顧侍郎曰梅生得縣令無奈何且無令遽出京也今二十年執筆爲公銘追思昔言可痛也夫其詞曰

庾山建標四戴鍾祥兩爲真相公兼壽昌三十登朝八十致仕庸功事樞歷試有煒謂公崇高約志愈卑收迹於先割榮不虧幾人百歲身此元老十年川觀宴處勳表我銘公墓不華其詞非我有文公實我知詩此碩德以奠龜螭

煦齋英公

姚瑩識小錄

協辦大學士英和定圃尙書文莊公子少有異才和珅欲壻之不可頗

銜之乾隆癸丑公登進士殿試恐爲所中乃變易書體得免

仁廟親政和珅伏誅以公不附其黨嘉焉洊至大用今

上即位首言開捐之弊

上深納之有永停捐例之旨海內翕然吏治一變道光五年高堰河決漕運不前公力請海運江督琦公蘇撫陶公助之時議懼險僅分運蘇松諸幫已而海上舟安抵通倉識者皆偉公策欲久遠行之不果蓋漕運倉場二總督以下食河運之利者不便海運多方尼之也公感恩遇知無不言爲戶部尙書深以國用爲憂張格爾事起西域用兵計費千萬有請於易州開礦者公未察奏之

上不許太僕少卿梁中靖奏酌增常捐事例以裕軍需西事方亟廷議皆以爲宜行公亦不能持前說然公判度支邊餉莫籌亦共諒公之非得已也公嘗數主試尤風雅愛才六十壽日諸門生故舊頌祝之詞甚眾公獨取桐城諸生劉開詩以張堂中觀者歎劉詩之工而益服公之好士也

萬年吉地初營寶華峪

上命莊親王及大學士戴公相度地形而公督工程公薦戶部某郎中爲監督先是公爲內務府大臣久習知吉地工鉅財力匱耗頗以尙儉

爲言與

上意合嘗燕暇從容舉漢文帝薄葬事

上稱善至是遂議於舊制小有裁省道光五年余在都中聞某爲監督
節省工費三十萬曰嘻其敗矣昔嘉慶中吉地年久費鉅工猶未善盛
公以此得罪某何能省費若是其工可知矣英公必爲所累友人劉元
恩在工當議敘余戒之曰君其辭之劉曰諾七年工竣戴公英公皆晉
宮銜某擢內閣侍讀學士某故麤鄙希
旨節省工不堅而眾惡之八年

上聞地宮有水使人視之驗

車駕臨視則

孝穆皇后梓宮下見水迹

上大悲慟逮問諸人公及二子革職戍黑龍江莊親王以先薨免戴公
初逮禍且不測

皇太后言不可以吉地事誅大臣乃釋歸某亦遣戍方英公之被逮也
盡封家財登諸籍戒家人曰

上必籍沒悉以獻敢匿一物者吾以聞遂皆入官無隱然公家數世貴

顯悉所有不及數萬天下悲公之忠蓋而誤於非人也

前太子太保體仁閣大學士孫公家傳

劉鴻翔

公諱玉庭號寄圃世爲濟甯州人少讀書軒屢有鶴集占者曰鶴一品之服主貴鶴長生之鳥主壽因名軒曰來鶴軒又芝草生於亭占者曰賢者之祥公旣由進士起家官翰林以風節自持遇當道用事者重公欲羅而致之門下公逆其意多方陷公不可得嘉慶四年當道者敗時公已由廣西蒼梧道升廣西按察使獨得不染

仁宗由是重公公陳臬粵西黔苗亂粵西震動制軍駐泗城左右江鎮皆失利惟提督駐西隆舊州距泗城百餘里制軍欲赴西隆公急止之曰兩鎮雖失利提督全軍尙在賊必不敢越舊州制軍止賊果退時有以制軍爲孤注謗公者後公平苗班師制軍乃服升湖南布政使旋調安徽又調湖北時川楚軍興前司以軍糧不給爲大經略所劾制軍預爲地劾公短糧而經略告勝由糧草充裕之摺先入

仁宗廷寄獨下公擢公爲廣西巡撫制府大慚調廣東呂宋欲占大西洋澳門貿易地違

天朝法公請制軍以兵逐之不聽請帥本標以逐之不得已嚴設守備

逡巡兩月夷人始遁去

仁宗以畏蕙遣制軍成改公撫貴州甫抵任追議不參奏制軍之過革職及

仁宗聞公之請制軍出兵也乃起公雲南巡撫公免冠頓首謝曰督臣某為

國家慎重邊釁非敢示弱

仁宗釋還制軍制軍即在兩湖劾公兵糧不足者公洞悉夷情安南王阮光纘為農耐阮福映所滅

仁宗遇邊疆有事

命公馳驛往未至鎮南關福映已遣使納款公奏中國之與外夷不以其國之順逆為順逆而以其順逆於我朝為順逆察福映情詞恭順故據情懇

恩俯准得

旨俞允繼福映復表稱其祖居越裳請以南越名國公因其稱名與趙佗無異駁回福映猶懇代奏乃密陳奉

旨阮福映先有越裳續得安南即以越南錫封福映得

旨益畏服緬僧張輔國聚眾數萬據南興蠶食耿馬孟連猛拍三土司地掠及猛緬公與制軍親往督剿三勝破其巢輔國就戮捷聞在事文武議敘有差公入

觀
仁宗諭曰汝在雲南與伯麟和衷汝二人何以能如此公奏臣與督臣相與以誠

仁宗喜曰汝等如此朕無南顧憂矣擢兩湖總督旋督兩江
今上卽位授協辦大學士晉

體仁閣大學士逾二年罷歸公總督兩江最久江南之大務曰漕曰鹽曰河東南困於徵漕公奏州縣浮收不如明與八折便民御史參以國朝不加賦事遂阻然州縣困於旗丁轉運之費不能不浮收而輕重懸殊則書吏得上下其手而懦民受累後安化陶文毅公每欲均之而太息於公議之不行也鹽法之敝極矣十一年

皇上命戶部尙書侍郎整理鹽務陶文毅公奏自八年冬淮南改孫某散輸之法爲整輪國課大絀公之禡職以借黃濟運之故洪湖高堰決上遣河帥戍新疆

命公留清江催運軍船已渡過半河淤運阻

上革公職當時有謂公職催漕河淤乃河帥之咎宜疏辯者公以爲受三朝厚恩大學士職無所不統誤國病民咎所應得終不辯先是道光元年公七十生辰

上賜福壽字

御賜匾額對聯並文綺藏佛等寶時公子善寶官刑部郎

命自京齋送南來爲公壽四年

上幸萬壽山宴七十以上老臣繪像玉瀾堂公得與時朝臣有欲均天下州縣陋規者公執不可

上贊以爲公忠體國公歷任封圻者五十年處田間八年天下識與不識推嘉慶年間督撫必曰公享年八十二卒論曰

國朝吾鄉得至大學士者數人最著李文襄公劉文正公勳績載國史二公之後配之者惟公然二公之壽皆不如公乃知公家白鶴芝草非

獨爲我

國家得賢之符亦公福祿壽考之徵也

又前體仁閣大學士兩江總督孫公家傳

彭昱堯代作

公姓孫諱玉庭字寄圃山東濟甯人乾隆四十年進士由翰林出爲監
司洵擢臬藩巡撫大邦總督江南授協辦大學士尋授大學士加體仁
閣銜視事如故既而河決高家堰被議除名公以廉介操守上結
主知恪事

三朝歷敷中外五十餘年清操碩德爲天下望生平嚴重識大體鋤剔
姦蠹控綏遠人不徼旦夕不可必之功不驚猥瑣不可行之事天下陰
受其賜焉粵東負山襟海重洋出沒孕納汙垢而土窄人滿嗜利輕生
椎剽劫匪眦鬪讐號稱難治嘉慶間洋盜充斥舟師無功公之巡撫
廣東也奏稱自古論海防未聞海戰惟嚴守口岸添駐兵丁禁淡水米
糧以絕之而以米艇數十艘居中策應使賊進無所掠退無所資爲不
擊自斃之策而督臣銳意主剿其言不行久之師老盜禁遂議招撫誘
以賞賚百姓有爲民不如爲盜之謠公抗疏力陳其弊謂盜匪非眞悔
罪特爲貪利而來官吏意在貪功不惜重金爲市然罪貫姦萌陽避盜
名陰攫盜寶及有司鈎捕則踔颿駛海而去科其劫殺之罪極刑不足
蔽辜今則以賞爲刑以招爲弭兵丁謀緝而不能邀一外委之榮盜託
投降則唾手獲干把之職廢法斂怨莫此爲甚夫剿撫兼行之計莫如

堅壁清野之謀斷接濟以絕其糧嚴口岸以防其突以主制客以逸擊勞批亢擣虛馴致銷耗則海道漸臻晏謐矣奏入

睿廟躋之公精於治盜購諜鉤繫無不立獲嘗捕盜論殊死者至百七十餘人之多其楊阿鹽鄭阿訂關念棕各大盜竝弋致之寘諸灑李崇玉者陸豐甲子巨盜也爪牙森鈇勢張甚長吏畏其潰癰縮不敢問公嘗讞獄潮州密飭左翼林鎮以舟師塞甲子港口防其入海而文員率壯丁由陸路疾馳擒之部勒甫定碣石鎮李漢升適至堅請與俱公不欲其行而勢不能禁距賊巢里許李鎮兵伍突鳴排鎗李崇玉方飯大驚跳而逸比圍其廬僅縛賊之父母兄嫂子姪而已公據實入奏有旨逮李漢升潮州民俗獷悍毛髮之隙輒拔刃割之其同姓者黨而報讐於是糾宗而鬪曰械鬪習爲頽風潮陽尤甚鄭馬兩姓械鬪互殺一百六十餘人有孫映輝者前山東金鄉令也讐已革生員林哲斃其姓二十三人林亦斃孫姓滅其二獄積五年不決公往鞠之梟馬姓二十餘人而奏禡孫映輝餘按律抵罪遠近肅然

國家怙冒中外震疊懷柔日月照臨莫不臣妾其最遠者爲英吉利近者爲安南英吉利距中國八九萬里乾隆閒航海入貢安南在廣西太

平之南自漢迄明始隸版圖繼淪異域然額封修貢恪服素著自阮光平滅黎氏而有其國傳至光纘農耐阮福映又滅光纘而奪之嘉慶七年阮福映奉表稱本黎氏舊臣爲祖父復讐不敢無故稱兵且俘光纘所匿內地海盜莫觀扶等數十人械歸廣東而以光纘所受敕印獻諸天朝且請錫封時公巡撫廣西察其恭順以爲國家於外夷不以其國之順逆爲衡而以其順逆於我者爲準奏請納款得

旨允行明年福映請以南越名其國公以名嫌趙佗不祥駁之睿廟謂福映恃功邀請心存叵測有海道邊關密飭防備之諭而福映自以世居越裳申請至再固不知南越之爲嫌也公以爲嫌名不可蹈而邊隙不可開國體不可不尊而遠人不可不輯遂奏福映初得富春卽遣使航海輸誠既有安南復遣使敏關請命懷畏德威足徵恭順使其不恭奚需名號不可以語言文字之末阻外夷歸仁向化之心且百越之南本爲夷域彼先有越裳繼有安南請錫號越南於肇錫嘉名之中仍其舊域故土之義

奏入奉

旨俞允嘉慶二十年英吉利入貢其使不能行三跪九叩首禮廷議以其崛強遣之

睿廟不憚公適述職京師

召見垂問以嘗撫粵悉夷情也公面奏乾隆五十八年英夷貢方物使至京已不能效中國禮拜之儀其大班曰司當冬嘗於廣東巡撫廳治拜頌

大皇帝賞物弓身俯伏臣親見之譯者曰俯伏者夷禮之免冠頓首也今入貢之使即廣東之司當冬未有謹於彼而驕於此者如其妄有干求當折以

天朝之法度如其歸心恪順不必責以中國之儀文反覆開陳漏下四刻

睿廟大悅

優旨褒之當兩國之求封入貢也

廟堂疑慮不釋封疆大吏稍有迎揣倖功之心邊釁兵端紛然而起惟未發而預籌其收不敢鹵莽嘗試輕於一擲鎮之以靜待之以誠銷兵革於無形播德威於荒服全

國體而綏遠人古大臣公忠以維其國家未有不如是者不如是不足以爲大臣也公之計慮深長僅利在一時而已哉公以乾隆甲午舉於鄉至道光十四年甲午甲子初周而公罷退里居十年矣撫臣以重宴鹿鳴入告

俞旨賞四品頂戴準其重赴鹿鳴筵宴是歲冬十月薨春秋八十有三道光二十四年孫毓澐以廷試第一入翰林世謂碩德之報云

黃恩彤曰余爲公之孫女壻後四十餘年開府粵東先正典型餘澤未遠而東粵之難什倍曩昔倣其遺法以治之而材薄未能也今

上改禾之初樞臣議條州縣陋規算及舟車公謂非體力陳其不可上立悟而止

優旨褒嘉許爲大臣此利天下之溥且大者其奏疏膾炙人口故不載載其治廣東撫外夷者爲邊疆大吏之式云

富俊傳

吉林通志

富俊姓卓特氏隸蒙古正黃旗由繙譯進士授禮部主事嘉慶八年以署兵部右侍郎出爲吉林將軍尋調盛京將軍歷盛京工部侍郎兼管奉天府府尹事及六邊邊門事務授黑龍江將軍十九年調吉林將軍

疏言拉林西北雙城子所在地土沃衍應行開墾移駐京旗

仁宗命具試墾章程以進尋疏先於吉林等處閒散旗人內揀選屯丁

千名每丁給銀二十兩籽種穀二石於拉林東南夾信溝地方設立三

屯每丁撥給荒地三十晌有奇墾種二十晌留荒十晌種三年後晌

酌交糧貯倉十年後移駐京旗蘇拉時將熟地分給京旗人十五晌荒

五晌所餘熟地五晌荒五晌即給原種屯丁免其交糧作為恆產一切

農具耕牛分別採買於明春試墾如所議行二十二年調盛京將軍明

年復調吉林將軍疏陳吉林站丁典賣與民地萬三千五百六十三晌

請

賜額設站丁八百五十名每名十五晌九分零作為隨缺工食如所請

行二十五年疏言雙城堡左右二屯屯丁到齊比屋環居安土樂業又

條中左右三屯未盡章程一每屯宜添井一眼以裕食用屯丁戶婚錢

債爭鬪事由各佐領呈報協領訊辦人命盜案報解阿勒楚喀副都統

驗訊轉咨將軍覈辦一雙城堡協領需添設無品級筆帖式二員委官

二員三屯佐領處添設無品級筆帖式委官各一員以資差委稽查一

總屯達二十四人約束屯丁請給金頂並月給工食銀一兩一領催兵

丁應得賞銀嚮由將軍衙門給發未免稽遲請准由管理三屯協領處支存就近給領從之且獎其實心任事加一級道光元年疏陳吉林屯田移駐京旗閒散章程又疏於吉林三山子三道溝等處開採煤窯並如所議行明年授理藩院尙書四年復授吉林將軍疏請每旗屯適中之地建設義學並嚴禁該屯丁冬令過江樵采從之又條上雙城堡移駐京旗章程一京旗閒散有願駐雙城堡者著各旗於十月報齊戶部具奏十一月知照順天府尹直隸總督盛京吉林將軍正月初十以前定期啟行地方官計程籌備一移駐京旗大都無力僉工請將戶部應發銀兩俟抵吉林後由將軍衙門備用銀兩項下發給作爲僱工之用俾盡地力其荒地五晌亦可隨時開種一彈壓大臣改派軍班仍令地方官隨同護視給與車輛分段遞送一每年應修住房百所於本年冬間備料以省運費

宣宗嘉納焉冬疏言吉林伯都訥開墾屯田奉

旨俟雙城堡有效再議今雙城堡三屯辦理完竣移駐京旗視爲樂土伯都訥圍場計二十餘萬晌荒蕪旣久地甚肥饒開種易而經費亦省視雙城堡事半功倍自應及時籌辦如所議行明年疏言吉林我

朝發祥之地俗厚風醇八旗臣僕皆當以國語騎射爲重騎射而外當教以清漢文藝使知義方請頒發書籍清文條例以擴見聞從之初部議雙城堡移駐京旗閒散隻身予房閒牛種器具半分不爲戶

命體察以聞疏言隻身閒散至屯種地無人炊爨及守局並恐舉目無親隨意游蕩且每戶應得房閒等物半分不能適用應將隻身者不必拘有妻室但有父母子女或伯叔兄弟等二三口均准爲戶照定章給予全分如所議行尋以籌辦屯墾不避嫌怨盡心宣力著有成效加太子太保銜疏陳拉林嚮未設防禦及筆帖式辦公之員請於甯古塔防禦十二員內移撥拉林四員其關防辦事無品級筆帖式二員卽於拉林領催甲兵內揀選添設又疏雙城堡移駐京旗每一旗下屯請再添總副屯達各六名以資稽查並從之尋疏吉林六副都統年班進京例應每年二員遇將軍年班副都統則一員長途往反耽延時日署缺之員未免意存推諉請以本年爲始如值將軍年班副都統卽無庸進京如值副都統年班亦祇須輪替一員來京以重職守如所請行七年授協辦大學士

命來京供職於是四任吉林將軍垂十三年矣京旗日有人滿之患又

無以資其生吉林雖非上腴而地廣人稀維草之宅屯田於此且以實邊萬世之計也

仁宗

宣宗嘉富俊之績加級加銜謂既引其緒滿漢皆吾赤子推廣之以續於嗣世豈有涯哉而吉林稱賢將軍前有富俊後有銘安銘安任光緒時攘羣盜設有司綱目麤具父老皆曰微斯人則吉林已不可知隸旗籍者以一視而不能左右其間挖之去顧其功不可沒也富俊卒東閣大學士年八十有六贈太子太傅

賜祭葬諡日文誠入祀賢良祠竇心傳者嘗官知縣坐事黜來客於富俊雙城堡屯田多所規畫疏復其官視夫攘善者抑異矣

太子太保文淵閣大學士章公墓志銘

龍汝言

道光四年九月丁巳

文淵閣大學士章公年八十薨於杭州皋園私第十月甲申遺疏聞於

朝

皇上軫念耆臣恩卹如例

賜祭葬諡文簡凡所以飾終之典靡不備焉越二年十月公子坦卜公

兆於玉泉山麓寓書都下以誌墓之文爲請按狀公諱煦字曜青姓章氏別號桐門其先系出唐封世居會稽曾祖諱大賓遷杭祖諱名選考諱廷楫皆贈如公官會祖妣邵盧張祖妣鍾妣吳皆一品夫人同產四公其季也幼而穎異長通經世之學乾隆三十七年壬辰成進士釋褐內閣中書乞假歸省丁父憂服闋以原官充軍機章京嗣遭母喪旣除升宗人府主事丙午典試雲南己酉分校會試遷刑部員外郎壬子典試河南癸丑分校會試其秋視學陝甘嘉慶元年改山西道監察御史己未復充會試分校擢太僕少卿轉大理少卿

特旨仍在軍機處行走蓋公入直樞廬二十餘年練習掌故簪毫視草矢慎矢勤故有是

命而公自此受

特達之知內而歷躋卿尹端揆綸扉外而開藩建燾屢權大府其間乘軒持節徧馳域內以求民瘼讞疑獄至於垂老乞身之年思一息肩而不得者咸於是乎基之矣自時厥後赴雲南鞫案遂往川陝兼軍務善後事宜還京升太僕卿尋尹順天十年出爲湖北布政使洊升巡撫旋以刑部侍郎內

續碑傳卷二
十四
召復奉

命往雲南鞫案授貴州巡撫調雲南兼署雲貴總督十四年晉都祝釐未至署貴州巡撫調江蘇署兩江總督年衰乞內改仍授刑部侍郎十八年九月署直隸總督弋獲林清案內助逆首惡馮克善聖心嘉悅加太子少保銜公子埏署東昌知府是時亦以軍功

賞戴花翎秉公訓也十九年甲戌充會試正總裁隨往查辦金鄉案先是署直督時升授工部尙書調吏部故

命以尙書暫署山東巡撫是年十二月協辦大學士次年赴湖北廣東江甯安徽等省訊案卽署安徽巡撫二十一年回京調禮部尙書軍機大臣上行走調刑部仍管禮部時公年逾七旬自奉

命滇南十數載以來輶車星駛動經萬里奔走頻年瘴雨蠻煙棧雲隴雪寒燠之或非其宜飢飽之或違其節加以所到之區所治之事無不并心一力勞形瘁神而公亦用是致疾矣二十二年開缺調理病愈以協辦大學士尙書銜兼管順天府尹事尋授兵部尙書經筵講官二十三年三月真拜

文淵閣大學士管理刑部二十四年元旦晉太子太保銜是冬疾大作

屢疏乞休

溫諭慰留明年復請乃許之馳驛回籍甫數月驚聞

睿皇帝升遐奔叩

梓宮

皇上知公老病仍許還山方謂怡志蠲痾期頤可卜迺自解組歸田優游林下者纔四年耳夫何溘逝之遽也公生平當官任事一以實心爲本綜覈庶務審慎精詳雖案牘填委而從容料簡無不就理晚年位益崇望益重敷歷中外貴極人臣而未嘗久於其職惟撫吳幾及三年善政留遺至今吳人稱道之其撫滇撫黔撫楚撫皖撫山東凡所設施皆未竟其緒卽當軸亦僅年餘未足盡公之蘊良可惜已然公長於折獄明允務慎有古欽恤風凡獄多疑實久懸莫決者

仁宗命公行而公所至必得其情無枉無縱書曰明於五刑以弼五教民協於中時乃功其公之謂與元配陳氏封一品夫人次配陳氏卽夫人同懷妹皆先公卒子四長圻早世次埏廣東南澳同知丁公憂歸哀毀卒次坦江西候補州同次塤候選通判後於世父以公薨之年先卒女三孫七長鎬一品蔭生錞鈞錫麟錫壽錫桂錫芝降服孫二銘鏐孫

女八公起家中翰歷踐台司恩禮際遇之隆行誼事業之美具載國史本傳及公門人前戶部尚書潘公世恩所撰行狀後之人可考而得其詳茲惟敘述官閣略爲論次亦以見公之梗概云銘曰
玉泉之山高崔嵬蔥蔥鬱鬱氣佳哉安公靈兮山之隈

御碑穹隆兮屹墓前名垂不朽兮稱大賢公靈永宅兮世澤長延

蔣礪堂相國事略

李元度

蔣公名攸銛字穎芳號礪堂遼東襄平人隸漢軍旗籍父韶年官知州生母徐氏禱於蘇郡五陽山生公於江蘇江浦政司理問署中幼穎特年十三爲諸生十八舉順天鄉試出翁覃谿學士門劉文清公見其闈中試律詩擊節稱賞曰此子當爲太平宰相十九成進士選庶吉士時乾隆四十九年甲辰也五十二年以編修充福建副考官逾年丁外艱五十七年典貴州鄉試明年分校會試又明年典陝西鄉試六十年典河南鄉試嘉慶元年督廣西學政丁內艱四年補御史六年授贛南道廣昌會匪聚眾爲亂公往治激勵士民擒首惡誅之餘黨解散逾年丁生母憂十年署惠潮嘉道明年擢江西按察使又明年擢雲南布政使十四年擢江蘇巡撫調浙江明年入覲預

重華宮茶宴是年冬調河督公以不諳河務辭

詔回浙江任十六年擢兩廣總督入覲

賜戴花翎時喫嗜喇有護貨兵船擅入內洋不敢驅逐公飭停貿易以懲之夷計絀乃遵約如舊制二十二年調四川總督川兵習尙驕縱公壹裁以法犯者必懲習遂革乃重修文翁石室遺址興學舍以造士成就者多二十四年公帶領川中土司大頭目十四人入都恭祝萬壽

召見十一次親酌酒

賜之

賞賚有加禮道光二年內召爲刑部尙書

賜紫禁城騎馬三年授直隸總督四年拜協辦大學士明年公壽六十賜御書宣勤篤祐額暨福壽字如意冠服文錦諸珍六年典會試晉文淵閣大學士加太子太傅八年授兩江總督公自館選至入閣皆亨衛特進歷中外所至有聲績十年坐鹽梟事左遷侍郎

召入都薨於旅次

帝深悼惜焉性聰強書牘皆過目不忘熟於左氏傳卿大夫氏族源流

分合能條舉無譌與人一面或曾接一言隔數十年記憶不爽僚吏驚以爲神其爲政明而不苛清而不刻飭武備清吏源尤壹意以培植賢才扶持善類爲念所薦達者多任封圻躋顯秩如唐公仲冕嚴公如煜劉公清趙公慎畛陶公澍林公則徐其尤著者也著有繩柵齋詩集子蔚遠官至貴州巡撫

附錄二則

道光三年授直隸總督莅任後水旱頻仍被災州縣共一百數十處攸銛請蠲請振全活數百萬人四年疏言文安任邱兩縣屯居旗人請革除私設總催領催名目以便鈐束又挑濬新刷衝河請分別豁糧給價並請

飭下河南撫臣同時興工俾大汛前一律完竣奉

旨依議永定河連年異漲河底日漸淤高攸銛偕張文浩熟商於南二工修復金門閘並於南上汛添灰壩挑挖出水減河並築護村隄埝是時持異議者引興縣孫嘉淦前事謂閘壩必不可作攸銛力捍眾議卒成之六月偕侍郎程含章會議全省水道大綱奏請發帑次第興辦五年奏定防守千里長隄善後事宜

畿輔通志

嘉慶五年授吉南贛甯兵備道

上密諭巡撫張誠基曰察吏所以安民蔣攸銛江右之良才也汝其任
用攸銛至官以正人心厚風俗為先務瑞金民楊某兄弟爭產構訟五
年不解提質婉諭之卒感悟去南康奸民邱家亮覬其弟婦財誣以姦
攸銛立雪之坐誣告者以罪孤寡得全廣東博羅縣會匪不靖與龍南
定南接壤親往堵截境獲安廣昌齋匪廖幹周等聚眾為亂攸銛往治
激厲士民擒首惡誅之餘黨解散

江西通志

曹振鏞傳

安徽通志

曹振鏞字儷笙歙縣人尚書文埴子乾隆辛丑進士歷官至大學士居
相位凡二十二年卒年八十一其在乾隆時由編修超擢侍講督學河
南

高宗稱其聲名甚好嘉慶三年以詹事督學廣東父憂歸服除祖母沒
期年始來京補官

仁宗稱其孝以通政使充

實錄館總纂尋充副總裁十二年以工部尚書充正總裁

高宗純皇帝實錄告成加太子少保十八年以吏部尚書協辦大學士

甫五日補

體仁閣大學士

賞平定滑城功以振鏞職任綸屏晉太子太保自十九年七月至二十五年七月

仁宗謁

陵六次秋獮木蘭五次皆

命留京辦事

宣宗御極簡任軍機大臣充

實錄館監修總裁官恭理喪儀道光元年

仁宗睿皇帝奉安禮成恭題

神主晉太子太傅三年

賜宴玉瀾堂繪像爲十五老臣之一

御賜詩句云絲綸佐朕彌恭謹抒忠獻替資劬勤四年

仁宗睿皇帝實錄告成

賞戴孔雀翎七年以喀什噶爾用兵襄贊機務夙夜勤勞

殊諭晉太子太師八年生擒首逆張格爾捷音至

殊諭晉加太傅賞用紫韁四月圖像

紫光閣

御製軍機大臣像贊并序曰西陲用兵諸臣夙夜在公盡心盡力與朕同一憂勤而曹振鏞公正慎勤班聯領袖尤能殫心據實鉅細無遺御製贊曰親政之初先進正人密勿之地心腹之臣問學淵博獻替精醇克勤克慎首掌絲綸十一年

上五旬萬壽加恩臣工以振鏞並無處分

賞戴雙眼花翎十四年

宣宗恭謁

西陵

命留京辦事十五年以疾卒於位

諭曰大學士曹振鏞服官五十餘年厯事

三朝年躋八袞因病請假派員存問優加慰勞詎意數日遽成長往頓失腹心之臣不覺聲淚俱下悼惜難堪著加恩入祀賢良祠朕於本月二十九日親臨賜奠又

諭曰朕親政之初見大學士曹振鏞人品端方學問優長特授爲軍機

大臣用資啟沃十四年餘靖恭正直歷久不渝雖身躋崇要小心謹恪
動循矩法從未稍蹈愆尤凡所陳奏均得大體老成持重懋著忠勤實
朕股肱心膂之臣從前乾隆年間大學士劉統勳嘉慶年間大學士朱
珪仰蒙

皇祖高宗純皇帝

皇考仁宗睿皇帝鑒其忠節

賜諡文正易名之典備極優隆曹振鏞實心任事體用兼優外貌訥然
而獻替不避嫌怨朕深倚賴而人不知揆諸諡法實足以當正字而無
愧著賜諡文正用副朕眷懷良輔寵錫嘉名之意並准其入祀賢良祠
命惠郡王前往賜奠靈柩起程回籍

命御前侍衛道慶前往奠醊到籍

賜祭葬如例初振鏞六十生日

仁宗御書綸閣延暉匾額謹以名其詩文曰綸閣延暉集又有話雲軒

詠史詩

書曹文正公軼事

張星鑑

歙縣曹文正公歷相三朝侃侃以老成自居同朝皆畏之星鑑聞諸都

下鉅公云道光某年

成皇帝大考翰詹詩題巢林棲一枝眾皆不知所出公在軍機謂同官曰此左太沖詠史詩也將全詩背誦不失一字

成皇帝閱卷畢大怒以為翰林詞臣也無學乃爾欲再試之明日

召見公詢公詩題出處公以不知對

成皇帝曰汝亦不知無怪若輩也遂已軍機諸臣叩公曰昨公背誦全詩不失一字今奏對何以言不知耶公曰偶然耳若

皇上再以他題詢其能一一對耶人以爲公之虛懷不可及云噫後生

小子一知半解輒自矜夸聞公之風者當知所愧矣

覺羅寶興傳

吉林通志

覺羅寶興字見山隸鑲黃旗嘉慶十年進士改翰林院庶吉士散館授編修十八年累遷詹事府少詹事入直

上書房時

仁宗幸木蘭回次白淵逆匪林清令其黨潛突禁城


宣宗方於

上書房讀書寶興下直將出東華門見賊勢鴟張官兵力邊之卽入

乾清門告警賊眾因得卽時殲獲擢內閣學士兼禮部侍郎銜中間數
躡數起道光十一年由鑲白旗漢軍都統改右翼總兵授吉林將軍疏
言東三省地方被災歉收請將新收舊欠分別展緩又疏吉林各項差
務嚮無辦公之款請以稅銀參餘項下發商生息銀六千兩半備移駐
京旗之賞半津貼吉林差務並從之明年遵籌吉林所屬閒山打捕牲
畜地界章程言吉林打捕進貢牲畜圍場並松花江西岸輝發河北岸
舊係封禁毋庸另議其餘閒曠山場均設有卡倫仍循定例攜槍出卡
打捕牲畜者不必查禁如有攜帶民人不領照票偷挖人參私斫木植
者查拏治罪如所議行秋疏陳新城局屯田地畝連年鑿井無水不能
開墾佃戶無力賠累將此項荒田二萬餘晌暫作禁荒責成伯都訥副
都統出示招募有無認墾之民年終彙咨報聞十三年調盛京將軍瀕
行疏言伯都訥界珠爾山所在荒地先後開墾五千二百六十二晌此
項租錢請自道光十五年爲始以其半每年分賞兵丁半存備該城報
修工程免銷正款此外尙有可墾荒地五萬六千餘晌作爲官荒將來
吉林如有籌款之處奏請招佃徵租又烏喇涼水泉地界開墾七萬三
千九百餘晌請自二道河以東撥出二萬晌以七成給烏拉總管衙門

三成給協領衙門招佃收租以資津貼其餘五萬三千餘晌亦作官荒將來吉林如有所需再行奏明辦理並從之十五年調成都將軍累授四川總督

文淵閣大學士加太保銜卒官年七十有二賜祭葬諡曰文莊



續碑傳集卷三

江陰繆荃孫纂錄

道光朝宰輔

長文襄公事略

李元度

公諱長齡字懋亭姓薩爾圖克氏蒙古正白旗人父納延泰官理藩院尚書公由繙譯生員補筆帖式乾隆四十年充軍機章京升主事四十九年甘肅逆回田五叛隨阿文成公進剿升員外郎五十二年林爽文亂臺灣隨福文襄公往剿克復大里杙爽文就擒

賞花翎五十六年廓爾喀叛擾後藏復隨福公往討平之補郎中遷內閣侍讀學士嘉慶四年遷副都統授右翼總兵官五年川陝楚三省教匪擾達州青號賊徐天德折竄湖北

命公爲領隊大臣率兵馳剿八月白號賊高二馬五敗竄陝改赴陝西時公道經湖北房縣會藍黃白三股賊至卽與巡撫倭什布會剿由南漳進攻尋以高二馬五屯洵陽王家坪公率兵分撲斬俘甚眾調宜昌鎮總兵旋由鮑家店抄至賊前分隊衝壓斬獲千餘乘勝由陳家莊進擊分兵七路晝夜窮追生擒僞先鋒鄒順等餘匪敗竄鄧家河公復繞

出賊前斬獲五百餘人得

旨獎賚嗣高逆由楚竄陝公追勦於白河敗之又折竄楚境公由竹山房縣抄截殲賊百餘擒賊目吳登科等尋以徐天德等由陝竄楚與高逆合公由獅子巖分路迎截殲賊五百有奇追殺四十餘里又敗賊於瓦房口擒斬千餘得

優賚六年正月追敗高逆於楚陝交界之大花園會徐逆仍在楚境肆竄公復回楚協勦敗其眾二月敗賊於黃沙河燕子溝等處尋探知白號賊苟文明藍號賊李彬由陝竄楚公倍道扼其東竄之路戮偽總兵卜興昂等於陣會徐逆圖竄襄陽公設伏截擊俘馘盈千擢湖北提督三月敗賊於穀城擒教首黃正魁等百八十人旋敗賊茅倫山殲擒七百有奇邀

賞賚苟逆尋遁房縣公由紫竹兜繞出賊後斬擒甚眾

命署湖廣總督五月黃號賊張萬林從陝東竄鄖縣公督兵進勦斬獲亡算時藍號冉學勝亦由陝竄楚復迎勦於秦家坪克之六月敗賊渠湯思蛟劉朝選於劉家灣等處八月青號賊由陝奔楚公督兵由上龕繞至鐘鼓山奮力截擊箭斃偽元帥李大年擒偽總兵蔣添受殲賊七

百有奇均得

旨嘉獎十一月黃號賊會芝秀自興山折竄房縣公由紫竹迎擊至二層巖擒斬甚夥復追至連湖坪敗之旋率兵迎頭剿捕殲賊四百人僞軍師鄭三元僞元帥褚貴悉就擒七年正月殲賊於摩天嶺餘賊遁紅巖溝公乘夜用火攻剿洗殆盡二月首逆樊人傑合會芝秀各股匪竄興巴一帶公由興山會剿敗之於高良坪三月賊竄房縣公帥兵追殺二十餘里芝秀中箭遁四月殲賊於瓦房溝復敗賊於火石嶺賞玉鞞荷囊諸品五月藍號賊蒲天寶東竄羅溪河公冒雨進攻墜馬落水侍衛富翰等救出得

旨獎慰尋知樊人傑會芝秀竄漁沱偕將軍賽冲阿等奮力逼剿樊會二逆投河死

賞雲騎尉世職七月追剿蒲天寶於巴東蒲逆墜崖死公自房縣接捕餘匪殆盡九月以疾聞

命回京調治八年以提督銜補右翼總兵尋授古北口提督九年授安徽巡撫十年調山東巡撫未之任以蒙城教匪余連糾眾倡亂遂帶兵馳剿殲匪黨四百余逆就俘並獲教首李朝士等磔於市

上嘉其迅速十二年五月授陝甘總督六月入覲時西甯賊番滋事命馳往查辦八月討平之獲賊目班珠爾貢格等

上嘉其迅速再下部優敘尋上善後章程四則從之十三年冬以前在山東巡撫任內餽

欽差大臣廣興銀兩鑄級畱任復以廣興過境時藩司邱庭滢稟明動帑辦差公置不究坐褫職發伊犁效力九月

賞藍翎侍衛充科布多參贊大臣十五年遷三等侍衛調烏里雅蘇台參贊大臣十六年授河南巡撫尋以前在科布多收受伊犁將軍餽送馬匹濫與供支干部議十八年九月復授陝甘總督十二月岐山匪徒萬五等因木廠停工乏食糾眾滋事

命帶兵勦捕十九年正月擒萬五磔之乘勝進擊斃賊六百有奇生擒陳四等三百餘名得

旨優敘

賞玉韞荷囊尋殲賊渠吳抓抓於黃官嶺龔貴於階州漢江南北均肅

清
賞騎都尉世職並

賞還花翎條上善後事宜五則尋

命爲伊犁參贊大臣二十一年授伊犁將軍二十二年復授陝甘總督二十三年劾陝安總兵劉管城任性乖謬甯夏總兵游棟雲違制坐轎私役兵丁請褫職嚴議有差二十四年冬入覲明年春回任命兼署西甯辦事大臣道光元年以陝甘山嶺崎嶇請裁減馬兵額以步兵改補從之加太子少保協辦大學士仍留總督任公奏請入覲會山西巡撫成格劾學政陳官俊毆差納妾等款

詔均解任

命公於來京陛見之便暫署山西巡撫按其事尋疏言參款不能指實請分別嚴議奏入成格降主事官俊降編修二年正月署直隸總督適河北九族野番滋擾

命回陝甘總督任相機辦理三月檄總兵穆蘭泰馬騰龍等擊賊於克克烏蘇等處戰屢捷復敗之於烏蘭哈達及幫隴山中斃賊二百賊大潰追剿至駱駝山盡殲之奏入

賞換雙眼花翎時

上御養心殿對雨捷報適至因

親書御製詩扇

續編傳卷三

三

賜之六月條上善後八事如議行旋授閱兵大臣
文華殿大學士管理藩院事八月

命還朝十月以青海野番於奏凱兩月後復過河搶掠奪雙眼花翎仍
戴花翎十一月回京

賜紫禁城騎馬三月

命充軍機大臣經筵講官管理戶部三庫事充繙譯會試正考官歷充
殿試讀卷官四年稽察欽奉

上諭事件處十二月以大學士授雲貴總督五年調陝甘總督未幾授
伊犁將軍六年六月逆回張格爾入卡滋擾陷喀什噶爾英吉沙爾葉
爾羌和闐四城

詔以公爲揚威將軍陝甘總督楊遇春山東巡撫武隆阿爲參贊率諸
軍討之十月師抵阿克蘇時提督達凌阿已敗賊於托什罕河張逆復
糾黨三千據柯兒坪阻大兵進剿之路公率將弁分路進悉殲其眾得
旨獎賚十一月
上念邊外互寒

賜裘服七年二月師次大河拐賊屯洋阿爾巴特夜犯大營我師擊卻

之越日由中路進剿殲賊萬餘追殺三十餘里擒賊黨三千餘人

上以公忠勇可嘉晉太子太保張逆復糾賊十餘萬抗拒於沙布都爾

莊我師奮勇抄擊逼至渾水河痛殲之進剿阿瓦巴特大兵三路掩殺

俘斬二萬有奇復追至洋達瑪河接殺淨盡捷聞

賞用紫韁三月移師渾河沿克復喀城四月復英吉沙爾葉爾羌二城

惟張逆竄遁有

旨嚴飭奪紫韁五月賊屯毘拉瑞迎拒大軍奮勇夾擊殺賊五千復和

闐八月疏言張逆逃往卡外達爾瓦斯之藏堪地方經參贊楊遇春楊

芳分途出卡窮追至塔爾克地方斬賊千餘協領都凌阿侍衛色克精

阿力戰陣亡

詔切責公奪職畱任九月

命回京十二月偵知張逆奔喀爾鐵蓋山密遣楊芳星夜追之我軍抄

入賊後斃賊三百張逆僅以三十餘騎登山都司段永福等擁至張逆

窮蹙將自刎馬甲舒興阿兵丁田大武奮力生擒盡殲餘匪八年正月

紅旗報捷

上嘉悅錫封二等威勇公世襲罔替並

賞戴寶石頂兩團龍補服授

御前大臣

賞還紫韁換戴雙眼花翎三月授都統時回疆平定遵

旨回京

賜御製詩扇五月張格爾檻送京師

上御午門受俘禮成晉公太保

賞換三眼花翎繪像紫光閣

上親製贊尋命鄭親王烏爾恭阿等往良鄉迎勞六月入覲行

抱見禮於勤政殿並

賜御用珊瑚朝珠四團龍補服

諭不必進內侍班用示體恤復授閱兵大臣充總詣達管理藩院及戶

部三庫事充崇文門監督八月正大光明殿凱宴

恩賞銀幣旋充繙譯鄉試正考官授領侍衛內大臣十一月公生辰

御書平格功成扁額黃扉贊化星辰近紫閣圖勳劍佩高聯句

賜之九年充

經廷講官署吏兵二部尚書管健銳營事務十年署步軍統領九月回
畱逸犯博巴克糾結浩罕入卡滋擾圍喀什噶爾英吉沙爾二城

詔公往督軍務十月仍授揚威將軍十一月提督哈豐阿胡超等先後
統兵進援二城圍解公以從逆者應誅波累者應宥因籌議善後事宜
上嘉其詳備先是喀什噶爾參贊大臣扎隆阿誣劾伊薩克助逆

命公及伊犁將軍玉麟會鞫之疏白其誣

手敕報曰若非卿二人公忠體國何能平反此獄使內外夷回懾服可
嘉之至十一年八月加太傅九月請以回疆西四城閒地招民開墾以
供兵精從之十二月

命管理兵部事十二年九月回京

命管理戶部三庫事十一月補總理行營大臣復充總諳達十三年管
理戶部事十四年

命紫禁城內乘輿十五年以收受浩罕夷使土物降四級畱任罷

御前大臣及管理部務尋

命兼管理藩院充崇文門監督是歲

上謁

西陵明年謁

東陵均

命司畱鑰十六年復

命管理戶部三庫事十七年正月

賞穿四開襖袍自道光二年至是五次京察皆奉

優詔議敘七月因病乞休

上未允九月復瀝陳入告

慰畱之十月

上親視疾

賞尚方珍品

溫諭有加十一月公八十生辰

詔晉一等威勇公

賜御書綸閣勳耆額及嘉乃壯猷資勸相錫茲蕃祉念戎功聯句他珍

物稱是十八年薨年八十一遺疏上

天子震悼

詔入祀賢良祠

賞銀二千五百兩治喪其一等公爵侯桂輪百日孝滿後承襲孫麟慶
賞員外郎俟及歲時當差尋

親臨賜奠

賜祭葬如禮

子諡文襄

詔入祀伊犁名宦祠十九年得

旨嗣後每次謁

陵禮成後將原任大學士公長齡一併開列具奏派員賜奠子桂輪襲

一等威勇公官杭州將軍

汪文端公事略 李元度

公諱廷珍字瑟庵江蘇山陽人生十二歲而孤母程太夫人撫之成立
家本素封至公父而落值歲凶母子日或一食或終日不得食太夫人
終不肯使人知曰吾非恥貧恥言貧耳言貧則疑有求於人故不為也
歲除無米使僕索舊逋城外抵暮歸無所得母子各飲茗一甌嘗鹽菜
數莖就臥其艱貞若此公孤苦力學少游任子田李晴山兩先生之門
困諸生十年始獲鄉舉乾隆己酉一甲第二名進士

賜及第授編修辛亥大考擢侍讀不兩月拜司成之

命性嚴毅以師道自居選刻成均課士錄教學者以立言之義法而力

戒摹擬剽竊之弊尋

命入直上書房協修起居注授侍講學士教習庶吉士再遷禮部侍郎公學有

根柢以文章行誼高天下海內推爲正人無異辭

天子知公深屢畀以造士衡文之任初督安徽學政爲學約五則以訓士一曰辨塗謂喻義喻利人心之分盡於此爲己爲人學術之分盡於此有志者當立辨乎豪釐千里之差一曰端本謂士者四民之首天下事皆吾分內事也自公卿至一命之吏皆讀書人爲之故貴通古今達事變相期爲有體有用之學一曰敬業時文者古文之一體猶之碑誌傳記表疏論序云耳以摹擬剽竊者之不足言文乃並時文而小之過矣一曰裁僞謂昌黎論文惟其是吾論文惟其真蓋必能真而後是非可得而論也申韓莊列異乎吾道者也而朱子以爲先有實而後託之文非以其真耶一曰自立文之不能不變者時也挽其變而歸之正或因其變而愈益神明於正學者事也苟非克自樹立隨風氣爲轉移取

已陳之芻狗沾沾然倣效之庸有冀乎哉公之因文見道其大指不出乎此每訓士諄諄然如父兄之誨子弟刻試牘曰立誠編取修辭居業之義也附條約十八則抉摘至爲精審其後督學江西及浙江所刻校士文皆以立誠名之而條約加詳海內操觚之士家置一編風氣爲之一變公直上書房最久嘉慶二十三年

特命爲總師傅時

宣宗皇帝在潛邸公盡忱啟迪非法不道

登極後獻納尤多累擢左都御史禮部尙書道光二年

命典禮部試三年二月奉

手敕禮部尙書汪廷珍於嘉慶十七年蒙

皇考簡用上書房師傅與朕朝夕講論考古證今言皆中道至二十三年受任總師傅以來倍加勤慎使朕通經義辨邪正受益良多自朕親政後畀以左都御史尙書之任均能稱職是汪廷珍於師道臣道之義可謂兼備矣本日朕臨雍講學因思曩昔討論之功眷懷舊學用沛恩施汪廷珍可加太子太保銜用示朕崇儒重道之意

天語煌煌具見公所學之正故能啟沃

聖聰成三十年仁孝太平之治足與古大臣爭烈矣是年仍典禮部試
所得多知名士

贈太師杜文正公受田其舉首也未幾拜協辦大學士

賜紫禁城騎馬八年薨

優詔悼恤

上親臨奠醮

賜祭葬有加禮

予諡曰文端公風裁嚴峻正色立朝出入內廷進止不失尺寸造次必
以禮於要人無所親附僚友見之皆肅然起敬自言平生不敢作刻薄
事遇橫逆能忍於飲食衣服無所擇貪冒諂諛之習有不忍爲守太夫
人教也所著曰實事求是齋詩文集

又汪廷珍傳

淮安府志

汪廷珍字玉粲號瑟庵其先自徽州來遷祖兆錦父士堂以仁厚勤施
耗其資所析產爲族人所并弗校也父卒廷珍方襁褓族人益藉蹈之
母程有淑德多方保護卒以得全廷珍早孤家貧攻苦力學志趣高簡
不事聲氣結納衣冠垢敝行於途遇人不拱揖人多以迂怪目之興化

任侍御大椿主講淮上一見嗟歎期以國士乾隆己酉會試以一甲第
二人及第授編修歷侍講祭酒當國者以其不附己多方阻抑廷珍益
自厲不少挫積官左都御史上書房總師傅禮部尚書道光三年
臨雍禮成

詔曰禮部尚書汪廷珍於嘉慶十七年簡用上書房師傅與朕朝夕講
論考古證今言皆中道至二十三年授總師傅以來倍加勤慎使朕通
經義辨邪正受益良多自朕親政後畀以左都御史尚書之任均能稱
職師道臣道可謂兼盡矣本日臨雍講學思曩昔討論之功眷懷舊學
用沛恩施示朕崇儒重道之意於是加廷珍太子太保錄

詔旨儲上書房用垂久遠四年

仁宗實錄告成錫與有加五年授協辦大學士卒贈太子太師賜葬如
禮諡文端入祀賢良祠廷珍於書無所不窺尤深於經術十三經義疏
皆能闡誦居平講學不袒漢宋一本義理爲折衷其他民情政治之大
下及輿地名物算數方技無不曲究其蘊當是時儀徵阮相國元以通
經博學負盛譽一時知名之士翕然歸之廷珍品望出其右元嘗勸其
著書答曰六經之奧昔儒皆先我言之豈敢復以長語相溷哉但讀書

所以析義要歸於中有所主而已先後立朝三十餘年風節侃侃不棘不阿以文章品誼高天下海內推爲正人門生故吏徧滿中外終其身無尺一相慰答督學安徽時有故人造訪廷珍方臥病木榻上不施帷帳或以公孫布被議之廷珍笑曰士大夫不以曲學阿世爲恥而徒畏布被之譏乎其行事質直無所瞻徇類如此晚歲以按事忤朝貴意交齟齬之卒未有以中病革之日數

命中使存問賜醫藥不絕於道恩寵無比居恆憂勤國事終日未嘗解顏退直之暇門無雜賓端坐一榻點勘公文書畢卽拱默凝思有所獻納面自陳啟言事必削其稿官近禁十年人罕見其奏牘充會試總裁二充鄉試正考官二提督學政者三所至嚴關防絕供張而藻鑑精覈人不能欺在安徽時有譚某者工爲文嘗被激賞一日歲試有取寘高等者詫曰何其文之神似譚生後訪之果出譚筆邑後進有以文采來謁者謂人曰此子文不宗道必易所守京官某例送御史廷珍曰不可華而不實欲以立朝不亦難乎後皆如所言

李鴻賓傳

江西通志

李鴻賓字鹿萃德化人嘉慶辛酉進士改庶吉士散館授檢討歷充雲

南貴州湖南鄉試考官擢山東道御史轉掌廣西道遷吏科給事中轉工科巡視山東漕務開張秋鎮古井水泉騰涌運道遂通

上嘉之命三品頂戴授副總河尋擢東河總督遭母喪歸起署禮部右侍郎改兵部左侍郎出爲廣東巡撫調漕運總督復調東河時河溢蘭陽儀封偕尚書吳璈馳往察視鴻賓以不勝重任辭

詔切責降郎中銜留工所越數年署運河道旋署山東巡撫實授安徽道光初復授漕督進兩湖總督六年調兩廣明年疏增快蟹船清海道十年疏建礮臺禁內地銀出洋分大鵬爲左右二營改前山營爲內河水師皆議行授協辦大學士仍留任十一年平崖州黎禁罌粟八月入

觀

賞戴花翎次年湖南徭趙金隴叛廣東連州徭應之鴻賓籌勦失利遂罷職遣戍烏魯木齊十四年釋歸授編修尋卒

穆長白師

吳昆田

公諱穆彰阿字鶴舫滿洲廂藍旗人道光十四年甲午公以軍機大臣工部尚書爲順天鄉試大主考揭曉後昆田隨眾上謁旅見知名氏而已及戊戌報罷將出都例辭行得見詢落卷命取閱明日呈之見堂批

首作未領題怒曰何大意如是也蓋題爲言必信行必果講首蒙上入
故講下未領上也房薦上主考閱至此卽擯棄公曰汝殆命中無此何
不出爲吏頃方開例吾助汝貲也再三辭乃已及道光三十年庚戌昆
田春闈報罷與通甫同進謁慰勉之曰汝二人困於場屋如此苦矣卽
成進士何益天下方多故能出爲一令可以救百姓亦吾人分內事也
珍重而別是年冬公奉

嚴旨鐫職次年辛亥冬昆田仕以內閣中書謁公於舊第公曰汝來此
欲何爲或仍作令乎因言有一門生某以知縣候選吏部氣節人也顧
行不謹負責山積得缺不能之官吾資之三千金始獲就道頗有咎吾
過與者茲閱邸鈔某以殺賊死矣吾以三千金而成一節義之士所獲
多矣夫何過爲及文勤公琦善督師揚州公命昆田隨行已與文勤成
言文勤命其子恭釗來促行昆田走謁公言有老親不敢就死地之故
公歎曰吾不知汝固無意功名也吾過矣乙卯昆田以改官刑部歸省
詣公辭行公曰黃河在汝家此次豐工之決又費鉅帑塞之吾見其不
久復決也河身內高於外者三丈有奇而北路濱河者西自徐邳東自
海沭河水皆屢經決溢復決必於山東直隸界將來隨勢規畫耳汝其

識吾言昆田六月抵家而銅瓦廂決始歎服公之料事如神也

太傅武英殿大學士文恭潘公墓志銘

馮桂芬

咸豐四年夏四月己巳朔越二十日戊子太傅大學士吳縣潘公薨於

京第疏聞

上震悼

命怡親王致奠卹典視例有加入祀賢良祠謚之曰文恭是秋公子少宰曾瑩等奉喪南還家孫儀鳳逆江上既歸用吾鄉宋文恪韓文懿舊事入城殯於第治喪逾三月夫人汪氏繼薨將以五年三月丁丑合葬於元和縣二十三都四圖貴字圩光祿公瑩之次啟謝夫人兆而同窆焉曾瑩等齋公年譜汪夫人狀授桂芬援漢陳熾立楊太尉碑之例屬銘不獲辭謹案公諱世恩初名世輔字槐堂號芝軒潘氏系出唐歙州刺史逢時居官有惠政秩滿父老攀留遂家於歙越若干傳至公六世祖諱仲蘭明末遷於吳

皇贈內閣中書五世祖諱景文錢塘縣歲貢生以商籍故隸浙江高祖諱兆鼎歲貢生松陽縣訓導曾祖諱暄貢生祖諱冕候選布政司理問考諱奕基附貢生

四庫全書館議敘州同知始自錢塘改籍吳縣曾祖以下

贈封皆如公官曾祖妣戴祖妣汪妣黃皆一品夫人封公二子長諱世榮乾隆甲寅舉人內閣中書爲仲父乾隆甲辰進士刑部陝西司郎中諱奕藻後公其次也大父夢一麒麟墮地化爲嬰兒俄而告公生年十有六應童試郡守胡公世銓拔第一評其卷有安排作狀元宰相語是年補諸生越二年食餼乾隆五十有七年舉於鄉次年成一甲一名進士授修撰六十年留館嘉慶二年大考第二升侍讀時故相某當國公旣以青年上第負重望及是試館職又高等益有意招致之令所私道指公拒不與通會學士闕公於次當遷屏其疏六閱月不上

仁廟親政得其狀立擢公侍講學士轉侍讀學士洊升少詹事詹事內閣學士一年中自五品驟登二品嚮用自此始矣六年遷禮部右侍郎嗣是真除權攝周於六官十有七年授工部尚書尋調戶部十有九年丁黃太夫人憂服除以封公春秋高不忍遠離卽家具疏乞養

聖主鑒其孝思不深譴也降侍郎仍允所請道光四年丁封公憂七年服除補吏部左侍郎遷都察院左都御史十年再授工部尚書先後迭署吏禮工三部其明年改吏部十有三年拜

體仁閣大學士兼管戶部尋調兵部其明年充軍機大臣又明年充翰
林院掌院學士調管工部進

東閣大學士復調戶部十有六年充

上書房總師傅十有七年加

太子太保十有八年進

武英殿大學士

賞戴花翎二十有八年晉太傅其明年引疾乞休疏三上

溫旨慰留僅解機務遂巡至今

上朝又三疏始得

予告食全俸仍就養公子邸凡五年薨公生乾隆三十有四年十二月

二十一日壽八十有六公前後典會試四典順天試二浙江試一視學

雲南浙江江西各一分校會試一教習庶吉士五

殿廷考策文字無役不從經筵日講各館之屬所領職年除歲改以數

十計初

賜紫禁城騎馬繼

命乘輜

賜第海澱

內廷給扶

賞穿黃馬褂用紫韁再

賜壽重與鹿鳴恩榮兩宴先後延賞子若孫有差

賜御筆熙載延祺三朝耆碩瓊林人瑞三額楹聯二歲時

頒上方珍異不可勝紀歷五考上敘大拜不階協辦樞廷不始學習一

出於異數

國朝以來生加太傅者五人重宴瓊林者八人

廷試第一官大學士者八人惟公兼之至歷事四朝則

昭代一人而已厥惟我

國家太和元氣細縕磅礴之既久蔚爲人瑞委祉於公亦惟公鉅人長
德爲足以逢將而承迓之俾無顛隳於乎盛矣公爲治贊元經體不爲
聲章不苛細微其所設張舉措務持大體而要於不欺所取士以千數
名臣碩儒相望視學有治聲在雲南革新生紅案銀在江西絕替考之
弊所部肅然時擔匪邊錢會匪蹤跡出沒無已公廉得其實密以聞在
浙江值蔡牽黃葵之亂亦如之繼以樞相總戶部最久中外條列農政

上以付公所持論務見其大黑龍江將軍請增都爾博特六屯公議地當游牧開墾非利也不可許言官奏山東鹽課請歸地丁公議山東場竈半毘連淮境一歸地丁聽民自運自銷官私漫無稽覈必為兩淮引課之累請寢其奏公之卓見多此類性厚重不滯泊入樞垣益慎密十有七年之閒不與臺吏交一牘

上前所陳奏或有所論薦非宣示終不以告人雖家人子弟不聞不知故公相業之大者人莫能窺也道光之末粵匪始熾芽擾嶺以西諸郡會

上卽位詔舉人才公疏薦林文忠公姚公瑩才可辦賊時公已在告瀕去位猶力疾繕疏薦賢為

國若是卽公生平可見矣既而

上起文忠督師尋道病卒姚公亦游擢廣西臬司繼沒無何賊益橫籌兵籌餉時事日棘公雖退閒見邸報日夕憂憤寢食具廢寢以不起口授遺疏惓惓

君國聲淚俱下悲夫公事親孝居兩喪年且老日作孺子泣中閒奉封公家居晨羞夕膳色養怡怡若將終身春時梅花盛放從封公御籃輿

郊外徧探鄧尉西磧天平萬笏林寒山千尺雪諸勝或放舟山塘偕子
姓掖封公步虎阜薄暮載花而歸如是者十餘年爲學一本程朱而不
爲門戶之見嘗取周子至李二曲四十三家之言擷精華要爲正學編
一書與讀史鏡古編皆歸養時作經封公鑒定者餘事爲詩文卓然成
家公存心澤物公子會沂居鄉承公之志糾族立義莊歲小歉輒弛佃
租至以饋貧盡公之產與吾吳麥舟故事後先輝映公平居貌慊慊若
不及而當官蘄然不可干以私絕苞苴謝請寄門闌悄然退食簾閣據
几手一編爲常服御如平人薨之日即無侍餘至稱貸以歸其喪可重
也已著有有真意齋文一卷思補齋詩集六卷正學編一卷讀史鏡古
編三十二卷

熙朝宰輔錄二卷思補齋筆記八卷公初娶候選州同知謝公長源女
贈一品夫人淑慎其德稟命不融歸公僅四年生於乾隆三十有七年
九月四日終於五十有七年四月四日年二十有一以嘉慶二十年十
一月從葬姑塋至是四十年矣後娶候選知府汪公爲仁女
封一品夫人公及第後歸娶時年十有七生而富貴相莊六十載夫榮
子繼重封極品醇德備祉克儷於公爲人孝敬慈惠居卑尊問莫不法

式視子女如一無纖毫厚薄天資好善賙卹人恐不逮在京邸捐金建蘇太義園他善舉稱是會瑩會璋同時爲刑部堂司誠之曰刑官可造孽亦可造福慎之哉以乾隆四十有三年九月二十九日生以咸豐四年十二月二十九日薨享年七十有七公子五會沂嘉慶丙子舉人內閣中書議敘光祿寺署正謝夫人出會獻殤會瑩道光辛丑進士翰林院編修歷官吏部左侍郎會綬道光庚子舉人內閣侍讀賞戴花翎汪夫人出會璋

特旨賞員外郎升刑部福建司郎中側室張恭人出女五謝夫人出者一汪夫人出者三側室黃孺人出者一汪學源汪嘉森汪棿汪嘉梓汪德英其壻也孫十二庭誥殤承重者儀鳳正一品蔭生祖同四品蔭生

欽賜舉人考取國子監學正學錄

欽賜進士祖蔭
欽賜舉人咸豐壬子一甲三名進士翰林院侍讀祖福殤祖喜光祿寺署正祖保

欽賜舉人國子監學正學錄祖楨祖謙祖均祖疇祖頤孫女六孫女壻韓文和汪廷標蔣鎔經汪克昌其一字汪乃昌一未字會孫一成穀會

孫女一銘曰

繫周季孫畢公之子食采于潘因地爲氏望分河南吳由歛徙潛久而光乃復其始

聖清紹統垂二百春秀孕川嶽靈降星辰元氣和會篤生偉人翊我鼎祚鬱爲寶臣公起田間早端始進捷徑終南拒之惟峻鯢入鮒居冰山一瞬泰華峩峩壁立千仞爰贊機務爰正台端以第一人爲第一官威鳳不搏瀛海無垠崇閎廣大冲夷粹温有煒

綸言一心一德維匡調娛嘉謨造辟密勿論思外廷莫測霖雨天下雲興無迹公在中歲孺慕不移陳情一表養志十稔變除再起遂許驅馳式是

聖訓忠孝無岐古三師官位宰相右瓊宴重來黃扉龍首得一於茲盛事不朽美具難并曠代誰偶惟公勳業肩袂皋夔惟公文章胚胎書詩懸車依

輦養邸棲遲皤皤黃髮憂

國成絲天不憇遺山頽梁壤

至尊悼之節終典最

四朝元老千載一會風度典型邈矣難再貴圩原敞譚經水淙和陽沖

賜阡在中潔齊萬善賢相之宮韋平繼武慶流無窮

阮文達公傳

劉毓崧

阮元字伯元一字雲臺乾隆丙午舉人己酉進士由翰林院編修大考一等第一名擢少詹事歷官詹事內閣學士戶禮兵工等部侍郎山東浙江學政浙江河南江西巡撫漕運總督兩湖兩廣雲貴總督太子少保

體仁閣大學士嘉慶己未道光癸巳兩充會試總裁戊戌秋

予告回籍

晉加太子太保支食半俸丙午科重宴鹿鳴

晉加太傅支食全俸二十九年十月十三日卒年八十六歲

予諡文達

國史有傳生平持躬清慎屬吏不敢干以私為政崇大體所至必以興學教士為急在浙江則立詒經精舍在廣東則立學海堂選諸生知務實學者肄業其中士習蒸蒸日上至今官兩省者皆奉為矩矱其撫浙

時安南艇匪肆掠親督水軍禦諸台州會神風助順賊船盡碎瀕海者無算偽總兵倫貴利等皆伏誅僉謂誠感神祐所致海盜蔡牽屢擾閩浙奏請以提督李忠毅公總統兩省舟師不分畛域立專注首逆隔斷餘船之法循環攻擊識者謂牽之淹斃於温州黑水洋全得力於此策其撫江西時嚴查保甲破獲朱毛俚謀反鉅案未嘗控弦發矢銷叛逆於未起事之先保全民命甚多遂膺宮保花翎之

賞其在雲貴時畱鹽課溢額之半協濟邊防騰越廳邊外之野人出沒無常甚為民患惟保山縣境有猓猓熟夷弩箭最精為野人所憚因籌款招募以資捍衛野人聞風斂迹相率獻木刻乞降是時提督曾勤勇公會勦廣東叛獠力戰先登功居第一出諸將上中外咸以為知人而其碩畫遠謀尤以督兩廣時為著履任之初即籌備緝捕經費俾州縣無畏累諱飾之心廣西富賀懷集廣東連山陽山多盜以接界之姑婆山為逋逃淵藪因調集兩省重兵三路合圍掃其巢穴先後獲會匪劫盜數千內地一律肅清又創建大虎山礮臺以防夷患奏禁鴉片煙不許帶煙之洋船入口並將保結之洋商某三品頂戴參摘見廣東省城布政使街酒館用木板畫夷館式怒斥之曰此被髮祭野也立諭府縣

毀之嘆咭喇護貨之兵船殺二民人於伶仃山遂封閉其艙不容貿易
數月後夷目稟請查獻凶犯始令照舊通商蓋久料嘆夷桀驁遇事必
加裁抑故終其任兵船不敢再犯粵洋及致任後因夷氛甚惡致書伊
公里布代奏請駕馭咪喇啞以制嘆咭喇爲以夷攻夷之策粵東當事
者寢而不行迨嘆爲鄰國所侵和議始成方共服爲老成謀國之遠慮
然後知其三十年綏靖封疆功德之被於人者遠矣歸田後怡志林泉
不與郡縣相接而於地方義舉無不倡捐以率之待族黨故舊咸有恩
誼樂於汲引後進休休有容至其論學之宗旨在於實事求是自經史
小學以及金石詩文鉅細無所不包而尤以發明大義爲主所著性命
古訓論語孟子論仁論曾子十篇注推闡古聖賢訓世之意務在切於
日用使人人可以身體力行初在史館采諸書爲儒林傳合師儒異派
而持其平未嘗稍存門戶之見其餘說各經之精義如周易文言堯典
朔閏雅頌文王清廟禮記孝經明堂載於擘經室集者不可枚舉所編
經籍簞詁十三經校勘記傳布海內爲學者所取資疇人傳淮海英靈
集鐘鼎款識山左兩浙金石志並爲考古者所重卽隨筆記錄如廣陵
詩事小滄浪筆談等書亦皆有關於掌故所刻之書甚多最著者爲十

三經注疏

皇清經解嘉惠後學甚溥督學時士有一藝之長無不獎厲能解經義及古今體詩者必擢置於前總裁會試合校二三場文策績學之士多從此出論者謂得士之盛不減於鴻博科主持風會五十餘年士林尊為山斗蓋生平以座師大興朱文正公為楷模故其經術政事與文正相類云

又阮文達公事略

李元度

一代之興必有耆龐魁壘之臣若唐之燕許及崔文貞權文公李衛公以經術文章主持風會而其人又必聰明早達敷歷中外兼享大年其名位著述足以弁冕羣材其力尤足提唱後學若儀徵相國真其人哉相國名元姓阮氏字伯元號雲臺祖玉堂官湖南參將始占籍儀徵嘗從大帥征苗有降苗數千大帥將戮之以死請得免及公貴人以爲陰德所致云乾隆五十一年公年二十三舉鄉試入都與邵二雲王懷祖任子田三先生友作考工記車制圖解有江戴諸家所未及者五十四年成進士選庶常散館第一授編修逾年大考翰詹高宗親擢第一超授少詹事

命直南書房修石渠寶笈

召對稱

旨

上諭樞臣曰不意朕八旬外又得一人晉詹事充石經校勘官五十八年督山東學政撰山左金石志得搨本千三百有奇修鄭司農祠墓明年調浙江學政擢內閣學士嘉慶元年

禪授禮成進文冊

諭獎其典雅徵刻淮海英靈集二年修經籍纂詁百十有六卷選兩浙輶軒錄得詩三千餘家注曾子十篇橐凡三易三年擢兵部侍郎轉禮部仍直南書房四年調戶部侍郎充經筵講官副朱文正公總裁會試得士最盛江都史致儼歛鮑桂星全椒吳鼎武進張惠言閩陳壽祺高郵王引之蕭山湯金釗德清許宗彥涿州盧坤歛程祖洛興康紹鏞元和陳鍾麟歸安姚文田上元朱桂楨嘉應宋湘其尤著也明年授浙江巡撫時海盜蔡牽擾閩越疏請捐造大船巨礮并籌捕土盜翦艇匪之羽翼

璽書嘉獎勉以顯親揚名為國宣力成一代偉人尋遣總兵岳璽等敗

賊於太平又奏獲杭紹等屬積盜數十先是錢塘江有水舟曰烏鴉船昏暮劫掠公廉得姓名捕寘諸法立緝匪章程七則檄沿海州縣力行保甲會艇匪竄浙奏請以總兵李公長庚總統三鎮舟師乃親駐台州督勦獲安南僞侯倫貴利磔之是年金處紹三郡灾疏請振卹有差蔡牽旋寇平陽定海檄水陸鎮將擊走之增設育嬰堂經費銀歲四千兩六年立詁經精舍祀許叔重鄭康成兩先生延王述庵孫淵如主講席選高材生讀書其中課以經史疑義及小學天文地理算法許各探討書傳條對不用扁試糊名法刻其文尤雅者曰詁經精舍集不十年上舍士致身通顯及撰述成一家言者不可殫數東南人才稱極盛焉又以浙東多古帝王名臣先賢陵墓繕冊疏報得

旨勤加防護修葺撰兩浙防護錄七年浙西饑疏請蠲豁平糶立普濟堂於省會每年冬振粥四十日就食者日數千人八年立海甯安瀾書院建玉環廳學宮奏設學額復奏立杭嘉等郡昭忠祠請以歷年勦海寇傷溺弁兵三百人入祀均從之六月入覲

召對者八

賜宴者三

垂問封公年齒甚悉

賞賚有加回任修海塘志九年疏請以李公長庚總統閩浙各鎮專剿蔡牽遂敗牽於定海會浙東水災疏請蠲緩平糶并率屬捐振建白文公祠於西湖撰經郭及海運考兩浙金石志積古齋鍾鼎款識十年振杭嘉湖三郡饑檄所屬多設粥廠分男女爲二出入進退皆有法病者藥之老疾者別爲廠婦女有廁篷全活數十萬人六月父憂歸里居成十三經校勘記二百四十三卷撰

皇清碑版錄編瀛舟書記重刻石鼓文置揚州府學十二年入都進四庫未收書六十種作提要上之得

旨獎覽補兵部侍郎

命赴河南勘獄再撫浙江先是公撫浙五年凡安南鳳尾水澳等幫海盜剿撫散除幾盡所餘者土盜張阿第等十餘艘耳自蔡牽得志於閩大掠臺灣李公長庚死事至是牽從安南回棹聚至五十艘而張阿第亦有船三十餘艘勢張甚乃親赴甯波督剿申嚴接濟賊糧之禁先後敗賊於沙鑊洋黑水洋落伽洋等處賊勢始漸蹙公復薦邱公良功爲浙江提督又立專注蔡牽分船隔攻之法於是邱公及福建提督王公

得祿遂以十四年秋殲牽於温州之外洋矣坐失察學政劉鳳誥代辦
監臨舞弊事奪官

命以編修在文穎館行走十五年遷侍講兼國史館總纂創立儒林傳
得百四十六人但述學行而不區分門逕又擬創文苑傳未就又集
本朝天文律算諸家作疇人傳累晉少詹事內閣學士十七年往山西
河南勘事遷工部侍郎八月授漕運總督立糧艘盤糧尺算法頒行各
省十九年調撫江西時豫東邪教初平餘黨煽亂餘干匪目朱毛俚等
假託明裔謀逆公率臬司馳往擒獲胡秉耀等十七名真諸法得
旨嘉獎加太子少保

賞戴孔雀翎尋獲崇義縣天地會匪鍾體剛進賢縣擔匪曾文彩龍南
縣會匪鍾錦龍長甯縣會匪郭秀峰瀘溪縣會匪陶省三等各論如律
民情乃安公在江西改建貢院號舍拓基修省城章江水閘校刻十三
經注疏以惠士林二十一年調撫河南十一月遷湖廣總督奏建江陵
范家隄沔陽龍王廟石閘以蘇水患明年調兩廣總督奏建大黃筓大
虎山肇慶府各礮臺又奏建南海縣屬桑園圍石隄修廣東通志二十
四年秋入京祝

嘏召對十一次

賜克食四十七次

恩賚有加

仁宗皇帝手酌玉杯

賜公同受

賜者惟江督孫公玉庭川督蔣公攸銛而已二十五年立學海堂以經古學課士如在浙江時改建貢院號舍如在江西時道光元年奏設卹廢局修廣州城及城北鎮海樓建三水行臺書院刻江蘇詩徵百八十三卷作者五千四百三十餘人尋刻

皇清經解爲書百八十餘種爲卷千四百公在粵十年兼署廣東巡撫者六粵中水陸向多盜公飭屬嚴拏前後數千計其賀連交界姑婆山素稱盜藪公調兵擣其巢患乃息西洋貿易惟喚咭喇國貨最多性尤狡黠嘉慶二十一年嘗遣使入貢未許成禮而回逾年公泄粵疏請嚴禁鴉片首以嚴馭洋商夷商爲務遇事裁抑之夷船在黃浦殺人公嚴飭洋商必得兇犯乃已商不能庇犯乃自刎死有擊死民婦者亦予絞決抵罪道光二年冬喚夷護貨兵船殺死民人二公飭洋商及管事大

班縛犯以獻大班委其責於兵頭卽飭傳諭兵頭獻犯詭稱夷民互有
殺傷冀相抵賴公持之力夷目等聲言將揚帆歸國停貿易公給印諭
言願歸卽歸

天朝并不重爾等貨稅於是各船皆出海口然非其志也仍潛泊外洋
以待日久折閱多其兵船又先遠遁大班等乃稟求回岸貿易俟下次
貨船抵粵時縛犯來獻公復給印諭兵船不許復來其見在貨船暫許
貿易續到者如不能縛犯仍嚴拒不許入方事之殷商民官吏皆惶惶
或言關稅將自此大絀且慮激變爲朝廷憂公曰

國體爲大稅數爲輕且索兇理長不可爲所欺脅力持二三月夷目始
有乞回貿易之稟自是兵船亦不敢復來公調任兵船卽踵至海疆乃
自此多故矣六年夏調雲貴滇省鹽政久抗弊歲絀課十餘萬公首劾
蠹吏力杜井竈走私弊七年奏銷溢額萬六千兩明年又數倍之乃疏
請酌留溢額銀兩備邊費從之騰越極邊有野人一種茹毛穴處時入
內地劫掠爲邊患而保山等處別一種邊夷曰猓猓本土司所轄也以
墾田射獵爲生精於桑弩毒矢野人畏之公乃籌邊費萬金招猓猓三
百餘戶駐騰越邊界給地屯種以禦野人會訛言總督將帥兵親討於

是南甸隴川等土司帶領二十餘寨野人來乞降並獻木刻設誓八年十二月入覲

召對十次

賜紫禁城騎馬及

御書春帖子尋

召入乾清宮

面賜福壽字賞賚無數十二年遷協辦大學士仍留總督任十三年二月

月
陛見時年七十矣

賜御書福壽字亮功錫祜扁額及尚方珍物爲公壽尋

命充會試副總裁四月回任公督滇黔十載值車里土司刀繩武與其叔刀太康鬪因而脅官求助其時漢夷流言皆謂當助姪滅叔公不爲動檄鎮道等擊敗繩武另擇人承襲亦不追殺要功其後越南保樂州土官農文雲謀叛其國聚眾戕官經交兵捕追公飭沿邊嚴防毋令一夷竄入亦不得生事貪功妄殺

手詔嘉之其鎮靜得大體多類此十五年拜

體仁閣大學士管兵部事充經筵講官教習庶吉士兼署左都御史
宣宗兩次謁

陵均

命留京辦事十八年以足疾請告疏再上

優詔許致仕仍食半俸瀕行加太子太保公歸里後築別墅於湖莊曰
南萬柳堂蓋以別於馮文毅之都城別業也二十三年公壽八十復拜
御書扁額楹聯福壽字及尚方珍幣之

賜二十六年丙午以重赴鹿鳴宴加大傅銜食全俸公疏謝

手敕報曰願卿福壽日增以待三赴鹿鳴之盛事也考本朝人臣生前
加大傅者自金文通洪文襄范文肅鄂文端曹文正長文襄外得公而
七公以後惟潘文恭世恩而已餘皆贈自身後者也二十九年十月薨
年八十有六

優旨悼卹

賜祭葬

子諡文達所著書曰擘經室集先後刊行海內名宿著述如錢辛楣三
統術衍地球圖說謝東墅食物百詠張皋文虞氏易儀禮圖汪容甫述

學錢溉亭述古錄劉端臨遺書凌仲子禮經釋例焦里堂雕菰樓集鍾
菽崖考古錄孔奭軒儀鄭堂集胡西琴詩集張解元貴吏部詩集僧誦
茗蔗查集李四香算書凡數十家子常生官清河道前卒福平涼府知
府祐舉人官知府繼配孔氏工詩著有唐宋舊經樓橐

又雷塘盦主弟子記

張鑑

先是先生以賊情下詢諸官弁及士庶人定海孝廉方正李巽占以厚
集兵勢力杜盜源請定海教諭王鳴珂以防禦六事攻擊三事預籌四
事請言皆可用鄞縣令郭文誌請合江閩舟師黃巖令孫鳳鳴請先滅
土盜台州府教授沈焯請厲武舉以寓約束黃巖縣教職李其瀾湯棫
請禁商船漁船定海令宋如林請查偷漏紹興府經歷黃敬修請造巨
船巨礮先生因於杭州甯波温州設冶局鑄鍛大礮四百餘門奏令沿
海州縣民壯兼習鳥鎗不增餉而增兵千百嚴號令警弛廢厲廉隅肅
賞罰檄沿海村岸十丁立一甲十甲立一總甲一村立一總保一山一
畝立一畝長給以費使之互糾通賊者獲之有賞檄漁戶小船聖以白
編其姓名年貌屬之埠頭旗長晨出者暮必返不返者有稽遠赴者鳴
於長船之偶者分正腳私駕者毀其船檄汛口凡船出互稽之人日持

米升五合驗以印票私漏者執之執私漏者賞以私漏之物檄海濱治者遷入城私造鐵器出城者有誅檄兵船漏硝磺以濟賊者斬檄商船毋獨行賊來則禁出海不遵令者有罰私充標客以誤商者誅檄營汛察奸民有緣商被劫而爲保釋者有以酒米易賊貨爲之消贓者百姓執之者有賞子弟爲盜父兄詭爲陷賊者吏稽之檄村寨壯丁團練相守立耆老紳士之賢者爲村長有警鳴金相召有不應者桔其頸檄府縣營汛實力同心賢能者敬之擢之弛者縱胥吏擾民者疾如仇遣教職佐雜官數十人分巡海口微服步行率鄉勇綾民以爲禦捕雕木印令其事無鉅細直達行轅無少隱以故千里海滋皆如目睹而營縣亦互相糾不敢少諱於是定海縣教諭王鳴珂率鄉勇守黃巖定海令宋如林稽空船出口空出者給以照平陽令楊鏞肅清漁戶爲團練鄉勇二千七百人鎮海令魏右曾力行保甲造鐵鎗千杆民踴躍從者六百衣上書勇字黃巖令孫鳳鳴令士民自派壯丁備木棍竹笏鋤耙石塊識以旗旗上書丁名丁立其下王鳴珂實統之沿海之旗連續如雲金聲一警農兵畢集故賊不敢近窺村落太平令趙擢彤于海岸壘石爲垣外周以塹兵勇內伏甯海令陳鵬南于健跳螺師山設劈山礮以擊

賊船之入口者象山令徐元梅於石浦泥灣設立礮房而鎮海之小港大礮頭慈谿之後山北定海之西道頭臨海之海門金沙灘太平之狗洞門石板殿鸞殼礮金清港石塘樂清之歧頭蒲頭洛西地畧皆奸民偷漏之地令既行巡樂清縣教官王應虞訪奸民龔大等通於盜誅之先生又用計訪鄞之姚家浦爲土盜之藪擒其魁姚富衡其保長首出姚阿三等十六人又温台各巡員獲通盜張周貴等數十人又有浙盜潛登岸僞充鄉勇刺聽官虛實者詰獲立斬之樂清張阿三素附鳳尾賊登岸其兄集族人縊殺之沿海村民演戲自約禁偷漏閩浙賊窮蹙斷糧

東閣大學士文恪王公墓志銘

馮桂芬

道光二十有四年四月戊申晦

東閣大學士蒲城王公薨於位於是公自河上還

朝僅逾月謁假不視事養痾園邸行愈矣卒以不起遺疏上

天子軫悼

命王大臣賜奠者再

贈太保諡文恪入祀賢良祠飾終之典視常例有加孤子沆將以明年

某月日奉公柩歸葬於邑城之西南忽家村先期齋行狀踵予門再拜稽首泣而請銘無以辭按狀公諱鼎字省厓系出太原好古公信遷陝占籍蒲城世以科第顯會祖垣乾隆丙辰舉博學鴻詞辛酉舉人祖夢祖恩貢生考授直隸州州判舉孝廉方正祀鄉賢父鎮太學生會祖妣路祖妣原趙妣原

封贈皆如例公年十九補諸生乾隆五十七年舉於鄉嘉慶元年成進士選庶吉士與修

高宗實錄請亟歸旋丁母憂服除授編修遷右贊善歷洗馬侍講侍讀左右庶子侍講學士侍讀學士少詹事詹事凡十遷至內閣學士時十八年也其明年授工部侍郎明年調吏部旋調戶部禮部刑部嗣是迭居五部爲戶部右侍郎者三爲刑部左侍郎者再二十三年管順天府尹事充

經筵講官二十五年

仁宗崩開

實錄館公爲副總裁道光二年擢都察院左都御史是年秋出署河南巡撫閱三月以父憂去官五年服除以一品銜署戶部左侍郎尋充軍

機大臣

賜紫禁城騎馬署工部尚書六年授戶部尚書七年西陲用兵
上以公運籌有勞加

太子少保明年事平

賞戴花翎十一年出署直隸總督還兼管刑部事十五年協辦大學士
十八年授眞二十年

晉太子太保二十二年出署東河河道總督以塞河功

晉太子太師公爲人謙退而臨事侃侃審直不阿起家寒畯登相位歷
事

兩朝以端方正直結

主知入贊樞密垂二十載歷四考皆蒙甄敘雖造辟陳詞轉圜密勿外
人莫由聞知而立朝大節嘖嘖在人口一視學江西一分校會試再主
浙江鄉試四主順天鄉試三主會試所得多傑士在戶部十年綜核出
入吏莫能欺軍機百政之總所夕入侍不暇問他事故事樞臣領部職
者視成而已公筦刑部最久總覽鉅細閱常牘必竟多所平反置吏有
疑獄輒命公馳傳案問先後歷九省讞獄三十餘多得其實有所彈劾

雖大吏無少瞻徇浙江德清民婦甲與乙私爲乙婦丙覺懼洩殺丙賄官吏以免丙母家訟冤獄三年不決公之再典浙江試也陸辭

上以獄付公入境偵知其家故豪於資以訟耗大半公曰是賄據也訊之具服官吏皆抵法浙人頌神明焉兩淮鹽務敝壞積虧正雜課以千萬計至歲將盡而前歲綱未集

上命公往勘公疏請節浮費革根窩裁總商定桶稱編船號疏運道散輪規酌帶銷數事大指謂商本輕則鹽價自賤私販不緝而自消舊欠紓則新綱可清積壓無因以藉口且以疏銷巡緝責在州縣汎弁而鹽政非所屬令或格不行請裁鹽政由總督兼轄

上皆允其請十數年來淮綱得稍振者公之力也二十二年秋河決開封公奉

命往視時議者以水勢方張不宜塞且請遷行省以避其衝公持不可疏言河水方灌歸德陳州安徽毫穎合淮東注洪澤湖湖底日受淤萬一宣洩不及則高堰危高堰危則淮揚一帶盡成巨浸江之北河之南數百萬生靈飽魚鼈矣無論舍舊隄築新隄自豫達海將數千里工費不可數計且自古無任黃水橫流南趨之理請飭戶部速具帑期以冬

春之交集事不效願執其咎且具陳民情安土重遷省垣可守狀初公
至汴城四面皆水旦夕且圯公率僚屬禱於神躬督吏卒晝夜巡護獲
無恙泊工興親駐工次星宿露飯披閱案牘鐙熒熒達曙倦則寐肩輿
中未返行館者八日先後六閱月而葺事糜帑金六百萬有奇僉謂財
用之節成功之速前此未有也時公舊疾屢作億甚或以節勞諷公不
聽及隄成而公疾殆矣悲夫公性至孝甫通籍而太夫人薨常恨不逮
奉養光祿公居京邸承歡無違色少食貧既貴不改寒素奉入所餘輒
以贍親友薨之日廩無餘粟槨無新衣清操介然外吏入都或公輶軒
所至餽方物雖故舊不受生平不受人請託亦不請託於人公餘必讀
儒先書撫碑帖爲娛著作甚富不存稿蓋不欲以文字見也公生於乾
隆三十三年二月三日薨年七十有五母弟紱廩貢生光祿寺署正元
配原夫人次配徐夫人今夫人孟氏子三人麟駒海官殤沆道光庚子
科進士翰林院編修女三人長適庠生崔光笏次適河南候補同知屈
文台季適原啟文孫男三人璪瑩孫女一人銘曰
峩峩太華西陲是障矯矯我公中朝之望公忠篤棊外和內剛温温燕
處諤諤朝堂維誠維一上格我

皇入佐

萬幾調護維匡造陞啟沃外廷莫詳功在天下不耀而章款關英蕩簡
書不遑九州歷半駢牡周行往秋八月命塞宣房單車河壩載塗雪霜
忘餐廢寢心悴形尫狂瀾手挽蛟龍遁藏鉅工既成臣精則亡梁木遽
壞輔星斂芒

天子曰嗟失我元良愍飾之贈有逾典常梧楸蔥蔚龍原之陽

聖清賢相卜是崇岡幽宅云吉奕葉永昌

又書蒲城王文恪遺事

湯紀尚

道光二十二年秋河決開封蒲城王公持節視河事時議者以河漲勢
盛請改行省以避其衝公持不可疏言河水灌歸德陳州旁溢潁亳挾
淮東注洪澤湖日受淤萬一宣洩不及則高堰危淮揚成巨浸民其魚
矣無論舍舊趾築新隄自豫達海數千里工費不可支且無任黃水橫
流南趨之理請飭部具帑期以冬春集事不效願治罪公躬禱於神督
河兵日夕巡護波光際城飛走路絕星宿露飯披校冬積倦則寐肩與
中先後六閱月而工蒞時樞相穆彰阿秉政張威福尤深嫉兩廣總督
林公勳名出己上乃巧構機牙媒孽其短以觸

上怒由是林公罪廢虎門防撤海氛益熾逮公還朝奏對畢痛陳御座前力諍不可得退草疏請罪大帥責樞臣懷疏趨朝待漏直廬中燈火青熒遽自磬暴薨疏卒遏不上朝野駭愕事隱秘莫測其端夫樞臣之百計沮傷必欲置公死地而公果罹其厄歸命

君父精白一心恣摩蕩而無回互惜乎公子孫下材無以成公志使公之曲艱隱愍卒幽抑而不彰也公之筦刑部也綜核鉅細多所平反十九布政司有大獄輒命公往治之先後歷行省九讞獄無瞻徇浙江德清民婦甲與乙私爲乙婦丙覺殺丙賄官吏以免而女母家訟冤三年不決值公典試浙江

陛辭

上以獄付公入境偵知某故豪於貲以訟耗太半曰是賄據也獄具官吏皆抵法兩淮鹽務積敝久虧正雜課以鉅萬計歲盡而前歲綱未集命公往勘疏請節浮費革根窩定桶稱編舩號疏運道散輪規酌帶銷大旨謂商本輕則鹽價自賤私販不緝而自消舊欠紓則新綱可清積壓無因而藉口且疏銷巡緝責成州縣汎弁而鹽政非所屬令沮不行請裁鹽政由總督兼轄

上皆允之公起家寒畯登相位歷事

兩朝入贊樞密垂二十載其立朝之概敷政之迹眾著人耳目者掌於史事詳於傳誌碑表惟公孤沈不白之大節及一二逸事實有繫於陰陽消息之幾

國家治亂之故不可使終不傳也嗚呼公以孤忠結

主知而卒困於僉王使之憂憤危苦以效史鮪之節此聖賢所由深疾夫媚嫉而古今來貞隱之士甯槁伏繩樞而不仕也

誥授光祿大夫太子太保銜頭品頂戴致仕光祿寺卿湯文端公神道

碑魯一同

公諱金釗字敦甫一字勛茲姓湯氏先世自浙江處州青田縣遷蕭山河斗里再遷縣治西門外謂之西門湯氏曾祖克敬妣王氏祖成德妣王氏華氏戴氏父元裕妣來氏自曾祖以下皆太學生世增其德劬身砥行以公貴

封贈皆如例公生而端靖寡言內朗四歲患痘幾不良於行家世服賈而公獨淫於學以名諸生舉省試第一嘉慶四年成進士改庶吉士授編修朝貴爭羅致之謝不往而時時徒步從大興朱文正公游請業督

過如古聖賢相爲師友前後大庾戴公鉛山熊公延館其家雖居門下後進諸國老大人皆已憚之矣十三年入直

上書房丁母憂服闋遷侍講視學湖南三遷自祭酒爲內閣學士充江南正考官因畱視學補禮部侍郎復

命仍在

上書房行走明年七月

仁宗升遐

召公赴熱河襄理喪儀紓哀供事事皆辦轉吏部左侍郎充

經筵講官初

宣宗在潛邸尤敬禮公公之典試江南也

宣宗及諸

皇子賦詩贈行榮重無比公內剛外訥師道自處意所不可卽變色不寘對雖在大廷亦如此以是見憚然亦浸嚮用公時尚書英和以州縣陋規日盛奏請分別清查以定限制公奏言陋規皆出於民州縣猶未敢公然苛索者恐

上知之而治以罪也今若明定章程卽爲例所應得勢必明目張膽求

多於額例之外雖有

嚴旨不能禁已況名目碎雜所在不同逐一檢察轉滋紛擾殆非區區立法所能限制也疏入

上甚嘉悅道光元年兼戶部侍郎總督孫玉庭奏以南漕浮收不能盡去議請八折收漕公又爭之曰前此絲毫不准浮收而浮收過甚者且到處皆然今准其略爲浮收則不肖者益無顧忌以爲功令不禁浮收而浮收且十倍於往日雖告以收逾八折卽予嚴參而前此逾額者何嘗不干嚴辦卒不聞爲之減少獨於新定之額恪遵而不敢踰此臣之所不敢必也在督撫奏定之後不慮控告浮收在州縣縱有發覺又將巧脫其罪是限制仍同虛設徒爲

盛朝開加賦之端臣竊爲

皇上惜之其事遂寢明年調戶部右侍郎兼吏部丁父憂起復署禮工二部侍郎倉場侍郎入直

上書房遂自戶部左侍郎遷左都御史是時

宣皇在位久熟於情僞自京師以及十九布政使司民風吏治之淳雜窮櫛蔀屋含冤負釁呼號而赴

關

上必立遣重臣馳傳周厯窮治以申枉鋤強而公以公廉強正屢蒙委任自七年九月奉使山右明年使宣化十月使四川明年四月還至襄城復奉

命循漢江而東治獄於武昌六月抵京師尋以十月奉使閩中又明年二月便道還家上冢前後三四年中週迴萬里輶篳所屆虛衷約己以盡下情而宣

上德雖在要荒之遠一如輦轂之下

先帝嘉公勤勞每奉使還賚進有加其使山西也遷禮部尚書使宣化還

賞紫禁城騎馬自川楚歸充

上書房總師傅使閩還拜吏部尚書兼戶部尚書而公亦以南北駢征久虛輔導屬

皇長子邁疾

聖心憂軫陷公者因巧構機牙以激

上怒於是降補侍郎之命重賴

天子神聖亮公樸誠會不崇朝而震電開霽惟公信道篤而自守堅雖獲譴謫而當

天心覺悟之後猶必從容登對以畢申其情理之說而

上亦不以芥惹信乎古明良相遇之際有出於尋常萬萬者而人亦罕得而知也公既降補之二年復自左都御史拜工部尚書轉吏部尚書

明年復兼工部先是京畿道御史許球劾陝撫楊名颺諸溺職狀

詔公往鞫審擬有差矣而言事諸臣必欲傅治重罪至謂公有所徇縱或搆蜚語以爲名颺嘗致厚贖於粵撫梁章鉅因以得款曲於公將與大獄以撼公於是公方由陝入川清查兩川百有十一廳州縣軍需出人及長吏貪擅不法事有

旨確實具奏公歎曰吾豈可以避嫌而散法哉公則條上諸言者可信與不可信折衷平準萬言疏入

上可其奏而

命公暫以尚書巡撫陝西公之治川陝獄也署按察使李廷錫知涪州事楊上容知江津縣郭彬圖皆公門下士並望吏議公當官而行無所

避就人稱其平十七年正月庚子

上諭內閣吏部尚書湯金釗品學醇正奉使公明蓋

上至是而真有以喻乎公之志矣是年冬奉使至張家口改歲治獄太

原五月

命以戶部尚書協辦大學士尋調吏部尚書會有安徽民人赴刑部省門自剄上封章者公偕侍郎吳文鎔往讞既而由皖入浙還至江甯淮安稽察河漕諸利弊當是時中外又安

朝廷無事明年而夷旣首發於廣東不得逞則東陷定海南絀廈門北至於天津沿海騷然

天子以爲海島遠夷蛟螭蜃蛤之性不足與計是非且以中國方制萬里獨奈何與區區醜虜爭一旦之命於不測之淵乎旣而事連不可解朝議遂歸咎於首發難之人以轉圜救敗一日

上坐便殿從容問公以廣事可付託者公以林文忠對坐是失

旨蓋強中國以制夷狄者大臣謀國之義忍小忿以全大計者

聖人如天之仁公之心以爲熊羆不二心之臣四夷之所敬憚不當無故自去爪牙坐撤藩衛

先帝之意以為制夷狄如猛虎毒獸當使之弭首帖耳雖有材官勁弩制其死命所傷必多此則天地憐覆之量雖以公拳拳之忠謀終無以仰測

聖慮之深遠而公自此退矣公敷歷

三朝四典鄉試再充會試總裁一知貢舉四掌留鑰周歷五部侍郎再長風憲歷授吏戶禮工四部尚書自官翰林時布被脫粟後常不使有過其學以治經為務主敬為本自明季姚江之學盛行

本朝諸儒矯之遂成水火公不立門戶不爭異同大約本明道敬義夾持而兼有取於良知卽慎獨之說以刻意礪行為宗尤篤於本行烝烝色養當辛巳假歸時公年已五十封公猶命同牀臥起曰吾以為十歲兒也其當官廉而不峻察而不徼務在安靜持大體嘗視學海州大風發屋多士懼公移座號舍神色自若良久乃定其長諫垣也有控邪教者株連甚眾公察其妄卽攜狀歸而以誤燬於火告同官事竟熄其鎮定皆此類也公去位凡十有五載初授光祿寺卿以衰老乞骸骨蒙恩以二品頂戴休致自陳家無室宇乞畱京邑雖閉門卻掃每朝廷立一法用一人喜戚見於辭色

先帝之季年

恩眷彌篤每對廷臣垂問再四公子寬出守鳳翔陳謝之日

召問公病體增減起居服食甚悉二十九年

賞頭品頂戴

今天子御極之四年重赴鹿鳴加太子太保銜耆耄優游

兩朝篤禮之盛近古所未有也公善楷隸自七十五歲後每日晨起鈔經二百字凡鈔論語大學中庸爾雅禮記毛詩尚書周易孝經孟子左氏傳尤好抑戒之詩寫至數百過疾作乃止然猶日讀通鑑周易終公之身寢疾四日值太夫人忌辰猶肅衣冠強起行禮及彌留之際以遺摺授次子修公手書也其言曰伏願我

皇上以慎德為理財之本以愛民為敬天之實天心眷佑妖氛自消嗚乎公自乞休以後其心猶是陳善責難之心其所望於

今皇上者猶是

先帝敬天勤民之事然卒不可以復出者則是古大臣難進易退之本懷可謂自信特立者已生於乾隆三十七年十一月二十三日薨於咸豐六年四月十九日享年八十有五歲薨之明日遺疏入

上心軫悼卽日遣官奠醊照尚書例

賜卹

賜諡文端正月己巳

皇上命禮部右侍郎杜翮致祭於喪次十有一月戊辰公之喪至蕭山越翼日甲申朔行

諭葬禮葬公於山陰縣東山夏之璜琥山配來氏

誥封一品夫人先公二十五年卒享年六十歲至是合葬禮也子二長寬由廕生官鳳翔府知府先公一年卒次修己亥舉人官通政司副使孫四學淳附貢生大理寺評事學治增貢生候選訓導俱寬出學彭學喬俱修出孫女四長適翰林院修撰翁同龢餘未字會孫二於是通副君乃具公之系族行治歷官年壽爲書介其同官吳君昆田使人自京師南走二千里請爲公墓道之文一同束髮就試當公視學江南曾一望見顏色及壬辰入場屋薄祐淺植不克出大賢門下後來京師蒙公親賜手蹟以爲榮幸至矣會不自意得以文字測量山海以自附於私淑之末謹沐浴齋宿拜手而爲之銘曰


洪惟

國家政在樞府道在師傅公歷臺閣者三十年而曾未與聞乎機務蓋居論思之地不可勤以職銜四方之

命亦不能久其處惟公立

朝侃侃自將中蹶而隆不易其方汲黯之戇周昌之強養以中和道德文章晚如司馬優游洛下彼勤述作公嚴自課如古武公飲酒自警彼晚乃蓋公守一靜公去不留公道大光白日青天見公

帝旁



續碑傳集卷四

江陰繆荃孫纂錄

咸豐朝宰輔

杜文正公事略

李元度

本朝舊學諸臣若張文端勵文恪徐文定顧文端嵇文敏福文端朱文端蔡文勤朱文正汪文端諸公皆以論思典學啟沃

聖聰其裨益於

主德者至深且久越

文宗朝則太師大學士杜文正公爲最著稱公以咸豐二年七月九日薨於淮安清江浦行臺越二日馳聞

上諭曰協辦大學士杜受田秉躬端正勵節直清經術淵醇體用兼備

蒙

皇考特達之知由詞林視學山西

特召還朝入直上書房爲朕講習討論十餘年中日承啟迪獲益良多嗣游歷正卿忠勤益懋朕親政後加太子太傅以刑部尙書協辦大學士每召見時於用人行政國計民生造膝敷陳深資匡弼前因豐工未

合江南山東兩省窮黎急需振卹特派前往查辦疊據馳報東南振務均已布置周妥念其觸暑遄征心力交瘁正切倦懷而前後奏牘中總未自陳病狀乃以感受暑溼遽至不起披覽遺章不覺聲淚俱下悲痛實深迴憶書齋景況如在目前奉使陞辭情尤眷戀方冀贊襄帷幄讜論常聞詎料相睽兩月晤對無期耶其賞給陀羅經被晉贈太師大學士入祀賢良祠卽照大學士例賜卹並給廣儲司銀五千兩治喪靈柩回京沿途地方官妥爲護送準其入城治喪屆時朕當親臨奠醊用申悲憫其父頭品頂戴前禮部侍郎杜堦年屆九旬猝聞此信定深悼痛其令恩華前往看視並賞給人葠十兩以資調養其子杜翰服闋後以庶子用孫三人均賞舉人用示朕愴懷舊學之至意未幾禮部以卹典

奏請

予諡又

諭曰杜受田品端學粹正色立於朝

皇考深加倚重特簡爲朕師傅憶在書齋朝夕納誨凡所陳說悉本唐虞三代聖聖相傳之旨實能發明蘊奧體用兼賅朕卽位後周咨時政利弊民生疾苦亦能盡心獻替啟沃良多嘉慶年間大學士朱珪仰蒙

皇祖仁宗睿皇帝鑒其品節特諡文正杜受田公忠正直揆諸諡法實足當正字而無愧其卽賜諡文正毋庸內閣擬請尋

賜祭葬如典禮其明年

駕臨辟雍講學追思往昔討論之功

特詔褒公品學復

命惇郡王卽家

賜祭一壇蓋公自道光十六年入直上書房及

文宗御極前後十有七年閒朝夕輔導未嘗一日或離

上側當奉使日入辭涕泣感動左右故公遺疏中感戀靡已念楚氛未

靖河患未平尤以敬天法祖勤政愛民崇節儉慎好惡平賞罰爲言

上聞震悼輟朝

手詔淋漓悲感柩抵京

命恭親王率侍衛十人往奠爵及

親臨賜奠

召見公父壻慰勞有加

特晉禮部尚書銜

命食全俸

恩禮優渥蓋非徒以禮崇師傅其君臣契合符揆有迥出尋常萬萬者中外聞知爲公感泣亦非徒謂遭逢隆備誠以其時

文宗方嗣服百爲將起朝野皆延頸跂踵於上之待公與公之所以輔翼

上者有無窮之望又且嶺嶠盜方熾承平久政事多隳廢左右臣僚或有隱微難喻及疏遠陳詞所不易白者獨恃公從容宣達於密勿之間而公年未篤老倚毗正未有艾顧不謂其猝然中道而遂已也公諱受田字芝農山東濱州人父堦嘉慶辛酉進士由編修官禮部侍郎致仕公生而篤謹敏學由天授踰冠舉嘉慶庚午鄉試道光癸未會試第一殿試二甲第一選庶吉士授編修癸巳大考翰詹擢中允

命督陝甘學政與陝西巡撫史謙姻親迴避調山西學政升洗馬

文宗就學奉

召還朝

命直上書房累遷庶子侍講侍讀學士至內閣學士兼禮部侍郎

特命專心講授毋庸親閣務旋升工部左侍郎調戶部管三庫事歷左

都御史擢工部尚書累充

國史館提調協修官

日講起居注官

經筵講官道光戊子以編修校順天試壬辰充雲南副考官辛丑以工部侍郎爲會試副考官甲辰以左都御史典順天試丁未以工部尚書爲會試副考官辛亥以協辦大學士再典順天試所至得人中更大考翰詹及鄉會覆試朝考庶吉士散館均爲閱卷大臣復充上書房總師傅寶錄館總裁專司

宣宗實錄彙本以刑部繁

復命管理禮部事務優之也公自侍經帷歲受

御書珍玩文綺之

賜道光丙午公六十生辰

賜御書福壽字暨諸珍物明年公父塈年八十有四頒

御書教忠篤慶額及福壽字如意文綺諸珍

賜之自後位日崇望日益重而公欲然不自滿假亦不好爲翹異平居敬慎所涖事不煩擾而輒就理人望之如高山深林巨壑莫測其所蘊

蓄也少清貧隨宦京外躬佐理家政而劬學弗爲衰官京師退食猶日
親諸務公父致仕後就養京邸出入告面無少閒家庭雍穆於親舊閒
情意尤款篤母舅李壽春爲沁源令卒官鬻祭田以完民欠立以五百
金爲贖復之與人坦坦無疾言遽色顧中實嚴毅人莫敢以非義干遇
不遘屹不可奪在戶部時豫工籌餉推捐例者欲開增附生援納教官
之條公獨爲一疏罷其議尤覽擇當世賢才爲

上進用會有

詔保舉人材公首薦林文忠則徐周文忠天爵其他大受小知名節較
然天下恆覩其效而

上尤眷念公所進引每歷試之推信不渝向忠武榮在粵軍時謗議沸
生幾蹈不測或言公實力陳輿論數保全之當粵寇初起公屢以粵事
詢粵人令條所聞見上之卽采錄入告公旣荷

上倚其造膝所敷陳有什伯千萬於此而潛謀默運於政本之地者語
恣外弗得聞卽其門人子弟欲於公之盛德大猷紀述一二亦終莫得
而擬議烏虜不有

明詔宣示特援朱文正公之例以崇錫令名又孰從而窺其底蘊哉公

薨年六十有五子翰道光甲辰進士由檢討累官工部侍郎軍機大臣
出嗣爲世父坊後翻乙未進士由編修官至兵部侍郎

書長白文文端公相業

薛福成

聖清御宇餘二百年凡磊落閎偉蓋世之勳業皆出滿洲世族及蒙古
漢軍之隸旗籍者漢臣雖不乏賢儁不過以文學議論黼隆平而已
先皇措注之深意蓋謂疏戚相維近遠相馭之道當如此而風氣文弱
不嫻騎射將略非所長又其次也乾隆嘉慶閒防畛猶嚴如岳襄勤公
之服金川二楊侯之平教匪雖倚任專且久而受上賞爲元勳者必以
旗籍當之斯制所由來舊矣雖然人才視時勢爲轉移者也限於一格
則時棟不出用之無方則賡續不窮必有深識偉量者默燭先幾乃能
知窮變通久之道而斷然行之不疑此其幹旋氣運之功何可及耶長
白相國文端公文慶以咸豐初年爲大學士軍機大臣是時海內多故
粵寇縱橫經略大臣如賽尙阿訥爾經額兩使相皆以失律獲咎公嘗
言欲辦天下大事當重用漢人彼皆從田閒來知民疾苦熟諳情僞豈
若吾輩未出國門一步瞽然於大計者乎平時建白常密請破除滿漢
藩籬不拘資地以用人曾文正公起鄉兵擊賊爲壽陽祁文端公所旡

排又累戰失利公獨謂曾某負時望能殺賊終當建非常之功時時左右之胡文忠公以庚子江南科場失察與公同鑄秩公嘗與胡公語奇其才略由貴州道員一歲閒擢巡撫湖北所請無不從者公實從中主之當是時袁端敏公甲三督師淮上駱文忠公秉章巡撫湖南公嘗薦其才請勿他調以觀厥成其兼筦戶部也今相國朝邑閻公方爲主事明習部務公常采用其議雖他司所掌亦詢之以定稿鄭親王端華侍衛肅順漸進用事然獨嚴憚公公累世貴顯氣度渾融能斷大事爲八旗王公所敬信端華肅順雖頗被裁抑弗敢怨也及公將薨遺疏謂各省督撫如慶端福濟崇恩瑛棨等皆難勝任不早罷之恐誤封疆事其後數人皆如公所料而

廟謨亦頗循公成畫未及數年曾李左諸公聯翩大用遂以削平羣寇曾公克金陵報捷也推使相官文恭公居首而已次之海內稱其讓德今伯相李公將平捻寇將軍都興阿公甫受

命督師而寇適滅都公謙不報捷大功之成由漢大臣專報自茲役始迨左文襄公平回寇則竟不參以他帥滿漢已無町畦功名之路大開賢才奮而

國勢張蓋文文端公之力爲多夫宰相以薦賢爲職薦一世之賢平一世之難其功固不淺若所薦不僅一世之賢而移數百年積重之風氣非具不世出之深識偉量其孰能之余故表而書之以謂中興之先論相業者必以公爲首焉

贈太子太保武英殿大學士華陽卓公神道碑銘

馮桂芬

稽古唐虞股肱耳目策之以翼爲明聽申之以予違汝弼曷嘗有宰相諫官之分秦漢御史大夫爲宰相階猶爲近古唐宋而後臺省始截然爲二甚則水火顧或起家諫垣累階政府類能詳明憲令閑練程品執法無屈撓

國朝自御史爲大學士者七人武定李文襄臨桂陳文恭功名尤著道光咸豐閒則推華陽文端卓公公諱秉恬字靜遠號海帆先世廣東嘉應州人曾祖諱上雋遷安岳縣又遷四川之華陽遂占籍焉曾祖妣周祖諱德秀妣謝考諱廷璋妣王三世皆以公官

誥贈光祿大夫妣皆一品夫人廷璋公六子公其長也年十有九游庠其明年登賢書聯捷成進士選庶吉士授檢討丁母憂服除改山東道監察御史升吏科給事中巡東漕轉工科掌印給事中巡中城擢鴻臚

寺少卿順天府府丞調奉天丁父憂服除授太僕寺少卿歷遷大理寺少卿太僕寺卿太常寺卿宗人府府丞內閣學士禮部左右侍郎吏部左侍郎都察院左都御史兼管順天府尹兵部戶部吏部尙書三署兵部尙書以吏部尙書協辦大學士拜

文淵閣大學士晉

武英殿大學士管兵部調管戶部三庫又調戶部工部

賞戴花翎六旬

賜壽

紫禁城騎馬咸豐五年九月三日疾薨邸第遺疏上

天子憫悼

遣官致奠

贈太子太保

賜祭葬

予諡文端

賞景濂景洵舉人先後典會試一典江南陝西試各一視學奉天浙江各一典武會試一監臨武闈一

殿廷試讀卷閱卷以十數

上謁

陵留京辦事者七隨扈

慕陵讞獄陝西者各一充

高宗實錄館分校

國史館正總裁

玉牒館副總裁稽察欽奉

上諭事件處

文淵閣直閣事稽查宗學東四旗覺羅學公性孝友待諸弟若一與人
交義以誠爲學有體有用所條列規畫皆可見諸施行巡東漕時謂東
省插河以疏濬泉源爲第一義親履泰安兗州諸境得四十三處命名
勒石至於今無廢其查宗學也疏言月課人少有名無實蓋以無獎勵
之故請將連列優等者記檔序補副管闕

廷議從之宗學文風爲之不變又疏陳川陝楚三省老林事自陝西之
略陽迤東至湖北之鄖西曰南山老林自陝西之甯羌迤南而東貫四
川境至湖北之保康曰巴山老林縱橫千餘里遼闊而磽瘠疊嶂重巒

深林密箐厥種三品苞穀蕎豆燕麥三省無業游民出錢數百賃種一溝一嶺僑居其中遷徙無定蹤謂之棚民屯聚既多良莠莫辨攘奪矯虔所在多有遇凶饑一二奸民爲之倡蟻附蜂起三省地方官輒以華離交錯互相隱諱釀成大案莫職其咎請專設一監司治之議下督撫雖不果行而三省皆派員守邊云公當官執憲抨彈無所避入西臺首劾南陽府辦振不善事又劾臨清軍營保員過濫知府金潮趙對墀以營私獲咎不宜捐復膺方面又奏大名滄州衛輝青州東昌武定徐州各屬官取財於捕役捕役取財於盜賊謂之月規是官取盜賊之財也請嚴禁

仁廟皆避之陝西革生徐登元以知縣王以銘侵帑冒振狀於

朝公以宗丞借侍郎恩特亨額公奉命往訊復言以銘捐修隄工輒以甫築復衝所糜之銀牽合冊報轉得議敘又失察鄉約購籐木索鋪戶錢皆不合而偷減城工事不實請褫以銘職而坐登元以訖兼京兆一職號難治公初以左都御史蒞事迄於大拜凡十八年先後居是職無如公久者不動聲色羣吏肅然百度具舉無纖毫過差人以爲難往時九卿會議一二王公樞相主之以下

率占位畫諾惟謹公在列必侃侃正辭知無不言言無不盡於是
國家承平既久彙芽萌伏而恬熙無改朝列以雍容揄揚爲職雖名御
史得卿寺卽噤口爲六曹長貳無建言者公由科道洊登揆席封事無
虛月往往危言悚論不爲用事者所喜而始終無易行蓋鯁直敢言其
天性也

聖主亦知公深恩禮不少衰公工詩古文有集若干卷藏於家門下士
屢請刊行不許尤長奏議輒焚其稿雖家人子弟不之見故不傳精於
衡鑒乙未南闈爲名榜今詹事殷公兆鏞其尤也愛士尤摯駐防壽生
昌亦乙未榜考据詞章儕輩罕儔匹未弱冠登賢書無何駐防停文試
幾於禁錮桂芬主江甯講席奇之抵京言於公慨然代輸金得筆帖式
援駐防京官子弟例與試遂中式入翰林其成就後進多此類公生乾
隆四十七年四月二十四日壽七十有四崛起田閒弱齡通籍歷事
三朝垂六十年功建名立生榮死哀可謂全德元配張夫人生於乾隆
四十四年十月十七日年二十三于歸卒於嘉慶十九年四月二十日
年三十七生子楨殤榘庚子進士翰林編修歷官吏部右侍郎女一殤
繼配何夫人以乾隆五十四年五月四日生道光十二年閏九月六日

卒年四十四歸於公凡十五年側室褚宜人生椿正一品廕生刑部員外郎女二一殤孫九景澄山東候補道

賞戴花翎景濂丙辰進士吏部主事

玉牒館議敘候升員外郎景洵

欽賜舉人

國史館謄錄景沅候選縣丞景涵兵部員外郎景瀛國學生景淮景洙景汶孫女一曾孫二煦然曾孫女四咸豐五年十月二十五日標等奉公殯葬於直隸昌平州黃土村聚福莊之原以兩夫人祔禮也桂芬以考取教習出公門下又與公子少宰標同年公之葬也少宰寓狀吳門以隧道之文相屬狀過略馳書求其詳未覆而少宰病卒逾三年桂芬入都公孫景澄等述先志又以請桂芬尋以疾歸又逾年始得為公銘

銘曰

南陽裒德中興輔翼冠冕東京越二千年續復前賢惟公繼聲并維岷絡會昌建福蔚為秀靈遂甯開先公實比肩瑞我

聖清爰在觸歲嶄然早慧露爽英英鵬起扶搖鸞翔慶霄一舉蓬瀛人

中屈軼相百相十榻坐獨橫華蟲七章槐棘兩行迪簡升庭倬委閣議

敏心強志大猷是經封符指期赫赫熙熙枹鼓稀鳴

聖明嘉獎洵陟師長金甌覆名貞厥素履以翊

天子羽儀承平世習渙忍依違廉謹公獨錚錚矯然不阿坦然不頗砥

柱崢嶸安危密疏遠謨長慮敷納詳明弼亮

三朝不磷不彫老成典型宜躋遐紀修塗遽已

九重悼驚宰樹藹春崇岡鬱雲護此佳城生維依

日殉猶戀

闕慰公丹誠刻飾龍螭發揚聲詩萬古永貞

祁文端公神道碑銘

并序

秦緇業

故大學士壽陽祁文端公之薨爲同治五年秋九月後二年夏四月旣
歸葬公於某鄉某原距今又數年矣而神道之碑未立公子世長以屬
之無錫秦緇業緇業束髮受書卽聞公名迨道光丙午副順天榜幸出
公門下然先後僅一再見侍公日淺知公亦未深八年冬復來京師世
長以所爲墓志及公自訂年譜見示趙編修曾向並語公逸事甚詳曾
向亦公丙午所取士而尤習於公子者也於是始知公歷事
四朝久參密勿侃侃持正論不少阿附取容同列多忌之若非

天子察其忠誠不爲所媒孽而中傷者幾希矣故公雖躋極品被
恩遇意常邑邑若不釋然卒以憂危成病屢進屢退以迄於終弗獲大
信其志夫乃歎位高祿厚庸俗之所誇耀者固不足爲公道卽僅僅以
文學政事相推者亦未有以識公之心而闕公之蘊也惟公門生故吏
滿天下豈無蓄道德能文章其人者若細業之無狀行能淺薄學識卑
陋方懼負公一日之知又曷以銘公哉且旣有王通政拯表墓之文矣
毋乃重出何旣遜謝再三而世長復述公不願得尊官貴人志墓之意
且言行事未備體例各殊敢涕泣以請乃不克辭又遲之三載始爲之
序而銘焉非敢緩也蓋其慎也公壽陽祁氏諱雋藻字叔穎又字淳甫
以敬避

御名改字實甫自號曰春圃學者稱春圃先生曾祖諱雲瑞縣學生祖
諱文汪長治縣教諭父諱韻士由中允改官至戶部郎中三代皆
贈光祿大夫母氏弓氏劉氏皆

贈一品夫人公父有丈夫子六公次居五劉太夫人出也公幼而岐嶷
性至孝年十二父以事繫刑部獄公隨侍讀書不少輟並賦春草詩以
見志越歲事白遣戍伊犁公請從行不許乃奉母返里益篤苦於學年

十八中嘉慶庚午舉人先是贈光祿公蒙

恩賜環卽主講甘肅之蘭山書院公往省父因留侍焉書院故多藏書乃以其暇研精經史縱覽諸子百家公之殖學稽古蔚爲一代儒宗實基乎此甲戌成進士改翰林院庶吉士旋丁父憂服闋散館授編修會仁宗皇帝崩充

實錄館纂修官道光元年入直

南書房應

制賦太液清泛詩

宣宗賞焉由是由翰林以至宰輔未嘗一日離

南齋也壬午會試充同考官旋充廣東鄉試正考官踰年督學湖南七年升右中允旋遷侍講又遷右庶子十年以太夫人有疾乞假省親召對詢病狀且有求忠於孝之

諭人知

上將大用公矣假滿陳請終養不許仍寬以假期並

賜以

御製詩初集及平定回疆戰圖蓋異數也十一年秋太夫人病良已卽

奉之入都補原官未幾太夫人又病公再乞養蒙

恩予假如前太夫人聞之伏枕流涕戒公勿復言歸病亦旋瘳公則由庶子連擢侍講學士通政司副使光祿寺卿內閣學士兼禮部侍郎銜一歲中凡四遷十三年秋太夫人歸為孫娶婦疾復作十四年春遂終於家公奔喪回壽陽一慟幾絕十六年服闋未補官即擢兵部右侍郎轉左侍郎踰年調戶部右侍郎同日奉

命督學江蘇轉左侍郎又調吏部未滿任擢左都御史例還京途次命偕黃侍郎爵滋一再使福建遂渡廈門籌海防蓋黃公官鴻臚時嘗疏請禁鴉片煙西洋諸國多不便思內犯於是邊釁始起矣在閩時擢兵部尚書辛丑會試充副考官旋調戶部教習庶吉士是年九月命為軍機大臣

賜紫禁城騎馬丙午順天鄉試充正考官二十九年充

上書房總師傅以戶部尚書協辦大學士是年冬使甘肅鞫案事竣請假回籍省墓行次介休聞

宣宗皇帝升遐過家門不少留即兼程北上蓋哀痛迫切不敢顧私義也還朝

文宗登極卽授公爲

體仁閣大學士仍筦戶部充

實錄館總裁官維時

上銳意圖治粵氛不靖深以議撫爲非罷大學士穆彰阿公遂首樞務

日

召見便殿輒問公用人行政之道公引經據史動踰晷刻同列多苦之公猶講說不已

上亦未嘗倦聽焉公嘗謂言路國家之氣脈氣脈通無論強弱可以爲國故咸豐初起用人望聽納直言維公實左右之也二年

慕陵奉安禮成加公太子太保銜自夷務平天下狃於晏安不復留意武備道光末賊突起廣西蔓延東南各省師老財匱仰屋嗟歎公弟宿藻官江甯布政使賊至守城嘔血而殞江甯省城遂陷時三年二月也公感憤時事痛傷愛弟舊病增劇連章請告四年冬得致仕仍留京師未歸十年秋海夷入寇京師戒嚴

車駕幸灤陽公兩上封事均留中欲趨詣

行在以病甚不果行公子遂奉之歸里

今上即位特旨起用公自陳病狀請緩行並有陳時務一疏幾五千言始於勤

聖學終於崇節儉其崇節儉一條於土木游觀尤三致意焉識者服其先見公猶在籍卽

命以大學士銜爲禮部尚書同治元年春二月抵京

皇太后命與前大學士翁心存尚書倭仁編修李鴻藻同直

弘德殿侍

皇帝讀公扶病侍直進呈陳弘謀大學衍義輯要等書並反復推闡爲人君止於仁之義

上輒動容稱善越三年卒以老病乞休

優詔慰留者再公請不已乃得

予告又踰年薨於京師年七十有四嘗手定遺疏諄諄以納諫親賢爲急務言不及私公病中有句云病久豈忘憂世念夢中還有薦賢心可見公倦倦

君國之悵矣事聞

上震悼遣郡王奠醊

贈太保諡文端入祀賢良祠給祭葬令沿途地方官護喪以歸於時天下莫不感動謂

皇帝之厚公獨至不知微公之忠恪素信於

列聖亦無以荷此

恩禮也公少卽澹榮利恥奔競初入翰林年僅二十餘耳乃官編修十年始授坊局

宣宗召見諭曰觀汝終始是正派人則知公固受

特達知不由大臣薦也其在樞庭且數十年亦深恥朋比唯諾之風方道光辛丑壬寅閒西夷梗化海疆不靖首輔穆公意不欲用兵公數廷爭之不從後撫議成夷人歸我侵地穆且曰如祁某言幾誤國家事及公相

文宗定郡王素結

有主知願樞密事雖諸王弗與聞也定邸每向公探問公輒對以少頃卽

旨定邸滋不悅其時軍事方興度支日絀諸言利者爭以苟且之策進公多密陳罷之定邸主議鑄大錢公謂無裨國用徒擾閭閻疏爭甚力

既不聽則姑請罷當五百當千錢而當十錢遂通行於天下今已久廢不行惟京師行之如故然亦一錢止值制錢二三耳錢法於是大壞人多追咎創議者或且以爲自公發之不知其人固嘗阻公抗疏力爭者也定邸歿鄭親王兄弟漸專恣尤不便公所爲未幾卽有滿洲人吉年許公一事

上震怒立誅之非

聖主知公禍且不測而公旋以病請退卒不能安於其位矣公嘗謂爲政以得人爲先尤殷殷於以人事君之道其生平所識拔汲引者類多知名於世值樞密時於

上前薦賢甚衆人莫知之同治初又屢上疏論薦尤重循良之吏然公雖好宏獎而不受私謁有人餽遺者必卻之寓居宣武城西偏門前車馬闐如也庚申告歸故居不能容至寄居山寺後內

召入都寓中均飯脫粟公自奉甚菲而篤於故舊每卹其後人刻其遺書如歙程侍郎恩澤詩集及平定張穆肅甯苗夔諸人著作多公所助刊也其先光祿公所輯西域釋地一卷西陲要略四卷藩部要略十八卷藩部世系表四卷已庚編四卷亦次第刊行公以文學受知

先帝故所爲詩古文詞皆卓然成家自漢儒宋儒各立門戶格不相入
公病之嘗言通訓詁明義理二者不能偏廢其視學吳中也重雕朱子
小學以訓士又得景朱鈔本說文繫傳登諸版於是小徐書始行於時
其自著則有馬首農言十四篇馮仇亭集四十四卷已授梓其他著述
尙夥未錄也配曹夫人繼配陳夫人新城故侍郎用光女公會試出陳
公房且從以受古文學者也子世長翰林院編修公薨後加
恩以侍讀升補今擢侍講學士提督安徽學政孫友慎

欽賜舉人銘曰

瞻彼馬首邑斯族斯惟晉大夫越二千載篤生偉人相我

國家少邁家難纍囚獄卒伴公讀書公學以成乃掇魏科入承明廬

天子知公累操鑿衡終枋機樞晚爲

帝師昕啟夕沃伊訓皋謨信任媵矣

寵榮極矣胡鬱勿舒海波旣揚楚氛載熾時際艱虞東南驛騷大農告

空籌策徒紆桑孔競進頭會箕歛利析錙銖公謂非體剜肉補創毋乃

大愚疇主和戎犬羊反覆震驚

乘輿公見幾先挽袂末由流涕沾襦正色立朝屹然砥柱始終不渝婞

直招忌含沙射景橫肆詆誣我

皇明聖夔臚罔象其可稽誅公心雖昭公身曷安退臥城隅豈不戀

主臣實哀病恩禮匪疏大星忽隕山頽木壞四海歆歔不朽備三卓爾

名臣粹然名儒佳城孔固方山之麓曹河之墟勒銘表德匪私於公垂

百禩模

體仁閣大學士贈太保翁文端公神道碑銘

陳澧

皇上御極之初

哀諭大學士翁公曰守正不阿學問淹博未幾公薨

賜卹又

諭曰品學純粹守正不阿內閣請諡

賜諡曰文端維公歷仕

三朝自詞臣至宰相始遇昇平終濟時艱忠孝勤勞事在

國史及海內士大夫所稱述不可殫紀而

明詔褒揚一日守正再曰守正易名以端職此之由千秋之論定矣公

子前任安徽巡撫同書兵部武選司員外郎同爵右春坊右贊善同龢

以公將歸葬奉行述年譜寓書於公門下士陳澧爲神道碑銘澧再拜

而書之曰公諱心存字二銘號邃庵江南常熟人曾祖諱汝明早卒本
生曾祖諱汝弼祖諱謙皆不仕考諱咸封官海州學正皆

贈光祿大夫本生曾祖妣錢氏祖妣王氏前妣許氏皆一品夫人妣張
氏太淑人累

贈一品夫人公七歲能屬文人稱神童稍長爲生員舉人才名大震體
貌魁碩見者知爲偉人丁學正憂家貧常館於外道光二年中進士改
翰林院庶吉士散館授編修升右春坊右中允典福建鄉試督廣東學
政轉左中允直

上書房授

惠郡王讀書升侍講典四川鄉試督江西學政歷左右庶子國子監祭
酒十五年授奉天府丞兼督學政公事母至孝奏言臣母七十餘不能
迎侍關外乞解職歸養

上意方嚮用慰諭曰俟汝母年八十許汝歸公感涕赴任旋授大理寺
少卿

召還復乞歸

上曰得人甚難汝少留復直

上書房授

皇六子讀書十八年奏言臣母年八十乞歸許之二十五年丁憂服闋欲不出會同書以編修督貴州學政

召見

上命傳諭趣公還

朝復直

上書房授

皇八子讀書再補祭酒升內閣學士兼禮部侍郎銜授工部左侍郎文宗即位調戶部右侍郎咸豐元年典順天鄉試兼署吏部右侍郎升工部尚書兼署左都御史充

實錄館總裁

經筵講官三年廣西賊竄入湖南北遂陷江甯公疏陳八事一曰速合勦二曰守江淮三曰清捻賊四曰覈浮冒五曰卹災民六曰籌糧食七曰培元氣八曰振紀綱

上命會同大學士戶部統籌軍餉又

命兼管順天府事務賊犯天津京師震動公條奏守禦事請順天府各

營歸府尹管轄又奏京城團防法時關東索倫兵東三盟蒙古兵屯京城外皆工部順天府供給公晝夜勞瘁鉅細無不辦戶部議以銀票給軍食公奏言不便有

旨切責會通州捕役有搶劫者部議革職居月餘起爲吏部左侍郎調戶部右侍郎升兵部尙書調吏部尙書復充

經筵講官翰林院掌院學士協辦大學士調戶部尙書八年充

上書房總師傅授體仁閣大學士管戶部事務公屢掌戶部慎持大體初爲侍郎眾議蘇松漕糧改徵銀公持不可事得寢再爲侍郎請停鑄當千當百大錢至是度支日匱公勞神焦思至廢寢食而言利者競進公曰戶部古之司農也諸君盍顧名思義乎會有請弛鴉片煙禁者公數於

上前爭之而戶部尙書肅順主弛禁收稅廷臣集議皆默然公正色曰若此何以對

先帝乃罷會凡肅順所爲培克事皆力止之肅順大憾每事相齟齬公以足疾請假旋請開缺

上許之初戶部設官錢鋪行鈔票積久生弊公擇司員廉潔者司之肅

順欲傾公奏請除奸商遂興大獄

上命怡親王載垣治其事逮司員下獄欲坐以贓而窮治無所得肅順請

命公詣刑部當是時大學士柏葭下獄棄市未久人皆爲公危僚友莫敢至門公夷然曰是欲我爲蕭望之耶

上知公清正釋不問惟交部議處補官日革職留任

今上卽位

兩宮皇太后臨朝誅端華肅順

命公銷假聽候簡用公自陳衰老不堪任使因上封奏臚舉人材有旨開復革職留任處分以大學士銜管工部事務公以足疾辭命免帶領引

見及一切勞苦事同治元年

皇上讀書弘德殿

皇太后命公授讀使內侍扶掖出入十一月朔入直遭寒疾越五日薨年七十二

皇太后

皇上皆震悼

命醇郡王奠醑

贈太保照大學士例

賜卹入祀賢良祠先是同書爲安徽巡撫被劾下獄公疾甚有

旨出獄侍疾及公薨有

旨俟百日後入獄遂

加恩遣戍烏魯木齊

加恩公諸孫曾源以舉人

賞進士一體

殿試曾純以候選同知卽選曾榮以監生

賞舉人曾桂以刑部學習郎中爲候補郎中曾翰以舉人

賞內閣中書先是同龢以同治六年一甲第一名及第至是曾源復以

一甲第一名及第海內榮之公所著詩文集若干卷藏於家早年詞賦

偉麗擅名於時非所好也中年研精經史敦尙實學嘗告陳澧曰漢儒

之學如治田得米宋儒之學如炊米爲飯無偏重也此公學問大旨澧

所得聞者敢附著之蓋

上諭所謂淹博而純粹者歟銘曰

維公名儒位極台輔

先帝所拔以遺

聖主維公大老德如皋夔

皇后所命以為

帝師中更病退保身之哲豈惟保身國體罔缺中更吏議

聖主之恩豈惟施恩扶持正人公如松柏孰伐孰翦惟欲伐翦公名益

顯公如山嶽孰撼孰傾惟欲撼傾益彰公名公名隆隆克正克端

明詔所垂史筆不刊公德淵淵惟忠惟孝學綜羣籍心通大道

國恩既渥家祚彌光巍科高秩子孫大昌爰知正人實天所祐刻此豐

碑示千載後

又體仁閣大學士翁文端公神道碑銘

楊彝珍

同治元年十月初七日

體仁閣大學士翁文端公薨於京邸之寓舍

上聞震悼節終之典一如故事越三載其嗣子同書等以墓隧之碑久

未立奉狀來乞為文表於神道彝珍不幸不及識公仰公清節碩望久

竊願有紀也謹詮次其事如左方公姓翁氏諱心存字二銘世爲常熟人曾祖諱汝明未娶卒以兒子諱謙者爲之後是爲公祖生公考潛虛公諱咸封以舉人官海州學正及公貴皆

贈如其官祖母氏王前母氏許母氏張皆一品夫人公幼奇慧七歲屬文敏有思致隨侍海州唐陶山州牧見而奇之使從受學淹貫經史百家言年十六著學籍譽藉甚試輒高等越十年中丙子科江南鄉試道光壬午進士選庶吉士散館授翰林院編修大考優等升中允五年充福建鄉試正考官尋

簡任廣東學政九年入直

上書房充日講起居注官擢侍講十二年典試四川甫還

朝旋奉江西學政之

命十三年補庶子遷祭酒仍留學政任十五年典試浙江差旋補授奉

天府丞十六年授大理少卿十七年抵京

命授皇六子讀十八年以母老乞養歸二十七年母服闋

上促其還

朝二十九年抵京復直

上書房再授祭酒遷內閣學士再遷工部左侍郎

命授皇八子讀三十年正月

文宗皇帝御極

特派偕諸王大臣恭襄禮儀調戶部右侍郎兼管錢法堂事務

賜紫禁城騎馬咸豐元年充順天鄉試副考官兼署吏部右侍郎擢工

部尚書充

經筵講官二年充

殿試讀卷官

實錄館總裁兼署左都御史典武會試三年調刑部尚書旋仍調工部

命兼管順天府尹事務坐失察通州捕蒯劫民財落職四年二月補

吏部左侍郎三月調戶部右侍郎兼管錢法堂事務充

武英殿總裁九月補授兵部尚書十月仍

命紫禁城騎馬十一月調吏部尚書教習庶吉士復充

經筵講官五年三月

上謁

西陵

命留京辦事管理戶部三庫事務六年充

國史館正總裁翰林院掌院學士十一月以吏部尚書協辦大學士調戶部尚書八年充

上書房總師傅九月奉

旨拜體仁閣大學士管理戶部事務九年四月因病乞休

溫旨慰留五月奉

旨教習庶吉士再請解職

允之十一年七月

文宗皇帝升遐十月

今上嗣位被

命再出理部務同治元年充

實錄館監修總裁明年奉

兩宮皇太后懿旨

在弘德殿授讀日侍

經帷授經之餘嘗舉古今治亂成敗爲

上晰陳之

上每動容稱善十月朔退直後邁寒疾越五日疾篤輒趣繕遺疏成令
恭讀一過再領之遂瞑目端坐薨矣年七十有三公性純孝少居父憂
哀毀過禮中歲乞養歸朝夕侍太夫人側色養備至憂愉不主於己如
是者七年遂有終焉之志遠近學者時從問經史疑義每隨其淺深開
迪之暇則撰杖履徜徉山水閒趾遠公府門庭落然清素海內無不高
仰之其再起也當兼尹順天時值粵寇北竄人情震恐徵調關東索倫
兵及東三盟蒙古兵駐畿甸外公親巡勞諸軍餽餉芻糧皆先期治辦
軍用不乏士氣以振并爲審量敵情密授成算諸閫帥規度可控扼地
列柵屯守又簡料民兵以壯聲援舉光祿寺卿宋公太僕寺卿王公司
其事百里之外烽埃相望金鼓之聲四聞寇窺其有備遂不敢近畿輔
帖然安堵其領司農也值軍旅繁興度支劫劫無餘經用有關主計者
輒巧爲名色以培克於民公每持其事不下所規畫惟塞弊源窒滲漏
以寬養民力民賴以安公故和易外溫其顏內確然有執時尚書肅順
方暴起領事凶醜赫然公不肯施施承迎之職事所及有不可必固爭
積與之忤後興五字獄以螫公賴

上眷公深不之罪方初直

上書房

文宗皇帝猶居潛邸一日公侍學進講唐書及陸贄盧杞進退反覆數百言翼日卽以宣公奏議進後參知政事凡民生利病與吏治得失無不盡言遇星變言事語尤切直及海船逼天津

文宗將出巡公聞亟具疏力言不可橐多削不存平生好善如嗜欲遇知名士輒汲汲推引之海內士趨之若鶩迨官卿貳後所薦士尤多恆祕不之洩今

上御極初一再上封事有頃

詔中外博舉遺逸旋降

旨褒公謂能以人事君人始知由公疏請云公配許夫人高安縣知縣諱夔公之女有賢行生子男四人長同書道光庚子進士由編修歷任安徽巡撫坐事免次音保早卒次同爵以廕生爲兵部員外郎湖南鹽法道次同龢咸豐丙辰一甲一名進士官右春坊右贊善女二長適俞次適錢孫男六人長曾文優廩生早卒次曾源同治癸亥一甲一名進士官修撰次曾純卽選同知次曾榮

欽賜舉人次曾桂刑部候補郎中次曾翰咸豐戊午舉人

欽賜內閣中書曾孫五人曾孫女三人公恬於榮利其退由力請進由特召出處本末甚爲較然歷受

三朝知遇之隆寵眷加等

頒賜上方珍物甚厚守正不阿之獎章於王言存有榮施歿猶延賞於後此固由

朝廷念公有舊有勞終始篤其

恩禮亦用以風勵百有位作彼忠貞以康靖我

國家於永世乃爲之銘曰

天祚我邦育

聖於沖爰賚碩輔俾正其蒙如金資礪如木資攻時陳帝鑿以濬

天聰於昭

聖學克明且融胡不慙遺承弼厥終悠悠永歸

帝心是恫曷其陟恪左右

皇躬回斡元化使日再中有豐者石墓門崇隆過者式之肆續乃忠

又體仁閣大學士贈太保文端翁公墓志銘

孫衣言

公翁氏諱心存字二銘明永樂中有自長洲遷常熟者遂爲常熟人曾

祖汝明祖謙父乾隆戊午舉人海州學正咸封皆

贈光祿大夫祖母王氏母許氏張氏皆一品夫人公以嘉慶丙子舉人
中道光壬午進士由翰林院庶吉士歷官編修右中允翰林院侍講左
右庶子國子監祭酒奉天府府丞兼學政大理寺少卿內閣學士工部
戶部侍郎工部刑部尚書兼管順天府尹吏部尚書以戶部尚書協辦
大學士體仁閣大學士歷充

上書房行走日講起居注官經筵講官教習庶吉士

實錄館國史館

武英殿總裁

上書房總師傅廣東江西學政福建四川浙江順天鄉試考官

弘德殿行走兩

賜紫禁城騎馬而國子監祭酒戶部侍郎工部尚書皆再任吏部侍郎
都察院左都御史皆兼署年七十有二以同治元年十有一月初七
日薨於位

予諡曰文端公幼奇慧而家貧甚然自爲諸生卽恢廓有大度及旣貴
至宰相自處猶如儒生其立朝務持大體常爲國計慮深遠於是東南

用兵海上數有警縣官經費益不支大臣謀爲一切苟且公輒持不從或抗疏諫止而尤以引拔人材爲急顧未嘗自以爲名故公所薦自前安徽巡撫江忠烈公侍郎王公茂蔭三四人外人亦莫得而紀也及今上改元詔中外舉遺逸獨稱公有以人事君之義人以爲公益薦士尤多云於是

新天子年甫七齡就學而公與壽陽祁公皆以大學士再起入直弘德殿當是時

朝廷方用古誼尊禮師傅而二公皆惇誨故老日引經陳大義欲以成就

聖德爲國家無疆之祚未及一年而公薨又四年而祁公亦亡此一時賢士大夫有心斯世者所爲痛也公初以中允直

上書房及自奉天學政歸復以大理少卿直書房於是張太夫人年八十卽疏乞終養

宣宗成皇帝以公言悲切無以留也公歸八年而張太夫人始壽終旣服除公猶未起會公長子同書以視學貴州入謝見上上曰汝父其終不來耶同書頓首言公卽來

上喜曰汝父固當速來明年公至京師遂由祭酒連擢至工部侍郎仍

直

上書房於是濱州杜文正公方授

文宗皇帝讀書遇休沐公輒得侍

文宗一日講唐書公極言陸贄盧杞賢奸進退反覆數百言

文宗爲動容次日即以陸贄奏議進蓋公在書房時遇事納誨用意多

類此及

文宗卽位遂以工部侍郎調戶部卽擢工部尚書筦國計而粵賊陷江甯且北擾公陳備禦六事其請罷奉天采葭及言京師根本宜飭紀綱審民情無妄紛更而近畿開礦宜亟止人尤以爲知言其後大臣以經用絀議造寶鈔官票益改鑄大錢而京師至今受其困蓋公所先言也公之兼管順天府尹而通州徼巡卒有爲盜者言者并劾公奪職甫逾月復起爲吏部侍郎擢兵部尚書遂以吏部尚書協辦大學士復調戶部尚書哈達朗阿竊錢票七百串刑部以爲贓逾五百兩當絞決會朝審公卽奏言今戶部俸餉皆制錢二串當銀一兩而錢票僅當制錢半哈達朗阿贓不及律刑部議非哈達朗阿得緩死其後刑部獄上有疑

者

上復下公讞而公亦不固爲異也咸豐八年番舶薄天津求甌脫地又請行天主教遣其酋居京都沿江爲互市大臣有主之者而公力言其不可大臣固已深嫌公而先是尙書肅順請收鴉片煙稅爭尤力當是時肅順方用事貴倨輒自奏上公遂引疾去肅順亦舛望會戶部所設官錢局有言司官爲奸利者

上命怡親王載垣與肅順雜治之遂謀以奇禍中公而

上固知公無他不深罪也其明年番舶復逼天津海口求道北塘趨京師大臣又許之已而京師警

天子將幸熱河時公已在告卽具疏力爭而廷臣亦多言不可不能得其明年

文宗崩於熱河

今天子卽位卽起公以大學士銜管理工部同治改元遂以大學士銜入直

弘德殿而以是年十一月朔日早朝得寒疾越六日竟卒遺疏猶以擇近侍親正人懋修

聖學爲言蓋公之可紀其大者如此公脩偉嚴重美鬚髯儀表特異於人以大學士再起時

特命無帶領引見無與一切差使每入直內侍扶掖出入夜則籠燭導皆非故事所有及公薨又

特贈公太保

命醇郡王卽其家祭又

命入祀賢良祠又

賜其孫曾源進士曾榮舉人曾純卽選同知曾桂卽補郎中曾翰中書而自公初爲大學士時長子同書已由翰林爲安徽巡撫幼子同蘇已以修撰爲陝甘學政公薨未久而孫曾源復以廷試第一爲翰林修撰次子同爵復以武選郎爲湖南長寶道擢四川按察使同蘇復以侍講入直

弘德殿蓋公遭遇之盛子孫之賢自

成皇帝以來諸大臣中未見其比公固可以無恨而一時之論特以國家多事又當

新天子嚮學之初而公方以

三朝舊臣爲時輕重其惡可以遽亡也哉公娶許氏

誥封一品夫人有婦德子四人長卽巡撫同書道光庚子進士次音保
早卒次卽按察使同爵附學二品廕生次卽侍講同蘇咸豐丙辰進士
女二人適優貢生俞大文國子司業錢振倫孫六人長曾文優廩生亦
早卒次則曾源曾純曾榮曾桂曾翰也曾孫五人曾孫女三人其葬在
常熟西門外白鶴峰下實張太夫人墓次始公爲大理少卿在

上書房衣言以拔貢生至京師而弟鏘鳴鄉試出公門下因得執贄以
謁公其後衣言在

上書房公以故師傅時得至

西苑所謂三天者益數見公及爲安慶守公長子適爲安徽巡撫今年
再至京師與侍講尤親洽衣言游公父子閒幾三十年自謂粗足以知
公而侍講以公之狀畀爲銘衣言雖不文其安可以辭也遂書而銘之
銘曰

帝者之學虞書夏謨我嘗有言左史右圖豈宜妮妮爲章句儒未明入
講辛苦朝晡徒勞弗獲記誦其粗

今皇念典漸趣大道誰實牖之宿儒元老元老諤諤帝鑑之篇祝我

天子有道萬年螫臣柄國苟已便利謂彼龍蛇為我族類公言弗庸遂
狂不制公有憂之權算錐刀而流軼出湖江滔滔柄臣有謀公抗勿與
或愠其旁搖沙伏弩雖毒弗呻

先皇之仁恩禮終始康此耆臣耆臣多壽子孫趾美生榮歿哀勿悲有
喜顧我所悲謂亂未已庶益公年四海蒙祉于嗟遠矣議郎博士匪獨
銘公亦書我悱

前太子少保體仁閣大學士兩廣總督葉公家傳

胡鳳丹

公姓葉諱名琛崑臣其字也曾祖廷芳始由江南溧水占籍湖北漢陽
遂為漢陽人祖繼雯乾隆庚戌進士官至刑科給事中世稱雲素先生
考志說兵部武選司郎中以公貴三代皆

贈如公官公先世咸懷隱德給諫公性尤至孝嘗割股療大母疾居二
親喪廬墓六年至有枯木重榮燕巢互乳之異鄉人士以為孝感所致
朝廷聞而旌之用能集慶篤祜縣縣延延大鍾其祥於公公生而端靜
不苟言笑循家法維謹讀書目數行下未弱冠中道光乙酉副車詞筆
奇奧詫為老宿旋充

武英殿校錄議敘教諭辛卯舉於鄉乙未成進士授編修直清祕堂嘗

進禱雨文甘澍應期

宣宗稱爲忠孝所感其受特達知自此始

上欲試以吏才輟侍從出公爲陝西西安知府有能名己亥擢山西雁平道庚子調江西鹽法道兼權布按兩使壬寅授雲南按察使未一年陞湖南布政使癸卯調藩甘肅丁母憂去職服闋補江甯藩司以原籍例迴避改廣東留署順天府尹辦武闈事丁未始履廣東藩司任公敷歷中外二十餘年遇事無險夷巨細必躬必親壹以答主知孚民隱爲念故所至輒奏最而治粵爲最久得粵人心亦最深遂

與粵事相終始先是英人不恭迫換和約並索黃浦碼頭爲互市地時琦相國主其議以謀公公持不可積忤相國意被劾

天子知公可大用就擢巡撫委以外事粵東爲華夷交匯之區民俗好亂而樂禍且承平久蘊孽尤深最號難治戊申英德清遠二縣會匪起己酉羅定州土匪又起公率兵勦辦應機立斷或數月或數十日而賊首鄧十富黃毛五林十八等悉就擒殄未幾海疆蠢動公與總督徐公密畫勦撫兼施卒能折其牙角潛消逆萌事聞

宣宗大悅

賜一等男爵加太子少保銜庚戌韶州紅巾賊倡亂公先事防堵賊不敢騁

賞頭品頂戴兼總督銜充

欽差大臣咸豐壬子真拜兩廣總督癸丑粵城北門外三元里紅頭賊又起勢猖甚公晝夜督勦收復二十二屬逆首李文茂竄至廣西境內伏誅賊始平乙卯春

上命以總督協辦大學士次年授

體仁閣大學士無何英人攻入省城公感

兩朝知遇恩誓以身報親登洋船陳說利害詞色並厲酋長相顧愕眙挾以去浮海涉印度踰數萬里公窺意不善卽欲死之以環守不得閒且冀深入彼地得其要領歸報

天子俾疆事不至大壞姑忍須臾活不爲匹夫溝瀆小諒卒以事會不諧莫伸隱志又大臣義不辱乃絕粒扼吭以卒時咸豐戊午三月二十有三日也而公亦由是削職烏虜可哀也已於某年月日歸公櫬蓋自是而海疆事亦稍定矣公生平宅心忠厚有祖父風鄉里善舉知無不樂爲之嘗捐廉俸銀一萬兩修漢陽攔江隄水不爲患又以本邑文風

日熾捐俸銀二萬請廣文武學額二名著爲例士林頌之弗衰友愛出於天性少與其弟潤臣舍人以詩文鳴一時舍人中更家變援例出爲浙江試用道中途聞公喪邑邑遂歿配李夫人早卒繼配汪夫人淮安瑟庵先生女也有淑德生女三無子以弟子恩頤嗣

論曰

宣廟之季疆臣負才名赫赫卓有建豎者陸沔陽外公其尤也公與陸同府人受

天子恩皆極重倚畀皆極隆而晚節則皆艱屯偃蹇齋志以死又何其不相謀而適相合歟雖陸死於寇中慷慨捐軀公死於海外從容就義然大臣謀國至事機決裂卽以死報亦未嘗不飲恨於九泉而何敢云塞責也

彭文敬公傳

董沛

彭蘊章字琮達一字詠莪江蘇長洲人兵部尙書啟豐曾孫以舉人官內閣中書選值軍機道光十五年成進士授工部主事歷員外郎郎中累擢通政司副使始以班大九卿不入值在樞垣者十二年明習掌故勤能稱職二十五年擢宗人府丞明年督福建學政所至崇文教厚風

俗士奮於業至今感頌修考亭書院建朱子墓堂拔其後人爲貢生李延平羅豫章蔡九峰真西山諸儒之裔皆加甄錄在閩三年歷左副都御史工部侍郎還都兼署刑部咸豐初南北軍興

文宗知蘊章才命領機務游擢工部尙書協辦大學士六年十一月授文淵閣大學士八年十月晉

武英殿大學士方是時羣寇蝟起虐焰徧天下海西夷船屢犯畿東軍事奏報朝夕填委蘊章殫竭智慮恆丙夜入對寢不解衣鬚髮爲白其議設皖南歸德二鎮議守天津北塘皆碩畫也胡林翼曾國藩等建議東征時有前卻蘊章裨贊

廟謨顓力倚任卒成大功怡王載垣鄭王端華大學士肅順等專恣作威興鈔票科場諸大獄中傷朝士蘊章婉辭調護開悟

上心雖以正議爲奸黨所忌不安於位而上終眷顧不衰

車駕北巡蘊章已以疾在告上疏挽留不能得猶復陳時務六事疾少閒趨赴

行在固請回京

續碑傳集卷四
三
上深鑒之

命署兵部尙書

穆宗登極復

命兼署左都御史蘊章疾復作同治元年五月具摺乞休

詔允之十一月卒年七十有一遺疏

聞

賜卹如例

子諡文敬蘊章原本家學誦法洛閩爲朝野推重入內閣不由翰林異數也膺殿廷考校之任凡二十四咸豐六年充會試考官得士稱盛拜御書畫及尙方珍異不可勝紀所著詩集二十六卷文集十二卷續文集四卷讀書記四卷竝行於世

續碑傳集卷四

續碑傳集卷五

江陰繆荃孫纂錄

同治朝宰輔

太子太保體仁閣大學士周文勤公神道碑

李慈銘

同治六年夏四月丁亥大學士商城周公薨於位

上聞軫悼即日

命睿親王率侍衛十員賜奠

賜陀羅經被降

詔褒惜推恩子若孫并下所司賜卹如例

子諡文勤維公敷歷

四朝徧踐六官疊主文柄清華暉映

恩禮始終蓋以慎密一心克孚

帝眷有非外人所能盡知者而一節之士矯行立名思急起以赴功輒

以非常建白過望大臣而抑知從容

廟堂敬以事

上勤力正過夷險一致固足以鎮百僚風天下也公諱祖培字叔滋一

字芝臺先世自婺源遷汴遂爲河南光州商城人至明之季侍郎汝璣
都御史汝弼從兄弟以進士起家其族始大曾祖逾篋諸生祖作淵廣
東惠州府海防同知父鉞嘉慶六年進士歷官順天府府丞鴻臚寺少
卿三世俱以公官

贈光祿大夫曾祖妣氏楊祖妣氏陳母氏祝俱一品夫人鴻臚公有吏
治經術訓子曹嚴公幼挺異濡染家學文譽驟起少長補商城縣學生
年二十六中式嘉慶二十三年河南舉人明年偕仲兄按察君同成進
士改庶吉士又明年授職編修時伯兄巡道君先以進士起家由庶吉
士官戶部主事公與按察君繼之而公叔父武進君又於是年成進士
入翰林言科名者以爲盛事道光元年爲順天鄉試同考官二年爲雲
南正考官四年丁鴻臚公憂七年服闋充

國史館協修官十二年升國子監司業司經局洗馬充
文淵閣校理十三年充

日講起居注官轉翰林院侍講是年大考轉侍讀十四年升右春坊右
庶子旋擢翰林院侍講學士十五年協同內閣批本十六年充漢軍教
習十七年督陝西學政轉侍讀學士十八年升詹事府詹事旋丁祝太

夫人憂二十一年起原官充

文淵閣直閣事二十二年稽察左翼宗學升內閣學士兼禮部侍郎銜旋擢禮部右侍郎二十四年兼署兵部右侍郎轉禮部左侍郎調工部右侍郎兼管錢法堂事務二十五年爲會試副考官調刑部左侍郎二十六年偕尙書賽尙阿公馳勘江南江防善後事宜校閱江蘇安徽江西三省營伍甫覆

命爲浙江正考官二十八年

賜紫禁城騎馬三十年充

實錄館副總裁

經筵講官咸豐元年升刑部尙書充

實錄館彙本總裁二年爲會試正考官三年以失察要犯劉秋貴瘕斃一案降三級調用卽日補都察院左副都御史升吏部左侍郎四年升左都御史擢兵部尙書五年署順天府尹六年兼署工部尙書加太子少保調吏部尙書八年督理五城團防九月協辦大學士兼署戶部尙書九年調戶部尙書兼署吏部尙書充武英殿總裁爲順天鄉試正考官十年爲會試正考官

車駕東狩爲留京辦事大臣十二月拜

體仁閣大學士管理戶部十一年

文宗崩爲恭錄飭儀大臣兼辦

定陵平安峪工程充

實錄館總裁同治元年調刑部充

實錄館稿本總裁二年充

文淵閣領閣事四年教習庶吉士晉

太子太保以

山陵告成

賞戴花翎其閒充殿試讀卷朝考覆試大考閱卷以及蔭生教習拔貢
優貢等考試共三十餘次公一以敬慎小心翼翼旦夕趨事耄而益勤
凡處大議平大政博咨集思未嘗稍自專其使江南也時和議初定夷
性不測軍民惴惴公冒暑跋涉深籌利便以爲長江兩岸礮臺倚角門
戶雖固而蘇松二府在江防之外港澱紛錯而地殷賑夷所耽伺宜於
上海寶山之閒若閔行鎮得勝港東汉口等處廣儲舟楫擇地屯戍黃
浦江南通浙江之嘉善北通泖湖以達蘇州宜於澱山湖長連涇等地

設伏拒守厚集其勢凡所經畫皆足永久校武三省嚴而不煩都試之日威儀陳列上下凜凜而鞭貫不做事畢卽行驛無留宿主試浙江榜發三日星馳北返抵蘇州又奉

命偕侍郎柏稜公讞昭文縣吏薛桂獄七日牘具人無驛騷咸豐之季奸黨傾仄大獄數起島夷蹈瑕國如綴旒公楛柱其間不爲同異事持正論誦隙於芹及

今上踐阼

兩宮臨朝禋翳廓清公節益著首上疏更正祺祥之號改元居正天下稱頌

特詔褒美以爲關心典禮周詳慎重委任有加而公益謹明議陳孚恩何桂清之獄張錫嶸明堂宗祀之疏皆析理準情無所阿徇兩備

宣宗

文宗實錄皆總辦稿本夙夜屹屹手自鉤稽綱舉目張鉅細咸秩乃至文義點畫偏旁正俗必再三考核致慎致詳上邀

懋賞及於子孫至公之劬而有宣力彌勤之

裒然後知公之精白任事式簡

帝心而

上之倚畀未有已也公與按察君友愛甚篤按察以池甯太廣道入
覲公時爲侍郎

召對詢家世公稟悉

宣宗喜曰卿讀書世家及公閱兵江蘇而按察君陳臬於吳旌節相連
觀者嘖歎公衡文最久門生徧天下所特薦者如刑部郎中易公棠吳
公廷棟太常少卿李公棠階等後皆爲名宦予館公家久課公之幼子
公虛已下詢日久益敬常稱譽不出口乙丑之夏予南歸省親公置酒
爲別執手慨然曰君太夫人年未老君行必速返予老矣懸一榻以待
君也烏乎孰知予歸再逾稔而丁大故苦出之中復聞公訃今再入都
而公葬已克期公子輩將以公柩歸矣公生於乾隆五十八年十二月
二日距薨之歲七十有五配劉夫人生子五某某側室朱生一子某胡
生一子文令

恩賜舉人以主事用女二長適兩淮鹽運使方濬頤次適河南彰德府
知府賈致恩皆劉夫人出孫四人某某公次子戶部陝西司員外郎文
俞恬靜好學於公諸子中爲最良以某年月日葬公於某山之原屬予

參次公行事以文其隧道之碑予不敢辭銘曰

聖清撫運樞庭執機東閣四備以翊

皇維猶唐僕射百僚具師承乾布化不言而治維公翼翼麟遊鳳儀接

迹承明颺拜

帝墀民命所系祥刑是司公再執奸獄以不疑六府九貢

國仰度支公長地官綜其芴絲協規蹈尺矩不迤

帝曰休哉實惟予毗温樹不言益畏而寅

受終紀

政大法所治公再珥筆

謨煥烈垂潤色鴻業荷

天子知云何徂謝不究其攸蘇山盤薄淮流透池鞏茲宰木甘棠永思

國史有紀我辭不欺

光祿大夫太子太傅協辦大學士四川總督世襲一等輕車都尉駱文

忠公神道碑銘

蘇廷魁

公諱秉章字顓門又號儒齋始祖達元唐時由浙江義烏來居南海之
烏石岡鄉明末有諱產者又遷華嶺康熙二十四年析南海置花縣故

今爲廣東花縣人曾祖浩三祖逢父珮元皆以公貴累

贈如公官妣孔氏累

贈一品夫人公生而端凝力學無倦見者知爲大器弱冠爲縣學生試輒高等嘉慶二十四年舉於鄉道光十二年成進士改庶吉士十三年散館授編修十五年充

國史館協修十八年補授江南道監察御史尋轉掌道稽查北新倉奏參花戶挪移厥座風采始著二十年充會試同考官秋充順天鄉試同考官校閱號得士奉

命稽查戶部銀庫事務部庫故弊數公蒞事嚴出納卻陋規司事者百計挽公弗爲動至走當道求遷公官會臺端發其奸不得逞然公固不以清自鳴也二十一年充會試內簾監試官擢工科給事中二十二年遷鴻臚寺少卿五月擢奉天府丞

上意寢嚮公乃公去甫踰歲部庫虧空事發褫職罰賠公亦不自直也賠項完得

旨以庶子用

召見溫語嘉獎而後公清廉之名滿天下

上意亦滋欲試之於民二十四年補右庶子禿

日講起居注官按事山東二十五年春以憂去官二十八年服闋入都復奉

命按事河南江蘇山東咸稱

旨十月遷翰林院侍講學士十二月授湖北按察使二十九年遷貴州布政使仍留攝鄂藩筴會江水氾溢公日登陴躬督版築城得無壞發帑平糶振飢活災民數十萬七月調雲南布政使

文宗踐阼首擢公撫湖南是時長髮賊洪秀全反廣西據永安州官軍屢挫

朝廷遣重臣視師以湖南供帳薄劾公吏治廢弛咸豐二年遂有回京另簡之

命未及行而賊已掠桂林道茶攸犯長沙賊黨蕭朝貴訶長沙城不完謂可旦夕下比至則崇墉屹然守具咸備賊大駭朝貴旋斃於礮八月新撫張公亮基始入城洪秀全統賊隊麇聚城下圍益急復得

旨留公助防剿十月賊北走長沙解嚴是役也自七月至十月城幾陷賴公聞警先鳩貲繕垣增陴識今提督鄧公紹良於諸將中任以守事

賊乃卻逾湖而東武昌金陵相繼淪陷而長沙獨完公之力也十一月

命幫辦湖北軍務三年正月

命署湖北巡撫二月新撫崇綸莅任公仍遵

旨赴京行次復奉

諭署湖南巡撫八月卽眞蓋

上已深知公能湖湘以南一以任公矣當是時賊據金陵分兵徇江西
武漢雖復而處爭地崇通咸蒲土賊蝟起以岳州爲重鎮非水軍東下
無以扼上游而制全局非陸軍出岳州無以固武昌之後時湘勇大集
今相國會公國藩奉

命督團駐衡州故鄂撫胡文忠公林翼以四川按察使留楚防剿公察
湘人樸直耐勞苦可恃以戰遂倚二公辦賊先清東南以圖大舉踰半
歲境內甫定四年正月湖督吳文節公文鎔戰歿於黃州之堵城漢陽
復失二月賊船上犯距長沙僅半舍諸軍破走之是年三月曾公遂有
東征之師軍餉器械鹽米悉取給於湘師次岳州猝爲賊乘軍資喪失
大半公益仗助之八日閒十大戰殺賊無算賊逸舟師乃順流而東五
年武漢再陷時胡文忠公已撫鄂飛書告急公奏起今制府楊公載福

於家練水師佐楚軍勢復振湘邊東北羣賊數出沒湘軍不出剿卽內犯而粵賊何祿陳金剛等犯湘尤亟武岡邵陽溆浦土寇乘閒蠶起公復先後討平之自是湘中無大警公以餘力援鄂援黔援粵無虛歲而江西之績尤偉自五年十月至八年四月首尾幾四年大戰數十克復袁臨瑞吉撫建六府州縣費餉三百餘萬無少靳

上嘉公不分畛域

賞花翎八年京察

賞頭品頂戴由是湘軍名震天下賊益懼服不敢窺湘矣石達開者賊魁之尤劇者也瞰湘軍東下九年正月擁眾數十萬掠郴桂北窺衡州守軍扼湘水不得渡則疾趨上游圍永州時湘軍多出援他省公計我軍寡不宜分乃以一軍守衡湘孔道而以全力注賊今制府劉公長佑會諸軍鏖鬪祁永間三戰三捷圍始解轉戰至寶慶公下免死令解散六七萬人賊大懼合諸路敗逆連長圍困我軍勢幾殆會故皖撫李公續宜假歸道經長沙請以所部湘勇由北路之新化進援公乃檄諸軍分道內外合擊而以水師扼資沅大戰寶慶城下圍又解賊遁粵西由全州逼桂林湘軍追益急賊復遁慶遠於是石達開始思由粵窺黔由

黔窺蜀而蜀事日棘矣公之再撫湘也軍需浩穰長沙官吏遵部議鑄大錢公以利厚私鑄必多亟止之復數月商民果交病洵欲罷市公廉府局私鑄者論如法部班鈔寢不行民乃定咸豐四五年間湘省穀價賤石僅三錢完漕則石六兩以上民困正供坐缺公排眾議用舉人周煥南策石減其大半民益謹輸納惟恐後復仿粵西鹺法化私爲官權鹽釐以濟軍不加賦而餉裕終公之任軍興得無乏而東征之師卒平巨寇又公之力也蜀事急十年七月命公督師赴蜀石逆復分黨犯永明冀牽公毋西行湘軍力卻之十月甫戒行賊大至吏民乞公留公乃檄諸軍分道剿擊兩閱月賊敗遁江右十一年正月始督師西上抵宜昌聞皖逆犯黃州復分軍爲鄂援僅以故太僕黃公澗熙所部果毅營五千人從時藍朝柱李永和周紹湧張第才何國樑諸逆糾眾數十萬蹂躪四十餘州縣勢將逼成都五月敗賊於定遠擒何逆黃公乘勝逐賊中伏歿時藍逆圍緜州李逆踞青神所在蟻集賊張甚公以一軍綴李逆於青神合川楚諸軍併力攻藍逆而自駐潼川爲策應七月連破賊於緜州道始通是月今上卽位旋奉督川之

命位成都謀藍逆敗踞丹稜合李逆攻眉州連營百餘燄猶熾乃檄湘果諸軍勦藍逆而以川軍綴李逆斷其援眉州圍解十一月回軍攻丹稜賊依山爲壘以死旅拒官軍圍之數重賊潛遁追及之藍逆斃於陣賊盡殪李逆欲上犯阻河不得渡引而下諸軍圍之於鐵山同治元年京察以公辦賊無畛域薦舉尤得人勦丹稜有功

賞加太子少保銜是年九月李逆走宜賓追獲之川軍克新甯張第才走陝西周提督達武擒周紹湧於大竹餘賊盡滅蜀遂平而石達開復由黔犯蜀掠楚邊陷石砭緣江犯涪州湘軍擊敗之賊偵重慶已設備乃分黨入黔走桐梓石逆以眾數萬攻綦江湘軍復破走之公檄諸軍扼上游賊遂迂道越黔之仁懷陷敘永長甯分擾珙高慶符諸縣境諸軍合擊連戰皆捷賊乃走入黔黔素瘠區無所掠遂由黔入滇九十月間復由滇之鎮雄入筠連陷高縣渡金沙江窺敘州諸軍敗賊於橫江仍遁入滇二年正月賊黨賴裕新由會理犯甯遠初公以敘西至甯遠紆折二千餘里路歧如梳官軍入滇賊必乘虛入甯遠乃檄西軍守屏山而以全軍當賊鋒至是果與賊遇前軍戰少卻保冕山大軍至賊奔越嶲漢土兵練連破賊斬首數千賴逆殲焉公策石逆必分道入賊黨

李復猷果由黔竄彭水三月石逆復越冕甯閒道走土司窺大渡河會大雨河漲諸軍邀擊於半渡賊盡溺石逆梟涉松林小河冀遁瀘定橋復爲土練所敗是時漢士兵練四面至賊不得出燒斃墜巖賊屍蔽流而下石逆計益窮官軍誘擒之斬於市李逆亦屢爲湘軍所敗殲於黔捷聞

上心嘉悅晉公太子太保銜時蔡倡齡梁成幅久踞漢中陝兵討之無功

命公遣兵往援公病日方請告聞

命力疾視軍事三年六月曾公克江甯逆首殄滅有

旨錄公湘蜀前後功

賞給一等輕車都尉世職並

賞換雙眼花翎而蔡梁兩逆亦於四年五月滅於階州粵逆之禍遂息先是蜀邊滇黔多土賊逆苗自石逆犯蜀內外交訁公分遣諸部以次削平復念綏陽遵義實通黔省此路不復則滇黔坐失乃以今制府劉公嶽昭統師由綏陽進抵遵義且勦且撫滇黔始通今官軍由黔入滇收復兩省皆公遺策也公在告久已解任

上仍昇以軍務五年五月疾愈起視事遂有協辦大學士之

命議者請循鄂文端公故事昇公經略滇黔乃全蜀甫安而公病已不可為矣同治六年十一月公薨於任遺疏入

兩宮皇太后

皇上披覽震悼以公忠誠亮直清正勤明

追贈太子太傅

賜卹

子諡入祀賢良祠並

敕四川湖南建專祠生平政績

宣付史館子天保

賞給郎中服闋後分部行走天詒

賞給舉人服闋後一體會試孫懋湘懋勤懋仁懋勳交部帶領引見姪

孫候選縣丞肇銓以知縣分發省分卽補尋

賜祭一壇

恩禮有加焉公生於乾隆五十八年三月十八日壽七十有五先娶陳

氏後娶張氏皆先公卒

贈一品夫人再繼室何氏

封一品夫人副室崔氏子二長天保張氏出次天詒崔氏出女三均適士族孫四人長懋湘次懋勤次懋仁次懋勳長子天保出曾孫三人長毓麟次毓樞長孫懋湘出三毓賢次孫懋勤出公爲人內樸外明賦性忠直歷事

三朝受知

五聖忠義激發一時海內賢士大夫咸樂爲公用四川據江楚上游鹽米之利諸軍餉源所自出西南半壁隱然爲天下安危所繫公在蜀七年兩平巨寇全蜀晏然薨之日蜀人流涕比於諸葛不其信歟蓋嘗合近二十年閒兵事論之粵逆之平湘軍功爲多而用湘人募湘勇實自公始湘軍東征公獨完全湘以應其急而又以其閒輯鄰固圉以一隅而爲天下計亦自公始自公之歿凡公所識拔

朝廷多倚以辦賊良臣循吏良將勁兵布滿海內天下知爲公之功而世俗之士或以將略少之豈知古大臣識量所以異於人者固在此不在彼也公樞歸自蜀天保天詒將葬公於沙坑祖塋乞爲神道之碑廷魁公鄉人也天詒又爲廷魁壻於義不敢辭計公在兵閒十餘年凡公

所區處皆有闢天下全局賊勢破滅之所由是用剟其大要而爲之銘

曰

天祐大清篤生我公起家以文事

君以忠義我豸冠吏讐其峻

帝旌爾廉處膏不潤外臺洊陟置寄於南內修外攘大亂以戡跨衡逾
湘獸窟是依公固其局技窮無歸蜀全上游軍形必爭公翦其翼厥角
斯崩蜀平踰年遂定江左羣賢戮力功豈必我惟

皇任公惟公任賢輔兵以團謀惟公先居蜀七稔活我全蜀公棄我民
行歌巷哭番番我公實爲蓋臣勒茲豐碑敢告萬春

駱文忠公別傳

李元度

駱公諱秉章字籲門廣東花縣人道光十二年進士選庶吉士授編修
歷御史給事中鴻臚寺少卿奉天府丞坐稽查部庫時失察庫丁侵漁
落職

宣廟察公清介旋授左庶子按事山東憂歸二十八年服闋復奉

命按事河南江蘇山東咸稱

旨遷侍講學士授湖北按察使明年擢貴州布政使調雲南又明年擢

湖南巡撫時洪秀全等反廣西據永安州官軍數失利

詔遣閣臣出視師以湖南供帳薄劾公吏治廢弛咸豐元年有

旨內召未及行而賊已掠桂林道茶攸直犯長沙公督將吏乘城守既受代奉

命仍留佐軍務居圍城中八十餘日圍解公北行有

詔署湖北巡撫明年復

命巡撫湖南時

文宗已譖公才大湖以南一以任公矣當是時安慶江甯並陷賊粵東西土寇接踵起貴州教匪復結逆苗爲亂環湖南邊境游氛四逼又自承平久官吏習爲苟且粉飾之計下情否隔民困無繇上達公至求人

才作士氣察民隱祛壅蔽力挽積習曾文正公時以侍郎奉

命治團練公與同心戮力雖議論時有不合而公事力護持之及其治師東征糗糧船礮軍械公悉力資給今使相左公宗棠時方爲舉人公禮之入幕虛己以聽軍牘朝至夕批答許州縣便宜從事寇起隨撲滅乃創立船礮釐捐各局仿劉晏用士人法開誠布公眾爭以才自效又以其閒清釐漕政去蠹蝕裁浮費民輸納恐後終公之任軍興得無乏

而湘軍卒平巨憝公提倡之力也五年武昌三陷時胡文忠已爲鄂撫飛書告急公悉力資給之如所以資文正者會粵寇何祿陳金剛等分道犯湖南而武岡邵陽澂浦諸土寇復時時竊發公皆遣將討平之自援鄂外復以餘力援黔援粵援江西徵調無虛歲而江西之績尤偉自五年十月至八年四月首尾幾四年大小百餘戰克復瑞臨袁吉撫建六府數十州縣糜餉三百餘萬無少愆

上嘉公不分畛域

賞戴孔雀翎八年考績

賞頭品頂戴九年僞翼王石達開擁眾數十萬自郴桂窺衡州官軍扼湘水不得渡則趨上游圍永州公遣將擊走之遂圍寶慶數日勢危甚公檄諸軍内外合擊而以水師扼資沅會鄂中援軍至圍解賊遁粵西絲全州逼桂林湘軍追益急賊復遁慶遠於是達開絲粵窺黔黔窺蜀而蜀事日棘矣十年七月

詔公督師赴川石達開遣黨犯永明冀牽公弗西行湘軍擊走之十月甫戒行賊大至吏民乞公留公檄諸軍分道進擊兩閱月賊敗遁江西十一年正月始督師西上抵宜昌聞皖賊犯黃州復分軍援鄂僅以黃

忠壯清熙所部果毅營五千人從時藍朝柱李永和周紹湧張第才何國梁諸逆渠勾眾數十萬蹂躪四十餘州縣勢將逼成都五月湘軍敗賊於定遠擒國梁黃公乘勝逐賊中伏死而朝柱圍絲州永和踞青神所在跳梁勢張甚公以一軍擊永和於青神合川楚軍併力攻朝柱自駐潼川為策應七月連破賊於絲州道始通尋奉總督四川之命入成都檄湘果諸軍勦朝柱於丹棱而以川軍綴永和斷其後眉州圍解十一月回軍攻丹棱賊遁追及之斬朝柱於陣賊盡殪永和欲上犯阻河不得渡引而下諸軍圍之於鐵山永和走宜賓追獲之同治元年考績

詔加太子少保其時川軍克新甯張第才走陝西周提督達武克涪

謹案是時涪州未陷克字誤擒周紹湧於大竹餘賊盡殲四川平而石達開忽繇黔

犯蜀掠楚邊陷石砮緣江犯涪州湘軍擊敗之賊偵重慶已設備乃分

黨入黔走桐梓達開躬率眾數萬攻綦江湘軍復破走之公檄諸軍扼

上游賊遂迂道越黔之仁懷陷敘永長甯分擾珙高慶符諸縣境敗走

入黔尋入滇復繇滇之鎮雄入筠連陷高縣渡金沙江陷敘州

賊鋒至敘州未幾仍敗遁入滇二年正月賊黨賴裕新繇會理犯甯遠

而府城未陷

府公策賊必乘虛窺甯遠乃檄川軍守屏山而以全軍當賊衝至是果與賊還賊敗奔越雋爲漢土兵練所破斬首數千裕新伏誅公策石達開必分道再入其黨李復猷果繇黔竄彭水達開則越冕甯開道走土司窺大渡河會大雨河溢諸軍遮擊於半渡賊盡溺死達開冕水遁官軍擒斬之復猷亦數爲湘軍所敗殲於黔賊平

詔晉太子太保三年江甯克復有

旨以公前撫湖南時識拔將帥多立功

賞一等輕車都尉並

賞戴雙眼孔雀翎五年五月拜協辦大學士六年十一月卒於位年七

十有五

諭稱公忠誠亮直清正勤明

贈太子太傅

賜祭葬

予諡文忠入祀賢良祠並

敕四川湖南建專祠湖南四川並祀公名宦子天保

詔賞郎中天詒

賞舉人

贊曰公外樸內明不以才略著而休休有容能使人各盡其才嘗奏事不稱旨奉

手敕嚴詰公神色自若務申其說乃已殆所云寵辱不驚者邪湘軍東征公竭全力餉之遂以一隅爲東南根本蜀居長江上游財賦所自出公兩平巨憝二者皆天下安危所繫也卒之日蜀民皆縞素哀音過車相屬人謂自漢諸葛唐韋皋後至公乃三見云

光祿大夫贈太傅武英殿大學士兩江總督一等毅勇侯曾文正公神

道碑 李鴻章

聖清受命二百載有相曰曾公始以儒業事

宣宗皇帝入翰林七遷而爲禮部侍郎

文宗御極正色直諫多大臣之言咸豐二年以母憂歸湘鄉遂起鄉兵討賊自

宣宗時天下又安內外弛備於是西洋始通中國海上多事未幾而廣西羣盜起大亂以興及此年放兵東出攻長沙不克遂渡洞庭陷武昌

循江而下所過摧靡而是時天下兵大抵惰窳惟怯不可復用諸老將盡死爲吏者不習戰陳公旣歸

天子詔公治團練長沙公曰金革之事其敢有避因奏言團練不食於官緩急不可恃請就其鄉團丁千人募爲勇營教以兵法束伍練技號曰湘軍湘軍之名自此始明年益募人三千解南昌之圍是時賊已陷金陵踞之掠民艘巨萬縱橫大江中於是議創舟師制船鑄礮選將練卒教習水戰

天子嘉之湘軍水師由此起矣四年成軍東討初戰再失利未幾大捷湘潭以師不全勝上疏自劾已而克岳州下武昌大破田家鎮斷橫江鐵鎖乘勝圍九江進規湖口當是時湘軍威名震天下會水師陷入彭蠡湖鄂帥喪師武昌再失公曰武昌據長江上游必爭之地也急檄湖北按察使胡公林翼率偏師西援不克則悉銳師繼之而自留江西督攻九江已而悍賊石達開等分道犯江西破郡縣六十餘城公上疏自劾卒以孤軍堅拒死守賊不得逞六年胡公等復武昌明年拔九江軍威復振治軍謀定後動折而不撓堅如金石重如山岳諸將化之雖離公遠出皆遵守約束不變自九江未拔諸軍已略定江西郡縣矣公以

父憂歸累

詔起復視師不出既逾小祥始奉

命援浙江是時公軍爲天下勁旅四方有警爭乞公赴援南財浙閩西則蜀北則淮甸皆遙恃公軍爲固慮旌旗他指

天子亦屢詔公規畫全勢視緩急輕重去就之公曰謀金陵者必據上游法當舍枝葉圖本根遂建議三道規皖咸豐十年蘇浙淪陷

朝廷憂之以公總制江南趨

詔公東兵而公卒不棄皖以失上游是年西夷內犯定和議十一年公克安慶

今上同治元年正月元旦授公協辦大學士於是分道出師大舉東下公弟浙江巡撫國荃以湘軍緣大江薄金陵今陝甘總督左公宗棠以楚軍抵衢州援浙江鴻章以淮軍出上海規蘇常水師中江而下爲陸軍聲援三年蘇浙以次戡定而公弟等亦攻拔金陵僞都自公初出師至是十有三年粵賊平東南大定論功

封一等毅勇侯開國以來文臣封侯自公始公既平定江南威振方夏名聞外國會忠親王僧格林沁戰歿於曹廷議以公北討流寇是時公

所部湘軍皆已散歸經畫歲餘功緒漸彰會疾作有

詔還鎮江南中外大事皆就決之公所謀議思慮深遠進規中原議築長牆以制流寇策西事議清甘肅而後出關籌滇黔議以蜀湘兩省爲根本皆初立一議數年之後事之成否卒如其說而馭夷爲尤著云初咸豐三年金陵始陷米利堅人嘗謁江南帥願以夷兵助戰十一年和議既成俄羅斯米利堅皆請以兵來助公議以爲宜嘉其效順而緩其師期及同治元年英吉利法蘭西又以爲請公又議以爲宜申大義以謝之陳利害以勸之皆

報可廷議購夷船公力贊之比船至欲用夷將則議寢其事其後自募工寫夷船之制近似之遂議開局製造自是外洋機器輪舟夷礮中國頗得其要領矣六年

詔中外大臣籌和議利害可許不可許公議以爲其爭彼我之虛儀者許之其奪吾民之生計者勿許也移直隸總督天津民有擊殺法蘭西領事官者法人訟之朝

天子慰解之法人固爭有

詔備兵以待公曰百姓小忿不足肇邊釁從之而密議儲將練兵設方

略甚備先是公已積勞成疾至是疾益劇會江南闕帥

上念南洋馭夷事任絕重非公不可遂命還江南臥治之至則經營遠略益勤既一年疾甚同治十一年二月戊午遂薨於位官至

武英殿大學士享年六十有二遺疏入

天子震悼

賻賜有加

贈太傅諡文正公諱某字滌生始為湖南湘鄉人曾祖竟希祖玉屏父縣學生麟書三世皆以公貴

封光祿大夫曾祖妣彭氏祖妣王氏妣江氏皆

封一品夫人夫人衡陽歐陽氏生男二人紀澤蔭生戶部員外郎襲爵為侯紀鴻附貢生孫三人廣鈞廣鎔廣銓皆幼公既薨紀鴻廣鈞皆

賜舉人廣鎔

賜員外郎廣銓

賜主事女五人皆適士族公為學肇究義理精通訓詁為文效法韓歐而輔益之以漢賦之氣體其學問宗旨以禮為歸嘗曰古無所謂經世之學也學禮而已於古今聖哲自文周孔孟下逮

國朝顧炎武秦蕙田姚鼐王念孫諸儒取三十有二人圖其像而師事之自文章政事外大抵皆禮家言嘗謂聖人者自天地萬物推極之至一室米鹽無不條而理之又嘗慨古禮殘闕無軍禮要自有專篇細目如戚敬元氏所紀者若公所定營制營規博稽古法辨等明威其於軍禮庶幾近之至其論議規畫秩序井井經緯乎萬變條理乎鉅細其素所蘊蓄然也喪歸湖南營葬於湘鄉縣某鄉鴻章少從公問學又相從於軍旅與聞公謀國之大者乃爲文刻其墓道之碑銘曰於鑠

皇清世載

聖武萬夷震疊匡臣伊主厯載二百極熾而屯孰排其紛厥維宗臣功與時會其成則天惟公之興事乃異前

國有舊旅雲屯星羅公曰竄矣汰之則那率我萌隸敵愾同仇舍其鉏耨來事戈矛厥初孤立百挫不懾天日可格神鬼爲泣持已所學陶鑄羣倫誰培浸灌爲

國得人孰任鉅艱剗印使帥孰以節死孰成孰敗決之於微卒驗不爽朝廷乏人取之公旁始

詔求賢江以薦起繼才胡公勝已十倍陸軍諸將首塔羅王二李繼之

水則彭楊皆公所識拔於風塵知人之鑑竝世無倫萬眾一心貫虹食
昂終奠九土踣此狂醜事已大畢乃謀於海益我之長奪彼所恃動如
雷霆靜守其雌內圖自強外羈縻之默運方寸極九萬里人謂公怯曰
吾過矣式蛙嘗膽以生以訓大勛宜就胡棄而隕道光季世夷始恩我
內患乘之燎原觀火彼睨吾旁雌雄首尾曰敝可乘附耳同起夷齧其
外寇訐其內不有我公噫甚矣憊維昔相臣佐治以文武功之盛則由
聖人留都開基三藩定變新疆外拓川楚內奠四夷奔走唯恐在後皆
秉

聖謨羣臣拱手公起詞臣以安以攘

天子虛己曰汝予匡相業之隆近古無有開物成務是謂不朽退之有
言衡爲嶽宗扶輿磅礴鬱積必鍾後千百年降神堯堯我銘不誂以配
崧高

又太傅武英殿大學士兩江總督一等毅勇侯曾文正公墓誌銘郭嵩
巖撰

劉蓉
製銘

同治十有一年二月武英殿大學士總督兩江曾公薨於位

天子震悼

加贈太傅諡文正

命儒臣撰賜祭文墓碑以葬公子紀澤紀鴻以銘墓之文屬之劉公荅未及葬而劉公薨檢其遺書得所爲銘辭而前敘闕焉又明年卜葬善化縣之平塘伏龍山葬有日而夫人歐陽氏薨遂卽其地附葬於是蒿蕪涕泣承劉公之意而敘之公諱國藩字伯涵號滌生湘鄉人咸豐初寇發廣西一隅之地所至糜爛盜踞金陵十四年盡蹂江浙兩省地披而有之公以侍郎奉母喪歸起鄉里討賊奮其佔畢之儒鉏耰之民盪長江萬里蹙賊蹄之天下復覩乂安民用蘇息已而合肥李公平捻逆於鬲津湘陰左公殄回亂於關隴皆用公薦擢席其遺規遂戴成功於時江以南構亂尤深公再督兩江噓枯翦蕪煦濡羣萌孤嫠有養儒宿有歸漸摩淳涵納之太和故公功在天下而江南之於公若引之以爲己私公始爲翰林窮極程朱性道之蘊博考名物熟精禮典以爲聖人經世宰物綱維萬世事無他禮而已矣澆風可使之醇敝俗可使之興而其精微具存於古聖賢之文章故其爲學因文以證道常言載道者身也而致遠者文天地民物之大典章制度之繁惟文能達而傳之俛焉日有孳孳以求信於心而當於古其平居抗心希古以美教化育人

才爲己任而尤以知人名天下。一見能辨其才之高下，與其人賢否。滿洲塔齊布、公新甯江、公忠源、衡陽彭公玉、磨善、化楊公岳斌，或從末弁及諸生，獎拔爲名臣。其於左公宗棠，趣尙不同，而奇左公智術，以公義相取。左公亦以顯名天下，片長薄技，受公一顧，爭自琢磨，砥礪敦尙名節。在軍必立事功，在官爲循吏。曰：吾不忍負曾公，而公斂退虛抑，勤求已過，日夜憂危，如不克勝。自初仕及當天下重任，始終一節，未嘗有所寬假。及其臨大敵，定大難，從容審顧，徐厝之安，一無疑懼。此公道德勛名，被於天下，施之萬世，而其意量之閎深，終莫得而罄其用，而窺其藏也。公以戊戌科進士，改翰林院庶吉士，又明年授檢討，五轉至禮部侍郎。

文宗卽位

詔求直言，公疏陳本原，至計天下驚歎，以爲唐宋名臣所不及。典試江西，未至，丁母憂。會廣西賊圍長沙，奉

命幫辦湖南團練，治軍長沙。又治水師，衡州武昌再陷。

命公督師東征，再克之，轉戰江西，丁父憂歸。

上初卽位，授大學士，總督兩江節制四省。而公弟太子少保威毅伯國

荃以一軍特起克復金陵

天子嘉勞錫公一等毅勇侯晉太子太保旋調直隸總督復調兩江公
生於嘉慶十六年辛未歲十月十一日薨於同治十一年壬申歲二月
初四日年六十有二曾祖竟希祖玉屏父麟書自公祖若父皆名德耆
壽及見公爲侍郎受封光祿大夫天下榮之配歐陽夫人衡陽縣貢生
凝祉之女勤儉有禮法恩周於人行飭於家自文正公在軍夫人常蔬
食夜疏告天乞早紓生民之禍助成大功慰

天子憂勞以同治十有三年八月十三日薨年五十有九子紀澤戶部
員外郎襲封一等毅勇侯紀鴻

賞給舉人女五人一適袁氏江蘇松江府知府芳瑛之子秉楨一適陳
氏安徽池州府知府源究之子遠濟一適羅氏浙江甯紹台道追贈巡
撫忠節公之子兆升一適員外郎郭剛基嵩燾之冢子也一字聶氏廣
東候補道爾康之子緝梨孫四人廣鈞舉人廣鎔六部員外郎廣銓六
部主事年皆幼

朝廷推恩賞官有差廣鑿公薨後生公識量恢闔望而知其偉人生平
趨舍是非求信諸心不與人爲去就而精鑿微識一言一事研覈無遺

尤務規其大而見其遠始出治軍討賊以東南大勢在江險不宜盡弛與賊力請以水師自效及爲

欽差大臣建三路進攻以規江浙兩省之議討捻逆河南建合四省之力蹙賊一隅之議皆策之始受事之日其後成功一如公言在軍戈鋌樓櫓短長尺度躬自省量無或苟者榮辱得失無關其心而未嘗一念不周乎天下一事不盡乎民隱傳曰爲仁由己公無愧焉公學行功業具見

國史本傳及合肥李公所撰神道碑不復論著其生平志節關係天下之大者藏於公之墓而繫以劉公之銘其辭曰

國有治亂任賢者昌惟

聖御世與時弛張道光末造亢極而僵吏情民偷卒嬉於伍媿徒乘之揭竿起舞舞天祚

聖清篤生元輔重奠八荒爲

國肱股始公通籍翺翔掖垣

顯皇初政抗疏陳言謇諤之風

帝心所簡起公衰麻戎符往綰時寇方張百城潰亂羹沸於鼎當者糜

爛公倡義旅豪傑景從虎飛龍嘯吐氣如虹銳師東討靡堅不攻大江
南北隄塞四通利鈍無常或傷眾毀孤忠顛天義泣神鬼亦或左次斂
兵祁門豺狐夜嘯星日晝昏百憂所叢不震不悚一柱屹然華嶽之重
卒夷大難奮績鷹揚殪渠埽穴寸磔梟狼以義擎天浴日於海盪滌垢
汙河山無改

帝勞相臣建侯剖符畀蕃畿輔再鎮三吳民謳於野絃歌載途公心廓
然與物無競斂聚羣謀虛己以聽慮周六合不耀其明淵衷自惕婦豎
歸誠羣彥煌煌洪纖高下大匠陶鎔歸諸一冶何材不植何功不庸片
長思奮大受以隆公不自賢厥心愈下被寵若驚聞過則謝退偃一室
仰思古人尚友千載遙契以神發為文字怪偉縱橫雷霆砰擊金石鏘
鳴蹴蹋百家孤懷自賞跨宋軼唐近古無兩德溢於位功不償年載其
忠蓋往卽重泉誰與主者豈曰非天北斗帝鄉公魂攸寄陵圯谷溼其
誠不替伐石勒銘敢告萬世

曾文正公別傳

朱孔彰

曾公國藩字伯涵號滌生湖南湘鄉人也其先自江西徙衡陽明季徙
湘鄉家世力農五六百歲無與科目顯者祖玉屏始驚學父麟書老儒

縣學生員至公乃大公生時曾大父夢巨蟒盤旋入室驚寤聞曾孫生喜曰此子必大吾門宅後有古樹藤糾之樹槁而藤日大以蕃蔭互一畝人以爲瑞藤云公初名子城中道光甲午科舉人戊戌成進士改翰林院庶吉士易今名散館授檢討二十三年充四川鄉試正考官再遇大考累遷侍講學士內閣學士補授禮部右侍郎兼署兵部右侍郎公在京時日立課程從太常寺卿唐公鑑講受義理學疾門戶家言漢宋不相通曉亦宗尙考據治古文辭與蒙古倭仁公六安吳公廷棟昆明何公桂珍仁和邵公懿辰漢陽劉公傳瑩相友善常慨然有澄清天下之志每自負或謂公大言欺人惟倭仁公數輩信之

文宗卽位之年廣西兵事起賊首洪秀全楊秀清等據桂平金田邨官軍進剿無功

詔臣工極言得失公奏今日所當講求尤在用人一端人才有轉移之道有培養之方有考察之法三者不可廢一

上嘉納之

詔保舉人才公薦李棠階吳廷棟王慶雲嚴正基江忠源五人咸豐元年粵寇益棘公奏曰臣竊惟天下之大患蓋有二端一曰國用不足一

曰兵伍不精兵伍之情狀各省不一漳泉悍卒以千百械鬥爲常黔蜀
冗兵以勾結盜賊爲業其他吸食鴉片聚開賭場各省皆然大抵無事
則游手恣睢有事則雇無賴之人代充見賊則望風奔潰賊去則殺民
以邀功章奏屢陳

諭旨屢飭不能稍變其錮習至於財用不足內外臣工人人憂慮自庚
子以至甲辰五年之間一耗於夷務再耗於庫案三耗於河決固已不
勝其浩繁矣乙巳以後秦豫兩年之旱東南六省之水計每歲歛收恆
在千萬以外又發帑數百萬以振救之天下財產安得不絀

宣宗成皇帝每與臣下言及開捐一事未嘗不咨嗟太息憾宦途之濫
裸悔取財之非計也臣嘗卽

國家歲入之數與歲出之數而通籌之一歲本可餘二三百萬然水旱
偏災堯湯不免以去年之豐稔而江浙以大風而災廣西以兵事而緩
計額內之歛收已不下百餘萬設更有額外之浮出其將何以待之今
雖捐例暫停而不別籌人遠之策恐將來仍不免於開捐以天下之
大而無三年之蓄汲汲可惟朝夕之圖而貽

君父之憂此亦爲臣子者所深恥也當此之時欲於歲入常額之外別

求生財之道則披括一分民受一分之害誠不可以妄議矣至於歲出之數兵餉爲一大宗臣嘗考

本朝綠營之兵制竊見乾隆四十七年增兵之案實爲兵餉贏絀一大轉關請卽爲我

皇上陳之自康熙以來武官卽有空名坐糧雍正八年因定爲例提督空名糧八十分總兵六十分副將而下以次而減下至千總五分把總四分各有名糧又修製軍械有所謂公費銀者紅白各事有所謂賞卹銀者亦皆取給於名糧故自雍正至乾隆四十五年以前綠營兵數雖名爲六十四萬而其實缺額常六七萬至四十六年增兵之議起武職坐糧另行添設養廉公費賞卹另行開銷正項向之所謂空名者悉令挑補實額一舉而添兵六萬有奇於是費銀每年二百餘萬此臣所謂餉項贏絀一大轉關者也是時海內殷實兵革不作普免天下錢糧已經四次而戶部尙餘銀七千八百萬

高宗規模宏遠不惜散財以增兵力其時大學士阿桂卽上疏陳論以爲

國家經費驟加不覺其多歲支則難爲繼此項新添兵餉歲近三百萬

統計二十餘年卽須用七千萬請毋庸概增旋以廷臣議駁卒從增設至嘉慶十九年

仁宗覩帑藏之大絀思阿桂之遠慮慨增兵之仍無實效

特詔裁汰於是各省裁兵一萬四千有奇

宣宗卽位又

詔抽裁冗兵於是又裁二千有奇乾隆之增兵一舉而加六萬五千嘉慶道光之減兵兩次僅一萬六千

國家之經費耗之如彼其多且易也節之如此其少且難也臣今冒昧之見欲請汰兵五萬仍復乾隆四十六年以前之舊驟而裁之或恐生變惟缺出而不募補則可徐徐行之而萬無一失醫者之治瘡癰甚者必剗其腐肉而生其新肉今日之劣弁羸兵蓋亦當爲簡汰以剗其腐者痛加訓練以生其新者不循此二道則武備之弛殆不知所底止自古開國之初恆兵少而國強其後兵愈多則力愈弱餉愈多則國愈貧北宋中葉兵常百二十五萬南渡以後養兵百六十萬而軍益不競明代養兵至百三十萬末年又加練兵十八萬而孱弱日甚我朝神武開國本不藉綠營之力康熙以後綠營屢立戰功然如三藩準

部之大勦回疆金川之殊烈皆在四十六年以前至四十七年增兵以
後如川楚之師英夷之役兵力反遠遜於前則兵貴精而不貴多尤爲
明效大驗也八旗勁旅互古無敵然其額數常不過二十五萬以強半
翊衛京師以少半駐防天下而山海要隘往往布滿
國初至今未嘗增加今卽汰綠營五萬尙存漢兵五十餘萬視八旗且
將兩倍權衡乎本末較量乎古今誠不知其可也近者廣西軍興紛紛
徵調外兵該省額兵二萬三千土兵一萬四千聞竟無一人足用者粵
省如此他省可知言念及此可勝長慮又上疏敬陳
聖德三端預防流弊言過切直

上怒捽其摺於地立

召見軍機大臣欲罪之祁公嵩藻叩頭稱

惟主聖臣直者再季公芝昌公會試房師也亦爲請曰此臣門生素愚戇

皇上寬而宥之於是

上意解且優詔褒答公自爲侍從臣十餘年歷兼工部兵部刑部吏部
侍郎雖嘗以直諫忤指

上益察其忠二年

命典江西鄉試七月丁母憂歸是時粵賊已犯長沙圍之三月舍去掠民船順風一夜渡洞庭陷岳州又陷漢陽武昌三年正月沿江東下陷九江安慶破江甯據爲僞都秀全自僞天王建僞號大平天國分黨北犯河南直隸陷鎮江揚州踞之海內震動而公已奉

旨辦團練於長沙初公欲具疏請終制郭公嵩燾言於公曰公本有激清天下之志今不乘時而出拘守古禮何益於

君父且墨經從戎古之制也公於是投袂而起募農夫倡勇敢用書生爲營官湘軍之名自此始時土寇蜂起人心惶惑賊眾未至一日數驚縣令每畏蕙養癰及公之出先清內訌不經有司掩捕卽置重典十旬中戮二百餘人謗讟四起公與人書有不要錢不怕死之語一時誦之又手書告勸鄉人士耆老雖幼賤與鈞禮山野材智之士感其誠莫不往見人人皆以曾公可與言事其水才也舉峇齊布於戎行識羅澤南於諸生拔楊載福於卒伍延彭王麟於筦庫保胡林翼以大用而湖南泄沓之風由公一變又嘗與郭公嵩燾江公忠源論東南形勢多阻水欲勦賊非水師不可乃奏請在衡州劫造戰艦南中匠卒不知辦此公

研精覃思博采眾議得之遂成大小戰艦二百四十募水陸萬人水軍以褚汝航楊載福彭玉麟等領之陸軍以塔齊布羅澤南領之賊自江西上竄再陷九江安慶黃州漢陽等郡武昌戒嚴

朝廷累詔出兵策應初不責以數省軍務而公獨毅然以討賊自任於是以前湖南爲根本將水陸東征舟師初出湖遇大風損數十艘陸師至岳州前隊潰退引還長沙賊陷湘潭邀擊靖港又敗公憤投水左右援救得不溺後數日塔公大破賊於湘潭軍心始定公營長沙高峯寺重整軍實或請增兵公曰吾水陸萬人非不多而遇賊卽潰岳州之敗水師拒賊者楊載福一營湘潭之戰陸軍塔齊布兩營水師楊載福兩營以此益知兵貴精不貴多故諸葛祁山之敗且謀減兵省食勤求己過古人亦正切實體驗非虛言也且古人用兵先明功罪賞罰今時事艱難賢人君子大半潛伏吾以義聲倡導同履危亡諸公之初從我非以利動也故於法亦有難施其致敗實由於此諸將皆服旣克湘潭公引兵趨岳州連戰下城陵磯水軍偏師挫尋復振會師金口謀攻武昌公率水師中流直下盡燬鹽關漢關鮎魚套賊舟而令羅公攻花園塔公攻洪山公親策應武昌漢陽賊見官軍盛宵遯遂復三郡捷奏至京師

文宗大悅手敕曰覽奏感慰實深獲此大勝殊非意料所及朕惟兢業自持叩天速救民劫也詔公署湖北巡撫又

詔督軍解署任以前已奪官

賞兵部侍郎銜旋

賜黃馬褂當是時水軍銳甚順流而下大破賊於田家鎮至於九江前鋒薄湖口攻梅家洲賊壘不下駛入鄱湖賊斷其後路不得出於是外江內湖水師隔絕外江戰船無小艇賊乘舫艫夜襲營擲火燒數十百艘水師大潰公走羅軍以免憤欲自剄羅公止之公上疏請罪

詔旨寬免慰公謂大局無傷

顯皇帝之知臣聖矣哉然武漢空虛北岸軍弱南岸軍孤水師旣挫賊眾復西上再陷武漢擾荆襄蹂崇通破義甯公遣胡公等軍回援湖北塔公軍九江攻城賊公身至南昌撫定水師之困內湖者羅公從征江西復弋陽拔廣信克義甯而塔公卒於軍公復至九江羅公自義甯上書言東南大勢在武昌得武昌乃可控制江皖大局乃有轉旋之望請率所部援武昌取建領之勢此時湖口諸軍但當主守不宜數數進攻以頓兵損威戒諸公堅持必俟湖北克復大軍全注九江乃可議戰公

從之幕府劉公蓉諫曰公所賴以轉戰者塔羅兩軍今塔將軍亡諸將可恃獨羅公又令遠行脫有急誰堪使者公曰吾極知其然計東南大局宜如是今俱困於此無益此軍幸克武昌天下大勢可爲吾雖困猶榮也羅公遂行郭公嵩燾送之曰曾公兵單弱君遠去奈何羅公歎曰天苟不忘

本朝曾公必不死諸君無憂五年九月公補授兵部侍郎其冬僞翼王石達開由崇陽通城竄入江西連陷八府一州九江賊踞自如湖南北音問不通公困南昌從眾議復調羅公羅公因攻武昌而亡公弟國華國葆聞江西急用父命走湖北乞師巡撫胡公拯兄難將五千人行攻瑞州湖南巡撫駱公秉章亦資公弟國荃兵援吉安兄弟皆會行閒公前所遣回援湖北諸軍久之再克武漢直下九江李公續賓八千人軍城東楊公載福戰船四百號泊江兩岸江甯將軍都興阿公馬隊佐以鮑公超步隊駐小池口凡數萬人軍容整肅公自南昌迎勞望見之則大喜兵勢復振是時下游軍事棘江南大營失陷督師向公榮退守丹陽卒

朝廷以和春爲欽差大臣張國梁爲總統復進攻金陵賊內亂僞東王

楊秀清偽北王韋昌輝俱死七年二月公丁父憂奔喪回籍請開缺守制得假三月治喪再疏陳情具言辦事艱難狀

上雅知公拘謹重違其意乃先開兵部侍郎缺令守禮廬候

旨胡公既定湖北進圍九江破湖口外江內湖水師絕四年復合楊公乘勝轉鬥拔彭澤望江東流挹颿過安慶克銅陵泥汭與江南水軍通於是湘軍水師名天下胡公以此軍本公建立楊彭皆公舊部請起公復統水師會九江克復偽翼王石達開自江西竄入浙江浸及福建上卽家召公出辦浙江軍務公至江西未幾又

詔援閩時偽英王陳玉成再破踞廬州李公績賓赴援至三河覆沒駱公秉章請公舍江圖皖公亦奉

旨統籌全局者屢矣迺規取形勢九年正月上奏曰就數省軍務而論安徽最重江西次之福建又次之計惟大江兩岸各置重兵水陸三路鼓行東下勦皖南則可以分金陵之賊勢勦皖北則可以分廬州之賊勢北岸須添足馬步三萬人都興阿李續宜鮑超等任之南岸須添足馬步二萬人臣率蕭啟江張運蘭任之中流水師萬餘人楊載福彭玉麟任之至江西軍務亦分兩路臣與撫臣耆齡任之臣任北路耆齡任

南路福建之賊閩省兵力足以自了粵賊句結撚匪嘗以馬隊衝鋒擬調察哈爾戰馬三千匹募勇數千擇平曠之地馳騁操習臣願竭數月之力訓練成熟以備攻剿

上深然其策後數月石達開竄入湖南攻永州圍寶慶

上慮四川且有變令公以軍防蜀行至巴河聞賊已引去竄入廣西而上游兵事解胡公迺建議圖皖與公合謀攻安慶使弟國荃督諸軍在前圍之多隆阿公軍桐城李公續宜軍青草礪公次宿松經營江北而皖南賊陷廣德州遽入浙江襲破杭州回竄建平東壩溧陽偽忠王李秀成大會羣賊建平分道解救金陵江南大營復陷官軍悉潰常州蘇州相繼失咸豐十年閏三月也左公宗棠聞而歎曰天意其有轉機乎或問其故曰江南大營將蹇兵罷萬不足資以討賊得此一洗蕩而後來者可以措手又問誰可當之胡公林翼曰

朝廷能以江南事付曾公天下不足平也於是

天子慎選帥以公功效懋著就加兵部尙書銜署理兩江總督促救蘇常左公宗棠方嚮用有

旨下公問狀卽令襄辦軍務

賞給四品京堂未幾公補實授

欽差大臣或言當撤安慶圍先所急公曰安慶一軍關係淮南全局卽爲克復金陵張本不可以動搖也遂南渡江趨祁門是時江浙賊氛熾官紳告急軍書日數十至援蘇援浙援皖援鎮江

詔書疊下公至祁門未十日賊陷甯國又數日陷徽州中國方困兵革

而西洋英吉利寇天津科爾沁王僧格林沁與戰敗績京師戒嚴

文宗狩熱河恭親王留守勝保奏請飛召外援公發書請提兵北上會

和議成乃止其冬大爲賊所圍一出祁門東陷婺源一出祁門西陷景

德鎮一入羊棧嶺攻其北環城數重吏士皆有憂色固請移營江干與

水師相仗公曰無故退軍兵家上忌此不可也卒不從使人閒行檄鮑

超張運蘭亟引兵會身在軍中意氣自如猶時時以詩古文是娛其堅

定不搖率此類也左公至江西後數破賊樂平浮梁閒公薦宗棠可大

用請改幫辦軍務十一年八月公弟國荃克復安慶捷未聞而

文宗崩

穆宗立帝年少

兩宮太后垂簾聽政以公

先帝重臣委任益至

命節制江蘇安徽江西浙江四省軍務

朝廷每有軍國大議咨而後行公弟國荃既克安慶用兵如神公益令
召募付以江甯事杭州再陷公舉左公宗棠付以浙江事蘇州之陷賊
逼上海官紳來乞師公舉幕僚李公鴻章付以江蘇事今至淮上召募
得八千人公爲定營制選將官以湘軍之良教之名曰淮軍同治元年
公協辦大學士當是時公駐安慶居中調度公弟國荃有直擣金陵之
師李公鴻章有援剿蘇滬之師楊公載福彭公玉麟有肅清下游之師
大江以北多隆阿公有圍攻廬州之師李公續宜有派援潁州之師大
江以南鮑公超有進攻甯國之師張公運蘭有防剿徽州之師左公宗
棠有規復全浙之師十道並出皆受成於公此外袁公甲三及李世忠
淮上之師都與阿公防江北之師馮公子材守鎮江之師並奉
旨統籌兼顧軍書旁午日不暇給其秋皖南金陵軍病疫死亡山積公
思大局決裂懇甚奏請
簡親信大臣馳赴江南分任重責
上諭勞之曰朝廷信用楚軍以曾國藩忠勇發於至誠推心置腹倚以

挽救東南全局自諸軍進逼金陵逆匪老巢已成阱檻疊經諭令毋徒
求效旦夕惟當立足不敗以俟可乘之機矧疫疹驟興各軍病困之餘
詎忍重加督責其各傳旨存問當此艱難時會益以疾疫流行深虞墮
士氣而長寇氛此無可如何之事非該大臣一人之咎意者朝廷多所
闕失足以上干天和我君臣當痛自刻責實力實心勉圖禳救爲民請
命以冀天心轉移事機就順至天災流行必無偏及各營將士旣當其
厄賊中亦豈能獨無傳染該大臣鬱憤之餘未遑探詢刻下在京固無
可簡派之員環顧中外才力氣量如曾國藩者一時亦實難其選該大
臣素嘗學問時勢艱難尤當任以毅力矢以小心仍不容一息稍懈也
洪秀全被圍久召李秀成蘇州李世賢浙江悉眾來援號六十萬圍公
弟國荃雨花臺拒戰四十六日解去語具忠襄傳中明年五月水師克
九洑洲長江肅清江甯城圍合十月李公鴻章克蘇州又明年二月左
公宗棠克杭州六月公弟國荃克江甯

天子褒功加公太子太保封一等毅勇侯世襲罔替

賞戴雙眼花翎中外咸來偃賀公功成不居躬躬如畏論克金陵謂非
前拙而後工時不可爲雖聖哲亦終無成時可爲則事半而功倍無一

時不存敬慎之心

穆宗之初立屢詔保薦督撫大員公奏封置將帥

天子舉錯之置臣既有征伐之權不當更分黜陟之柄不特臣爲然凡爲督撫者辨之不可不早宜防外重內輕之漸兼杜植私樹黨之端太后臨朝備善初官軍習氣深勝不相讓敗不相救公練湘軍謂必萬眾一心萬人一氣方可辦賊又以淮上風氣強悍宜別立一軍湘軍利山徑險阻馳騁平原非其所長用武十年氣亦稍衰故練淮軍以爲湘軍之繼至是東南大定裁湘軍進淮軍而勦撚事起撚匪者始於山東游民相聚其後河南之光固安徽之潁亳江蘇之淮徐羣盜剽略脅從愈眾諺名爲撚或曰其黨明火劫人撚紙然脂故謂之撚有眾數十萬馬數萬蹂躪數千里分合不常撚首四人曰張總愚任柱牛洪賴文光自洪寇苗練嘗糾與官軍戰益習攻門勝保袁甲三不能禦僧格林沁親王移師攻討數年亦不能大創之四年四月公聞僧王輕騎追賊一日一夜行三百餘里步兵弗能從曰兵法忌之必蹶上將軍將密陳於上止之弗及而王果敗沒曹州城下

上聞大驚立

召公引兵赴山東剿賊其直東豫三省旗綠各營地方文武節制如僧王而李公鴻章代為總督

廷旨促督師公覆陳目下情形萬難迅速一楚勇裁撤殆盡僅存三千作為親兵外調劉松山一軍及劉銘傳淮勇各軍尙不敷剿辦當另募徐州勇以楚軍之規模開齊兗之風氣期以數月訓練成軍一撚匪戰馬極多步兵不足當騎賊擬赴古北口采辦戰馬在徐州添練馬隊一扼賊北竄全恃黃河天險現辦黃河水師亦須數月乃能就緒一直隸宜另籌防兵分守河岸不宜令河南之兵兼顧河北僧格林沁營周歷湖北安徽河南江蘇山東五省臣斷不能兼顧五省不但不能至湖北也如以徐州為老營則山東祇能辦兗沂曹濟四郡河南祇能辦歸陳兩郡江蘇祇能辦徐淮海三郡安徽祇能辦廬鳳潁泗四郡此十三府州者責臣督辦而以其餘責成本省督撫則汛地各有專屬軍務漸有歸宿又奏定扼要駐軍不事馳逐軍餉器械絲水道轉運以江南為根本以清江浦為樞紐湖淮潁而上者達於臨淮關湖運河而上者達於徐州濟甯安徽以臨淮為老營河南以周家口為老營江蘇以徐州為老營山東以濟甯為老營各駐重兵多儲軍械一處有急三處往援有

首尾相應之象無疲於奔命之虞或可以拙補遲徐圖功效又言賊情已成流寇若賊流而官兵與之俱流則節節尾追著著落後臣堅持初議以有定之兵制無定之寇專重迎剿不事尾追公督師年餘賊馳突如故將士皆曰不苦戰而苦奔走公迺起張秋抵清江築長牆馮運河禦之未成而賊竄襄鄧間公移而西更修沙河賈魯河開濠置守分地甫定賊衝河南汛地復突而東時議咎公迂闊公在軍久益慎用兵初立駐兵四鎮之議次設扼守黃運河之策皆得其要在臨淮投除蒙亳匪黨以絕其根株在徐州辦結湖團巨案以杜其勾引大小數十戰力遏凶鋒撓勢實因此而衰而是時言路數劾公公亦以河防無成奏請李公鴻章以江督出駐徐州與東撫會辦東路公弟國荃以鄂撫出駐襄陽與豫撫會辦西路自駐周家口策應或又劾公驕妄公念權位所在眾責歸之始有憂讒畏譏之心乃請病假數月繼請開缺以散員留營效力另

簡欽差大臣接辦軍務又奏剿撫無功請將封爵暫行注銷以明自貶之義

上皆不許五年冬奉

旨回兩江總督本任李公鴻章代督軍時牛洪死張總愚竄入陝西任
柱賴文光入湖北然自是不復合弁遂有東西撚之號六年六月公補
授大學士仍治兩江任柱賴文光再入河南竄山東渡運河擾登萊青
李公鴻章劉公長佑建議集四省兵力會堵運河英翰公請合兵守膠
萊河圍賊海隅皆主公防河初議賊復引而西越濰河南入海州官軍
陳斬任柱再擊破之壽光瀾河賴文光走死揚州東撚平
詔加公雲騎尉世職張總愚入陝後爲劉公松山所敗數月乘冰堅渡
河竄山西入直隸擾犯保定天津河間京師戒嚴劉公松山繞出賊前
破之於獻丁公寶楨入援駐固安左公宗棠駐天津李公鴻章駐大名
英翰公李公鶴年防河南北岸賊越運河竄東昌武定李公鴻章移師
德州時河北水漲官軍扼河以困之公派提督黃翼升總兵歐陽利見
領水師協勦龍神見舟中水師至合官軍圍蹙之大破撚黨於荏平南
鎮張總愚赴水死西撚平凡防河之策皆公本謀也是年公授
武英殿大學士秋調補直隸總督公奏直隸最要之政在練兵飭吏次
則河工請留劉銘傳一軍以資拱衛再練萬人使成勁旅則畿輔不患
空虛民間疾苦由於積獄太多差徭太重屬僚玩上虐民當嚴法以懲

之永定滹沱二河永爲民患宜大加疏濬皆興辦如言期年百廢具舉
無何天津民焚燬法國教堂以堂中授迷藥拐幼孩挖眼剖心殺傷教
民數十人天津大擾公在病假中奉

命查辦與通商大臣崇厚分謗不獎士民義憤以粵撫初平宜堅保和
局不宜與洋人構衅又慮四國合從敗約變不測京師震驚於是辦理
稍柔津民不知此義遂以怨崇厚者怨公然府縣議抵之說究賴公力
拒之奏曰府縣本無大過送交刑部已屬法重情輕彼若立意決裂雖
百請百從難保無事且外國論強弱不論是非若中國有備和議當易
定已令銘軍拔赴滄州以資防衛崇厚懼事決裂奏公病勢甚重請另
簡重臣來津乃召李公鴻章於潼關引兵馳赴天津會辦會兩江缺出
仍以公調補而李公爲直隸總督踰月事定公與人書云內疚神明外
慚清議深自引咎而已時日病甚疏辭兩江

詔曰兩江該大臣舊治其勿辭第坐鎮其閒諸事自可就理公三至江
南百姓聞公來扶老攜幼焚香以迎公之治江南也尙儒喜引經決事
後頗采黃老術以清靜化民居官有常度多謀能斷應事若流水然幕
府左右竊識之從容而已素廉奉入悉以養士軍所經用毋慮千萬家

無改觀者用人持重其汎愛樂士天性也諸將羣吏皆子弟遇畜之得庶類之和尤知人善任使所成就薦拔人才不可勝數而李公左公相繼極用遂匡

國家以故出入將相訖二十年爲盟主海內屢服同治十一年二月四日薨春秋六十有二江南士民巷哭江甯將軍以聞

穆宗皇帝震悼輟朝三日

追贈太傅

賞銀三千兩治喪

賜祭一壇諡曰文正入祀京師昭忠賢良祠各省建立專祠何公璟李公瀚章英翰公先後臚陳勳績

宣付史館何公承公後

上以守成爲戒公在江南并充南洋通商大臣初和議成公陰有爭雄海上之志設內軍械所安慶仿造火輪船踰年成小輪一號試之江可用迺使同知容闈往西洋美利堅采辦機器洋鐵時李公鴻章亦自購機器設局上海用西法製造鎗礮規模遂開中國機器之興歲益增盛自此始後公益奏請選派聰穎子弟前赴泰西各國肄習技藝期十五

年還仍以容閱往其遠略如此公學究天人於書無所不讀公誠之心形於文墨平生公牘私函無一欺飾語治軍行政務求蹈實或籌議稍迂成功轉奇發端至難取效甚遠凡規畫天下事無不效者故當時咸稱聖相公勅立長江水師太湖水師淮揚水師章程皆手定又定陸軍營制馬勇章程兩淮鹽務章程江南開墾章程直隸清訟事宜練軍章程皆經國之大端時所施用文章奏議尤美有集百餘卷行世公喪之歸百姓熱香追送盈路擁喪不得行江南家家繪像以祀謳思弗置廿年如一日公美鬚髯目三角終身患癬相者以為龍而癩云子紀澤襲爵官至兵部侍郎光緒八年使俄定伊犁界還卒諡惠敏紀鴻賞舉人先兄卒孫廣鈞由

賜舉人中已丑進士授翰林院編修廣鎔廣銓主事公弟國荃等別有傳

評曰中興景運羣公輩出十年之間削平大難非天生聖相而振興之烏能若是邪然履危瀕死屢矣有百折不撓之志宏濟艱難雖曰成功者天抑亦人謀也趙衰之言曰說禮樂敦詩書為元帥叔孫豹之言曰太上立德次立功次立言謂為三不朽公獨兼之至天津之役攘詬忍

尤以安

邦國老成至計謀出萬全可謂至忠矣

倭文端公別傳

匡輔之

公諱倭仁字良齋烏齊格里氏蒙古正紅旗人河南駐防道光己丑進士改翰林院庶吉士壬辰散館授編修十三年二月升右春坊右中允七月升翰林院侍講充

日講起居注官九月升右春坊右庶子十二月升翰林院侍講學士十五年三月充會試同考官閏六月轉侍讀學士八月充順天鄉試同考官十七年充福建鄉試正考官十八年充

文淵閣直閣事二十二年擢詹事府詹事二十四年八月升大理寺卿三十年二月應

詔陳言略曰行政莫先於用人用人莫先於嚴辨君子小人藏於心術者知知發乎事跡者易見大抵君子訥拙小人佞巧君子澹定小人躁競君子愛惜人才小人排擠異類君子圖遠大以國家元氣爲先小人計目前以聚斂刻薄爲務剛正不撓無所阿嚮者君子也依違兩可伺候人主喜怒以相趨避者小人也諫諍匡弼爲朝廷補闕拾遺者君子

也遷就逢迎導人主遂非長傲者小人也進憂危之議悚動人主之警
心者君子也動言氣數不畏天變以滋長人君之逸志者小人也公私
邪正相反如此

皇上天竇聰明勤學念典孰賢孰否自難逃

聖明洞鑒之中第恐以一人之心思而揣摩者眾一人之耳目而混淆
者多幾微莫辨情偽滋紛愛憎稍涉偏私取舍必至失當此知人則哲
惟帝其難大禹所以致歎也今欲求所以知人豈有他術哉本
皇上好學之心勤求不怠使

聖志益明

聖德益固而已宋臣程顥云古之人君必有誦訓箴諫之臣惟命老臣
賢儒日親便坐講論道義以輔聖德又擇天下賢俊使得陪侍法從朝
夕延見開陳善道講摩治體以廣聞聽我

朝康熙年間熊賜履上

聖祖仁皇帝疏謂大學衍義一書爲萬世有天下者之律令格例伏願
延訪眞儒講求研究務盡其理於是考之以六經之文監之以歷代之
蹟實體諸身默會諸衷以爲敷政出治之本若夫近習左右必端其選

綴衣虎賁亦擇其人非聖之書屏而勿讀無益之事戒而不爲內而深宮燕處之閒外而大庭廣眾之際微而起居言動之恆凡所以維持此身者無不備防閑此心者無不周則君志清明君身強固矣二臣所言皆人君修養身心之要用人行政之原也天下治亂繫宰相君德成就責講筵惟君德成就而後輔弼得人輔弼得人而後天下治然則開講幄以贊

宸修致治要圖莫切於此疏入

上稱其辨君子小人之分言甚切直

諭嗣後大小臣工有所見聞剴切直陳以爲法三月禮部侍郎曾國藩奏陳用人三策

上復憶公言

手諭同襄嘉焉十一月

賞副都統銜充葉爾羌幫辦大臣時大理寺少卿田雨公以公用違其才奏陳用人宜慎

諭曰倭仁以三品卿給與副都統職銜爲葉爾羌幫辦大臣邊疆要任令其敦懇諳練並非投閒置散而該少卿以爲用違其才若如所奏則

外任皆為左遷而新疆換班者尤為擯斥豈識國家文武兼資內外並重之微意乎咸豐二年五月在葉爾羌上啟陳治本一疏

臣原使其敬歷邊疆俾資練習今觀所奏仍係統論治道並未及邊陲情形豈忽近圖遠轉以職守為無關輕重耶嗣後總宜留心邊務實力講求於任內應辦事件毋稍疏忽如有地方要務切實覈陳朕亦可驗其學識毋得徒託空言致負委任十二月候補道何桂珍疏言時勢危難請特用緩急可倚之人以固人心而維邦本倭仁秉性忠貞見理明決處危疑而不懼臨利害而不搖生平言行一一不負所學若投以艱鉅必能盡言竭力死生以之

上亦未從其請三年以辦理葉爾羌回部郡王阿奇木伯克愛瑪特攤派路費及護衛索贓等情不合降三級調用即行回京四年二月命以翰林院侍講候補在

上書房行走八月授惇郡王讀旋擢

盛京禮部侍郎管理宗室覺羅學事務九年十月補鑲白旗蒙古都統穆宗毅皇帝御極

命充朝鮮正使尋升都察院左都御史同治元年正月擢工部尙書二

月
賜紫禁城騎馬奉

兩宮

皇太后懿旨命在

弘德殿授皇帝讀尋充翰林院掌院學士公將前所輯古帝王事蹟及古今臣工奏議有裨治道者重加精擇附以按辭爲兩帙進呈得

旨賜名啟心金鑑並陳設

弘德殿以資講肄三月充會試正考官五月教習庶吉士七月以工部尙書協辦大學士閏八月授

文淵閣大學士管理戶部事務六年正月同文館招考天文算學由滿漢正途出身之五品以下京外各官考試錄取延聘西人在館教習公奏言立國之道尙禮義不尙權謀根本之圖在人心不在技藝今求諸一藝之末又奉夷人爲師無論所學未必果精即使教者誠教學者誠學其所成就不過術數之士未聞有恃術數而能起衰振靡者也自耶蘇之教盛行無識愚民半爲所惑所恃讀書明理之儒或可維持人心

今復舉聰明雋秀

國家所培養而儲以有用者使之奉夷人爲師恐所習未必能精而讀書人已爲所惑夫術爲六藝之一本儒者所當知非歧途可比然天文算學爲益甚微西人教習正途所損甚大伏望

宸衷獨斷立罷前議以維大局而彌隱患事遂止旋

命公在總理各國事務衙門行走公懇請收回成命

上不允尋上疏固辭四月因病請假六月奏請開缺

上命以大學士在

弘德殿行走其餘一切差使均著勿庸管理七月病痊八年三月奏

大婚典禮宜崇儉以光

聖德六月

武英殿不戒於火公偕

弘德殿行走翰林院侍讀學士徐桐國子監祭酒翁同龢奏請勤修

聖德以弭災變奏入

上嘉納之九年八月充順天鄉試正考官九月管理國子監事務十年

三月授

文華殿大學士尋薨於位

賜祭葬如例予諡文端

評曰道咸之間从宋儒之學身體力行者必推公爲首選曾文正公吳侍郎竹如皆公之益友皆實力求朱子之意而力行之曾文正公以見過自訟言動無妄推之又剗吃糠會以厲侈靡之志尤近今所罕見門下雖依草附木不盡正人有家庭細故致父自縊之李如松附和拳匪禍延家國之徐桐其人固狗彘之不若要不足爲公病也

續碑傳集卷六

江陰繆荃孫纂錄

光緒朝宰輔

沈桂芬傳

順天府志

沈桂芬字經笙宛平人祖籍江蘇道光二十七年進士改翰林院庶吉士三十年授編修咸豐元年充浙江鄉試副考官二年大考一等三名擢庶子充

日講起居注官提督陝甘學政三年升翰林院侍講學士五年轉侍讀學士六年三月遷詹事府少詹事七年升內閣學士兼禮部侍郎銜八年丁父憂十一年服闋補原官充廣東鄉試正考官升禮部左侍郎同治元年調補戶部左侍郎二年三月充會試副考官十月署山西巡撫三年實授山西巡撫九月上籌費移屯疏略言臣官京師時親見旗民生齒繁庶除仰食錢糧外無生生之策以今日安插旗人上策無如移屯邊方中策則聽往各省其聽往各省之法無論馬甲養育閑散願赴各廳州縣謀生者徑呈本旗都統前往照商籍軍籍例編爲旗籍由地方官治之並許以旗籍應文武試其綠營戰守馬糧及各營將弁亦一

體考拔黜革官弁及舉貢生監與各省駐防願徙者均聽之其移屯邊方之法請

簡擇賢能爲屯田大臣隨帶司員於奉天吉林及獨石口外之紅城子開平張家口外之興和新平等處昔年孫家淦富俊所勘定舊地建立房屋城堡豫備農具牛種由八旗都統勸旗戶願移屯者戶部發治裝銀三十兩沿途官給車馬到屯後每戶量給房屋農具牛種使之開墾耕種所墾之田限以十年升科徵收之糧運於口內而積銀於屯所卽以屯糧所糶爲次年京旗移屯及屯所經費之用由是而口北寒凍之地人氣日聚地氣日闢天氣卽爲日暖旗人一遷徙之勞永可以自謀衣食而旗民恤矣軍興以後調遣旗兵不聞得力若移屯口外練習風霜耕牧營生兼資勞苦加以訓練可復

國初驍健之風十數年後環邊之地皆成勁旅北肅強鄰南衛京師而邊防實矣軍務旣竣請於定復八成兵餉之年暫給六成酌留二成歲可省銀百餘萬兩治裝銀與房屋種具每戶以八十兩計之歲可移屯數千戶俟屯升科後京旗兵餉仍復八成之舊則目前經費無庸另籌日後正供永無不足而

國用紆矣疏入

詔所司會議從之四年二月疏稱晉省山多地少民食不敷自洋藥弛禁小民趨利若鶩栽種罌粟始而山坡地角繼則沃壤肥田以致米粟日缺糧價踴增設遇凶饑購糴維艱若不嚴禁罌粟則煙土愈廣糧米日稀不知伊於胡底臣思民為邦本食為民天亟應通飭各屬一律禁栽罌粟俾小民專務稼穡雖於坐賈釐金稍減然所失者小所全者大現已議定條約刊示各屬總期令必行而民不擾下開養命之源上裕敦龐之計四月以母疾疏請解任旋丁母憂六年服闋補禮部右侍郎充

經筵講官七年三月

命在軍機大臣上行走旋調補戶部左侍郎七月調吏部左侍郎

賜紫禁城騎馬八年升都察院左都御史

命在總理各國事務衙門大臣上行走九年遷兵部尚書十一年充

國史館正總裁九月

大婚禮成加太子少保銜十三年管理國子監事務光緒元年正月以兵部尚書協辦大學士先是國子監肄業生額四十名由戶部發銀六

千兩屢經折減膏火僅存至是桂芬奏加額二十名請按庫平實銀發

給

詔從之三年充

實錄館正總裁四年四月編修何金壽奏雨澤愆期請

訓責樞臣

諭交部嚴加議處桂芬坐革職

特旨改爲革職留任五月充翰林院掌院學士五年開復革職處分三

月恭題

穆宗毅皇帝

孝哲毅皇后神主

賞加太子太保銜十月御史文鏞奏劾順天候補知縣王莖蔣嘉泉通

判石賡臣等劣蹟

命查辦覆奏順天本無通判員缺嗣後不得以通判分順天候補請著爲令

允之七年正月以疾終年六十有四

贈太子太傅諡文定桂芬躬行純飭辦事忠謹所處極湫隘爲軍機大臣十餘年自奉若寒素身後所遺不及萬金而未嘗以清節自矜許人

尤以爲難

左文襄公神道碑

吳汝綸

贈太傅二等恪靖侯大學士諡文襄左公者湖南湘陰人也諱某字季高曾祖某某官祖某某官父某某官三世皆以公貴

贈如公官公少有大志使氣喜爲壯語驚眾年廿一與兄宗植并舉於鄉三試禮部不第遂絕意仕進究心輿地兵法討論國聞名在公卿間當道光時英吉利構禍公已深憤國兵之不競當事之渙惚恆怯願不肯苟出年且四十顧謂所親曰非夢得負求殆無幸矣會廣西盜起始佐湖南幕在幕府以諸葛亮自比與人書輒戲自署爲亮人亦以亮歸之麾兵四援尤以策應曾文正一軍爲己任常曰曾公辦賊之人不可不赴其急胡文忠在鄂屢謀劫公出助而文正曰湖南吾根本不可無左公愼安無動是時公名日盛

文宗虛已待公知編修郭嵩燾籍湘陰

召問嵩燾若識左某乎何久不出也已又問年幾何矣對曰四十七矣上曰過此精力且衰當及時爲吾出辦賊汝可爲書告左某諭吾意於是胡文忠聞之喜曰夢得冀求時至矣會有爲蜚語上聞者

文宗察其誣而下詔曾公謀所以用公者於是

命以四品京堂從曾公治軍已而蜀事急又

命公治軍入蜀公曰蜀緩吳急吾當從曾公乃以五千人東助曾公初曾公創立軍號曰湘軍湘軍制四哨爲營營凡五百人諸軍遵用之獨王壯武公鑫不用別爲營制公所募五千人參用壯武法有營有旂旂凡三百廿餘人不稱湘軍別自號爲楚軍楚軍名由此起公旣成軍而東胡文忠爲書告湖南曰左公不顧家請歲籌三百六十金以贍其私而曾公見公所居幕陔小爲別製二幕貽公尋請以公爲幫辦率師援

浙

上命曾公節制浙江曾公固讓薦公督辦浙軍杭州陷薦公爲浙江巡撫已進閩浙總督仍兼巡撫浙事平然後謝巡撫事入閩視師公起湖南幕府提五千人出襄曾公轉戰江西皖南入浙江遂復杭州翦翼披枝以助成金陵之功由浙而閩四封清夷卒聚殲窮寇於嘉應使粵盜滔天之禍根株鏟絕蓋金陵之功於是始竟也先是曾公胡公謀取金陵以今相國合肥李公爲北軍出淮揚以公爲南軍出皖南其後李公自上海取蘇州公自徽婺取浙江而金陵平如其初議於是

上嘉公功封一等恪靖伯移督陝甘授

欽差大臣督辦陝甘軍務與李公會兵平捻逆張總愚加太子太保關內肅清補協辦大學士回疆底定進封二等侯自公始出領軍至是在軍中凡十有八年始曾文正公以大學士封一等毅勇侯公本以異數由舉人入相至是亦以大學士封二等恪靖侯湖南先後兩相侯世以爲榮自英人構禍後外國旣數數生釁俄羅斯乃安坐割地而方內叛者迭起粵盜最劇次者捻逆次者回公皆手芟蕪之收其成功而塞外平回

朝廷尤旌寵焉塞外回其酋曰帕夏本安集延部和碩克伯也安集延故屬敖罕敖罕爲俄羅斯所滅安集延獨存帕夏畏俄逼闌入邊據喀什噶爾稍蠶食南八城又攻敗烏魯木齊所踞回并有北路諸城收其賦入及陝回白彥虎被勦竄處烏城屬帕夏帕夏能屬役回眾通使結援英俄購西國兵械自備英人陰助之欲令別立爲國用扞蔽俄今上初公旣平關隴而海防議起論者多言自

高宗定新疆歲糜數百萬此漏卮也今至竭天下力贍西軍無以待不虞尤失計宜徇英人議許帕夏自立爲國稱藩罷西征專力防海公曰

關隴新平不及時規還

國家舊所沒地而割棄使別爲國此坐自遺患萬一帕夏不能有不西爲英併卽北折而入俄耳吾地坐縮邊要害盡失防邊兵不可減糜餉自若無益海防而挫

國威長亂此必不可當是時文忠公文祥當國獨善公議遂決策出塞不罷兵旣克烏城進規南路帕夏聚黨抗拒會道死二子爭立內亂羣回解體兵至喀城而帕夏長子自立者帕克胡里與白彥虎皆遁逃人俄兵不血刃而塞外平新疆復矣公用兵規遠勢防後路尤善審機隨賊勢變遷不常其方略籌西事尤以節兵裕餉爲本謀軍始西征慮餉由各行省協撥不能如期約請一借貸於外國商賈人得成數濟軍令各省關分償債子本許之及決策出塞會滇中殺英人馬嘉利海防戒嚴餉匱公乃議借外國債千萬用十年分償沈文肅公尼其議

詔曰左某以西事自任國家何惜千萬金爲撥款五百萬敕公自借外國債五百萬出塞凡十月而新疆南北城盡復者饋餼饒給之力也公初議西事主興屯田闢者迂之及觀公奏論關內外舊屯之弊以謂挂名兵籍不得更事農宜畫兵農爲二簡精壯爲兵散愿弱使屯墾然後

人服公老謀以爲不易及

國家承平久武備弛不振而海外諸國近百年以來日出其祕數氣化光電之學用之治兵制器爭以武節相侈神怪捷出每變益新雖中國屢平大難彼猶私議以爲脆弱也至公平帕夏外國頗稍稍傳說公而公與曾公等自始治軍時卽欲稍取外國長技用自輔益公尤不耐久忍詢顧內憂未艾耳內平行且事外務欲一振拔抗

國家威棱先是俄人乘回亂入據伊犁城公旣恢復新疆

國家因遣使赴俄議交收伊犁議久不決有

詔備邊公亦席累勝之威親出塞至哈密整軍待發頃之

召公入備顧問公入而伊犁還俄事定遂

命入值軍機兼值譯署居數月引疾乞退

命出督江南法人攻越南自請赴滇督師檄故吏王德榜募軍永州號

曰恪靖定邊軍法人議和

召公入再值軍機法人內犯

詔公視師福建檄王壯武子詩正潛軍渡臺灣號曰恪靖援臺軍詩正至臺南爲法兵所阻而德榜會諸軍破法兵於諒山和議成再引疾乞

退以其年七月癸亥薨於福州年七十三明年歸葬於善化之某里某
原公性剛行峻不爲曲謹小讓始未出時與曾公胡公交氣陵二公出
其上二公皆絕重公公每語人曰曾胡知我不盡三人者相與會語公
輒題目二公亦撰語自贊務壓二公用相譎又嘗言當今善章奏者
三人我第一餘二人謂二公也公與曾公內相傾服至趣舍時合時不
合既出治軍交驩無間矣及金陵平又以爭是非不合後曾公薨公西
征在肅州聞之歎曰謀國忠知人明吾不如曾公也中興諸將帥大率
曾公所薦起雖貴皆尊事曾公公獨與抗行不少貶屈厥後與曾公位
望相埒俱以功名終曾公議外交常持和節公鋒穎廩廩向敵士論以
此益埒願志事未竟初平粵盜卽建議在福州設船廠購機器募外國
人造船設求是堂其中教子弟習外國語言文字算學測繪法移陝甘
且行奏起沈文肅公主船政西事既定在蘭州設織呢局購開河機器
治涇水上游在江南議購船礮防海視師福州又請增製船礮公精吏
事所至恤民興學理財治水利閩浙裁兵加餉各行省援用爲法而於
製造船礮尤兢兢議者惜公材用之未竟其志也公娶周夫人先公卒
側室張夫人子四人孝威舉人以廕爲主事先公卒

旌表孝行孝寬郎中孝勛兵部武選司主事孝同候選道員孫十人冢
孫念謙襲侯爵通政司副使曾孫五人汝綸辱與孝同遊孝同以公墓
碑見屬乃爲銘曰
維清有家襲聖其延在亂而撥執競有人完厥藥羸爰始曾公誰其代
興公功與朋在

文

穆世盜羣坳連腹蠱其已或齧於邊勅者旁睨相市欲剖公曰吾故棄
則不可颺發霆擊吾封有塹國功斯葳公志未慊彼敢吾瀕吾燔不焯
忍此敦槃死愧在顏韞弓踈馬萬古一棺世高公功公志或獲無恃而
憍挾公自張偏指傲權豈公謂臧課所已施威謀孰當英霸之略中試
而藏誰起九原爲國鉅防鑿詩貞石下告巫陽

又左文襄公別傳

朱孔彰

左公宗棠字季高湖南湘陰人也少負奇氣有大志欲因時建非常之
功道光壬辰舉於鄉陶文毅公澍延爲賓客與論事如燭照數計辯口
若懸河文毅驚歎曰天下奇才也遂締婣焉咸豐初巡撫張公亮基禮
辟公駱公秉章代爲巡撫尤倚公如左右手凡察吏治軍准公言是聽

屬寮以事上白駱公則曰問季高先生公可亦可公否亦否湖南由此致富強公權益重忌者日眾會劾永州總兵樊燮驕倨罷官構於總督指目公布政使亦陰助燮總督疏聞

召公對簿武昌欲加不測之罪駱公疏爭之不得於是湖北巡撫胡公林翼侍郎曾文正公上言公無罪且薦公才可大用事遂解初公以幕府勞已擢知府或勸之仕公笑曰除非夢賚良弼至遭謗毀悒悒不得志詣胡公會公軍願以偏將自效曾公深慰之無何

朝廷竟超用公

遂詔詢曾公會公奏公剛明耐苦曉暢戎機若假以事權必能感激圖報

賞四品京堂

命募軍東征十年秋公提五千人由江西轉戰而前所向克捷曾公進兵皖南駐祁門僞侍王李世賢僞忠王李秀成糾數十萬賊眾圍繞祁門西路直趨浮梁景德鎮斷祁門餉道公出奇兵與鮑提督超夾擊大破賊於洋塘賊退入浙境明年三月公進軍婺源賊犯景德鎮陳總兵大富屯守戰沒景德鎮復失公回軍大破賊於范家邨入戰入克斬賊

逾萬遂收浮梁樂平鄱陽建德曾軍糧路乃暢通曾公奏公屢破巨寇
振江皖全局勳績甚偉擢三品京堂補太常寺卿改幫辦江南軍務尋
奉

命援浙公上言浙江軍務之壞由於督撫全不知兵始則竭本省之餉
以濟金陵大營皖南各軍冀藉其力爲藩蔽乃於練兵選將之事不自
講求至金陵皖南大局敗壞復廣收潰卒糜以重餉以守則逃以戰則
敗恩不知感威不知思遂決裂不可復支臣奉

命督辦浙江軍務節制提鎮非就見存兵力嚴爲簡汰束以營制不可
非申明賞罰予以實餉不可非另行調募預爲換補不可然欠餉日久
則有不能汰遣之患餉需不繼則有不能調撥之患經費不敷則有不
能募補之患名爲節制提鎮實則營官哨長亦且呼應不靈不得其臂
指之助而徒受其迫促之擾雖有能將無餉何以馭兵雖有謀臣無兵
何以制賊此臣之所爲隱憂也時公所部湘軍僅八千人部將名者劉
典王開來王文瑞王沐數軍不敷分布因思劉公長佑駱公秉章劉公
蓉江公忠義素友善故令選強將相助多或率數千人少則數百人俾
合成勁旅於是調蔣益澧於廣西劉培元魏喻義於湖南皆未至公以

八千人策應七百餘里談笑指揮游刃有餘曾文正尤爲歎服奏公宜獨當一面文正與公議以保徽州固饒廣爲根本奏以三府屬縣丁糧銀米供軍設婺源景德河口三稅局裨之三府防軍悉隸公通吳越爲一家公駐婺源頻破巨寇會杭州陷

詔授公浙江巡撫同治元年正月公自婺源攻開化破寇馬金街恐朝旨促入衢則自陷因上奏行軍之法必避長圍防後路先爲自全之計臣軍入衢則徽婺疏虞又成糧盡援絕之勢今由婺源攻開化分軍扼華阜收遂安使饒廣相芘以安然後可以制賊而不爲賊制然欲依徽郡取道嚴州食米轉運殊多勞費又前衢州李定太一軍入千餘人江山李元度一軍入千餘人人數與臣軍相等而常迫切呼援惴惴不能自保臣軍力固不能及亦不願其浪戰求勝致損軍威此兵事餉事之難未可驟期恢復之效者也二月公遣劉典王開來劉璈李耀南克遂安金嚴寇圍衢州公自往救敗之五月進軍衢州魏喻義劉培元募新軍至七月蔣益澧自廣西將八千人至於是軍容壯盛十一月克嚴州明年正月克金華紹興水陸並進克桐廬富陽

詔授公總督仍兼巡撫八月圍攻杭州明年二月克之公移駐省城申

虜獲之禁婦女財物各從其主有敢言取自賊中者罪之禁軍士無入民居招商開市奏停杭關稅立清賦局減杭嘉湖稅則三之一善後事宜百廢具舉眾聲大和時李公鴻章已克蘇州嘉興六月曾公國荃克江甯江浙餘寇聚於湖州七月合江蘇軍克湖州寇盡走江西入福建浙江平公奏請蔣公益澧護巡撫已統全軍入福建追寇至廣東嘉應州殲焉五年正月班師振旅

詔錫一等恪靖伯公在閩撫瘡痍舉淹滯清伏莽修武備量財用肅官方勸耕作勤庶事以勑爲因而尤以造輪船爲急務舉沈公葆楨接辦船政其年秋

天子以西陲師久無功移公督陝甘並授

欽差大臣督辦軍務公上疏曰臣維西北戰事利在戎馬東南戰事利在舟楫觀東南事機之順在礮船練成以後可知西北事機之轉亦必待車營馬隊練成以後也春秋時晉侯乘鄭之小駟以禦秦爲秦所敗是南馬不能當西馬之證漢李陵提荆湖步卒五千轉戰北庭爲匈奴所敗是步隊不能當馬隊之證見在撚回猖獗官軍征勦多年尙未蕩事於時急圖掃蕩固我疆宇非講求步隊馬隊不爲功而欲善步隊馬

隊之用又非講求步隊馬隊之利不可臣謹就愚陋之見爲我
皇上敬陳之撚回之患在平原曠野本騎之利官軍以步隊當之鮮不
被其輕軼矣於是而圖制賊之長宜用車營助步隊遏其突騎固也然
車營步隊足以遏突騎守雖有餘以之鈔截追剿戰尙不足則練馬隊
爲急以馬力言之西產不若北產之健以馬隊言之西北不若東北之
雄

祖宗隆興東北平定中原中葉以來平準回靖朔漠

神武震鑠跨越古今敬釋

列聖方略官書竊以爲欲平方今之患非追法

先世遺烈其道末由也回馬多西產撚馬多略北產零騎故撚之戰悍
於回所幸者撚回之馬雖多至數萬騎然均用之野戰非如官軍隊伍
鈴束之不可撼撚回諸逆人各一心非如官軍節制賞罰之不可亂撚
回馬上多用長矛非如官軍槍械火器之不可敵誠於時購北口良馬
得其人習練而節制之庶制勝有其具而賊不足平且可藉閱歷以造
就人才爲

國家固根本垂久遠之計又言臣由鄂入秦先勦陝逆此時臣軍步隊

僅止三千餘馬隊尙未習練雙輪獨輪車式尙未動工製造所擬以制賊者步隊馬隊車營皆無以應手倉卒就戎必貽後悔臣不敢不慎也方今所患者撚匪回逆耳以地形論中原爲重關隴爲輕以平賊論勦撚宜急勦回宜緩以用兵次第論欲靖西陲必先清腹地臣軍入甘應先分兩大枝由東路廓清各路分別勦撫俟大局勘定然後入駐省城方合機局是故進兵陝西必先清關外之賊進兵甘肅必先清陝西之賊駐兵蘭州必先清各路之賊然後餉路常通師行無梗

詔從之六年夏取道武昌提兵一萬二千人由潼關入秦當是時撚酋任柱賴文光糾數萬騎擾山東河南是爲東撚張總愚糾數萬騎擾秦中是爲西撚陝回甘回數十起眾至百萬橫行腹地兩省幾無完土公接統陝甘軍部署諸營不令撚回合勢劉提督松山領萬餘人郭總兵寶昌三千人劉總兵厚基三千人是爲勦撚之師高提督連陞三千人劉京卿典五千人是爲勦回之師楊總兵和貴周總兵金品三千餘人屯鳳翔周總兵紹廉二千餘人屯宜君吳郎中士邁千餘人防渭復以親兵三千餘人水師千人黑龍江馬隊千餘人分布華州華陰潼關渭南臨潼閒是爲兼討撚回之師於是諸軍所向克捷公又定計先撚後

回張總愚既屢破於延州復南竄乃自宜川踰山至壺口乘冰橋渡河山西大擾公遣松山各軍渡河躡追

穆宗以山右毗連畿輔

召公親往督師公自率五千人赴援奏以劉京卿典代督陝甘軍六年十二月撚自垣曲入河南趨衛輝復自河南北犯直隸至河間獻縣京師戒嚴

詔切責公與欽差大臣李公鴻章河南巡撫李公鶴年及直隸總督官文公皆奪職時東撚甫平西撚萃於畿輔公先令劉提督松山繞出賊前大破賊於獻賊反奔山東七年公駐軍吳橋合淮軍東軍皖軍擊撚卒破平於荏平南鎮七月公復職入

觀

天子褒美且詢西陲師期公奏五年可竣乃率師還陝十月至西安省城公部兵數萬人諸將名者高連陞周紹濂魏光燾劉端冕吳士邁黃鼎雷正綰陶茂林成定康馬德順郭寶昌李耀南李輝武皆能將而劉公松山爲最劉公典已署陝西巡撫戮力同心賞罰嚴而號令明遂定三路平回之策公令劉公松山由綏德取道花馬池直擣金積老巢爲

北路道員周開錫由秦趨鞏討鞏昌河狄之回爲南路公與劉公典督諸軍盡驅陝回入甘爲中路遂破回巢數百斬馘數萬八年二月拔董志原老巢四月陝西平進兵甘肅劉公松山已趨定邊花馬池魏光燾周紹濂劉端冕出合水甯州正甯嚮環慶雷正綰黃鼎由董志原涇州趨鎮原崇信華亭固原李耀南吳士邁由隴州寶雞趨秦州公率親兵馬步四千道永壽邠州長武以赴涇令馬德順屯靈台之上良百里鎮策應南北遂開振卹集流亡勸民種秋糧兵燹遺黎栩栩有生意矣於是諸路皆捷蘭州道通八月劉公松山克靈州十一月公移駐平涼劉公松山攻金積堡陳亡公以松山從子錦棠統其軍東自吳忠至靈州堡寨四百五十餘西自洪樂至峽口堡寨一百二十餘盡平九年冬克金積堡馬化隆伏誅公奏言西陲之不靖於今九年關隴諸回視金積爲嚮背今金積破回勢瓦解矣

詔加公騎都尉世職十年三月甯夏平公令諸將進規河州秋移駐靜甯又移安定冬平黑山回盡平黨川回壘且勦且撫十一年二月河州平三月循化撤納歸誠夏諸軍攻肅州西南賊壘皆下七月公進駐蘭州省城奏調宋慶軍由神木赴甘助勦以張曜軍屯金積堡移劉錦棠

軍赴西甯陶生林金慶元戴宏勝馬步軍赴肅州十一月劉公錦棠大
破回於西甯大通明年金順宋慶徐占彪合攻肅州八月公至肅州督
攻九月克之屠客回一千五百餘人屠土回五千四百餘人悍酋馬文
祿並黨魁八人磔之惟白彥虎逸出關外拔出漢民男女一千一百餘
人回民老弱婦女九百餘人肅州平關內肅清

詔公以總督協辦大學士改騎都尉爲一等輕車都尉世職諸將給獎
有差

今上卽位

命公督辦新疆軍務先是以東南海防爲急有議棄關外地者公力持
不可然軍食奇絀各省協餉不繼公夙夜憂勞常繞帳傍徨中宵不寐
前後至借洋商民商一千數百萬隨時以協款抽償經營一載士飽馬
騰遂於明年春大軍次第出關公駐肅州調度烏魯木齊都統金順軍
提督張曜軍先駐哈密軍食皆由公兼籌公令劉京卿錦棠辦理營務
率提督譚上連譚拔萃余虎恩等湘軍二萬人分起由戈壁前進其秋
大軍攻拔古牧地克復烏魯木齊迪化州暨瑪納斯城新疆北路皆平
由是下兵南路南路入城曰阿克蘇曰烏什曰庫車曰喀喇沙爾曰英

吉沙爾曰喀什噶爾曰葉爾羌曰和闐而吐魯番別爲一部在天山之南爲八城門戶公令劉京卿錦棠率軍自北而南提督張曜徐占彪率軍自東而西增調包頭防軍五千人隸劉京卿於是軍勢益盛以明年春三道進攻吐魯番達坂堅城皆下旋克托克遜賊巢其秋連克喀什沙爾庫爾勒庫車阿克蘇烏什一月之中行三千餘里兵威大振遠人懼服時以伊犁爲俄所踞恐難遽復

詔公統籌全局公奏曰竊維立國有疆古今通義規模存乎建置而建置因乎形勢必合時與地通籌之乃能權其輕重而建置始得其宜伊古以來中國邊患西北常劇於東南蓋東南以大海爲界形格勢禁尙易爲功西北則廣莫無垠專恃兵力爲強弱兵少固啟戎心兵多又耗國用以言防無天險可限戎馬之足以言戰無舟楫可省轉饋之煩非若東南之險阻可憑集事較易也周秦至今惟漢唐爲得中策及其衰也舉邊要而捐之國勢遂益以不振往代陳蹟可覆按矣顧祖禹於地學最稱淹貫其論方輿形勢視列朝建都之地爲重輕我

朝定鼎燕都蒙部環衛北方百數十年無烽燧之警不特前代所謂九邊皆成腹地卽由科布多烏里雅蘇台以達張家口亦皆分屯列戍斥

堠遙通而後

畿甸晏然蓋

祖宗朝削平準部兼定回部開新疆立軍府之所貽也是故重新疆者所以保蒙古保蒙古者所以衛

京師西北臂指相聯形勢完整自無隙可乘若新疆不固則蒙部不安匪特陝甘山西各邊時虞侵軼防不勝防卽直北關山亦將無晏眠之日而況今昔勢殊俄人拓境日廣由西而東萬餘里與我北境相連僅中段有蒙部爲之遮闔徙薪宜遠曲突宜先尤不可不預爲綢繆者也高宗平定新疆拓地周二萬里一時帷幄諸臣不能無耗中事西之疑聖意堅定不搖者推舊戍之瘠土置新定之腴區邊軍仍舊餉不外加疆宇益增鞏固可爲長久計耳方今北路已復烏魯木齊全境祇伊犁尙未收回南路已復吐魯番全境祇白彥虎率其餘黨偷息開都河西岸喀什噶爾尙有叛弁逃軍終煩兵力此外各城則方去虎口如投慈母之懷自無更抗顏行者新秋採運足供餘糧棲畝鼓行而西宣布朝廷威德且勦且撫無難挈舊有之疆宇還隸職方此外如安集延布魯特諸部落則等諸邱索之外聽其翔泳故區可矣英人爲安集延說

者慮俄之蠶食其地於英有所不利俄方爭土耳其與英相持我收復舊疆兵以義動設有意外爭辯在我仗義執言亦決無所撓屈是時東四城已克復進規西四城大軍仍三路進攻遂於冬十一月克葉爾羌和闐英吉沙爾喀什噶爾南疆悉定捷奏公晉二等侯

朝廷乃遣全權大臣崇厚使俄索伊犁條約中多所不便

詔公議奏公上疏曰國家建中立極東南濱海西北以崑崙枝幹爲界畫向與俄羅斯不相聯接以蒙部哈薩克布魯特浩罕爲之遮蔽間隔也近自俄人日迫誘脅日眾哈薩克布魯特各部落多附俄人俄又取浩罕三部落拓其邊圉於是俄與中國邊境毗連無復隔閼矣適中原兵事方殷未遑遠略俄人乘閒佔踞伊犁藉傳代我收復爲要索計並照其國法按竈科賦以充兵費亦僂足矣

朝廷重念邦交既予以代我收復之名並允給償款盧布五百萬元盧布亦呼嚕布卽所謂俄元者也光緒三年西洋新聞紙載俄國議願得俄元二百五十萬交還伊犁海上傳播未必無因此次償款忽議增五百萬元其挾詐相嘗已可概見至界務與商務兩者相因西北與東南事體各別道光中葉以後泰西各國船礮橫行海上闖入長江所爭者

通商口岸非利吾土地也亦謂重洋迢遞彼以客軍深入雖得其地終無全理戰則勢孤守則費鉅合從之勢旣成獨據則誨爭分肥則利薄也中國削平髮撚兵力漸彊製礮造船已觀成效彼如思逞亦有戒心而渝約稱兵各國商賈先失貿易之利苟可相安無事其亦知難而息焉若夫俄與中國則陸地相連僅天山北榦爲之間隔哈薩克安集延布魯特大小部落從前與準回襍處自俄踞伊犁漸趨而增之俄已視爲己有若此後蠶食不已新疆全境將有日蹙百里之勢而秦隴燕晉邊防且將因之益急彼時徐議防邊正恐勞費不可殫言大局已難覆按也夫陸路相接無界限可分不特異日無以制憑陵卽目前亦苦無結束不及時整理坐視邊患日深殊爲非計且俄人專尙詐力不以信義爲重其情易變屢遷與泰西各國不同斷難望其守約而持久卽如佔踞伊犁之始謂俟我克復烏魯木齊瑪納斯卽當交還比官軍連下各城並克復南疆而俄不踐前言穩踞如故方且庇匿叛逸縱其黨肆出窺邊上冬今春陝回及布魯特汗安集延條勒入犯時官軍獲生賊訊供按有俄官路票昨次布魯特安集延諸賊由俄境阿分地方出竄經官軍剿洗殆盡漏網數十人仍遁匿俄境據活賊口供亦由俄官驅

遣所致四次賊蹤犯邊官軍追賊均未越俄界一步我之守約如此彼之違約如此尙何信義可言當崇厚與俄官議交伊犁時俄人首以恩赦爲請竝以曉示難於徧及爲慮崇厚奏奉

諭旨飭臣照辦臣謹遵

旨竝會同金順出示曉諭伊犁漢陝纏土各回民等宣布

皇仁以安反側金順卽派提督殷華廷齎示前赴伊犁張貼俄官七河邊撫忽變前議將殷華廷擋回不令帖示借俾應俟圖爾齊斯坦總督回信比金順二次遣殷華廷復往探詢七河邊撫竟派人阻之伊犁境外不準復入似此任意把持不獨違慢

朝旨並置其君與外部諸臣成議於不顧其悖謬又如此俄之佔踞伊犁也將大城西北三城廬舍墮爲平地池東清水河塔爾奇綏綏定三城均毀棄以居漢回蘆草溝城盤子等處均棄而不守而取各城堡木料於大城東南九十里金頂寺營造木廩幾二十里臣上年十月二十二日覆陳摺內已略言之茲接金順錫綸所言伊犁情形亦同察俄人蓋欲踞伊犁爲外府爲佔地自廣借以養兵之計久假不歸布置已有成局我素舊土俄取兵費鉅資於俄無損而有益我得伊犁只賸一片

荒郊北境一二百里間皆俄屬部孤注萬里何以圖存況此次崇厚所議第七款接收伊犁後陞爾果斯河及伊犁山南之帖克斯河歸俄屬無論兩處地名中國圖說所無尙待詳考但就方向而言是劃伊犁西南之地歸俄也自此伊犁四面俄部環居官軍接收墮其度內固不能一朝居耳雖得必失庸有倖乎武事不競之秋有割地求和者矣茲一矢未聞加遺乃遽議捐棄要地壓其所欲譬猶投犬以骨骨盡而噬仍不止目前之患旣然異日之憂何極此可爲嘆息痛恨者矣金順錫綸之擬緩收伊犁而以沿邊喀什噶爾烏什精河塔爾巴哈台四城宜足兵力濬餉源廣屯田堅城堡先實邊備自非無見惟伊犁見無定議謀新疆者非合南北兩路通籌不可見在伊犁界務未定則收還一節自可從緩計議喀什噶爾烏什規畫已周毋庸再議其塔爾巴哈台精河急須加意綢繆應由金順錫綸自行陳奏請

旨外所有崇厚定議畫押十八款內償費一節業經奉有

諭旨第八款所稱塔城界址擬稍改照同治三年議定界址尙只電報應俟崇厚奏到再議第十款於舊約喀什噶爾庫倫設領事官外復議增設嘉峪關烏里雅蘇台科布多哈密吐魯番烏魯木齊古城七處十

四款並有俄商運俄貨走張家口嘉峪關赴天津漢口過通州西安漢中運土貨回國均經總理衙門奏奉

諭旨指駁外第二款中國允卽

恩赦伊犁居民業經遵

旨照辦被俄官截阻齎示委員不準張帖第三款伊犁民人遷居俄國入籍者準照俄人看待意在脅誘伊犁民人歸俄而以空城貽我與阻截齎示委員同一用心第四款俄人在伊犁準照舊管業雖伊犁交還中外商民襍處無界限可分是包藏禍心預爲再踞之計至商務允其多設口岸不獨奪華商生理且以啟蠶食之機總理衙門原奏籌慮深遠實已纖細畢周

諭旨允行則實受其害先允後翻則曲仍在我應設法輓回以維全局竊維邦交之道論理而亦論勢本山川爲疆索界畫一定截然而不可踰彼此信義相持垂諸久遠者理也至爭城爭地不以玉帛而以興戎彼此強弱之分則在勢而不在理所謂勢者合天時人事言之非僅直爲壯而曲爲老也俄踞伊犁在咸豐十年同治三年定界之後舊附中

國與中國民人襍處各部落被其脅誘俄官卽視爲所屬藉以肆其憑

陵俄之取汗罕三部也安集延未爲所併其酋阿古柏畏俄之逼裏其部眾陷我南疆我復南疆阿古柏死逆子竄入俄境俄乃認安集延爲其所屬欲藉爲侵佔回疆腴地之根見冒稱喀什噶爾住居之俄屬本隨帕夏而來之安集延餘眾俄之無端冒爲己屬實與交還伊犁仍留復踞地步同一居心觀其交還伊犁而仍索南境西境屬俄其詭謀豈僅在此數百里土地哉界務之必不可許者此也俄商志在貿易本無異圖俄官則欲藉此爲通西於中之計其蓄謀甚深非僅若西洋各國只爭口岸可比就商務言之俄之初意只在嘉峪關一處此次乃議及關內並議及秦蜀楚各處非不知運腳繁重無利可圖蓋欲藉通商便其深入腹地縱橫自恣我無從禁制耳嘉峪關設領事容尙可行至喀什噶爾通商一節同治三年雖約試辦迄未舉行此次界務未定姑從緩議而烏里雅蘇台科布多哈密吐魯番烏魯木齊古城等處廣設領事欲因商務蔓延及地方化中爲俄斷不可許此商務之宜設法挽回者也此外俄人容納叛逆白彥虎一節崇厚曾否與之理論無從懸揣應俟其復命時請

旨確詢以憑核議臣維俄人自佔踞伊犁以來包藏禍心爲日已久始

以官軍勢弱欲誑榮全入伊犁陷之以爲質繼見官軍勢強難容久踞
乃藉詞各案未結以緩之此次崇厚全權出使噶布策先以巽詞餽之
枝詞惑之復多方迫促以要之其意蓋以俄於中國未嘗肇啟衅端可
閒執中國主戰者之口妄忖中國近或厭兵未便卽與決裂以開邊衅
而崇厚全權出使便宜行事又可牽制疆臣免生異議是臣今日所披
瀝上陳者或尙不在俄人意料之中當此時事紛紜

主憂臣辱之時苟心知其危而復依違其閒欺幽獨以負

朝廷孰便安而誤大局臣具有天良豈宜出此就事勢次第而言先之
以議論委婉而用機次決之以戰陳堅忍而求勝臣雖衰庸無侶敢不

勉旃

上壯其言嘉許之公乃自請出屯哈密規復伊犁六年正月

詔毅勇侯曾紀澤自英國赴俄重議約二月公分兵進取伊犁奏以精
河一帶爲東路伊犁將軍金順主之所部馬步萬人檄卓勝軍二千爲
之助自阿克蘇沿特克斯河爲中路廣東提督張曜主之所部馬步五
千人增募皖勇千人土爾扈特馬隊數百人復檄湘軍二千五百爲之
助自烏什經布魯特游牧爲西路幫辦軍務劉錦棠主之所部馬步萬

餘人而分遣譚上連步兵二千餘人屯喀什噶爾譚拔萃等二千餘人屯阿克蘇陶鼎金王福田等二千餘人屯哈密爲後路聲援塔爾巴哈臺與俄偪處參贊大臣錫綸兵不足募徐學功孔才舊部二千畀之四月公發肅州昇觀以行五月抵哈密俄人聞

王師大出增兵守伊犁納林河別以兵船翔海上冀震撼京師於是天津奉天山東皆警七月

詔公入京備顧問明年正月和議成海防諸軍皆罷先是俄人縱我叛回及噶布魯特安集延逆酋三次犯邊官軍皆大敗之遂懾中國兵威交還伊犁全境公既入

朝授軍機大臣

賜紫禁城騎馬使二內侍扶掖上殿皆

異數也冬以東閣大學士出督兩江明年法人啟釁侵越南粵閩邊疆有事

詔公督辦軍務會和議成罷兵公剛蹇強毅耄年精力不衰雖兵閒積苦未嘗以況瘁形於詞色在邊塞苦寒穹廬積霰高與身等公擁緇布絮裘據白木案手披圖籍口授方略自晨至於日中戾矻矻不少休軍

事旁午官書山積亦必一一省治最下裨校寸簡尺牘皆手自批答待將士不尚權術惟以誠信相感乎然貪夫悍卒亦善駕馭借調副將李某在公戲下能用命後江西索去死於法公曰若隸我何至喪其頭願喜自負每與友書自署老亮以漢武侯自比繼又言今亮或勝於古亮厲剛介之操又自號曰忠介先生胡公林翼謂公一錢不私於己不獨某信之天下人皆信之初策江南大營潰散公曰大局其有轉機乎或問之曰得此掃盪後來者可以措手始辦陝甘軍務公奏須五年蕝事及關內肅清適符其數眾議棄新疆公力持不可經營邊計如操左券後俄兵退出伊犁遂舉二萬里戎索重隸職方天山蔥嶺一塵不驚實漢唐以來未有之邊功公見玉門內外草萊徧墾道傍官柳成陰欣然加餐以之入

告洵古大臣以安社稷爲悅者歟初公舉孝廉過揚州喜市上雞籩麩迨至江南閱瓜州兵令西來將士均犒二孟無煩郡縣供張公杖履登壇甲士執兵侍立咸仰綸巾羽扇之風一時戴白垂髻歡呼道左歎曰天生異人也至閩未數月而病光緒十一年秋卒於軍事聞

天子震悼

賜葬如例

命各省建專祠

予諡文襄子孝威舉人先公卒孝寬孝勛主事孝同舉人孫三念謙念恂念慈念謙襲侯公著有盾鼻餘瀋奏議百二十卷

評曰論者謂粵寇未平無以制撚撚寇未殄無以制西陲叛回其次序宜然文襄盡瘁馳驅白首臨邊不易初志功名立與日月爭光矣當其排眾議揣夷情決勝算我戰則克何其智且勇也語曰非常之功必待非常之人偉矣哉

續碑傳集卷七

江陰繆荃孫纂錄

光緒朝宰輔

文文忠公別傳

臣輔之

文祥字博川瓜爾佳氏盛京正紅旗滿洲人道光乙巳進士以主事用分工部咸豐五年升郎中六年京察一等記名以道府用因親老乞留京供職七年二月授太僕寺少卿八年三月由詹事遷內閣學士兼禮部侍郎銜

命在軍機大臣上學行走六月補禮部右侍郎調吏部右侍郎九年十月

命在軍機大臣上行走調工部右侍郎十年英法二國犯順入天津海口僧格林沁兵敗退駐通州七月

上降詔親征適僧格林沁密疏請

幸木蘭

命王大臣會議公以通州地異澶淵人無寇準非萬全之道木蘭又無險可扼我能至夷亦能至與大學士賈楨等力持不可獨請

召對再三籲留退偕軍機大臣吏部左侍郎匡源署吏部右侍郎杜翰具疏極言利害請罷木蘭之議盡撤所調車馬請

上特降諭旨宣示中外八月寇逼

上幸木蘭留署步軍統領九月

圓明園火土匪肆擾

命署圓明園八旗包衣三旗印鑰調兵嚴捕仍隨恭親王辦撫局公慮事繁難兼顧辭步軍統領

允之夷兵退疏請定期

回鑾以安人心通商條約既定偕恭親王等通籌夷務全局奏言夷情之強悍萌於嘉慶年間迨江甯換約鴟張彌甚至本年直入京城要挾狂悖夷禍之烈極矣論者引歷代夷患爲前車之鑒專意用勦然揆時度勢各夷以英爲強悍俄爲叵測而法米從而陰附之竊謂大沽未敗以前其時可勦而亦可撫大沽旣敗而後其勢能撫而不能勦至夷人入城戰守一無足恃則勦亦害撫亦害就兩者輕重論之不得不權宜以救目前之急自換約以後夷人退回天津紛紛南駛而所請尙執條約爲據猶可以信義籠絡馴服其性方今捻熾於北髮熾於南餉竭兵

疲夷人乘我虛弱而爲其所制如不勝其忿而與之爲讐則有旦夕之變若忘其爲害而全不設備則貽子孫之憂古人有言以和好爲權宜以戰守爲實事洵篤論也今日之勢髮捻交乘心腹之害也俄國壤地相接有蠶食之志肘腋之憂也英國志在通商不爲限制則無以自立肢體之患也故滅髮捻爲先治俄次之治英又次之惟有隱消其驚疾之氣而未可遽張以撻伐之威儻天心悔禍賊匪漸平以

皇上之聖明臣等竭其顛蒙之力必能有所補救若就目前之計按照條約不使稍有侵越外效信睦而隱示羈縻數年閒卽偶有要求尙不遽爲大害因擬善後章程六條一京師立總理各國事務衙門以王大臣領之軍機大臣兼領其事選章京滿漢各八人輪直一分設南北口岸大臣牛莊天津登州三口暫設辦理通商大臣五口欽差大臣舊隸兩江總督新增內江閩廣口岸事益繁曾國藩方在軍仍暫令薛煥署理駐上海吉林黑龍江邊境俄人越界侵占久匿不報令將軍等履勘以

聞一天津關稅以三口通商大臣主之牛莊仍歸山海關監督聽通商大臣統轄新立登州口岸應派員專理鎮江九江漢口瓊州潮州臺灣

淡水諸口岸由各督撫會上海欽差大臣遴員司其事俄國新議行貨之庫倫喀什噶爾張家口並舊通商之恰克圖塔爾巴哈臺等處定約惟烏蘇里綏芬河各所不納稅請下伊犁將軍各大臣監督悉心權課覈實備用並以洋稅扣歸二成請酌給官吏辦公經費一各省辦理外國事件將軍督撫互相知照以免歧誤一廣東上海各擇通外國語言文字者二人來京仿俄羅斯館教習例選八旗子弟年十三四以下者學習兩年後考其勤惰有成者優獎一各海口內外商情並外國新聞紙按月咨報總理各國事務衙門備覈均如所議行復密疏請練八旗兵丁略言制敵在乎自強自強必先練兵比者撫局雖成而國威未振宜亟圖振興使夷順則可以相安逆則可以有備況髮捻交乘尤宜迅圖勦辦內患能除外侮自絕請籌款添置火器營槍礮給八旗兵丁演習選閒散餘丁別立營伍專習技藝擡槍並請

敕僧格林沁舉知兵將弁一人來京督率訓練

上韙之遂立神機營又奏言匪蹤飄忽直隸一帶空虛僧格林沁行兵後路尙形單薄勝保所部多未經行陣撫局既定而未敢遽撤者一以彈壓土匪一以防東省之匪闖入直境藉此爲僧格林沁後路策應也

夫僧格林沁與士卒同甘苦並能調度一切機宜然其勢亦孤立無援勝保勇敢有餘而審慎不足且同爲統兵大臣未肯相下是僧格林沁軍必得良將勁卒贊助援應方無意外之失良將一時難得竊憶前任副都統富明阿西甯鎮總兵成明從軍江北素號得力因養傷回旗如病痊請加錄用或發僧格林沁軍營領隊擊賊或留京師訓練旗兵並請命各統兵大臣選帶隊得力者保奏存記酌量調遣用資禦侮再湖南巡撫駱秉章近因石逆回竄暫緩赴川而川省賊勢益張文武皆不知兵伏思前任雲貴總督張亮基謀略素優以病開缺恐因滇事棘手託詞引退若移之川省或能展其才猷且川省安滇省亦易就理

上嘉納焉十一年充總理各國事務大臣七月

文宗顯皇帝升遐

穆宗毅皇帝御極

命仍在軍機大臣上行走十月偕王大臣等奏請

兩宮
皇太后垂簾聽政時內則諸王交責外則羣盜披猖公布置咸宜中外輯睦而於用人尤爲加意所保如延建邵遺缺道李鴻章前九江道之

沈葆楨湖北知縣劉蓉均擢任封圻不拘常格遂以平定髮捻收發縱指示之功中興大局所關尤鉅十二月管理神機營事務同治元年正月遷都察院左都御史閏八月授工部尙書三年六月江甯復首逆就殄捷至以樞臣同心輔治宜與優獎

賞太子太保銜四年八月馬賊入直隸喜峰口竄遵化薊州命公統神機營兵馳赴

東陵防護並督諸軍追勦賊竄灤陽經鐵門關遁乃留兵屯遵化遷安邊隘因疏陳地方叅賊釀患請除積弊清盜源又奏言馬賊巢穴多在口外如奉天之昌圖廳八面城熱河之八溝哈達等地五方雜處回民爲多出則搶掠歸而聚博入冬彌甚宜懸重賞購眼綫伏口外偵聽調兵掩捕庶淨絕根株一勞永逸尋以老母多病請回旗迎養

賞假三月

頒賜內府人淺六兩俾齎歸因令統神機營出關勦馬賊時賊分擾關外伏莽應之勢甚熾行至山海關以所部兵力單增調直隸步隊五百洋槍隊一千並請

敕東三盟蒙古王公等由北夾擊十一月賊入朝陽縣軍夜進抵錦州

賊東竄敗之北井子十二月謀知賊劫奉天獄約期攻城兼程馳至賊
退踞城東南肆掠並圍撫順檄總兵劉景芳率騎夜擊破之賊悉出邊
於是吉林告警遣軍赴援五年正月解長春廳圍追賊及於昌圖朝陽
坡二月軍分三路進賊悉眾抗士卒爭奮十數戰皆大捷禽斬賊目王
洪義等馘三千餘級禽三百餘名四月賊首馬傻子勢蹙乞降磔之解
其黨留兵授將軍都興阿俾清餘孽遂請蠲奉天地丁銀米停鋪捐五
月回京七年三月充會試副考官七月以捻逆平加軍功二級十年以
吏部尚書協辦大學士七月授

體仁閣大學士十三年因病請開缺

賞假凡六次六月日本窺臺灣公強出籌戰守因上疏曰方今時事可
慮者甚多而以圖自強禦外患爲亟當和議之成無人不爲自強之言
十餘年來迄無成效其故由於鄙棄洋務者託空言而無實際狃於和
局者又相安無事而恐啟猜嫌卽或悉心講求防務復阻於財賦不足
而莫可施展今變端已形事機益迫若再不措意一旦大敵當前將何
所恃伏願
敕下戶部內務府寬籌餉需裁減浮用停不急之工作謀至急之海防

俾部臣疆臣皆得專力圖維至自強之道首在虛懷納諫以求政治之得失勿以將順之言爲可喜勿以直遂之言爲可憎

皇上憂勤惕厲斯內外臣工振刷精神不敢蹈玩世之積習否則狃以爲安不思變計恐中外解體人心動搖其患有不可勝言者

上嘉納之日本事平偕恭親王等策海防六事一練兵二簡器三造船四籌餉五用人六持久請

敕中外大臣僉議如所請行公復疏言臺灣一事以備虛力細將就完結心殊鬱憤更不能不思患豫防前月總理各國事務衙門奏籌海防遠謀持久尙待從容會議而目前尤以防日本爲尤急日本與閩浙一葦可杭倭人習慣食言難保必無後患且彼國近以改舊制失人心叛藩亂民一或崩潰則我濱海各口岌岌堪虞明季之倭患可鑒也今臺灣一役彼理曲而勉就範圍儻他日強詞尋隙別啟釁端或陰與西洋各國合謀雖欲委曲遷就勢亦不能夫日本東洋一小國耳略習西洋兵法購二鐵甲船竟公然爲中國難而沿海疆臣僉以倉卒無備不便決裂若不及今亟求整頓一旦變生必更棘手請

敕沈葆楨等悉心籌商酌留在臺兵勇布置全臺事宜以善其後南北

洋通商大臣迅速籌款購鐵甲船水礮臺及軍械勿以倭兵已退稍涉鬆懈

允之十二月授

武英殿大學士光緒二年五月卒遺疏入

兩宮震悼晉贈太傅

予諡文忠

評曰吾聞文忠公在總理衙門接見外國使臣遇非理之要求必面折之莫不憚其嚴正歿以光緒丁丑五月二日暴風突起黃塵漲天張南皮哭之曰人之云亡邦國殄瘁公真不可及矣

寶文靖公別傳

匡輔之

寶蓋字佩蘅索綽絡氏滿洲鑲白旗人道光十八年進士以主事用分禮部二十七年擢詹事府右中允咸豐二年七月以粵匪竄楚疏請救鄰楚省分各督撫查照嘉慶年間辦川楚教匪成案力行堅壁清野之法

上臚之八年充浙江鄉試正考官浙江巡撫監臨胡興仁奏請於廣額內加中官卷一名部以胡興仁違例奏請將正副考官一併鑄級奉

旨改留任

硃批云加中官卷無論有無私人總覺有意見好不料寶蓋素以果敢自命者亦如是瞻徇此次部議亦屬過輕本欲將汝等降調因思馬佩瑤職分較小未免向隅故酌量從寬非謂成事不說也十年授總管內務府大臣管理三山事宜九月管理戶部三庫事務英夷內犯三山被掠奉

詔切責降爲五品頂戴十一年十月

命在軍機大臣上行走並總理各國事務衙門大臣同治元年擢戶部尚書二年正月奏劾壽莊和碩公主府首領太監張玉蒼出言無狀交慎刑司照例審辦三年以粵匪蕩平

賞加太子少保銜並花翎七年七月以直東捻逆一律肅清

詔嘉公贊理機務昕夕慎勤

賞加軍功二級光緒三年二月授

武英殿大學士四年以回疆肅清

詔優敘十年著原品休致十二年加

恩以大學士致仕

賞食半俸十七年八月卒遺疏入

晉贈太保照大學士例賜卹

子諡文靖咸同之間天下雲擾粵逆鯨吞東南數千里捻逆鹿鋌於齊豫鄂皖苗熾於南狃變於西迨至海國失和木蘭秋獮天下岌岌不可終日當是時恭親王坐鎮於上公與文文忠公折衝樽俎化畛域之見拔穎異之材埽穴犁庭天下底定方將補救舊弊開闢新政休養生息與天下更始而一二後生小子希冀速化肆言攻訐自詡清流僉人乘之驟更政柄文文忠已逝公遂以年力就衰休致矣公執政多年不植黨不贖貨通國皆知後之顯者無不援引私人致富鉅萬國是敗壞至今而極然後知公與文文忠公爲不可及也嗚呼

評曰咸豐庚申

帝幸木蘭公留京辦戶部事

行在提餉甘萬公以國用緊急尼之

上聞大怒欲加重罪旋歎其忠止論國計之緩急不顧一身之利害嗚呼古大臣歟

文華殿大學士直隸總督贈太傅一等侯李文忠公墓志銘

吳汝綸

光緒二十六年畿甸亂東西海八國連兵內犯

詔兩廣總督大學士一等肅毅伯合肥李公入

朝至上海道阻不得前則締合東南疆帥保衛封域使不動搖既北禍

益急

兩宮西狩外國兵喋血京師公孑身犯險難入不測之敵軍左右前後

盡敵國人動輒防檢公掉舌搖筆與眾強國勝兵相抵抗日共外國使

敵軍將帥爭議盟約條件可許不可許敵益敬禮公相誠斂手不分豪

忤觸久之相率退軍

宮廟復完如故時於是朝野中外交走相慶皆曰月吾等死骨不化爲

外國人者公力也約定

兩宮還京有日矣而公遽以勞勤告終事聞

朝廷震悼飾終有加禮

贈太傅追

封一等侯諡文忠子孫進官秩各有差漢大臣京師立專祠自公始外

國使敵軍將帥在京者四十餘人咸集弔唁皆曰公定約時所設施他

人不能爲也當是時國勢傾危外國人尙心折公如此可謂難矣始公

起治軍上海用外國兵械肅清江蘇與平金陵歐美諸國聞知已竦起
加敬既再提兵定中原流寇宇內清夷遂專力外事在直隸最久於外
國政學制法兵備財用工商藝業無一不究討尤盡心防禦嘗言
國家百用可省獨練兵設備萬不可省於是用歐美兵法勒集所部淮
將士置局製造歐美兵器械購鐵甲兵艦立海軍建築大沽旅順威海
營壘開輪船招商公司設各行省電綫采開平煤礦漠河金礦皆導國
使猛進與歐美強國競盛以財權不屬人才不興卒牽於異議斬饋餉
不予使不能竟所施爲而西人顧交口稱頌謂爲東方畢士馬克五洲
萬國婦孺皆知公姓名中國因之益重云公既盡心防禦顧持重不欲
開兵衅待遇外國客能時其剛柔張弛使來說者自失本謀
國家每與外國生隙公輒用計謀消弭之以故數十年中外無事甲午
日本構兵主議者信新進少年謀畫不用公計策遂成戰禍師旣敗
朝廷命公往日本議和遇刺不死卒定和而還未幾
命公歷聘歐美諸國諸國人聞公威望久所至禮遇逾等忘我敗挫交
益睦親蓋公持國事四十餘年所與外國共事者皆一國之選今多物
故後之執事聞諸故老皆愛敬公及八國定盟京師其使臣大將多少

壯其視公皆丈人行也公舊望足相懾服故兵雖勝而不敢驕和議以此成益易公薨以二十七年九月二十七日壽七十有九公諱鴻章字少荃道光丁未翰林祖以上皆不仕父文安進士刑部郎中記名御史多隱德粵盜起治兵鄉里功未竟而卒三世

贈如公官御史與曾文正公為同歲生故公少受學曾公其用兵方略為國決大計處榮悴顯晦事成敗不易常度得於曾公者為多夫人周氏繼室趙氏公子經述毀卒經方經邁以二十九年二月十八日葬公合肥之東鄉大興集夏小影夫人趙氏附公始無恙時嘗以身後碑誌誣諉汝綸汝綸不敢忘銘曰

猗惟我公一國之命命屢瀕危恃公而振公之振之不卹險艱談笑談謫而盾之安已安忘危壞成使虧安成公忌危虧公毀誰毀誰譽視之亡如獨其闕聲荒遐憚驚苞禍在心逆折其萌讒口百車莫掩公功朝有顯命諡公曰忠公壽八十壯采故在浩氣雄心入土不壞埋詩幽宮永貞罔害

太子太傅肅毅伯文華殿大學士直隸總督贈太傅一等侯李文忠公

神道碑 吳汝綸

公諱鴻章字少荃晚自號儀叟世爲安徽合肥縣人姓李氏其本許氏也
曾祖椿祖殿華皆不仕考文安進士刑部郎中記名御史三世皆以公貴

贈如公官爵曾祖妣裴氏祖妣周氏妣李氏皆

贈一品侯夫人公少受業曾文正公之門道光丁未成進士在翰林有聲粵盜洪秀全據金陵呂文節公爲安徽團練大臣奏公自助江忠烈公巡撫安徽曾文正貽書江公稱公可屬大事其後將兵淮甸久之無所就乃棄去從曾公江西曾公旣克安慶且大舉東伐會江蘇闕帥朝廷諮訪曾公會公以公應而上海薦紳亦來皖乞援師於是公以福建延建邵遺缺道超授江蘇巡撫召募淮士六千五百人閉置西國汽舟中穿賊地二千餘里抵上海特起一軍天下所謂淮軍也是時三道出兵曾忠襄公直擣金陵左文襄公進規浙江公趨上海獨公功先成自上海誓師至克復蘇凡廿閱月大小數十戰所至望風靡公時時臨陣督戰曾文正自謂不及也蘇州旣克出境助平浙亂分兵爲金陵軍聲援金陵平

封一等肅毅伯及提兵北定流寇先後蕩平任柱張總愚等天下稱頌

淮軍公遂進位宰相

國家制相權在政府公與曾公爲相皆總督兼官非真相中外繫望聲出政府上政府亦倚辦二公公尤銳當天下大任雖權力有屬有不屬其遇事勇爲夷險一節未嘗有所諉謝退讓畏避也於是公數平大亂有威風以宰相總督兩湖嘗帥師一援陝西未幾代曾公總督直隸在直隸垂卅年所經畫皆防海交鄰大計思欲以西國新法導中國利用之以求自強一與亞洲權力既有不屬國勢積弱人才稀少拘學恣意妒毀必壞其成公忍詢負重不激不撓誹譽順逆榮辱一不顧問知強弱相形不一變革不克自振拔願積習難挽先其重要莫急兵備參校彼己常持和節尤加意育才同治十一年與曾公合疏選學童送往美國就學歲百廿人期以廿年學成歲歸百廿人爲國效用未幾中學而輟公爭不能得隨遣生徒分出就學英德法諸國前後踵相躡不絕及建海軍將校盡取才諸生中初在上海奏設外國學館及駐節天津奏設水師武備筦輪電報醫術諸學堂海陸諸軍又各自立學堂兵學寔盛卒以財權不屬不能大展端緒以竟厥功外國兵備歲糜數千萬吾政府初議倚公防海歲止四百萬其後不能如約

積十一年僅購鐵甲兵艦二艘海軍自此起初公所部淮士盡用外國
兵械後歷鎮南北皆設局製造聞歐美出一新器必百方營購備不虞
已而戶部奏立制限不令購船械及日本構兵艦礮新舊不敵以故敗
公嘗言國不可無備備具矣交願不可失其待遇外國客談笑嫚罵陰
陽圍開接其風采知爲蓋代英雄人也事隨以定英人馬加利在雲南
徼外被殺英使威妥瑪忿爭至下旗出都禍變岌岌公請自往之罕留
行遂召集俄德美法奧日本六國公使大會樂飲往來談讌親至英兵
船閱習海戰卒定議而歸法兵入越南公持和議朝野異論鋒起遂開
戰敵知公有備無一兵犯北海卒以交綏定和罷兵甲午朝鮮乞師定
亂遣將往日本聞之亦以兵至交相持不決公方設謀解紛難議者攘
臂言戰主謀者信之王師燿焉既敗

朝廷命公往日本議和遇刺幾死卒結約解兵紓國難未幾

命公使俄遂歷聘歐美諸名國自公始出治兵至是四十餘年國勢日
益傾外患日益侵逼公內固疆圉外交強鄰措拄艱困濟變振急五洲
交推與德相畢士馬克英相格蘭斯登并稱賢相奉

命遠使於是公年七十五矣國威新挫輿觀出疆所至君相不以勝敗

易慮敬禮有加邦交益固使歸

命掌外部已又

命督兩廣庚子亂民肇衅八國連兵內犯有

詔召公人行至上海道梗不得進敵禍益急

兩宮蒙塵公深入敵軍動遭檢制既至京如陷重圍孑然一老與七八

堅敵相抗年餘勅者卻軍還我京輦而公亦以勞瘁致疾不起及

車駕自陝還都公已不及見矣訃聞

行在震動再遣親王

賜祭道

贈太傅進

封一等侯諡文忠

賜銀五千兩治喪祀賢良祠本籍及立功各行省及京師皆建專祠子

刑部員外郎經述

賞四品京堂龔封一等侯工部員外郎經邁

賞四五品京堂旋

賞三四品京堂公初無子以弟之子經方爲子至是以記名道遇缺簡

放旋

賞四品京堂孫戶部員外郎國杰以郎中卽補國燕國煦以員外郎分部行走國熊國燾

賜舉人經述旋以毀卒夫人同邑周氏繼室夫人太湖趙氏先公卒側室莫氏

封一品夫人女一適同知濰縣郭恩一適四五品京堂前署都察院左副都御史翰林院侍講學士豐潤張佩綸一適主事宜興任德蘇公生平嚴事曾文正公出治軍持國事與曾公相首尾其忠謀英斷能使國重是非成敗不毫髮動心一秉曾公學會公薨後西國勢力益東注若倒瓶水不可遏止

國家一以故常待之公獨邁往競進導國先路雖眾疑莫隨而堅忍盡瘁外國望之如大廈一柱旣用西法勒習海陸軍設防旅順威海財政不已屬功用不成其興立招商輪船建設各行省電綫倡造鐵路開采唐山煤井漠河金鑛皆成績昭著與兵備表裏顧不肯開衅外國其交鄰機智能以弱勢驅策羣強使寢謀釋怨謂國有人任艱馭遠前古無有功高取忌性闊達喜謔諛忌者益眾公一不屑意居晦履險若無事

然生不盡行其志沒而無與繼軌以此

朝廷尤痛惜之公薨以光緒二十七年九月二十七日享年七十有九經方等將以二十九年二月十八日葬公合肥東鄉大興集夏小影前葬以書告汝綸曰先公曩以墓刻屬君今葬有日請踐諾乃爲銘曰國於瀛寰強力競存政法到今變古一新有拘不化岌乎危艱皇忱外患歲逾六十安其久故不艾益急篤生我公遠撫宙合橫身頽流挽使山立有舌燒城以國傾公公傾國危公徐正之公在眾忌公沒誰嗣最迹鏡解訊萬萬世

李文忠公別傳 朱孔彰

李公鴻章字漸甫號少荃安徽合肥人父文安官御史公其仲子也由道光丁未進士入翰林在京時以文受知於曾文正公因師事焉日夕過從講求義理經世之學洪楊亂起公在原籍贊巡撫福濟公及呂文節公賢基軍事時廬州已陷福濟公謀規復公建議先取含山巢縣福濟公授以兵遂克二縣時咸豐四年十二月也公知兵之名由是著福濟公將疏薦道員忌之者眾謗譏繁與公幾不能自立於鄉里八年曾文正公督軍入江西圍建昌公來謁見文正大喜留幕中明年文正使

弟國荃統領九營赴景德鎮助剿令公同往參謀軍事江西肅清文正督兩江公仍在幕府曉暢戎機應事如流水文正深倚之安慶旣克文正奏薦左公宗棠任浙江軍事奏薦弟國荃任江甯軍事奏薦公任江蘇軍事疏曰李某才大心細可獨當一面同治元年春公補福建延建邵遺缺道加按察使銜遂令招淮勇七千人赴上海時金陵賊盛九洑洲燕子磯賊屯林立租洋人輪船八艘渡兵公在安慶商於文正公遴選各軍驍將舊在廬州帶勇已有四將曰劉銘傳曰周盛波曰張樹聲曰吳長慶復於曾軍選得程學啟湘軍選得郭松林霆軍選得楊鼎勳諸將又奏調舉人潘鼎新編修劉秉璋派弟鶴章總營務師抵上海賊大驚以爲公從天而下公軍悉循曾軍營制營五百人壘高濠深士卒日夕數操出入有法度吳民以爲勦見四月

詔公署江蘇巡撫公並用洋將克嘉定青浦奉賢三縣又納降收南匯縣僞忠王李秀成糾黨二十萬犯上海屯營公親督諸軍大破之斬馘萬人會有

詔促公往鎮江會將軍都興阿之師進剿公奏言接督臣曾國藩書頗以進攻金陵兵單爲虞曾國荃亦言官軍止能圍西南兩面深溝高壘

以水師爲根本以江面爲糧路先自固以圖賊非增二萬餘人不能合圍臣查金陵城大而堅和春張國樑統師八九萬圍攻日久功敗垂成今蘇浙兩省徧地賊區黏連一片賊處處可進援尤與昔年情形迥異所恃楚師穩練較勝他軍賊數眾多未盡精悍曾國荃軍不及二萬不足合圍卽不能制賊死命此次李秀成等撲犯松滬負創而遯聞將連合杭湖賊眾赴救金陵臣急欲馳往鎮江就近援助無如原部陸軍僅數千人分兩處則均不得力專一路則尙可自立兵事重大臣何敢易言之也滬中官民向恃洋人爲安危乃援賊東來之先洋人分兵四出援賊大至之後洋人斂兵不動臣揆度夷情似非暗與賊通坐觀成敗實係懾於賊眾不敢向前若非臣親督兵將痛挫兇鋒患且不測以是知洋人不可專恃滬防必須自強臣忝任蘇撫旣不能棄滬中每月二十萬餉源之地又不敢緩鎮江上下游接應之師左右思維實無長策至滬上原有水陸兵勇簡汰整頓非臣親自部署不能鈐制所帶諸將中尙有勇敢樸實之材實少應變禦眾之選且資望皆淺未可令獨當一面臣斷不偏信吳中紳士之言貽誤大局惟軍事以得人心爲本臣之謏陋到滬稍繫軍民之望未便輕自移動遽失眾心曾國藩處似亦

無統兵大員可派來滬可否容臣將滬事辦妥移師出江抑臣更有言者馮子材等催臣前往實欲臣到鎮爲該軍籌餉未必爲進剿起見江北完善地方所出之餉專供都興阿一軍尙無缺乏而畛域已分江南止存鎮滬兩處每月僅能由滬分給三萬臣實深內愧馮子材尙能戰守而兵勇疲惰已非一日長江師船大半朽壞劫奪成風臣卽頡頏其閒止能自立一軍未便控制諸將若輕言整頓先失和衷之義若親軍太少亦無整頓之資此皆實在爲難情形臣不敢稍有徇隱疏入

詔緩鎮江之行六月會洋將華爾克金山衛於是上海松江大定七月克青浦八月僞慕王譚紹洸糾眾十餘萬再犯上海公督諸軍再大破之水師又攻賊澱山湖克蘆墟尤家莊盡平沿湖賊卡四江口屯營被圍危急公又督援軍擊破之先後斬級百餘滬防三次肅清奏入

優詔以公補江蘇巡撫二年正月授公兼五口通商大臣二月諸軍解常熟圍三月復太倉州城四月克崑山新陽殺賊三萬餘人生禽七千由是程總兵學啟進逼蘇垣合洋將水陸軍破賊四大壘僞納王郅雲官等八人殺僞慕王譚紹洸以城降公用程學啟密謀誅之十月二十七日公整部收蘇州省城捷奏入

賞太子少保銜黃馬褂公於是與洋將戈登商議奏裁常勝軍以節糜費與曾文正公合疏請減蘇松浮糧以甦民困

詔從之明年二月分軍至浙江境克嘉興府四月公親督軍克常州江蘇肅清

賞騎都尉世職時江甯城垂克

朝旨屢命公移得勝之師助勦公有讓功之意奏請先攻湖州克長興方議遣礮隊鎗隊助攻而曾公國荃克金陵捷書至公遂分軍令劉銘傳周盛波由東壩取廣德潘鼎新劉秉璋由松江攻湖州郭松林楊鼎勳由滬航海援閩未幾粵賊平公封一等肅毅伯明年五月曾文正奉命馳赴山東勦辦捻匪公奉

命暫署兩江總督公上疏云臣吳疆承乏三載於茲雖思竭慮以效忠竊愧過多而功少仰荷

酬庸曠典

異數疊加兄弟同列封圻將佐多膺專閫每念寇氛未靖時勢多艱輒互相儆戒恐有隕越致負

聖主倚畀之隆茲復

特降恩綸暫權督篆聞

命震悚日夜旁皇竊以臣籍隸安徽該省係總督兼轄例須迴避又兩江政務殷繁所屬蹂躪已久彫瘵萬分善後各事兵餉二端在在棘手誠如

聖諭任大責重微臣才智短絀非所克勝揣分量力必應籲請固辭惟親王僧格林沁剿賊陣亡捻氛日熾直東一帶失此長城中外震驚宵旰憂勞急盼曾國藩前往督師需人接替臣何敢拘泥常例引嫌避位致誤事機卽料理交卸馳赴金陵暫行接印此間善後如濬河興學撫卹勸農及常鎮招墾荒田上海通商洋務均次第辦有端緒藩司劉卣膏接護撫篆情形熟悉地方一切可無貽誤惟蘇境水陸防軍三萬餘人均已分布各隘又援剿福建之提督郭松林楊鼎勳兩軍共八千餘人援剿徐州淮揚之提督黃翼升劉銘傳周盛波臬司張樹聲道員吳毓芬等軍共二萬數千人除黃翼升李朝斌兩枝水師係曾國藩舊部餘皆由臣募練而成各軍餉糧軍火專指蘇滬稅釐經奏明在案統計每月餉需及製造采辦各項雜支額款將近五十萬而蘇滬稅釐及藩庫地丁牽算月入不足三十萬挪東掩西儘力湊濟雖前敵各營時

時匱乏呼號徒以恩義相維尙不至於譁潰臣獨心憂之是以迭次奉撥京餉義不敢辭甘餉迄難定數每月能解一萬已爲勉力臣非忍忍置西陲實迫於不容已也臣暫署督篆距蘇較近所有調度兵將籌畫餉需自當引爲己責隨時會商曾國藩照章悉心經理以期仰副宸廑旋奉

旨命公督軍河洛公奏言綜其大要約有三端一兵勢難遠分也我朝從前武功專恃兵力此次軍務全資勇力臣初至軍營習聞周天爵琦善向榮和春諸臣之議論皆謂綠旗弁兵馴謹而易調遣各省勇丁桀驁而少紀律其不得已而用勇就地招募隨時遣汰尙無甚流弊若遠調數千里外終必譁潰誤事成豐初年廣西所募潮勇最多向榮張國樑等帶赴江南沿途騷擾卒至十年三月金陵之變一潰而遂不可收拾矣自曾國藩江忠源胡林翼李續賓等勦練楚勇不用一兵蓋深知綠營廢弛已久習氣太深萬不足以殺敵致果而以楚將練楚勇恩信素孚法制嚴密又由湖南北轉戰江皖一水可通人地相宜是以歷久而能成功然李續宜唐訓方以楚勇勦淮北之捻劉長佑以楚勇勦直隸之騎馬賊均未大著功效則以離鄉太遠南北異宜勇性未能馴

服何能得其死力曾國藩兄弟有鑒於此故於金陵克復東南軍事將
竣卽將所部湘勇全數遣撤但屬臣暫留淮勇以備中原剿捻自係因
地制宜夫捻匪係皖豫東三省無賴糾合而成其隸皖籍者大都穎蒙
亳宿人皆在淮北臣隸廬州實在淮南所部淮勇則廬州六安安慶揚
州人居多皆濱江之處於長江上下防剿最宜軍士戰其鄉亦較得力
其情性風氣與淮北迥殊同治元年臣初由安慶赴滬湘勇以去路太
遠多不願從乃商之曾國藩就臣鄉里團練久戰之士選將束伍逐漸
添募如程學啟劉銘傳潘鼎新張樹聲周盛波等始僅爲營官帶數百
人耳嗣因打仗可靠各增募至數千人今遂爲淮勇最勁之兵究之用
於江淮南北千餘里內必可指揮如意若逐漸調於山東河南邊境尙
能勉強相從若遽遠赴河洛山陝並預備剿除京東馬賊甘肅回匪之
用水土不習誠恐遷地弗良勇心渙散不獨素食穀米驟改麥麩一端
爲可慮也且

朝廷期望於臣欲以西北軍事相屬不過以臣在蘇粗立戰功而臣亦
惟賴所部將士踴躍用命若令臣去平素慣用之健將勁兵不得隨行
臣復何能爲役會國藩籌設徐州濟甯周家口等處防軍皆臣部最得

力者臣若不調西行則聲勢不能大振若全調他往則東皖無以自立若另圖添募馬步而隨身先無親信可恃之兵勇必致敗軍償事而無裨於全局此兵勢不能遽分之實情也一餉源難專恃也凡欲滅賊必先治兵欲強兵必先足餉欲籌餉必先得人與地臣自咸豐三年至八年皆在皖北軍中竊見和春鄭魁士之軍戰陣頗勇旋因餉缺而潰袁甲三翁同書等繼之更因餉絕而敗卽十年江南大營之潰十一年浙江之陷皆由於糧餉斷絕官文胡林翼籌鄂餉以供東征曾國藩進圖江皖以江西湖南廣東釐金爲餉源左宗棠以浙餉辦閩浙之賊臣以滬蘇入款辦江蘇之賊皆能自我爲政轉輸不匱幸而戴事從古至今言兵事未有不先籌餉糈者也

諭旨慮及皖豫髮捻一日不除盛京甘肅勢難兼顧誠以捻滅而後騰出餉需非徒捻滅而後騰出兵力有餉則到處兵勇皆可用無餉則已成勁旅亦無用也陶茂林雷正綰均係多隆阿部下百戰驍將昔何勇而今何怯其一潰再潰之故可想而知曾國藩夏間奉

命勦捻臣忝署江督卽以後路籌餉引爲己任以安其心數月以來分屯豫東蘇皖千餘里湘淮兵勇四萬餘糧運供支源源接濟又兼籌蘇

松揚州留防各陸營長江外海各水師皖南北江南防剿遣撤各湘軍之餉雖以入抵出不敷尙多竭力勻撥幸無貽誤臣若奉旨西行現在前路剿捻後路分防各軍之餉尙無專責之人卽臣帶兵遠出餉源當出於何處籌餉當責成何人亦未蒙

聖明指示若無確然可指之款率眾前往必爲雷正綰陶茂林之續若非切實可靠之人維持後路亦無以安曾國藩與臣軍各將士之心臣嘗默籌熟計目今大患在捻與回自應先圖滅捻若以現餉養現兵約計河南可養戰士一萬五千山東可養戰士二萬安徽可養戰士一萬江蘇可養戰士六七萬湖北可養戰士四五萬各省督撫果熟諳韜略認真籌餉練兵使一兵得一兵之用通力合作勿存推諉爭忌之心則兵與餉可漸足一二年間可奏效若

皇上專派督勦大員而各督撫謂事有專屬或擁兵觀望或玩視軍需或勝則爭功敗則諉咎遂使客兵出境種種牽掣亦難必其收功之遲速矣臣若赴豫欲圖兜滅此捻必須多練馬隊以備沖突廣置車騾以資轉運需餉甚鉅豫中蹂躪已久力難供應若專指蘇餉目下蘇滬稅釐分供前敵淮軍已虞饑潰再添募馬步人數益眾道路益遠勢必不

支臣一經離任恐亦不能遙制此餉源不能專恃之實情也一軍火難常接濟也臣軍久在江南勦賊習見洋人火器之精利於是盡棄中國習用之擡鳥鎗而變為洋鎗隊現計出省及留防陸軍五萬餘人約有洋鎗三四萬桿銅帽月需千餘萬顆粗細洋火藥月需十餘萬斤均按月在上海香港各洋行先期采買陸續供支臣每親自料理又有開花礮隊四營一為潘鼎新帶往濟甯一交劉秉璋鎮守蘇州其副將羅榮光劉玉龍兩營為臣親兵現分守金陵城外之下關江東橋兩處江口緣洋人最重開花礮目下長江通商番舶來往奸人覬覦偵知有此利器可稍奪凶魄洋礮重者千餘斤輕亦數百斤其礮具之堅精藥彈之繁冗臣講求數年稍窺祕要他人多未及見更未與知臣既辛苦練成若出省督師必須酌量調往藉壯聲威惟礮隊所用器械子彈盡仿洋式所需銅鐵木煤各項工料均來自外國故須就近設局製造蘇州先設有三局嗣因丁日昌在滬購得機器鐵廠一座將丁日昌韓殿甲兩局移上海鐵廠曾經奏明欲再移設金陵附近濱江偏僻處所為久遠之計但事體繁重須有精心果力者主持其事方冀漸收功效臣若遠赴他省則礮局與鐵廠久必廢弛不但技藝不能漸精且慮工需多有

缺乏而臣軍接濟亦將有斷絕之時臣部將士皆已熟習洋器慣用剿賊設此後臨敵不能應手或遠道解運不及將若之何臣與洋將共事數年彼視軍火鎗礮爲行軍第一重大之事中國將領往往隔膜置之無怪軍威不能自振臣軍所向則以此爲命脈關係誠不敢輕以付託此軍火恐不能常接濟之實情也疏入

詔緩河洛之行時曾文正公督軍剿捻經年建築長牆圍制之策勅辦未成乞病解兵柄

朝廷命公接辦軍務

命曾文正回兩江本任六年五月公行抵河南歸德疏言查捻賊已成流寇偪之不流然後會師合剿原係殄賊上策明臣孫傳庭謂須驅之於必困之途取之於垂死之日如第一彼一此爭勝負於矢石之間卽勝亦無關於蕩平實爲勦辦流寇篤論自去冬十一月間奏稱須蹙之山深水復之處棄地以誘其入然後合各省兵力三四面圍困之亦是陰師其意本年三月左宗棠會國荃商就湖北襄河東岸白口地方設圍困賊五月間臣又擬就曹單豐碭黃河舊隄分段布紮冀蹙賊黃運之閒皆欲就地勢以圖兜圍無如賊蹤飄疾兵力未齊瞬息百變竟未

辦到茲賊既深入東境臣軍久役疲乏斷不敢謂蹙賊海隅之議遂有把握但與其任令長驅各省流毒無窮似不若誘令盤旋偏隅得辦且辦臣已密屬潘鼎新劉銘傳儘力追躡如果賊竄登萊我軍卽於膠萊咽喉設法扼逼使北不至竄入畿疆南不得蔓延淮南局勢自較緊湊臣並函商李鶴年酌調張曜宋慶兩軍進紮汶上運西開河一段英翰酌調張得勝黃秉忠程文炳各軍進紮宿遷至灘上運河西岸以備接應前敵張之萬酌調成子河防軍及淮揚鎮水師移防清淮及阜甯之射陽湖以杜窺竄裏下河之路六月公至山東濟甯州相度形勢以爲任賴各股皆百戰之餘兼游兵散勇裹脇之眾狡猾剽悍未可易視若兵力未足兜圍迫之過緊畫地過狹使其窺破機關勢必急圖出竄稍縱卽逝全局又非於是定策先防運河以杜出路次扼膠萊以斷咽喉山東巡撫丁寶楨一意欲驅賊出境與公意見不合七月捻突撲濰河山東守將王心安甫調防戴廟捻竟衝出膠萊之防遂潰是時蜚謗交騰

朝廷責備綦嚴有罷運防之議公覆奏以爲運河東南北三面賊氛來往竄擾官軍分路兜逐地方雖受蹂躪然受害者不過數府縣之地驅

過運西則數省流毒無窮同是疆土同是赤子未便歧視乃堅持前議
不少變於是劉銘傳在安邱濰縣之交大戰獲勝追至贛榆銘傳又與
馬隊統將善慶力戰陣斃捻酋任柱捻勢漸衰潘鼎新又敗賊於海州
上莊十一月劉銘傳唐仁廉等在濰縣壽光晝夜抄擊降捻遂多郭松
林楊鼎勳繼之無戰不捷劉銘傳等軍又追至壽光濰河斬獲幾三萬
人捻酋賴汶光落濰河未死復糾合千餘騎衝出六塘河防黃翼升劉
秉璋李昭慶等水陸馬步躡追斬殺過半賴汶光賸百餘騎南馳公留
淮勇在揚州守運河者禽斬之東捻平東蘇皖豫鄂五省一律肅清公
奏捷後附陳諸軍勦捻以來馳逐數省轉戰終年日行百里忍飢耐寒
憂讒畏譏多人生未歷之苦境方欲令諸將休息七年正月西捻張總
愚忽由山右渡河北竄直逼畿輔京師大震

詔切責公及河南巡撫李鶴年陝甘總督左宗棠直隸總督官文均奪
職山東巡撫丁寶楨率軍先至河閒

溫旨嘉獎公在濟甯奉

旨籌派各軍由東入直疏云各營追賊南下至歲杪正初始收隊回營
人困馬乏勞苦萬狀臣徧加撫循宣傳

德意靡不感激涕零挾纊同温惟劉銘傳適因傷病暫難遠征諸將亦多疲乏休養整頓實須時日以行軍常理而論本不宜操之過蹙致有蹉跌惟畿疆警報迭至必當提師赴援臣立即檄調總兵周盛波周盛傳等馬步十一營由徐州韓莊拔隊來濟會合藩司潘鼎新鼎字全軍及善慶温德勒克西馬隊陸續進發由東河渡黃後視何路有警即向何路截剿臣趕緊布置後路轉運糧餉軍火各事並催提督郭松林楊鼎勳整飭大隊隨後繼進附奏辦流寇以堅壁清野爲上策嘉慶初年川楚教匪辦理數十年卒賴此以收功即任賴捻股流竄中原數省畏圩寨甚於畏兵豫東淮北民風强悍被害已久逐漸添築圩寨深溝高壘到處與城池相等是以捻逆一過即走不能久停肆擾近年惟湖北陝西被擾最甚以素無圩寨籌辦不及賊得盤旋飽掠其勢愈張直晉向無捻患民氣尤爲樸懦未能築寨自守張總愚本極狡猾又係窮寇南有黃河之阻必致縱橫馳突無處不流百姓驚徙蹂躪詎有已時徒深浩歎且畿疆河北平原曠野古稱四戰之地無險可守辦流賊與辦守城踞寨之賊情形迥異流賊專於避兵守此則竄彼迎左則趨右交臂旋失情勢使然非盡兵將之不力也聞該逆自竄陝西北山後渡黃

入晉沿途擄獲騾馬愈眾步賊多改爲騎我軍騎少步多卽騎兵每人
不過一馬追逐病斃卽已無馬視賊匪每人可二三騎隨地擄添情形
則又迥異自古辦賊必以彼此強弱飢飽爲定衡賊未必強於官軍但
彼馬多而我馬少自有不相及之勢彼可隨地擄糧我雖隨地購糧賊
常飽而兵常飢又有不能及之理今欲絕賊糧斷賊馬惟有苦勸嚴諭
直隸山西河北紳民趕緊堅築圩寨一有警信收糧草牲畜老弱壯丁
於內旣自固其身家兼以制賊死命及今爲之亡羊補牢尙未甚晚若
待深受荼毒再議補築經費更難措籌如果十里一寨賊至無所掠食
兵至轉可買食賊雖流而其技漸窮或可剋期撲滅伏乞

皇上特頒訓諭諄飭地方官紳妥速籌辦實力奉行勿以空文搪塞於
軍務大局裨益匪淺時捻陷獻縣

詔恭親王會神機營王大臣總京師巡防侍郎李公鴻藻請派親王爲
大將軍李爲參贊

詔恭親王節制左李及諸督撫以左公總前敵諸軍令侍衛陳國瑞領
萬人隸神機營安徽巡撫英翰率師入援二月左公師次保定公至德
州

朝廷增命將軍都興阿管神機營豫軍張曜宋慶侍衛陳國瑞咸隸麾下四月公奏請以劉銘傳總統前敵淮軍
溫旨卽促起行使淮軍與直東民團沿黃河運河築長牆浚濠以蹙敵
揀派各軍輪替出擊更番休息其久追疲乏須暫休息之軍卽在運河
東岸擇要屯駐俟敵竄近立起迎擊以剿爲防又派豫軍張曜宋慶分
紮夏津高唐一帶皖軍程文炳紮陵縣吳橋一帶爲運防遮護左公亦
派劉松山郭寶昌等軍自連鎮北至滄洲一帶減河東岸分紮與楊鼎
勳等淮軍就近策應布置略定然後進剿五月捻股竄向西北各軍遮
擊疊次獲勝公乃趁黃河伏汎盛漲時縮地圍紮以運河爲外圍而就
恩縣夏津高唐之馬頰河截長補短劃爲裏圈逼賊西南層層布置五
六月間各軍迭次大捷賊勢衰蹙降散漸多張總愚旋向西南逃竄又
由平原向高唐潘鼎新追百二十里冒雨至高唐賊已向博平清平一
帶圖撲運河官軍早於馬頰河西北岸築長牆數百里足限戎馬賊方
訶知已入彀中竄地愈狹死期將至是時各軍以久追疲乏公乃派劉
銘傳新到生力馬軍助戰軍勢大振圍賊在徒駭黃運之間銘傳調集
馬步迎擊追剿數里值郭松林東來馬步全軍遮住去路又兼河道紛

歧水溜泥瀟捻無所掠食部黨解散數萬眾不知所之劉郭兩軍馬隊五六千人縱橫合擊禽斬無算張總愚赴水死西捻平

詔公協辦大學士晉太子太保八月公入

觀京師

兩宮垂詢公奏都興阿左宗棠與臣等始願皆不及此實賴

聖主鴻福

廟堂決勝於上神機營諸王大臣控制於中各省將士奔走效命於外臣何力之有焉

皇太后稱善曰也是爾等忠誠所感故能迅就蕩平公旋拜湖廣總督之

命又赴四川查辦教案又奉援黔之

旨命公伯兄湖南巡撫李瀚章署湖廣總督公未就道改奉

詔援陝九年六月自潼關啟行抵西安籌定周盛傳等北山剿匪事宜

七月天津教堂滋事

詔公移緩就急酌帶郭松林等軍剋日起程馳赴近畿一帶駐紮八月公抵天津教案遂結曾文正仍總督兩江公調直隸總督十一年五月

覆議製造輪船不可裁撤疏云臣竊惟歐洲諸國百十年來由印度而南洋由南洋而中國闖入邊界腹地凡前史所未載亙古所未通無不款關而求互市我

皇上如天之度概與立約通商以牢籠之今地球東西南朔九萬里之遙胥聚於中國此三千餘年一大變局也西人專恃其創礮輪船之精利故能橫行於中土中國向用之器械不敵彼等是以受制於西人居今日而攘夷曰驅逐出境固虛妄之論卽欲保和局守疆土亦非無具而能保守之也又言士大夫囿於章句之學而昧於數千年來一大變局狃於目前苟安而遂忘前二三十年之何以創鉅而痛深後千百年之何以安內而制外此停止輪船之議所由起也臣愚以爲

國家諸費皆可省惟養兵設防練習鎗礮製造兵輪之費萬不可省求省費則必屏除一切國無與立終不得強矣光緒元年因臺灣事變籌海防疏云茲總理衙門陳請六條目前當務之急與日後久遠之圖業經綜括無遺洵爲救時要策所未易猝辦者人才之難得經費之難籌畛域之難化故習之難除循是不改雖日事設防猶畫餅也然則今日所急惟在力破成見以求實際而已何以言之歷代備邊多在西北其

強弱之勢主客之形皆適相埒且猶有中外界限今則東南海疆萬餘里各國通商傳教往來自如麇集京師及各省腹地陽託和好之名陰懷吞噬之計一國生事諸國構煽實爲數千年來未有之變局輪船電報之速瞬息千里軍火機器之精工力百倍又爲數千年來未有之強敵外患之乘變幻如此而我猶欲以成法制之譬醫者療疾不問何症概投之以古方誠未見其效也庚申以後夷敵駸駸內向蒲海冠帶之倫莫不發憤慷慨爭言驅逐局外之訾議既不悉局中之艱難及詢以自強何術禦侮何能則茫然靡所依據臣於洋務涉歷頗久聞見較廣於彼已長短相形之處知之較深而環顧當世餉力人才實有未逮又多拘於成法牽於眾議雖欲振奮而未由易曰窮則變變則通蓋不變通則戰守皆不足恃而和亦不可久也又言近時拘謹之儒多以交涉洋務爲浼人之具取巧之士又以引避洋務爲自便之圖若非朝廷力開風氣破拘攣之故習求制勝之實際天下危局終不可支日後乏才且有甚於今日者以中國之大而無自強自立之時非惟可憂抑亦可恥有識者讀公之疏知公謀慮之遠也公在畿疆三十年晏然無事

朝廷倚之爲萬里長城當是時竭忠謀國所孜孜講求洋務前後勅辦者如設廣方言館於上海設機器製造局於江南上海天津設輪船招商局開煤鐵礦開漠河金礦勅建鐵路築旅順船塢設武備學堂於天津設織布局於上海設醫學堂於天津設電報局多購鐵甲船築船塢築洋式礮臺於大沽挑選學生赴美國肄業派武弁往德國學水陸軍械技藝籌通商日本派員往駐創設公司船赴英貿易凡所經營者皆遠大之謨皆中國應辦之事其效雖未盡著而其後終必驗也六年中俄議伊犁界俄國兵輪游弋北洋不敢近時駐山海關則有曾公國荃駐直隸樂亭則有鮑公超駐天津則有公淮軍名將劉銘傳潘鼎新皆在京周盛波周盛傳吳長慶等皆在北軍宿將勁兵猶不少也至八年法越肇釁

朝議飭籌畿防公覆奏臣練軍簡器十餘年於茲徒以經費太絀不能盡行其志然臨敵因應尙不至以孤注貽

君父憂是時公所以自信者實非虛語外人亦謂北洋海防鞏固非二十萬人不能攻旅順非四十萬人不能攻天津威海故俄法知難而返至光緒十九年公年已七十矣蒙

兩宮賜壽四方諸侯遠人皆來賀好事者繪圖以傳中外以爲榮然公不無隱憂

中興賢相如曾文正公謝世已廿餘年老成如左曾楊彭聯翩將帥少
有存者卽前督淮軍名將皆老死仁賢乏而空虛禍患伏於未萌而又
以兵端不自我開誤之明年三月遂有中日爭朝鮮之軍事機不順著
著落後初派水陸軍至牙山卽不利後陸軍潰於平壤海軍挫於大東
溝失旅順失威海師徒撓敗所喪寶多公於是威名大損無何

朝廷以王尙書文韶代爲直隸總督

命公講於日本二十一年二月公奏帶長子參贊李經方抵馬關與日
本全權大臣伊藤博文陸奧宗光開議公不肯少讓至第三次歸途遇
刺客以小鎗擊公面傷顛血滿袍服或見之曰此血所以報國公澗然
曰舍予命有益於國亦所不辭其慷慨忠憤之氣日人亦敬之時伊藤
陸奧躬詣慰問謝罪甚恭遂先將停戰節略畫押

朝廷聞之傳旨慰勞並派李經方爲全權大臣公雖創劇偃臥猶授事
機和議成請病假居京師十二月奉

上諭明年四月初爲俄君加冕之期派李鴻章爲正使前往致賀公謝

恩疏云臣以衰朽之餘年沐

生成之大德但蒙

驅策豈避險艱特以壇坫周旋既異兵爭之甚迫風濤簸蕩尤非老病之所宜非敢愛身惟虞辱

命乃荷

俯加勉勵令效馳驅

念其遠涉之勤

勛以邦交之重繹

訓詞之深厚真堪淪浹於髓肌願志力之衰頹猶誓捐糜於頂踵謹案禮記大夫七十有適四方之事孔疏卽指遠聘異國而言今合五洲強大之區儼同七國縱橫之局爲從來所未有實交際所宜隆況俄國本通聘最早之邦而加冕又異俗至崇之禮但有益於交鄰之道何敢憚夫越國之行臣惟有勉竭愚誠敷宣

德意期永敦於和好冀仰答於

恩知一息尙存萬程當赴阻重深於山海未改叱馭邛坂之心夢咫尺於

闕廷猶存生入玉關之望二十二年正月公

陸辭

皇上念垂老遠行

恩賞公子經述三品銜隨節出洋以便侍奉公又奏長子經方曾兼習西國語言文字嗣充駐英參贊游歷法德美各邦旋充出使日本大臣於各國風土人物往來道里均所熟諳臣年逾七十精神步履日見衰頹若得李經方同行則程途之照料賓客之酬應均可分勞

詔許一并隨行公致賀俄君加冕後歷聘德比和法英美各邦八月回中華復

命

兩宮召見慰勞有加九月奉

上諭大學士李鴻章著在總理各國事務衙門行走二十四年八月以外國交涉事

命公退出總理衙門十月奉

旨查勘山東河工旋授商務大臣總督兩廣及拳匪之亂七國聯軍迫京師

兩宮西狩公復拜議和全權大臣之

命於光緒二十七年七月議定和約十二款九月二十七日薨於京師之賢良寺年七十有九臨終未嘗口及家事惟切齒曰可恨毓賢誤國至此既而又長吁曰

兩宮不肯回鑾遂瞑焉長逝

行在政府得電報

兩宮震悼照大學士例賜卹予諡文忠追贈太傅晉封一等侯爵入祀賢良祠

賜祭兩壇又

命於原籍及立功省分及京師建專祠子經述四品京堂承襲一等侯爵經邁分部主事公少勵志節有不可一世之概以澄清天下爲己任在籍治團練時過巢縣明光店題壁詩云四年牛馬走風塵浩劫茫茫賸此身杯酒難澆胸磊塊枕戈試放膽輪困愁彈短鋏成何事力挽狂瀾定有人絲鬢漸凋旄節落關河徙倚獨傷神巢湖看盡又洪湖樂土東南此一隅我是無家失羣雁誰能有屋穩棲烏袖攜淮海新詩本歸訪煙波舊釣徒偏地槁苗待霖雨閒雲欲去尙踟躕公時從戎四載大

江南北偏地烽煙故聲情激越如此公平生篤於舊交輕財好義之舉不可更僕數克蘇州後入

覲京中故舊餞別各有所贈傾囊過十萬貫公非有意結納朝端示無當翰林時寒酸氣未始非豪傑所爲瑞安孫鏘鳴渠田先生道光丁未會試同考官公與沈文肅葆楨皆出其門公待渠田先生尤厚門生桐城吳汝綸摯甫有文行嘗優禮之公奏議遺集多其手編其接待常人往往有傲慢輕侮之容俯視一切惟事曾文正如嚴師執禮甚恭有不知其然而然者每日昧爽起案上有一宋搨蘭亭必臨摹百字案無留牘門無留賓飲食起居有恆處事當危疑震撼百折不回皆師法曾文正云

評曰李文忠所處實中國開闢以來未有之變局外患憑陵一蹶不振豈公所及料邪然跡其匆匆如畏之心畢生敬事曾文正而學有本原初平髮捻威震華夏後乃屈心抑志忍尤攘詬以濟時艱可謂難矣嗚呼可謂忠矣